

27.4.79




Ex Bibliotheca  
majori Coll. Rom.  
Societ. Jesu

. 13. 10. R 10 .

13.12.12.10 -

P.F.





13. 10. p 10  
F

COMMENTARIUS  
IOAN. TAVAR-  
DI, IVRISCONS. ET  
IN ANDEGAVENTSIUM ACA-  
demia iuris ciuilibis Profes-  
sorisq; eminentis-  
simi.



*De interdictis & actionibus,*  
VT NOVVS PLANE, ET DIVA  
multis multum expetitus;

ITA NVNC PRIMVM CORRECTIONE,  
tam in ipso contextu, quam in allegationibus, adhi-  
bita diligentissima, cum summariis in  
lucem prodit, opera

HERMANNI VULTIUM I.C.  
Marpurgensis.



Al. m. Coarctis

FRANCOFVRTI,

Excudebat Ioannes Saurius, impensis Petri Kopfi.

M. D C.

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

NOBILI ET MAGNIFICO VIRO Dn. IOANNI  
GEORGIO GODELMANNO I. C.  
præstantissimo Comiti Palatino nec non Electo-  
ratus Saxoniae Consiliario Domino & a-  
mico suo colendis-  
simo.



**R**æclare simul ac scite  
dictum illud esse, Spar-  
tam nactus es hanc or-  
na: vir Magnif. & Ampliss. res i-  
psa loquitur, dum omnes simul  
ad ea, quæ cuiusq; vocationi &  
officio propria sunt, non solum  
peragenda monemur, sed etiam  
exornanda instigamur. Nullus  
enim in vita humana ordo tam  
exilis est & abiectus, quem non  
amore, studio & labore exorna-  
tum, perpulchre ita florere con-

EPISTOLA

spiciamus, vt quo ardentius illud officium feruet, eo altiori in loco habitus, Deo & hominibus gratus extare videatur; vnde & Poeta.

*In tenui, inquit, labor, at tenuis non gloria, si quem  
Numina laua sinunt, auditq; vocatus Apollo.*

Etenim cum natura & æternus ille naturæ opifex ociosus nunquam fuerit, sed agēdo sese creaturis illustriorem reddiderit, ( id quod omnes creaturæ admirando modo celeberrime cōtestantur) hoc ipsum archetypus, homini tanquam imagini suæ indidit, vt studio ad exoratum diuinum auspiciū adhibito, functionis suæ fructum assequeretur pulcherrimum.

Hoc meditans, ne & ipse postre-

11

DEDICATORIA.

stremas in hac parte teneam, of-  
 ficii mei esse duxi, ut quo possim  
 studio omnibus, literatorio ta-  
 men præcipue ordini, in publi-  
 candis & exhibendis optimorū  
 quorumlibet authorum lucu-  
 brationibus, inscruiam. Id dum  
 ago, inter alia clarissimi & præ-  
 stantissimi Iurisperiti Ioannis  
 Tauardi Commentarius de In-  
 terdictis & Actionibus mihi in  
 manus nuper deuenit. Eum ut  
 ob multiugam auctoris lectio-  
 nem, eruditionem singularem,  
 ingenii quoque dotes non ob-  
 scuras meis expensis excudi  
 curarem, auctores mihi qui-  
 dam viri boni fuere. Quam ob-  
 rem honestis eorum consiliis  
 dees-

deesse minime volui, quin lubens dicto audientem me præstiterim. Quem autem patronum huic editioni pro more quærerem, dum penitius considero, causæ mihi sese obtulerunt non leues, quæ ut T. Magnif. & Amplitud. huius opusculi dedicatione proferrem, admonere.

Quarum prima quidem præcipuaque est, quod Magnif. & Amplitud. T. fauorem in me & meos singularem liquido satis hætenus expertus sim, eumque in posterum etiam factum rectumque Magnif. & Amplitud. T. velle, ex amicis cognouerim, spe bona fretus, me hac opera pari-

DEDICATORIA.

pariter Magnific. & Amplitud.  
T. in eadem erga me affectione  
retenturum, & susceptum in me  
ac meos fauorem aucturum.

Præstantissima deinde Magnif.  
& Amplitud. T. eruditio, cum  
prudentia singulari ac rara ex-  
culta, hanc dedicationem suo  
quasi iure sibi vëdicat, vt & opu-  
sculi, & mei in ipsum collocati  
studii & expensarum arbiter &  
iudex esses, & aut similes, aut  
meliores doctissimorum homi-  
num lucubrationes excuden-  
das mihi proponeres, atque ita  
simul in communem vtilitatem  
atque salutem publicam me-  
cum incumberes. Has rationes  
autem vt quidem honestas esse

EPIST. DEDICATORIA.

Magnif. & A. T. lubens fatebitur, ita non est quod dubitem, hoc meum studium eidem placitum. Quod itaque superest, etiam atq; etiam oro, vt Magnif. & Amplitud. T. me meosq; sibi commendatos habeat. Vale vir Nob. Mag. & Ampliss. ad Reip. incolumitatem integre diuque. Francof. ad Moenum prid. Id. Februar. Anno salutis 1600.

*N. M. & Ampl. T.*

*Addictissimus*

*Petrus Kopffius ciuis &  
bibliopola ibidem.*

HER-





HERMANNVS VVL-  
TEIVS IVRISCONSVLTVS PE-  
tro Kopffio Typographo apud no-  
bile Francofurtum indu-  
strio S,

**E**mitto tibi, mi Kopff, quas le-  
gendas mihi superiore seme-  
stri misisti pagellas manuscri-  
ptas, commentationes, in-  
quam, Ioannis Tauardi Iu-  
risconsulti, iurium olim in Academia Gal-  
lorum, quae est Andegavi, professoris.  
Quaris, quod meum de illis sit iudicium;  
Mallem equidem misisses alii, cui est de scri-  
ptoribus istiusmodi iudicandi, quam mihi  
& facultas maior, & voluntas pronior.  
Arrogare enim mihi non ausim id, quod à  
me efflagitas; certe si possim, nolim, cum  
sciam, quam sit hoc periculosum: & vere  
quisque habet, quod sequatur, etiam pru-  
dentissimo alias & oculatissimo incognitum,  
idque rectum, tametsi huic non usquequa-

que expeditum. Ita nihil est ex omni parte beatum, & quisque suos patitur manes. Si capita accersas, tot sententias habeas.

Nosti illud Apostoli in rebus Divinis, non omnes ex aquo superadificare, curum alios, alios stipulam, sed suo die omnia patefactum iri.

Post iurisprudentiam in Occidente restitutam, dum hac studia ego tracto, suspexi semper Azonem, & adhuc suspicio. Unde multarum rinuli in hac latifundia nostra, quin & ipsius Accursii optimi. Nihil vere nunc dicitur, quod non dictum sit prius. In modo dicendi multum interest: quo fit, ut quod nunc dicunt multi, plerique putent esse ab eo, quod dictum est, aliud, in quo falluntur. Cuiacium miramur, & id quidem magno ipsius merito: sed quid habet, quod non habeat Azo, Accursius, Bartolus & alii? Verba sunt alia, ratio docendi alia, res eadem prorsus, nec quidquam scio. quid novi nobis dederint Cuiacius, Hotomannus, Donellus, Cötius, Vesembecius, et qui ante ipsos fuerunt Duarenus, Goucanus, Baro, ut de aliis, quos Hispania, Italia, Gallia & Germania nostra nobis dedit affatim, nunc nihil dicam.

cam. Utinam non sint nonnunquam posteriora deteriora prioribus. Sunt qui omnia elegantius restituta putent hoc seculo. & certe in plerisque hoc ita est: Sed habent secula superiora multa constituta multo rectius, quae res examen magnum desiderat, in quod utinam conferrent viri, qui nunc sunt undequaque doctissimi, suam operam potius quam in triuilia nonnulla, sed hic labor, hoc opus est pauci quos equus amauit, Ille DEVS, aut ardens euexit ad aethera virtus Diis geniti potuere. Non omnes collimant aequae prope ad scopum, quem habent sibi propositum, quod apud tuos in exercitiis typographicis, ut ne quid dicam de aliis, vides quotidie.

Idem mi Kopfi, accidit & aliis, sed ut quisque habet suum premium, ita & laudem suam quisque meretur, qui de iure commentatur, tametsi non omnes eandem. Fiducia sui multi sua ipsi in publicum emittunt, quibus illud, iacta est alea, & hi si quid secus faciunt tam non videntur excusationem habere. At quorum labores ab aliis extruduntur, forte ab auctoribus ipsis damnati, hi veniam merentur. Quare Tauardus tuus, cui

ius fortasse mentem nunquam subiit hasce  
commentationes suas in lucem emittere, si  
non peraque placuerit omnibus, placebit ta-  
men multis, qui tametsi non summo, aliquo  
tamen loco ipsum in sua bibliotheca sunt ha-  
bituri. Multa reperi mendose scripta, quæ,  
quantum diuinatione interdum assequi po-  
tui, reposui, non pauca vere etiam desideravi  
in Commentario, qui est de Interdictis: ple-  
nior est ille de actionibus, in quibus quadam  
reperi accuratius & elegantius tractata,  
quam sit factum ab aliis: quamuis sint qua-  
dam, in quibus ad DEOS illos maiorum  
gentium iurisperitos non ascendat. Medi-  
cinam adhibui, quantam per occupationes ho-  
ris succi suis potui, & eodem labore in gratiam  
lectoris summaria, prout nunc fieri solet, ad-  
didi, ne de eodem tibi esset elaborandum apud  
alium, quem fortasse hæc opera magis decuis-  
set, in arbitrio tuo est, quid de Tanardo illo  
tuo excudendo statuas. Erunt, qui putabunt  
scholas iuridicas eo carere potuisse, quibus non  
refragabor admodum, concedet mihi tamen  
& hoc prodiisse iam multa, quibus carere po-  
tuissem rectius, & vere multa hic inuenient  
Critici, quæ ante hac non animaduertent.

Trahit

*Trahit sua quemque voluptas. Non igitur  
dissuaserim ut sicuti multi alii boni auctores  
prala tua haecenus tenuerunt occupata, ita  
& Tauardus iuris pralis tuis sit laboriosus.  
Non dubito fore, qui hoc recte factum dictu-  
ri sint. Tu interim, mi Kopfi, de literis bene  
mereri perge: ita & nomen tibi erit immor-  
tale & res magna. Vale & me tui esse aman-  
tissimum omnino tibi persuade. Marpurgi  
a.d. XX. Ianuarii post natum Christum anno  
M. DC.*

IOAN-


Handwritten text in a cursive script, likely a letter or a page from a manuscript. The text is arranged in several lines, though the handwriting is very faded and difficult to decipher. It appears to be a formal or semi-formal document.

Continuation of the handwritten text, showing more lines of cursive script. The ink is light, and the paper shows signs of age and wear.

Further lines of handwritten text, maintaining the same cursive style. The text is sparse and difficult to read due to fading.

The bottom section of the page, containing the final lines of handwritten text. The script is consistent with the rest of the page, though the ink is nearly illegible in many places.









IOANNIS TA-  
VARDI IVRISCONSULTI  
AD TITVLOS CODICIS ET DIGE-  
storum, qui sunt, DE INTER-  
dictis Commen-  
tarii.



AD RVBRICAM.

SVMMARIA.

- 1 Interdictorum definitio.
- 2 Interdicta sunt actiones possessoriae.
- 3 Interdictorum notatio.

**I**nterdicta sunt † formæ atque con-  
ceptiones verborum, quibus prætor  
iubet aliquid aut fieri prohibet, tran-  
quillitatis conseruandæ causâ, inte-  
rim, hoc est, donec lis proprietatis terminata  
sit. Itaque † quia ille qui interdicat, hoc est, In-  
terdicto experitur, vocat reum in ius fere sem-  
per, ratione possessionis duntaxat, Interdictum  
vocatur, actio prima, actio possessoria siue a-  
ctio possessionis & actio stricte sumpta, quæ se-  
qui solet interdictum vocatur actio petitoria,

§. 1. & §. retinenda, Institut. de interdict. leg. 1. C. si per vim, & c. l. ult. C. quorum bonorum. l. alterius. D. de Aqu. pluui. arcend. l. 3. D. ad exhibend. l. 1. & 3. D. quod vi aut clam l. 3. tit.

- 3 Dicuntur ergo interdicta † triplici ratione, tum, quia interim dicta sunt, tum quia inter duos dicta, §. 2. Instit. de interdict. tum quia sunt prohibitoria vel expressum prætor prohibente vel tacite. Nam in restitutoriis & exhibitoriis Interdictis Prætor tacite censetur prohibere, ne vis fiat ei, cui res exhibita est, aut restituta, *vr patet ex c. 1. D. Ne vis fiat ei, qui in possess. miss. est.*

*L. 1. Imper. Alexand. A. Euocato.*

Cum proponas, radicibus arborum in vicina Agathangeli area positis crescentibus, fundamentis domustux periculum afferri; præses ad exemplum interdictorum, quæ in albo proposita habet prætor, *si arbor in alienas ades impendebit. item, si in alienum agrum impendebit*, quibus ostenditur nec per arboris quidem occasionem vicino nocere oportere, rem ad suam æquitatem rediget. P. P. Kalend. April. Iuliano II. & Crispino Cols. 225.

#### SUMMARIA.

1 *Lex Solonis de plantatione arborum.*

2 *Quid*

- 2 *Quid iuris sit arbore intra legitimum interuallum plantata.*
- 3 *Arbor intra nō legitimum interuallum plantata protinus excindenda est.*
- 4 *Hac constitutio Alexandri exemplum suppeditat Interdicti prohibitorij.*

**L** Ege Solonis † apud Athenienses cautum<sup>1</sup> erat, ne arbores iuxta prædia vel ædes vicini plantarentur, nisi certo spacio & interuallo, de quo Plutarchus in Solone & l. vltim. D. finium regund.

Quapropter aut plantata est arbor legitimo interuallo relicto, aut non relicto: Illo casu †<sup>2</sup> arborem excindere non cogitur dominus, nisi certum sit maximum damnum inde imminere ædibus vicini; quia radices latius creuerant quam communis arborum natura ferat. Nam tunc arbor à radice excindetur, *hac l. i. ex constitutione Imp. Alexandri*, argumento eorum quæ notantur in l. i. D. de arbor. cadend. in qua lege quia arbor, quæ per occasionem ramorum impendentium in alienum agrum aut in alienas ædes nocens excinditur, æquum similiter visum est, vt si noceat ratione radicum extirpetur, quia vbi est eadem ratio idem ius statuitur, *leg. illud. D. ad l. Aquil.*

Secundo casu, † id est, quando legitimum<sup>3</sup> interuallum non est relicto, statim arbor est excindenda, quia lege prohibente est plantata.

- 4 Est autem hoc interdictum † prohibitorium quia prohibetur. Ne vis fiat ei, qui arborem, quæ ædibus suis nocet, exscindere conatur, d.l. 1.D.de arbor.cadend.

*L.2.Impp.Valerianus & Gallienus  
AA. Messia.*

- 7 Præses provincie in eum, qui eiusdem provincie non est nec ex interdicto potest cognoscere. P.P.VII.Kalend. Maii, Seculare & Donato Cofs.261.

SUMMARIA.

- 1 Ius non dicitur in eum, qui non illius territorij.
- 2 Res iurisdictionem facit competentem, qua respectu persone erat incompetens.

- 1 PRÆSES provincie † non potest ius dicere in eum qui sui territorij non est, etiam possessionem duntaxat rei controuersæ & litigiosæ eripiendo l.fn.D.de iurisdic. Nisi † res litigiosa  
2 sit in eius territorio sita, l.vnica.C.vbi de posses.agi oport. & l.final.C.vbi in rem act.exerc.debeat.

*L.3.Impp.Diocletianus et Maximianus AA.  
& CC.Pompeiano præfecto  
prætorio.*

Incerti iuris non est, orta proprietatis & possessionis lite, prius possessionis decidi oportere quæstionem competentibus actionibus, yt ex hoc, ordine facto,

facto, de domini disceptatione probationes ab eo, qui de possessione victus est, exigantur. Interdicta autem licet in extraordinariis iudiciis proprie locum non habent, tamen ad exemplum eorum res agitur. Subscripta Kalend. Ianuar. Sirmii, ipsis AA. Cos.

## SUMMARIA.

- 1 *Controuersia de re aliqua oborta curandum est, ut interim pars altera possessionem habeat.*
- 2 *Conferuntur inter se possessoria ex ratione possessionis alteri danda.*
- 3 *Odiosi sunt sibi ipsis ius dicentes.*
- 4 *Etiā fur & prado spoliati ante omnia restituendi sunt.*
- 5 *Quatuor Interdictorum formae enumerantur.*
- 6 *Interdicta rei familiaris causa comparata in duplici sunt differentia.*
- 7 *Interdicta triplicia sunt, adipiscenda, retinenda & recuperanda possessionis.*
- 8 *Cumulatio actionum ex diuersis causis ad diuersos fines permissa est.*
- 9 *Cumulatio actionum permittitur, si ad diuersos fines tendat ex eadem causa remota, sed diuersis propinquis.*
- 10 *Cumulatio actionum permissa non est, si nascantur ex causis diuersis spicialibus, ad eundem finem tendentibus.*
- 11 *Cumulatio actionum permissa non est ex diuersis*

*causis specialibus contrariam cōclusionem habentibus.*

- 12 *Cumulatio actionum permissa est, si sint ex diuersis causis ad eandem rem, sed ad diuersa iura.*
- 13 *Petitorium & possessorium adipiscenda cumulari potest.*
- 14 *Petitorio instituto, rediri potest eo omisso ad possessorium.*
- 15 *Possessorium terminandum est ante petitorium.*
- 16 *Petitorium & possessorium retinenda cumulantur recte.*
- 17 *Contraria allegans non est audiendus.*
- 18 *In rem acturus inquirere debet an aduersarius per se vel per alium possideat.*
- 19 *Per falsam demonstrationem rei veritas non immutatur.*
- 20 *Possessio pendet ex animo possidentis.*
- 21 *Dominus possidens quidem, sed non pacifice, habet rei vindicationem.*
- 22 *Possessio interdicti est proprietas vindicationis.*
- 23 *Rei vindicationis petitio siue conclusio duplex est.*
- 24 *Possessorio ab vno, petitorio ab altero proposito possessorium prius est definiendum.*
- 25 *Petitorium & possessorium recuperanda cumulari possunt.*
- 26 *Spoliatus tametsi prado ante omnia restituendus est.*
- 27 *Nisi patiatur petitorij causam tractari.*
- 28 *Nisi petitorium prius institutum sit.*
- 29 *Nisi spoliator de iure suo in continenti doceat.*
- 30 *In interdictis lis est contestanda.*

- 31 *Actio ad exhibendum summaria est.*  
 32 *Et tamen litis contestationem desiderat.*  
 33 *Interdicta olim haud absimilia fuerunt actioni-  
 bus ordinarijs.*  
 34 *In interdictis etiam formula & conceptiones ver-  
 borum observabantur.*  
 35 *Notatur triplex modus agendi civiliter.*  
 36 *Possessionis commodum, ut relict ab onere pro-  
 bandi.*  
 37 *Nisi contra possidentem fiat praesumptio.*

## COMMENTARIUS.

**P**lerumque contingit, ut † Iudex cognoscens  
 de lite priuatorum non possit celeriter de  
 proprietate & dominio certior fieri rei litigio-  
 sae, propter difficultatem probationum & sub-  
 terfugia litigatorum, adeo ut plerumq; lis diu-  
 tissime pendeat, inter quas litis moras ob pos-  
 sessionem & fructuum perceptionem plerum-  
 que existunt ingentes controuersiae: quibus ut  
 obuiam eatur, æquissimum esse praetores arbi-  
 trati sunt, Iurisperiti & Impp. ut interim au-  
 ctoritate Iudicum alteruter litigator possideat  
 pacifice & tranquille, *l. æquissimum. D. de usufruct.*  
*& l. iuste possidet. D. de acquir. poss. l. non & singulis.*  
*D. de reg. iur.* Et haec est ratio, quare orta pos-  
 sessionis & proprietatis lite prius possessio sit ter-  
 minanda, ut in hac lege dicitur, & in *l. ordinarij,*  
*C. de rei vend.* Quae ratio † sola locum habet in  
 Interdicto adipiscendae possessionis, de quo in  
*l. ult. infr. quorum bonorum.* At in Interdicto reti-

nendæ ultra illam rationem altera ratio vi-  
 get, nempe impossibilitatis, vt ita loquar. Nam  
 quando inter litigatores est controuersia, vter  
 eorum possideat, quia vterque possessorem se  
 esse asserit, & vtriusque possessionis vestigia ap-  
 parent, quia alter fundum coluit, alter fructus  
 percepit, inter litigantes expediri lis aliter non  
 potest, nisi prius magistratus pronunciauerit,  
 vter magis in possessione conseruandus sit, vt  
 ad alterum onus probandi transferatur, *l. inter  
 litigantes, D. de Indic. l. exitus, D. de acquir. poss. & §.  
 retinenda, Inst. de interdict.* In interdicto recupe-  
 randæ possessionis altera etiam ratio primæ ad-  
 iungitur, nempe odium spoliatoris. Nam † lex  
 detestatur regulariter eos, qui sibi ius dicunt,  
 non expectata magistratuum auctoritate, &  
 præsertim eos, qui vi aliquem è possessione ex-  
 pellunt, tanquam pacis publicæ perturbatores  
 & seditiosos. Quapropter etiam † si ciuilitè  
 interdicto recuperandæ possessionis fur aut  
 prædo experiatur, nihilominus tamen ante o-  
 mnia restituetur, *l. si de vi, D. de interdict. leg. 1. §. si  
 prædo, D. de depositi. l. 1. §. si a me. leg. Colonus. l. cum  
 fundum, D. de vi & vi arm. l. extat. D. quod met. cau-  
 sa.* Tamen priusquam ad hanc interdictorum  
 materiam accedamus nosse oportet, quatuor  
 † esse † interdictorum formas & species quæ ex-  
 plicantur in *l. 2. D. de interdict.* Nempe quædam  
 esse interdicta pro vtilitate publica tuenda pro-  
 posita, vt ne quid in loco sacro, via publica, loco  
 publico, aut flumine publico fiat. Quædam of-  
 ficiis



ficii tuendi gratia, vt de libero homine exhibendo: Quædam iuris sui conseruandi causa, quod in patrimonio non consistit, vt interdictum de liberis exhibendis aut vxore exhibenda: Quædam rei familiaris causa comparata, sunt, & hæc sunt † iterum duplicia. Nam quædam proprietatis causam habent admixtam, de quibus postea dicetur. Quædam solam possessionis causam complectuntur. Et † hæc sunt triplicia: nempe vel adipiscendæ possessionis, vel retinendæ. vel recuperandæ. Et quia hic agitur de cumulatione petitorii & possessorii, notandum est, plures † actiones & plura remedia aliquando ex diuersis omnino causis prodire, & ad diuersos fines tendere, & tunc eorum cumulatio etiam in eodem libello recipitur, *l. si idem. D. de iurisdic.* Aliquando † plures actiones nascuntur ex eadem causa remota, sed ex diuersis causis propinquis & harum coaceruatio recipitur, si ad diuersos fines tendunt, vt in *l. si profure, in §. 1. D. de condict. furt.* Nam illic actio furti & condictio furtiua nascuntur ex eodem fonte remoto, hoc est ex furto, sed ex diuersis causis propinquis, quia condictio furtiua ex dominio actoris nascitur, soli enim domino competit, *l. 1. D. de condict. furtiua.* Actio furti nascitur ex eo, quod interest actoris rem non esse subreptam, & possunt simul exerceri, quia actio furti pœnam petit quadrupli, vel dupli; Condictio furtiua solam rei restitutionem. Aliquando † plures actiones nascuntur ex eadem causa re-

- motā, sed ex diuersis causis specialibus, sed tendunt ad eundem finem; & earum coaceruatio non admittitur, *l. 1. C. communia de leg. l. cum filius*
- 11 *in §. variis. D. de legat. 2.* Aliquando † plures actiones ex eadem causa remota procedunt, sed ex diuersis causis specialibus, & contrariam habent conclusionem, quo casu cumulatio non admittitur, neque vna electa ad alteram perueniri potest, quia allegans contraria non est audiendus, *l. 1. C. de furtis.* Aliquando † contingit, vt plura remedia ex diuersis causis nascantur, & ad eandem rem assequendam competant, sed ad diuersa iura: & tunc cumulatio admittitur, id est eorū remediōrū in vno libello coaceruari; vt hac lege tertia probatur, vbi orta est simul proprietatis & possessionis lis & causa. Nam proprietatis & possessio diuersa sunt iura, *l. 1. C. an eadem, in §. vlt. D. de except. rei iudic. & leg. 1. D. vti possidet.* Quapropter in hoc interdictorum tractatu, sequentes Regulæ sunt obseruandæ.
- 13 Prima regula est. † Petitorium & possessorium adipiscendæ possessionis possunt simul in vno libello, ab eodem proponi, quæ cumulatio dicitur: & eodem iudicii ordine exerceri, eademq; sententia terminari, si litigatores hoc velint. Et ita intelligendum est, *cap. cum dilectus, extr. de causa posses. & propriet.* Quod si actor velit prius discuti possessorium audietur, *l. vlt. infr. Quorum bonorum, & l. 1. C. de Carbo. edito.* Et sententia super possessione lata, nullum adferet proprietati præiudiciū, contra tamen. Nam  
 si sen-

si sententia prius super proprietate esset lata, possessorium censeretur extinctum, *l. post sententiam. C. de sententijs.*

Secunda regula. † Si aliquis petitorio egit, 14  
deinde petitorio suspenso possessorio adipiscendæ agat, recte agit, & possessorium prius est terminandum. Nam si hoc recipitur in interdicto retinendæ, *vt patet ex leg. naturaliter, §. nihil causa. D. de acquir. possess.* multo magis recipiendum est in interdictis adipiscendæ possessionis. Neque huic secundæ regulæ repugnât sequentia argumenta in primis *Authen. qui semel. C. quomodo & quando iudex.*

Nam verum est cum qui semel actionem proposuit eam nō debere differre cum damno aduersarii, quando alteram actionem proponit huic dissimilem, aut non desistit à lite, *iuxta leg. destitisse, D. de iud.* Aut vexandi aduersarii causâ litem differt, alioqui ex iusta causa potest actionem semel propositam differre, & commodiore ac breuiore via agere, quando tantum abest, vt actio prius mota inde impediatur, vt potius ordinetur & instruatur.

Tertia regula. † Quando petitorium ab vno 15  
proponitur & possessorium ab altero, siue eodem fere tempore, siue diuersis temporibus, possessorium est semper præferendum, tanquâ breuius & celerius remedium, quia non debet actori licere quod reo non liceat, *l. vlt. C. de fruct. & l. non debet. D. de regul. iur.* Præterea lex generaliter loquens generaliter est intelligenda, nisi specialis

specialis ratio diuersitatis subsit, quæ restringat  
*l. 1. in §. generaliter. D. de legat. prastand.* At hæc *l. 3.*  
 generaliter loquitur, ergo generaliter est intel-  
 ligenda.

- 16 Quarta regula, †Petitorium & possessorium  
 retinendæ possessionis possunt ab eodem si-  
 mul proponi, aut eodem tempore, aut etiam  
 diuersis, sed necesse est, vt possessorium priore  
 loco discutatur, aliter inter litigantes his pro-  
 prietatis expediri non potest, *l. naturaliter in §.*  
*nihil commune. D. de acquir. posses. §. retinendæ de in-*  
*terdict. & leg. inter litigantes D. de indic.* Tamen  
 communis opinio (quam vsus forensis sequi-  
 tur) cōtrarium sentit, hac ratione impulsæ, quæ  
 17 talis est. Allegans † contraria non auditur, *l. 1. C.*  
*de furtis.* Sed ille qui agit petitorio & possesso-  
 rio retinendæ simul, vel postea, est sibi contra-  
 rius. Nam quia petitorio agit fatetur se non  
 possidere, & asserit aduersarium possessorem,  
*iuxta ea quæ notantur in l. 1. C. de Alien. iud. mutad.*  
*causa fact.* Et quia interdicto retinendæ experi-  
 tur, asserit se possidere & sic modo ait, modo ne-  
 gat in eadē re. Altera ratio, qua mouetur com-  
 munis opinio est, quia actio in rem nunquam  
 possessori datur pro re corporali, *l. 1. in §. hoc in-*  
*terd. D. vt possidetis,* Quapropter Dd. vt istis dua-  
 bus p̄cipuis satisfaciant rationibus & §. *nihil cō-*  
*munne,* cum illis rationibus concilient, varias ad-  
 ferunt solutiones & distinctiones post Accurs.  
*in d. §. nihil commune.* quas tanquam verborum  
 plenas & rerum inanes vsus forensis repudians

vt notat Pappolib. 8. Arrestor. tit. 13. Is siquidē qui  
 † experitur non debet temere aduersarium in 8  
 ius vocare sed diligentissime debuit inquirere  
 an aduersarius possessor sit, an verō ipse per ali-  
 as personas possideat. *l. qui petitorio, D. de rei vin-*  
*dic.* Alioqui suæ negligentiae imputaturus; non  
 enim negligentibus subuenitur. *leg. non enim. D.*  
*ex quib. caus. maio.* Quapropter qui petitorio se-  
 mel egit, possessorio retinendæ tacite renuncia-  
 se censetur. Neq; his obstat *l. cum falsa. C. de iur.*  
*& fact. ignorant.* vbi dicitur † falsam per demon- 19  
 strationē substantiā veritatis minime immuta-  
 ri. Nā id verū est, nisi veritas pendeat ex animo  
 litigatoris, vt in nostra specie. Nā possessio ex a- 20  
 nimo possidentis pendet: & si replicatur ex his  
 quæ notantur in *l. mater decedens. D. de inoff. testa.*  
 Sed responderi potest in nostra specie errorē iu-  
 stū non esse. Ego vero post *Æmil. Ferretū in d. l.*  
*naturaliter. §. nihil cōmune.* dico † vnūquemq; do 21  
 minū rē suā vindicare posse etiā si possideat, si ta-  
 mē pacifice nō possidet, qā turbatur in posses-  
 sione sua & p sententiā iudicis diffinititiā potest  
 petere, vt declaretur dominus rei litigiosa; quæ  
 declaratio maiorem illi fructum afferet, quā si  
 interdicto retinendæ possessionis duntaxat age-  
 ret. In interdicto .n. sola † possessio in vindica- 22  
 tione proprietas vertitur, id est indicatur *l. et an*  
*eadem causa, §. vlt. D. de excep. rei iudic.* Quia † vin- 23  
 dicatio duas habet cōclusiones: Prima est vt a-  
 ctor declaretur dominus. *leg. ex diuerso, §. 1. D. de*  
*rei vindicat. & l. Pomponius, D. de procuratoribus.*

Et

Et hoc non repugnat possessioni agentis; altera conclusio est, vt possessio restituatur cum fructibus perceptis, quæ conclusio repugnat interdicto vti possidetis. Quapropter est prætermittenda ab actore qui adhuc possidet, licet in possessione turbetur. Non ergo Paradoxa est decisio *d. §. nihil commune.* quo §. statuitur, vt qui prius petitorio egit, eo pendente ad possessorium retinendæ peruenire possit. Neque obstant duę rationes adductæ, in primis ea, qua dicitur, Allegantem contraria non esse audiendum. Nam actor petens se declarari dominum & possessionem retinere, pugnancia non proponit, vt modo dictum est, multo minus obstat secunda ratio.

Nam etsi verum est possideti dari actionem negatoriam, hoc est eam, per quã negatur rem alterius esse, *§. aque, versi. quod genus act. Institu. de actionibus.* tamen non negatur, quin detur actio possessori per quam declaretur dominus. Itaq; quod dicitur *in l. 1. in §. hoc interdicto. D. vti possidet.* est supplendum ex illo versicu. *quod genus actionis.*

- 24 Quinta regula: Si † petitorium ab vno proponitur & possessorium retinendæ ab altero siue eodem tempore siue postea, possessorium retinendæ prius est discutiendum, & petitorium interim pendere debet, propter duas rationes superius adductas in interdicto retinendæ. Item quia ille, qui petitorio egit debet abstinere à vi, quæ iudicio prorsus est contraria, pro vt docet

docet Cicero in oratione pro Cecinna, & ita v-  
sus obseruat vt ait Papa *tit. 13 lib. 8. arrestorum.*

Sexta regula. Petitorium † & possessoriū re- 28  
cuperandæ possunt ab vno & eodē simul pponi:  
possūt et pponi diuersis temporib. Nā qui egit  
iudicio proprietatis potest eo pendente posses-  
sorio recuperandæ experiri. Potest etiam ab v-  
no proponi petitorium & ab altero posses-  
sorium recuperandæ, sed possessorium prius est  
terminandum. Nam † spoliatus ante omnia est 26  
restituendus, licet sit prædo: cuius tamen regu-  
læ nonnullæ sunt exceptiones. Prima est, si † 27  
spoliatus patiatur vtrumque iudicium eadem  
sententia terminari. Secunda est, si † iudicium 28  
proprietatis erat fere absolutum, & interdicto  
recuperandæ agens de industria hoc proposuit,  
vt moras iudicio proprietatis neceretur & affer-  
ret. Tertia exceptio est, si † spoliator sine vi ta- 29  
men aperta, in continenti docere de iure suo  
paratus sit. Et hac probantur ex l. cum fundum, in §.  
vlt. D. de vi & vi armat. l. si de vi. D. de iud. l. qui ce-  
ru, §. si de vi. D. ad l. Iul. de vi publ. l. si is, D. vt in pos-  
ses. legat. cap. 1. cap. sape de restit. spol. cap. pastoralis de  
causa posses. & proprie. capit. significauit de testibus  
extra & clement. vnic. de causa poss. & proprietatis.

In interdicto lis † contestanda est, vt in acti- 30  
onibus stricte sumtis, vt probatur ex §. retinenda  
Instit. de interdict. & argum. eorum qua notantur de  
act. ad exhibend. quæ actio ad exhibendum † li- 31  
cet summam agitanda sit, l. 3. §. ibidem. D. ad ex-  
hib. tamen † litis contestationem exigit, l. Tigni 32  
in §.

- 33 in §. *si quis. D. eod.* Est autem notandum † olim  
interdicta fuisse fere similia iudiciis ordinariis,  
34 quia † formulæ atque conceptiones verborum  
obseruabantur.

Deinde prius agendum erat interdicto, de-  
inde actione in factum vtendum erat, nascente  
ex conternu interdicti, sed hodie hæc sublata  
sunt. Nam actio in factum cum interdicto si-  
mul proponitur & formulæ verborum negli-  
guntur, vt patet ex §. 1. & vlt. *Institut. de interdict.*  
& ex hac l. 3. in fi. cum l. seq. Igitur triplex Iudicio-  
35 rum ciuiliū natura † deprehēditur. Quædam  
enim sunt ordinaria, vt quando de proprietate  
agitur: quædam sunt seniplena, vt quando a-  
gitur Interdictis possessionis gratia compara-  
tis: quædam denique sunt iudicia summaria &  
extraordinaria, in quibus nullus ordo requiri-  
tur, sed magistratus, quod decreuit statim exe-  
quitur iure suæ potestatis extra ordinē & non-  
nunquam per manum militarem, l. 1. §. *petuntur*  
*igitur. D. de rei vindic. l. 3. D. ne vis fiat ei. l. 3. §. Iulia-*  
*nus. D. de liber. exhib. & l. 1. in §. hoc interd. D. de mi-*  
36 *grado.* Postremo nosse oportet, possessionem †  
quam quis per interdictum nactus est aut reti-  
net prodesse & possessorem ab onere proban-  
di eximere, *hac lege & §. retinenda. D. de interdict.*  
*cum similib.* ita vt onus probandi in aduersarium  
37 transferatur, nisi † quædam vrgens præsumtio  
eum oppugnet qui possidet. Nā tunc nihilomi-  
nus, de proprietate & iure suo docere cogetur.  
*l. siue possidetis, C. de probat. c. suborta, de sentent.*

& re



*& reiudicat. & capis. cum ecclesia sutrina, de causis  
poss. & proq.*

QVORVM BONORVM TI-  
tulus II. Codicis lib.  
VIII.

*L. i. Impp. Seuerus & Antoninus AA.  
Iusto.*

Hereditatem eius, quem patrem tu-  
um fuisse dicis, petiturus iudicibus, qui  
super ea re cognituri erunt, de fide in-  
tentionis allega. Quamuis enim bono-  
rum possessionem, vt prætentus agno-  
uisti, tamen interdicto QVORVM BO-  
NORVM non aliter possessor constitut  
poteris, quam si te defuncti filium esse,  
& ad hæreditatem vel bonorum pos-  
sessionem admissum probaueris. P.P.  
VIII. Kalend. Ianuar. Lateano & Ruf-  
fino Coss. 198.

*L. ii. Impp. Diocletianus & Maximianus  
AA. & CC. Marco.*

Si ex edicto sororis patruelis intesta-  
ta sine liberis defuncta, recte petita bo-  
norum possessione, quæstisti successio-  
nem, ac negotium integrum est: quæ  
cum moreretur, eius fuerunt, secundum

B inter;

interdicti *QVORVM BONORVM* tenorem, ab his, qui pro herede, vel pro possessore possident, dolove malo fecerint, quo magis desierint possidere, tibi rector provinciae restitui efficiet. P.P. vi. Kal. April. CC. Cols.

*L. 3. Impp. Arcadius & Honorius AA. Petronio Vicario Hispaniarum.*

Constat virum à bonis intestatæ uxoris superstitis, consanguineis esse extraneum: cum prudentium omnium responsa, & lex ipsa naturæ successores eos faciant. Ergo iubemus, ut omnibus frustrationibus amputatis, per interdictum *QVORVM BONORVM* in petitionem corpora transferantur, secunda actione proprietatis non exclusa. Dat. vi. Kalen. August. Mediolani, Olybrio & Probino Cols. 395.

#### SUMMARIA.

- 1 Interdicta de re familiari, duplicia sunt.
- 2 Interdicta de possessione tantum sunt triplicis generis.
- 3 Interdictum Quorum bonorum est adipiscenda.
- 4 Est adipiscenda.
- 5 Est uniuersale.

- 6 Est restitutorium.
- 7 Cui detur.
- 8 aduersus quem.
- 9 Ad quid.
- 10 Competit etiam aduersus verum heredem.
- 11 Hereditas nondum acquisita est loco domini.
- 12 Hereditate acquisita nondum intelligitur acquisita possessio.
- 13 Duo remedia adipiscenda possessionis rerum hereditariarum.
- 14 Species l. i. huius tituli.
- 15 Probatio filiationis directo fieri non potest.
- 16 Filiatio quomodo probetur.
- 17 Edictalis bonorum possessio qua fit.
- 18 Decretalis bonorum possessio qua fit.

**I**nterdictorum ad rem familiarem spectantium duas esse species † dictum est, titulo superiore. Nam quædam de possessione duntaxat competunt: alia vero proprietatis causam continent annexam. Illa sunt † vel adipiscendæ possessionis, vel retinendæ, vel recuperandæ. Adipiscendæ possessionis est † hoc interdictum 3 quorum bonorum; est etiam vniuersale & restitutorium. Adipiscendæ possessionis dicitur † 4 quia utile est & necessarium ei, qui conatur adipisci possessionem rerum hereditariarum, quam antea nunquam adeptus erat, neq; propria auctoritate adipisci potest, sed per magistratum. Est vniuersale, quia non † de vna re agitur sed de 5 plurib. simul hereditariis. Est restitutorium, quia † suum domino restitui debet iux. l. si irruptione, D. 6

*Finium regund. l. si confiterit, C. d. t.* Atqui certum est filium emancipatum à patre præteritum, qui bonorum possessionem contra tabulas agnouit, rerum hæreditarium dominiū quæsiuisse, iuxta *l. cum heredes, de acquir. posses. leg. vlt. C. qui admitti. &c.* Equum est igitur ut saltem possessio rerum hæreditariorum, per hæredem scriptū restituatur filio præterito, interim dum lis proprietatis pendeat, quia potest subesse dubitatio, an filius emancipatus iuste sit præteritus. Et hæc triplex huius interdicti natura generalis probatur *ex l. 1. D. hoc titulo, & in §. adipiscenda, instit. de interdict.* Igitur ut ad specialem eius naturam pertueniamus, notandum est, 7 hoc interdictum competere ei, † qui aliquam bonorum possessionem edictalem recte agnouit aduersus † possessorem rerum hæreditariorum, titulo singulari non munitum, sed existimantem se hæredem defuncti esse, (qui vocatur possessor pro hærede.) Aut licet sciat se hæredem non esse, tamen iniuste res hæreditarias occupat, (qui dicitur possidere pro possessore) Aut aduersus eum qui dolo malo possidere desierit.

- 9 Competit autem † ad eum finem, ut interim possessio rerum defuncti sibi adiudicetur, donec secundalis proprietatis terminetur, *d. l. 1. D. eo. & toto hoc tit. & l. regulariter cum tribus seqq. D. de petit. hered.* Nam non sequitur, si recte agnita est bonorum possessio, aduersarium verum hæredem esse, quia vni duo pro solido hæredes esse

esse non possunt, nisi forte sic dicamus, prima facie recte videri agnitam bonorum possessionem; verum postea in secunda actione proprietatis, id est petitione hereditatis, iudicibus rem exactius inspicientibus contrarium visum esse, adeo ut ille qui vicit in possessorio postea vincatur in proprietate & petitorio.

Ergo hoc interdictum exerceri potest etiam 1. •  
aduersus verum & legitimum heredem, qui multo magis pro herede possidere dicitur, *ut probatur ex l. non solum, §. 1. D. de vsucap.* Itaque nosse oportet, aliquem quandoque decedere hereditate relicta & herede quando heres hereditatem sibi delatam adiit vel gessit se pro herede vel bonorum possessionem edictalem agnouit. Nam si simul atque aliquis defunctus 11  
est, in eius locum substituitur a lege hereditas, quæ pro domino vel domina habetur, *l. non minus, D. de hered. institu. l. mortuo, D. de fideiussor. l. liber homo, D. ad leg. Aquil.* Et hanc hereditatem quandoque nemo acquirere potest, quia nemini delata est adhuc, utpote si quis scriptus est heres sub conditione; ea enim pendente heres testamentarius eam acquirere non potest, & longe minus legitimi. Nam quandiu testamentaria hereditas speratur, legitima cessat, *l. quandiu, D. de acquir. hered.* Et hoc est primum tempus, quod intuemur post mortem defuncti, nempe, hereditas nondum delata. Secundum tempus est, quando hereditas alicui delata est, sed nondum quæsitæ, de quo *in l. delata, D. de ver-*



*bor. fig.* & his duobus temporibus, hæreditas defuncti vice fungitur. Tertium tempus est, quando hæreditas delata est ab heredem quæsitam. Nam tunc hæreditas defunctum repræsentare definit & in heredem omnia sua iura transfundit, *l. i. §. Scævola, D. si is qui in testam. liber.* Verum li-

- 12 cet † hæres omnia defuncti iura per mediam hæreditatem nactus sit: tamen possessionem rerum hæreditariarum nondum nactus est, *l. cū heredes, D. de acquir. hered.* Neque nancisci potest propria auctoritate si ab alio detinentur: Ideoque quartum tempus sequitur, nempe acquisitio possessionis, vel vi & auctoritate *l. ultim. C. de edict. diui Adrian. tollen.* vel per interdictum; quorum bonorum, *de quo hic agitur.* Tamen hæres nondum est pacificus possessor, quapropter quintum & postremum tempus sequitur, quo verus hæres per sententiam iudicis declaratur, quando actum est secunda actione proprietatis, id est petitione hæreditatis, vel ciuili vel prætoriam, id est Possessoriam hæreditatis petitione, de quo quinto & postremo tempore *leg. ult. hic* loquitur in fin.

- His ita præmissis sequitur species *ad l. i. hoc*  
 14 *tit.* Titius † habens filium naturalem & legitimum nomine Iustum, eum emancipauit, deinde testamentum fecit, in quo filium præterit, & quendam alium heredem scripsit, Titio mortuo hæres scriptus hæreditatem adiit, filius quoque præteritus bonorum possessionem contra tabulas agnouit: quæritur vter in possessione rerum

rerum hereditariarum conseruandus sit: Et respondet Impp. Filium emancipatum possessionem rerum hereditariarum per interdictum quorum bonorum nancisci debere, eamque esse heredi scripto adimendam, si filius prateritus duo probauerit, nempe se agnouisse bonorum possessionem & se defuncti filium esse, alioqui, hoc est, ante hanc duplicem probationem, possessio est adiudicanda heredi scripto. *l. 2. supr. de edict. diui Hadria. tollendo.*

Non potest autem probare † directo & vere <sup>15</sup> se filium defuncti esse, cum pater semper incertus sit, *l. quia. D. de in ius vocan. l. Lucius, D. de condi. & demonstr. l. uxorem. D. de manumiss. testa.* Sed † <sup>16</sup> probabit per obliquū & ex præsuntione iuris & de iure, nempe, se esse natum ex ea muliere quamuis adultera, quam vxoris loco defunctus domi habuit, vicinis scientibus *l. filium, D. de his qui sui vel alieni iuris, & l. miles, §. defuncto. D. ad l. lul. de adult. & l. si vicinus. C. de nup.* Eodem modo si quis agnouit bonorum possessionē vnde legitimi aut vnde cognati per interdictum quorum bonorum possessionem rerū hereditariarum nanciscatur, vt *l. 2. & 3. hoc tit. probatur.* Et idē est de omni bonorū possessione edictali agnita. Est autē † edictalis bonorū possessio ea, ad cuius <sup>17</sup> agnitionē edictum p̄toris sufficit, ita vt neq; aduersariū vocare in ius necesse sit, neq; sit opus decreti interpositione: vt cōtra † decretalis bonorū <sup>18</sup> possessio est, q̄ decretū exigit, quādo contradictor extat, q̄ bonorū possessio decretalis

ius alimentorum tribuit, quales sunt Carboniana & ea qua mulier ventris nomine in possessionem mittitur. Hæc probantur *ex l. 1. D. si tabul test. nulli extr. & l. 1. 2. & 3. D. de Carbonian. edict. ex l. 1. D. de ventr. in poss. mittend. præsertim ex §. si quis prima, ex l. 1. §. decretaliu, D. de success. edict. ex l. 2. §. dies, D. quis ord. in bon. possess. seruetur.*

## QVORVM LEGATORVM

VIII. Codicis III.

*Impp. Diocletianus & Maximianus  
AA. & CC. Latina,*

Hæredi scripto satis idonee lege Falcidia, si exhausta legatis successio probetur, per quartæ retentionem prospectum est. Vnde si legatarius vel fideicommissarius non consentiente patre tuo, quem alleueras testatori successisse, & bonorum possessionem accepisse, relicta sibi legata vel fideicommissa detinuit secundum sententiam interdicti, quod aduersus legatarios scriptis hæredibus propositum est, oblata satisdatione, quam præstari oportet, in possessionem te constitui, ut ita retentione competentis utaris, experiri potes. Datum xvi. Kalend. Ianuar. AA. Coss.

SVM-



## SUMMARIA.

- 1 *Interdictum Quorum Legatorum est adipiscenda.*
- 2 *Cui competat.*
- 3 *Aduersus quem.*
- 4 *Regula Dolo eum facere, qui petit quod statim est restitutus non habet locum in possessoris.*
- 5 *Legatarius inuito hærede legatum inuadens eo cadit.*

## COMMENTARIUS.

**I**nterdictum Quorum legatorum † est adipiscendæ possessionis & restitutorium, ut superius, sed non est vniuersale: & † hæredi siue legitimo siue testamentario siue bonorum possessori competit aduersus † legatarios vel fideicommissarios qui propria auctoritate & hærede non consentiente adepti sunt possessionem rei legatæ, ante possessionem apprehensam ab hærede. Nam legatarij possessionem rei legatæ coguntur tradere hæredi Falcidiam deducere cupienti, si hæres fideiussores dat idoneos de soluendo legato sua die, quod nisi legatarius faciat, hæredi condemnabitur in id, quod eius interest, l. 1. & 2. D. quor. bonor. & hac l. unica. Regula enim † qua dicitur; Dolo eum facere, qui petit, quod statim eum restituere oportet, non habet locum in iudiciis possessorijs. Quod si † legatarius post apprehensam ab hærede possessionem rei legatæ, possessionem inuadat, non

consentiente hærede à toto legato cadit, *l. nō est dubium, C. de leg. & l. 2. D. de expil. her.*

## DE PRECARIO ET SALVI- ano interdicto. Titulus VIII.

Codicis IX.

*L. 1. Imp. Gordianus Aristoni.*

Si te non remittente pignus debitor tuus, ea, quæ tibi obnoxia sunt, venundedit, integrum tibi ius est, ea persequi, non interdicto Saluiano (id enim tantummodo aduersus conductorem debitoremve competit,) sed Seruiana actione, vel, quæ ad exemplum eius instituitur, utilis aduersus emtorē exercenda est. P. P. v 1. Id. Septemb. Pio & Pontiano Coss. 239.

*L. 2. Imp. Diocletianus & Maximianus  
AA. & CC. Falicio.*

Habitantis precario hæredes ad restituendum habitaculum teneri contra eos interdicto proposito, manifeste declaratur. 5. Kale. Decemb. Sirmii, AA. Coss.

### SUMMARIA.

- 1 Tertium interdictum adipiscenda possessionis Saluianum.
- 2 Saluius Iulianus laudatur.

3 Cui

- 3 Cui competat.  
 4 Aduersus quem.  
 5 Ad quid.  
 6 Interdictum de migrando proponitur.  
 7 Confertur interdictum Saluianum cum actione Seruiana.

## COMMENTARIUS.

SEquitur tertium edictum † adipiscendæ possessionis & restitutoriū, quod vocatur interdictum Saluianum, à Iureconsulto Saluio Iuliano & prætore introductum, quem † Iustinianus vocat summum Iureconsultum & perpetui edicti ordinatorem. *l. pen. C. de condict. indeb.*

Competit autem hoc interdictum domino † ædiū vel fundi locatori, aduersus † Inquilinum hoc est, ædium conductorem, vel aduersus locatorem fundi, clanculum res suas locatori obligatas transferre cupientes, nondum persoluta pensionē, aut nondum refectionibus aut fundo culpa conductoris deterioribus effectis: competit, inquam, † ad eum finē ut vel possessio rerum obligatarū sibi tradatur vel satisfiat. Cui interdicto opponitur interdictū de migrando, quod † competit conductoribus res suas euehere cupientibus aduersus locatorem prohibentem si ei satisfactum sit.

Et † hoc interdictum Saluianum longe utilius est actione Seruiana. Nam in hoc necesse non est probare res fuisse in bonis debitoris tempore obligationis contractæ,

ut in

vt in Seruiana. Præterea hoc interdictum dictum non competit aduersus extraneos rerum possessores, sed aduersus conductorem duntaxat. Contra est in actione Seruiana quæ aduersus quoscunque possessores datur. Verum interdictum Saluianum vtile aduersus quemcunque possessorem competit, vtriusque autem remedii nempe vtilis Interdicti & actionis Seruianæ eadem est conclusio, vt vel possessor rei obligatæ totum debitum exsoluat vel rei possessione cedat. Hæc probantur *ex l. 1. hoc tit. ex l. 1. & 2. D. de Saluiano, ex l. 1. D. de migrando, ex l. 2. l. Paulus. §. vlt. & l. penult. D. quib. modis pign. vel hypoth. soluit. & l. quæ nendum, §. 1. D. de pignoribus, & hypoth. & ex l. 2. C. si vnus ex pluribus heredibus creditoris.*

## VTI POSSIDETIS.

Titulus viii. Cod. vi.

*L. unica, Impp. Diocletianus, & Maximianus AA. & CC. Cyrillo.*

Vti possidetis fundum de quo agitur, cum ab altero nec vi, nec clam, nec precario possidetis, Rector prouinciæ vim fieri prohibebit: ac satisfactionis vel transferendæ possessionis edicti perpetui forma seruata, de proprietate cognoscet. Subscripta iii. Id. Octobr. Nicomediæ, CC, Coss.

SYM-

## SUMMARIA.

- 1 Plures rem eandem in solidum possidere non possunt.
- 2 Interdictum, vti possidetis, non competit ei, qui possessionem amisit.
- 3 Precario habens non possidet.
- 4 Adipiscimur possessionem cum vel sine auctoritate magistratus.
- 5 Expulsus possessione naturali retenta civili interdicto retinenda experiri potest.
- 6 Vti possidetis interdictum locum habet etiam in vi expulsiua.
- 7 Proprietatem in turbatiua.
- 8 Vturbatiua duobus modis adhiberi potest.
- 9 Declaratur regula, quod plures eandem rem in solidum possidere non possint.
- 10 Civilis possessio qua dicatur.
- 11 Alieno nomine habentes non possident.
- 12 Sibi possidentes, sed non animo perpetuae possessionis, civiliter non possident.
- 13 Atque hisce interdictum vti possidetis non competit.
- 14 Quod competit vsufructuariis & vsuariis.
- 15 Qui possident vere & civiliter.
- 16 Explicatur quomodo vsufructuarius possident.
- 17 In oppositis possessionibus semper verum est duas simul rem eandem in solidum possidere non posse.
- 18 Res corporales sunt, vel incorporales.
- 19 Corporales res proprie possidentur.
- 20 Interdictum vti possidetis datur directe pro retinenda

*tenenda possessione rerum immobilium.*

21 *Incorporales rei proprie non possidentur, sed quasi.*

22 *Neque tamen promiscue omnes, quasi possideri recte dicuntur.*

23 *Interdictum uti possidetis datur utiliter pro retinenda possessione rerum incorporalium.*

24 *Neque tamen pro servitutibus aliis quam continuis.*

25 *Praxis huius interdicti apud Gallos.*

### COMMENTARIUS.

**A** Ccursius & post eum interpretes tribus precipuis argumentis in hunc tractatum invehuntur. Primum argumentum est: verba initio huius interdicti posita significare non possunt; neque enim <sup>1</sup> contingere potest, ut plures eandem rem in solidum possidere possint. l. 3. §. ex contrario, D. de acquir. posses. l. duo. D. de precario. Non debuit ergo scribi *uti possidetis* ita possideatis: sed potius *uti possides* ita possideas.

Secundum argumentum est interdictum *uti possidetis* non <sup>2</sup> competit ei, qui possessionem amisit, sed illi duntaxat, qui eam adhuc retinet, l. 1. §. interdictum hoc, D. uti possid. Ergo si quis vi de possessione quæ deiecerit, expulsus hoc interdicto uti non potest, sed ad interdictum unde vi est ei confugiendum, d. §. hoc interdictum. Et tamen in hac l. vnic. contrarium asseritur. <sup>3</sup> Postremum argumentum est: Qui precario <sup>3</sup> possidet, possidere non dicitur, l. certe. §. is, qui D. de de precar.

*precar.* Tamen contrarium dicitur in *hac l. ynic.*  
*& in l. & habet, §. eum qui, D. de precar.* Quapropter  
 ut hæc argumenta & pleraque alia tollantur,  
 notandum est :

Nos adipisci † possessionem alicuius rei duobus  
 modis generalibus : vnus est autoritate magistratuum  
 & vi interdictorum, adipiscendæ possessionis  
 causa comparatorum, quæ hæcenus sunt explicata.  
 Alter modus est, sine magistratuum auctoritate  
 qui plures sub se modos includit, qui enumerantur  
 in *titul. de acquirend. vel amitt. posses.*

Adipiscimur enim possessionem, vel corpore  
 vel animo nostro, *l. 3. D. de acquire. posses. ut*  
*corpore alieno ac animo tum nostro tum alieno,*  
 veluti per procuratores, negociorum gestores,  
 Colonos, Inquilinos, seruos, & filiosfamil.  
 Et hi duo modi maxime discrepant, quo ad vim  
 & effectum retinendæ possessionis.

Nam quando † corpore & animo nostro vel solo  
 animo nostro possessionem alicuius rei mobilis  
 retinemus ea non potest amitti, nisi vis nobis  
 illata sit, quæ nos à re & possessione expulerit,  
 & præterea tantus metus illatus esse debet,  
 ut expulsus spem recuperandi possessionem  
 propria auctoritate non habeat, quia vim  
 maiorem veretur : quapropter tum hoc  
 interdicto experiri non potest. Si vero obstinato  
 animo sit, & ea spe recuperandi possessionem  
 autoritate propria, non excedet, sed possessionem  
 animo retinere dicitur & hoc interdicto

dicto recte experitur, per quod consequetur.  
 ut possessio corporalis amissa sibi restituatur, &  
 civilis quæ solo nitebatur animo conservetur.  
 & hæc est sententia *l. si duo in pr. D. vti possidet*. Et  
 ita satisfactum est secundo argumento, quo  
 dicebatur expulsum hoc interdicto experiri  
 non posse. Quando vero corpore alieno  
 possidemus, possessio nobis etiam ignorantibus  
 amitti potest, nempe hodie quando vis  
 illis illata est, qui nostro nomine possident,  
 & tunc huic interdicto locus esse non potest.  
 Hæc probantur *ex l. 3. §. si quis nunciet, & l. peregre, §. ult. ex l. clam possidere, §. ultim. cum l. seq. ex l. quamvis, D. de acquir. poss. ex l. 11. l. licet, l. per procuratorem, & l. ult. C. eod. tit.* Ergo † hoc interdictum  
 habet locum etiam quando vis expulsiua  
 illata est, si animus metu non est perterritus, &  
 ita hoc casu Interdictum vti possidetis iustam  
 habebit naturam. Nā ratione civilis possessionis,  
 quæ solo consistit animo erit gerenda  
 possessionis, & ratione possessionis naturalis  
 amissæ, quæ corpore consistit erit recuperanda.  
 Tamen † vera communis & propria sedes  
 Interdicti vti possidetis est in vi turbatiua, quæ  
 quidem vis † duob. modis adhiberi potest: nempe  
 quia vel ille, qui vim infert, possessionis com-  
 moda vult rapere & trahere & tunc ille dicitur  
 possidere improprie, sed tamen vi vitur vel da-  
 mno aduersarium afficit vel iniuria, quia non  
 finit possidentem, eo, quod possidet, vti arbitrio  
 suo, *iuxta leg. vim facit, D. de vi & vi armat.*



*Et l. sicuti, in §. Aristo. in fin. D. si seruit. vindic.* Illo casu iudex sententiam talem ferre debet, nempe ut is, qui turbatur in possessione à cætero nō turbetur per aduersarium, & ut turbator det fideiulsores, se non vexaturum, hoc casu, ut faciat damnum, quanti interest aduersarii possessionis liberum vsum non habuisse. Hoc casu etiam perturbator actione iniuriarum conueniri potest, vel legis Aquiliæ. Hæc probantur ex *l. si duo, §. 1. §. cum inquilinus, & §. si vicinus. D. vti possid. ex l. 3. §. in hoc interd. D. de itin. act. priu. l. pen. D. de aqua quotid. & est. l. pen. in fin. D. vti possid. l. iniuriarum in fin. D. de iniuriis. l. qui pendente. D. de act. emp.*

Quod autem dictum est, duos teandem rem <sup>9</sup> solidum possidere non posse, non semper verum est, sed distinctionem quandam recipit. Nam possessio multiplex in eadem re considerari potest, quando non sunt appositæ sed subordinatæ possessiones (ut Baldus hic loquitur) Verbi causa: Proprietarius ratione proprietatis usufructuarius ratione ususfructus, vsuarius ratione vsus, cliens ratione feudi, emphyteuta ratione emphyteuseos, eandem rem simul & in solidum possidere possunt, non solum possessione naturali sed etiam vera propria & ciuili. Nam † propria & ciuilis possessio ea est, quando quis sibi ipsi possidet, & suo nomine non autem alieno: qui enim † alieno nomine possident, possidere non dicuntur, *l. quod meo, D. de acquirend. poss.*

- 12 Item † qui possident sibi, non autem eo animo, ut ius perpetuum in re sibi acquirant, possidere non dicuntur proprie & ciuilitur: Eiusmodi sunt creditores, legatarii, fideicommissarii, rei seruandæ causa in possessionem missi item hi, quibus de damno infecto non cauetur. Quapropter † interdictum uti possidetis minime illis competere potest, *l. si duo, §. si creditores, D. uti possidet.* sed interdicto *Ne vis fiat ei*, qui in possessionem missus est, uti debent. *l. 1. l. 3. & 4. D. ne vis fiat.* Ergo quia † interdictum uti possidetis, fructuariis & vluariis datur, *leg. vltim. D. uti possidetis* negari non potest quin † vere & ciuilitur possideant. Neque † his obstat *l. naturaliter, D. de acquirend. possess.* quæ ait usufructuarium naturaliter possidere videri; neque *l. 3. §. qui ususfructus, D. de vi & vi arma.* quæ asserit fructuariū qualiter qualiter in possessione esse; neque *l. certe, §. is qui, D. de precar.* quæ negat fructuarium possidere. Nam istæ leges & similes intelligendæ sunt, si habeatur ratio proprietarii, qui ratione proprietatis solus vere & ciuilitur possidet.

Igitur si fructuarius vim facit proprietario & contra dominus proprietatis fructuario, hæc verba *uti possidetis*, ita possideatis proprie, hoc est, in numero plurali significare possunt. Nam proprietatis dominus possidebit ciuilitur & fructuarius naturaliter. Et hæc de possessionibus subordinatis.

- 7 Quando vero † possessiones sunt oppositæ  
vera

vera est & catholica regula, quæ nullam exceptionem patitur, ut duo simul in solidum eandem rem possidere non possint, si veritatem intueamur, si vero intueamur opinionem litigatorum fieri potest, ut uterq; se in solidum possidere existimet, licet uterq; fallatur, & ita est intelligenda *l. si duo, D. uti possid.*

Diximus interdictum, *uti possidet.* competere illis, qui veram possessionem persequuntur, ut eam retinere liceat tranquillam & ab omni molestia vacuum aduersus eos, qui possessionem turbant, siue se quoque possessores affirmant siue non: nunc restat, ut pro quibus rebus competat, dicatur, quod ut exacte intelligatur notandum est, res, quæ possidentur, esse duplices, nempe **† 18.** corporales, & incorporales. Corporales **† pro-** 19  
prie possideri dicuntur, & præcipue immobiles. Pro rerum immobilium possessione retinenda **† directum** interdictum *uti possidetis*, com- 20  
petit, *l. 1 per hoc, & §. præsertim, §. hoc interdictum.*  
*D. uti possid.* si modo possideri possunt, quia sunt in commercio nostro: Pro rerum mobilium possessione conseruanda datur interdictum *ut-  
trubri, l. vni. D. utrubi.* Rerum vero incorporali-  
**† proprie** possessio dici non potest, sed quasi pos- 21  
sessio vocatur, cum res incorporales non possideantur, *l. seruus, §. incorporales, D. de acquir. rer.  
dom.* Neq; ob id omnes res incorporales quasi possidentur, sed **† hæc** duntaxat quæ coherent certo 22  
corpori quod in patrimonio nostro esse potest, cuiusmodi sunt, iurisdictio quæ coherent

- territorio servitutes prædiorum. Præterea usus & habitatio. Nam obligationes quasi possideri non dicuntur, Ideoque interdicta veluti possessoria pro his non redduntur, sed solæ actiones personales exercentur. Illarum vero Incorporalium, quæ certo corpori cohærent,
- 23 quasi possessio dicitur; ideoque † interdictum utile uti possidetis pro illis competere potest, *ut probatur ex l. ult. D. uti possidetis, ex l. 2. ex l. sicuti. §. Arist. D. si servit. vindi. ex l. quoties fiat. D. de servit.*
- 24 tamen † caute aduertendum est, non pro omnibus prædiorum servitutibus interdictum uti possidetis competere, sed pro illis duntaxat quæ causam habent continuam vel quasi, id est, usum. Nam si usus prorsus est discontinuus ad interdictum de itinere, actuq; priuato est confugiendum.
- 25 Forma vero † huius interdicti, quod ad praeteritum & usum Gallicum attinet talis est, ut qui vere & corporaliter ultimo anno possedit pacifice, querimus. In nouitatis intenter intra diem & annum à dieurbationis, atq; si utile ei videtur statim & primo capite sequestrationem fructuum & rei fieri petat: Secundo capite petat vindicias, id est, Recredentiam sibi addici & adiudicari, oblatis prius fideiussoribus idoneis iudicatum solui, hoc est, de restituendis fructibus, damnis, & eo quod interest, si contingat possessorem vinci in iudicio proprietatis. Et super hoc secundo capite litis contestatio fiet & testes recipientur, instrumentaque producuntur

tur super possessione intra vnicam dilationem, & quandoq; super iure & proprietate, sed summam ad possessionem alterutrius partis iuuantem.

Et tunc si prima facie vnius partis possessio plenior & iustior videbitur, manus regia & sequestratio remouebitur & omne aliud impedimentum, & manu tenebitur in possessorio, id est, possessio illi conservabitur. At si quis animo suo possideat, simplici Saisina uti debet, qua utitur etiam post annum & diem, & in qua neque sequestratio neque manus regia locum habet. Denique in Saisina dilatio ad laudandum auctorem datur, In querimonia siue nouitatis casu minime. Cæteras differentias inter simplicem Saisinam & casum nouitatis videre licet apud Iohann. Fab. in §. *retinenda*, Instit. de Interd. Rebuff. in mater. poss. art. 2. gl. Guid. Pap. q. 552. Imbert. Repell. 1. Instit. Forens. lib. cap. 16. 32. 33. & in ordinat. Reg. Francisci de breuiand. litib. articul. 61. cum 4. sequent. & ibi Constant.

## DE ITINERE ACTVQVE priuato. Titul. XLIII. Digest.

### XIX.

#### SUMMARIA.

- 1 *Interdictum de itinere actuq; priuato est possessionis retinenda.*
- 2 *Cui competat.*
- 3 *Aduersus quem.*

4 *Utilius est, quam sit confessoria.*

5 *Et habet interdum admixtam causam proprietatis.*

# COMMENTARIUS.

**T**Ria interdicta retinendæ possessionis sunt explicata, nempe, *vti possidetis*, *vt rubri* ( de quo Imbert. Rupel. *cap. 9. & 32. lib. 1. Inst. For. n. s.*) & interdictum, *Ne vis fiat ei*. Itaque ordo doctrinæ exigit vt de aliis quoq; interdictis disserteramus retinendæ possessionis causa comparatis, quæ plura sunt competentia pro quasi possessione seruitutum rusticarum recte neda: Ex quibus in primis sese offert † interdictum *de itinere*  
 2 *actuque priuato*. Quod competit ei, † qui anno proximo litis, saltem 30. diebus, iuit vel per se, vel per alios, vt usufructuarium, vsuarium, colonos, inquilinos, seruos suos, filios familias, domesticos & amicos: iuit (inquam) per fundum  
 3 alienum. Nam † aduersus quemcunque eum impediẽtem vti seruitute recte hoc interdicto experiri potest, licet non doceat de iure, quo seruitus constituta est, modo neque vi neque clam neque precario ab aduersario vsus sit. Itaque prætor vetabit ei vim fieri, quo minus deinde ire agere possit, donec aduersarius vicini prædii dominus egerit actione negatoria & probauerit suum prædium liberum esse. Nam possessio aduersarii trãsfert in illum onus probandi libertatem prædii sui.

4 Ergo hoc interdictum † longe utilius est actione

ctione confessoria. Nam si confessoria ageret, onus probandi, vicinū prædium suo prædio seruire, ei incumberet. Hæc probantur, *ex leg. 1. l. apparet, §. si quis, l. vlt. l. 1. §. is cuius colonus, l. 3. §. vti videntur, hoc titu. l. 2. §. vlt. l. 5. l. vfu, cum ll. seqq. D. Quemadmodum seruitut. amit. & ex l. si priusquam D. de noui oper. nunc.*

Haftenus dictum est de primo capite huius interdicti, quod mere possessoriū est, sequitur alterum caput, quod† causam proprietatis continet annexam, nempe vt liceat reficere locum per quem itur: Nam hoc capite nemo vincit, nisi de iure doceat, cum maius præiudicium comparetur reficiendo, quam eundo, *l. 3. §. ait prator, & seqq.*

## DE AQVA COTTIDIANA & æstiuæ. Titulus XLIII. Digest. xx.

### SUMMARIA.

- 1 Hoc interdictum est possessionis retinendæ,
- 2 Cui detur.
- 3 Aduersus quem.
- 4 Ad quid.
- 5 Interdum duplex est.
- 6 Duo requiruntur in constituenda seruitute aquæ ducendæ, vel hauriendæ.
- 7 Ex flumine publico non potest constitui seruitus aquæ ducendæ vel hauriendæ.

## COMMENTARIUS.

- 1 **I**nterdictum † de aqua quotidiana & æstiva  
est similiter prohibitorium & retinēdæ quasi
- 2 possessionis, competit itaque ei, † qui aquam  
duxit per agrum alienum ad suum agrum, anno  
præsenti, saltem vna die vel vna nocte: Idem est  
si aquam puteanam hausit, vel pecus suum ad a-
- 3 quam appulit: aduersus † quemcunque prohi-  
bentem aquam ducere vel haurire. Competit
- 4 inquam, † ad eum finem ne ei vis fiat, hoc est ne  
impediatur quo minus ducat, saltem donec de  
iure cognitum sit, & vt, quanti sua interest, se  
non esse prohibitum, consequatur. Hoc autem  
interdictum aliquando est duplex vt interdictū
- 5 vti possideris, nempe † quando inter riuales, id  
est, per eundem riuum aquā ducentes est quæ-  
stio & contentio de aquæ vsu. Nam vterque ad  
se solum pertinere ait *l. 1. per totum. præsertim in §.*  
*competit, & §. seq. & l. pen. D. hoc tit.* Vbi tertium  
additur quod peti debet, nempe cautio ab ad-  
uersario præstanda se non impediturum aquam  
ducentem.
- 6 Est autem notandum † seruitutem aquæ du-  
cendæ vel hauriendæ constitui non posse stri-  
cto iure inspecto, quin duo concurrant, nem-  
pe vt locus ex quo seruitus constituitur sit pri-  
uatus; deinde vt caput illinc emanet & scatu-  
riat. Quapropter si habeat ius aquæ ducendæ à  
vicino ex suo riuulo aliis commodare non po-  
test iure seruitutis, tamen ex æquitate & præto-  
ris tuitione ea concessio toleratur & ita concili-  
antur



liantur sequentes auctoritates. *nempe l. 1. in §. hac interdicta, & §. illud labeo dicit. D. hoc tit. l. ex meo, l. labeo. l. seruitu. aqua ducēda, D. de seru. rust. pradior.*

Locus priuatus esse debet, vt diximus, hoc est, fons priuatus vel flumen priuatum. Nam ex flumine publico seruitus aquæ ducendæ vel hauriendæ cōstitui non potest. Nam vel ductio aquæ est damnosa flumini vel non damnosa: illo casu principis concessio exigitur. *l. 1. §. permittitur, D. hoc tit.* Hoc casu potest sine permissu principis aqua duci, non iure seruitutis, sed iure vsus promiscui & communis, quem habent cuncti ciues in rebus publicis, & ita intelligenda est lex illa difficilima *l. quo minus, D. quod flumine.* vel leges illæ possunt alio modo conciliari, nempe vt flumina publica distinguantur à cæteris aquis publicis, prout explicat Duarenus *lib. 1. disputat. anniuers. cap. 52.*

## DE RIVIS.

### *Titulus XLIII. Digest. XXI.*

#### SYMMARIA.

- 1 *Interdictum de riuis est retinēda possessionis.*
- 2 *Ad quid detur.*
- 3 *Refectio riuorum magis est necessaria, quam itinerum.*

#### COMMENTARIVS.

**I**N hoc titulo explicatur Interdictum, quod etiam competit ei, qui aquam duxit anno

C 5      proxi-

- 2 proximo, ad † cum finem vt riuum vel lapideum vel terrenum, vel apertum vel rectum, vel fistulas, vel canales purgare vel reficere possit, neque quæritur an aquam ducere actori liceat, quemadmodum in interdicto de itinere actuq;  
 3 priuato reficiendo. Nam † resectio riuorum magis necessaria est, quam resectio itinerum. Nam non resecto itinere potest iri & deambulari licet minus commode: At riuis non resectis omnis vsus aquæ auferretur & homines siti necarentur, l. 1. & vlt. D. hoc tit. & videatur l. si prius, §. placuit. D. de aqua plu. arcen.

## DE FONTE.

## Titulus XLIII. Digest. XXII.

## SUMMARIA.

- 1 *Interdictum de fonte est possessionis retinenda.*  
 2 *Habet duplex caput.*  
 3 *Cui detur.*  
 4 *Aduersus quem.*

## COMMENTARIUS.

- 1 **H**Oc interdictum de fonte † similiter est retinendæ quasi possessionis, & prohibitorium vt superiora, & continet † duplex caput.  
 2 Primū est: Ne vis fiat ei, qui ad fontem, lacum, piscinam, puteum it, quo minus ire possit. Secundum est, vt liceat illi fontem reficere & purgare.

Et

Et competit ei† qui vel aquam duxit hoc an-  
no vel hausit, vel pecus ad aquam appulit ad-  
uersus† quemcunque impediētem. Et vtrum-  
que caput est mere possessorium, vt hac lege v-  
nica dicitur.

## DE CLOACIS.

Titulus XLIII. Digest. XXIII.

## SUMMARIA.

- 1 *Interdictum de Cloacis est possessionis retinenda*
- 2 *Cui detur.*
- 3 *Habet duo capita.*

## COMMENTARIUS.

**S**equitur postremum interdictum retinen-  
dæ quasi possessionis, quod † de cloacis refi-  
ciendis competit: Daturque ei, † qui Cloacam  
ex aedibus suis in ædes alienas fluentem reficere  
& purgare vult. Quod similiter † duo capita  
continet. Primum, ne vis fiat ei: Secundum, vt  
restituatur & destruatur, si quid factum est,  
quod vsui cloacæ nocet. Neque in hoc interdi-  
cto quæritur, an cloaca vi, vel clam, vel precario  
facta sit, vt in superioribus, quia hic maius pe-  
riculum adfertur, cælum enim pestilens mi-  
nantur cloacæ, nisi purgentur, *b.l.i.*

## VNDE VI.

Titulus IIX. Codicis IV.

AD RVBRICAM.

SVM-

## SUMMARIA.

- 1 *Interdicta recuperanda possessionis sunt duplicis generis.*
- 2 *Vis definitur.*
- 3 *Vis diuina.*
- 4 *Vis humana.*
- 5 *Quæ publica est vel priuata.*
- 6 *Publica vis iterum duplex est.*
- 7 *Armorum vsus interdictus.*
- 8 *Vis armata diuerso respectu publica est & priuata.*
- 9 *Vis priuata itidem duplex est.*
- 10 *Vis non atrox triplex est.*
- 11 *Interdictum de vi cui detur.*
- 12 *Aduersus quem.*
- 13 *In continenti, non ex interuallo licita est deiectio deiicientis.*
- 14 *Interdictum vnde vi ad quid detur.*
- 15 *In interdicto vnde vi non admittitur exceptio domini.*

## COMMENTARIUS.

EXpositis retinendæ possessionis Interdictis, sequitur, vt de interdictis recuperanda possessionis dicamus, quæ † sunt duplicia. Nam vel aliquis qui antea possidebat nunc possidere nō potest facto alieno prohibitus & impeditus, ex quo facto opus nullum restat, vel restat opus aliquod: Illo casu competunt duo interdicta vnum vnde vi, alterum, de vi armata; hoc

hoc casu competit interdictum, quod vi aut clam.

Ac prius de interdictis vnde vi dicemus, & in primis vim definimus, deinde diuidemus; tertio loco, quibus & aduersus quos competat dicemus; postremo de effectu interdicti disseremus. Est igitur †vis maioris rei impetus iniustus, qui repelli non potest, *l. 2. D. quod metus causa*. Nam vel †vis à Deo infertur & vocatur vis diuina in *l. si merces, §. vis maior. D. locati*. vel infertur & adhibetur ab animalibus potentioribus, quibus pares esse non possumus: & hæc vel ab hominib. vel à bestiis. Quæ ab hominib. †infer-4 tur vis humana appellatur, de qua in *l. 4. D. de aliena. mutan. iud. caus. fact.* Vis humana †duplex est: 5 Nā quædā est publica, qdam priuata. Vis Publ. 6 iterum duplex. Nam quædam est publica stricte sumta, quædam latius sumta: Illa est vis quæ adhibetur hostili animo in vniuersam rempublic. quæ oppugnatur, de qua Cicero in Orat. de aurospicum ressp. & Impp. in l. vltim. C. ad l. Iul. maiest. Fit autem hæc vis, quando aliquis munere summi magistratus fungitur, licet nō sit, vel summum magistratum oppugnare nititur, vt patet ex leg. 7. 8. & vlt. D. ad l. Iul. de vi pup.

Vis publica latius sumta ea est, quæ vis armata appellatur à Iustiniano, in §. sed ex constitutionibus, Instit. de interdict. & §. item lex Iulia. de vi, Instit. de publicis Iud. Quia cum armorum †usus in-7 scio principe sit interdict⁹, is quodāmodo videtur reipubl. vim afferre, qui arma sumit in scio prin-

- 8 prince etiam aduersus priuatum. Ergo † vis armata potest dici & publica & priuata vario respectu. Nam publica strictè & proprie non est, vt diximus, propterea Paulus *lib. 5. sentent. Tit. ad leg. Iul. de vi publica*. vim armatam ait esse priuatam. Vis priuata est † duplex: Nam quædam est atrox; *de qua in leg. 1. §. ad solam autem atrocem, D. de vi & vi armat.* Quædam est † non atrox, id est non expulsiua, & hæc vel est inquietatiua & turbatiua, (vt Doctores loquuntur) & hæc parit interdictum, vti possideris, vel est compulsiua & cogens, quæ parit actionem quod metus causa, vel est ablatiua, & ex ea nascitur actio vi bonorum raptorum.

- Quibus autem & aduersus quos hoc interdictum competat dicendum est. Et competit
- 11 † ei, qui rem immobilem possidebat siue corpore & animo proprio, siue animo proprio & corpore alieno, siue animo proprio tantum, *leg. 1. §. siue autem, & 2. seqq. D. de vi & vi armata.* siue possidebat ciuilitè, hoc est, sibi ipsi, lege non repugnante, siue naturaliter tantum, hoc est, sibi ipsi sed lege repugnante. Nam si possidebat naturaliter, id est, nomine alieno veluti colonus, Inquilinus, seruus, mercenarius, filiusfamilias, depositarius, commodatarius, creditor, hoc interdicto experiri non potest, sed dominus experiri debet, *l. 1. §. deijcitur, & l. non autem alii, & l. vlt. D. de vi & vi armat.* si à possessione vi expulsus est.

Nam si nunquam possessionem nactus erat, ingre-

ingredi autem possessionem prohibeatur, hoc interdicto non experitur, *l. 1. §. eum qui neque. D. de vi & vi armat.* Competit etiam hæredi expulsi, *l. 1. §. hoc interdictum & hæredi. D. de vi & vi arma.* Præterea comperit omnibus, qui expulsi sunt è quasi possessione rerum incorporalium, ut notant interpretes, *ex l. 3. §. unde vi, §. vii frui, §. qui ususfructus nomine, D. de vi & vi armat.* Adversus <sup>†</sup> eos competit, qui deiecerunt, vel deiici<sup>12</sup> mandauerunt, vel ratam deiectionem habuerunt suo nomine factam, licet nunc non possideant, neque dolo malo possidere desierint, *l. 1. §. deieciße autem, & seqq. vsq; ad §. si quis tamen, & l. pen. D. de vi & vi armat. l. 1. §. rectissime autem, & seq. D. de vi & vi. præsertim in vers. ubi enim quis.* In quo loco lectio Florentina sequenda est, ut sic legamus. Qui vi deiecit, quique sine dolo malo desierit possidere, &c. Ergo, qui possidebat & vi deiectus est, agit hoc interdicto, etiam si ab aduersario vi antea possederit, si modo vi armata expulsus est. Nam si sine armis expulsus esset, hoc interdicto non ageret, & ita supplendum est. quod à Triboniano est omissum in *§. recuperanda, Instit. de interdict.* supplendum, inquam, *ex l. 1. §. interdictum hoc, D. de vi & vi armat. & ex Orat. Cicer. pro Cecinna.* Nam <sup>†</sup> licet quis vi deie<sup>13</sup> ctus sit, non tamen propterea ex intervallo eū qui deiecit, deiicere vi armata poterit, *l. 3. §. eum igitur, D. de vi & vi armat.*

Nunc videndum est, de effectu huius interdicti. Est autem eius effectus, ut <sup>†</sup> intra<sup>14</sup> annum

annum & diem ab expulsiōe numerandum, si expulsus agat hoc interdicto consequatur fructus perceptos ex die, quo deiectus est: & præterea quicquid interest se deiectum non esse: in quo continebuntur res mobiles amissæ, etiam si non inter sit aëtoris eas amisisse, quia vel depositæ vel commodatæ, vel pignori datæ erant. Præterea† statim possessio sibi restituetur, etiam si alter de dominio docere confestim paratus sit, l. 1. §. ex die & seq. l. in interdicto, l. pen. & l. 1. §. quod autem ait prætor, D. de vi & vi armat.

*L. 1. Impp. Diocletianus et Maximianus AA.  
& CC. Theodoro.*

Recte possidenti, ad defendendam possessionem, quam sine vitio tenebat, inculpatæ tutelæ moderatione illatam vim propulsare licet. PP. Kalend. Decemb: ipsis IV. & III. AA. Coss.

#### S V M M A R I A.

- 1 *Vis & iniuria propulsatio est iuris naturalis.*
- 2 *Itemque iuris gentium.*
- 3 *Iure civili ad moderamen inculpatæ tutelæ adstricta.*
- 4 *Quod moderamen in eo est, ut inuasus alio modo sibi consulere non potuerit.*
- 5 *Excedens moderamen mitius punitur.*
- 6 *Ex intervallo propulsatio non est licita.*



7 Moderamen etiam in aequalitate armorum conspicitur.

8 Recte possidens propulsare potest.

## COMMENTARIUS.

VT† vim vi propulsare liceat natura comparatum est, ita vt iuris naturalis dicatur esse defensio, & omnibus conuenire animalibus.

Quapropter si bestia mansueta, quæ prior alteram inuaserat occisa sit, dominus bestię, quæ occidit damnum sarcire non cogitur, l. i. §. cum arietes, D. si quadrup. pauper. fecisse dicat. Vis autem & iniuriæ † propulsatio est iuris gentium, l. vt vim. D. de iustit. & iure. l. i. §. vim vi. D. de vi & vi armat.

Tamen † ius ciuile postea iurigentium addidit, quod fieri potuit l. ius ciuile. D. de iust. & iur. nempe vt cum moderatione inculpatæ tutelæ defensio fiat, hac l. i. l. 4. & §. l. scientiam, §. qui cum aliter, D. ad leg. Aquil. l. i. cum 3. seqq. C. ad leg. Corn. de Sicar. l. i. C. quando liceat vnicuiq; sine iud. se vindic. Hæc itaq; † moderatio inculpatæ tutelæ in eo consistit, vt dispiciatur, an is qui vitam, estimationem, aut rerum possessionem defendendo inuasorem occidit alio modo soli prospicere potuerit: tunc enim modum excessit, cum aliter se tueri potuerit, sed propter inuasionem mitiore pœna plectetur, quia ius gentium non offendit, sed tamen ius ciuile. Iustus enim dolor & iracundiæ calor præcedens pœ-

D nam

nam mitigabit, vt probatur *ex l. Grachus C. ad l. Iul. de adulter.* quod sane intelligendum est, quādo † eo † estim & in ipso congressu homicidiū factam e. t., aut vis propulsata. Nam si ex intervallo † fieret, nulla excusatio adhiberetur, vt notatur *ex l. 3. §. cum igitur, & ex l. qui vi possessionem, D. de vi & vi armat.*

7 Postremo, † æqualitas armorum exigitur. Nam aduersus inuadentem sine armis, armis uti non licet, cæteris paribus, hoc est, nisi inuadens longe sit robustior & valentior eo, quem inuadit, ad cuius exitium aspirabat. Nam tunc licebit armis vitam suam tueri, vt notant *in terpret in hac l. i.*

8 Secundo, † ex hac lege notatur, recte possidente n propulsare posse semper vim sibi illatam, a it si propulsare non possit, poterit interdicto vnde vi experiri: Aliud est in eo, qui non recte possidet, nam si quem vi expulit ab eodem iterum confestim expelli poterit, neque propterea interdicto vnde vi uti poterit *l. qui possessionem, D. de vi & vi armat.*

*L. 2. Iidem A.A. & CC. Alexandro.*

Vi pulsos restituendos esse, interdictum exemplo, si nec dum utilis annus excessit, certissimi iuris est: & hæredes teneri in tantum, quantum ad eos peruenit. S. A. A. C. §.

## SUMMARIA.

- 1 *Intra annum utilem datur interdictum unde vi.*
- 2 *Contra heredem quatenus agi possit hoc interdicto.*
- 3 *Exceptio de violentia est perpetua.*

## COMMENTARIUS.

**V**I pulsus† possessione, ante omnia est resti-  
tuendus, si nec dum utilis annus excessit.  
Nam anno elapso hoc interdicto experiri non  
poterit, aduersus violentum inuasorem. *Quin*  
*imo† neque intra annum hoc interdicto utre-*  
*tur aduersus inuasoris heredem, nisi aliquid*  
*vel ad inuasorem vel eius heredes peruenerit:*  
*nam tunc actione in factum perpetuo tenen-*  
*tur, aut nisi lis cum defuncto contestata sit, hac*  
*lege, l. ult. C. de act. emt. l. 1. in fin. 2. & 3. D. de vi & vi*  
*arm. l. vnic. C. ex delecti. defunct. Præterea licet a-*  
*gendo interdictum sit annale, excipiendo† ta-*  
*men expulsus poterit semper violentiam op-*  
*ponere, si forte fortuna sine vitio possessionem*  
*iterum nactus sit, l. licet. C. de except. Cuius ratio*  
*traditur in lege pure, §. ultimo. Digest. de doli exce-*  
*ptione.*

*L. 3. l. idem AA. & CC. Vlpia &  
Proculina.*

Autoritatē vobis rescripti nostri te-  
nendæ possessionis, quā vos per violentiam

tiam adeptam profitemini accommo-  
dari nimis improbe postulatis, S. VIII.  
Id. April. CC. Cofs.

## S V M M A R I A.

- 1 *Ius tertij rescripto principis ad tempus, non per-  
petuo tolli potest.*
- 2 *Violenta possessio rescripto principis nullatenus  
confirmatur.*

## C O M M E N T A R I V S.

- 1 **R**escripta † principum, quibus in perpetu-  
um tollitur ius tertii, non sunt seruanda; si  
vero ad tempus tollatur seruanda sunt, *l. quoties,  
l. nec damnoſa, l. vniuerſa, C. de precib. imper. offeren.*
- 2 *l. nec auus, C. de emancip. liber.* Tamen † ab his re-  
gulis excipitur violentus inuaſor in cuius odi-  
um poſſeſſio eius in nullo principis reſcripto  
confirmari poteſt, vt hac lege 3. dicitur.

*L. 4. Idem AA. & CC. Hygino.*

Si de poſſeſſione vi deiectus es, eum  
ex lege lulia vi priuata reum poſtulare,  
& ad inſtar interdicti, vnde vi conueni-  
re poteſ, quo reum cauſam omnem  
præſtare oportet, in qua fructus etiam,  
quos vetus poſſeſſor percipere potuit,  
non tantum quos prædo percepit, veni-  
re non ambigitur. S. VI. Id. April. Sirmii  
CC. Cofs.

S V M-

## SUMMARIA.

- 1 *Vi deiectus potest agere ciuilitcr vel criminaliter.*
- 2 *Ciuilis actio prius mota differt criminalem, non tollit.*
- 3 *Per minorem causam maiori non praiudicatur.*

## COMMENTARIUS.

**S**I aliquis † delictum priuatum vel publicum<sup>1</sup> admiserit, ex quo delicto quidam specialiter & præcipue damno est affectus vel iniuriam perpeffus, est in eius arbitrio vel ciuilitcr agendo petendi id, quod sua interest, vel criminaliter petendi vt delinquens puniatur, adeo, vt † lis ciuilis prius mota præiudicet liti criminali<sup>2</sup> mouendæ, eam duntaxat differendo, l. vlt. D. de priuat. delict. l. fin. D. de furtis, l. final. D. de iniuriis, l. interdum, D. de publ. iudic. & hac lege. non autem perimēdo Nam † per minorem causam (qualis est ciuilis) non præiudicatur maiori in totum,<sup>3</sup> id est, maior non tollitur, qualis est criminalis l. per minorem, D. de iudiciis.

*L. 5. Imp. Constantinus A. ad Tertullianum.*

In uasfor locorum pœna teneatur legitima, si tamen vi loca eadem inuasisse constiterit. Nam si per errorem aut incuriã domini loca ab aliis possessa sunt,

sine pœna possessio restitui debet. Dat.  
vi. Kalend. Maii, Gallicano & Symma-  
cho Cos. 330.

## S V M M A R I A.

- 1 *Vi inuadens loca aliena puniendus est, accusa-  
tus.*
- 2 *Possessionem vacuum ingressus non punitur.*

## C O M M E N T A R I Ū S.

- 1 **I**nuasor † locorum pœna legitima puniri po-  
test, si accusatur, (quæ pœna est lege Iulia, de  
vi publica & priuata, introducta ab Octauia-  
no Augusto longo tempore ante Constanti-  
num) si per vim loca inuaserit: Nam † si posses-  
sionem vacantem ingressus est non punitur, *ut  
bacl. dicitur*, quæ tamen correctæ est per Iusti-  
num, in l. final. infra cod. tit.

L. 6. Impp. Gratianus, Valentinianus &  
Theodosius AAA. Potito  
P. V.

Meminerint cuncti, siue vulgato re-  
scripto mansuetudinis nostræ siue sen-  
tentia cuiuslibet iudicis vtantur in cau-  
sis, conueniendos dominos locorum  
esse: aut si forte defuerint, eorum actio-  
nes ad insinuandas sententias, pcurato-  
resque esse quærendos, ne inde iniuria-  
rum

rum nascatur occasio, vnde iura nascuntur. Quod si præcepta nostra implere neglexerint, omni negotio, de quo iurgare ceperant, priuabuntur. Sin autem habito plerunque colludio, curatores vel tutores minorum his rem debitam ea occasione peruadant, vt pupillis vel adultis iurgandi copia & fructus adimatur, his eatenus subuenimus, vt eosdem non atterat damnoculpa temeritatis alienæ, sed illico quidem possessio ei, à quo est ablata, reddatur, curatores autem vel tutores æterna deportatione punitos, bonorum quoque publicatio persequatur. Datum .i. Non. April. Antonino & Syagrio Coss. 382.

## SUMMARIÆ.

- 1 Species huius legis, eiusdemq; definitio.
- 2 Autore prætoris possidens iuste possidet.
- 3 Pacto permissum permitti etiam potest magistratum auctoritate.
- 4 Tutoribus & curatoribus sub prætextu officii non est peccare concessum.
- 5 In dubiis officij necessitas quem excusat.

## COMMENTARIUS.

**H**uius legis species † talis est: Aliquis re-  
scriptū à principe impetrauit, quo prin-

ceps ei permittit, vt possessionem alicuius rei ab alio possessæ propria auctoritate occupet; vel sententia iudicis Interlocutoria hæc potestas ei permilla est, quo rescripto vel qua interlocutione fretus possessionem propria auctoritate est ingressus, aduersario aut eius procuratore aut actore in ius vocato: Quæritur an iuste id fecisse censeatur? Et respondent Impp. in hac lege tantum abesse, vt iure id factum sit, vt potius puniatur & iacturam eius rei faciat, quam petebat. Huic legi similes sunt. *ante penultim. & ult. l. 2. infr. tit. prox.* Neque huic sententiæ repugnant duo sequentia argumenta: Prius, Iuste

2 † possidet qui auctore prætore possidet, *l. iuste D. de acquir. possess.* At hic possidet auctore prætore: Ergo iuste. Quod autem iuste, id est, legitime factum est pœnam nō meretur, *l. Grachus.*

3 C. *ad l. Iul. de adulter.* Posterius argumentum, Quod † potest permitti ex conuentione partium, potest permitti auctoritate magistratum, *l. eleganter D. de pign. action. l. si ob causam C. de euict. & l. 1. C. si in causis iud. pign. captū sit.* Atqui ex conuentione permitti potest, vt quis possessionem propria auctoritate consequatur, *l. 3. C. de pign. rib.* Ergo per iudicem permitti poterit. Verum vnico verbo ad hæc duo argumenta responderi potest, nempe ea vera esse, quando magistratus legitime officio suo fungitur, quod hic non facit, quia possessio nemini temere adiudicanda est, sed cum causæ cognitione & vocato aduersario. Merita enim causarum partium asser-  
tione



tionem panduntur, *d.l.3.* In secunda parte huius 4 legis dicitur. Tutores † vel curatores nomine pupilli vel adulti possessionem rei alienæ propria auctoritate inuadentes deportatione & bonorum suorum publicatione puniendos esse, neque pupillos vel adultos ullam pœnam pati. Quia pœna authorem non debet egredi. *l. sancimus. C. de pœnis.* et dolus tutoris est manifestus nec vlla venia dignus. At † si tutor vel curator nomine pupilli testamentum, in quo pupillo aliquid relictum est, falsum vel inofficiosum dicat, bona fide, quia tale esse existimat, necessitas officii illum excusat, & dubius litis euentus, adeo ut pœna ad pupillum redundet, iure cõmuni inspecto, tamen in integrum restitui poterit, *l. non est, C. de administrat. tut. §. si tutor. Instit. de inoffic. testam. l. aduersus, §. 1. D. eod. et l. post legatum, §. acturi, D. de his quæ ut indig. aufer. & l. tutorem. C. eod.*

*L. 7. Impp. Valentinianus, Theodosius & Arcadius AAA. ad Messianum Comitem rerum priuatarum.*

Si quis in tantam furoris peruenierit audaciam, ut possessionem rerum apud fiscum, vel apud homines quoslibet cõstitutarum ante aduentum iudicialis arbitrii violenter iuuaserit, dominus quidem constitutus possessionem, quã

D 5 abstu-

abstulit restituat possessori, & dominium eiusdem rei amittat. Si vero alienarum rerum possessionem inuasit, non solum eam possidentibus reddat, verum etiam æstimationem earundem rerum restituere compellatur. Datæ XVII, Kalend. Iun. Treueris, Tunatio & Promoto Cos. 389.

## S V M M A R I A.

- 1 Magistratum autoritas publica est.
- 2 Eorumque officium est quieti & publica & priuata consulere.
- 3 Neque habet illorum executio iniuriam.
- 4 Cadit iure suo sine magistratu id occupans.
- 5 Vim facit qui suum propria autoritate repossit.
- 6 Pœna huius legis.
- 7 Vis expulsiua est grauior, quam turbatiua.
- 8 Pœna huius legis tenetur etiam mulier.
- 9 Item rusticus & miles.
- 10 Itemque pupillus pubertati proximus.
- 11 Qui aduersus hoc delictum petere potest restitutionem in integrum.
- 12 Minores restituuntur aduersus delicta leuiora, nō grauiora.
- 13 Prodigus etiam hac lege tenetur.

## C O M M E N T A R I V S.

- 1 **M**agistratum † autoritas publico fauore
- 2 **M**anetur: Eam enim vim habent, vt † lites priuatae

privatorum dirimant, ne si singuli ius sibi dicere velint maior tumultus excitetur, publica tranquillitas labefactetur, *l. nor. & singulis, D. de regul. iur.* Neque magistratum † executio ullam habet iniuriam, *l. iniuriarum, §. 1. D. de iniuriis.*

Quapropter † quisquis neglecta magistratum auctoritate ius sibi dicere conatur, ab eo quod petit cadit, *l. extat. D. quod metus causa.* Vis enim est † quotiescunque aliquis id, quod suum esse vel deberi sibi putat, non per iudicem reposcit, *d. l. extat.* Quapropter † si quis rem aliquam ab altero possessionem suam esse dicat, & possessorem è possessione expellat in pœnam huius legis incidit, siue erret in iure existimans sibi licere, siue non existimet, *§. penultim. Instit. vi bon. raptor.*

Itaq; si dominus erat expulsor cadit à dominio, qualecunque dominium habuerit, siue directum siue utile, iuxta ea, quæ notantur in *l. si finita, §. si de vectigalibus, Digest. de damn. infect.* Si nullum ius habeat in re, eius æstimationem tradere compellitur ei, qui vere possidebat & expulsus est, licet prima facie videbatur in æstimationem possessionis duntaxat condemnandus, pro ut in interdicto uti possidetis contingit, *l. penultim. paragrapho ultimo, Digest. uti possidetis.* Sed vis † expulsiua cum sit grauior vi turbatiua grauiore pœna plectitur.

Hæc autem lex locum habet † etiam in mulieribus, quæ ius naturale ignorare non debent, in † rusticis & militibus prout patet  
*ex l.*

- <sup>10</sup> *ex l. penul. C. de in ius vocand.* Præterea † locum habet in pupillo proximo pubertati, cum sit capax iniuriæ faciendæ, *l. impuberem, D. de furtis, l. excipiuntur, D. ad S. C. Syllan.* Tamen † aduersus id delictum restitui in integrum poterit, prout elicetur, *ex l. 1. et 2. C. si aduersus delict.* Neq; obstat, *l. si ex causa, §. 2. D. de minoribus*, quæ negat minores aduersus delictum restituendos esse: Nam † ea lex intelligenda est de delictis atrocioribus, non autem de his, quæ ex quadam incuria aut
- <sup>12</sup> iuris ignorantia proficiuntur. In prodigo † vero maior est dubitatio, an in pœnam huius legis incidat: Tamen communis est interpretum sententia prodigum hac pœna affici, cum sit alienatio necessaria, nisi prodigus de industria vim adhibuerit vt in paupertatem incideret, & ita cognatis suis & gentilibus (quibus iratus est propter interdictionem bonorum) noceret.

*L. 8. Imp. Arcadius & Honorius  
AA. Pasiphilo.*

Momentariæ possessionis interdictum, quod non semper ad vim publicam pertinet, vel priuatam mox audiri, interdum etiam sine inscriptione meretur. Dat. vi. Id. Iun. Mediolani. Olybrio & Probino Cofs. 395.

*L. 9. Imp. Zeno A. Sebastiano præfecto  
pretorio.*

Si

Si quando vis in iudicio fuerit patefacta, deinde super rebus abreptis, vel inuasis, vel damno dato tempore impetus quæstio proponatur, si nō potuerit, qui vim sustinuit, quæ perdidit, singula comprobare: taxatione à iudice facta pro personarum atque negotii qualitate, sacramento æstimationem rerum, quas perdidit, manifestes: nec liceat ei ultra taxationem à iudice factam iurare: & quod huiusmodi iureiurando dato fuerit declaratum, iudicem condemnare oportet, Dat. Id. Decemb. Constantinopoli post consulatum Basilii 11. & Armatii v. C. 476.

*L. 10. Idem A. Sebastianoprasecto  
pratorio.*

Non ab re est, quemadmodum possessionis alienæ inuasores, tam vetus, quam præsens sacra constitutio censuit esse puniendos, ita nec conductoribus, & possessionis alienæ detentoribus impune procedere, si locatoribus forte vel possessionem rerum suarum, quam apud alios precario modo esse concesserant, recuperare secūdum leges volentibus, cum nulla sibi met cognita legibus

bus allegatio competeret, duxerint resistendum & non protinus, id est, non expectato iudiciorum ordine, alienam possessionem recte eam recuperantibus cedere patiantur. Eos namque iubemus pro tanta suæ iniquitatis impudentia, si cognitionis iudiciariæ euentu fuerint condemnati, rei cuius possessionem sponte restituere usque ad definitiuam sententiam minime passi sunt, æstimationem victrici parti vna cum ipsa re præbere compelli. Datum v. Kale. April. Constantinopoli. Theodorico & Venantio. Cons. 484.

## S V M M A R I A.

- 1 *Damnum vel iniuriam passus agere potest civiliter vel criminaliter.*
- 2 *Civiliter agi potest duobus modis.*
- 3 *In criminali persecutione opus est inscriptione.*
- 4 *Conductor nolens cedere possessione rerum conductarum quibus actionibus teneatur.*
- 5 *Conductor aduersus locatorem iure retentionis uti potest.*

## COMMENTARIUS.

1 VThuius legis sententia aperiat, notandum est, eum † qui damnum vel iniuriam  
ab

ab altero delinquente passus est, posse ciuiler  
experiri vel criminaliter.

Ciuiler iterum duobus modis, nempe + vel 2  
persequendo id duntaxat, 'quod sua interest,  
vel pœnam pecuniariam petendo; & neutro  
casu inscriptio exigitur. Si vero criminaliter † 3  
agat inscriptio necessaria est, quæ in delictis  
publicis similitudinem supplicii irrogat accu-  
satori non probanti, si malitiose accusauit re-  
um nullis suspicionibus obrutum, & in deli-  
ctis priuatis extraordinaria animaduersione  
coercetur. At si suspiciosè accusauit, quia reus  
aliquibus indiciis & suspicionibus premeba-  
tur licet non probauerit quod intendit, non  
punitur, quia utilitatis publicæ fauor permit-  
tit, vt in eam partem peccetur, quæ tutior est,  
nempe vt innocentes accusentur, quia possunt  
absolui: at si omnis accusator non probans pu-  
niretur, accusationes raræ essent, & ita nocen-  
tes non condemnarētur. Hæc omnia proban-  
tur, ex leg. prima, leg. tertia. & l. vltim. Codic. de  
calumniat. leg. penultima & vltima. Codic. de  
accusatio. leg. si cui, & leg. libellorum, Digest.  
eodem, leg. finali, Digest. de priuat. delict. & l. final.  
D. de furt.

Horum exempla in furto deprehenduntur:  
Nam furtum passus ciuiler agendo, vel pos-  
sunt rem petere condictione furtiua, vel pœ-  
nam pecuniariam actione furti, vel persequi  
pœnam corporale infligendâ furi, quæ extraor-  
dinaria

dinaria est, id est arbitrio iudicis permittitur: & hoc postremo casu inscriptio, accusatoris requiritur, *l. si. D. de furt.* Exemplū alterū poni potest in eo, qui vi expulsus est. Nam vel ciuilit̃ experiri potest vel criminaliter. Illo casu triplex habet auxilium. Nam si expulsus est vi vera & propria siue publica siue priuata potest experiri interdicto vnde vi, per quod consequitur, vt statim sibi possessio restituatur, vna cum eo, quod sua interest, quod probari potest, vel per probationes veras vtpote per testes, instrumēta, vel suum iusiurandum à iudice tamen moderandum, si dicat se multas res mobiles amisisse occasione inuasionis *l. i. §. non solum, D. de vi & vi armat l. si quando hoc tit.* Secundum auxilium est, condictio *ex l. si quis in tantam supra.* per quam conductionem consequitur vt tantundem sibi restituatur, licet expulso statim possessionem restituere velit. Nam nemo pœnitentia nocēs esse desinit *l. qui ea mente, D. de furt.* Quod si vis interpretatiua & impropria sit adhibita, quæ neque vis est publica, neque priuata, conductione *ex l. non abre, & ex l. conductores, C. de locat.* agere poterit, per quam consequatur restitutionē possessionis & præterea eius rei æstimationem, si reus conuentus in lite improba perseuerauerit vsque ad sententiam definitiuā, non alias, *l. non abre, hoc tit.* Species talis est. Titius fundum Sempronio locauit certa mercede, tempore locationis finito Titius Sempronium expellere vult, Sempronius è possessione

exce-



excedere nō vult: quæritur, qua actione conueniri possit Sempronius condictor & an possit statim expelli? qua in questione sequens distinctio adhibenda est. Nam † vel conuenitur in terdicto, vnde vi, vel condictioe ex hac lege, vel actione locati.

Primo casu statim possessio restituenda est, vna cum omnibus damnis & eo, quod interest. *l. colonus, l. cum fundum, D. de vi & vi armat.* Secundo casu idem iuris est, hoc vñ duntaxat addito, nempe, vt perseverans vsque ad sententiam definitiuam ultra possessionem æstimationem rei soluere cogatur, *h. l. non ab re.* Neque quæstio dominii refertur potest. Tercio casu & postremo, quando actione locati agitur, quæstio dominii potest referri, hoc est, conductor potest dicere, se cōduxisse rem propriam, cum existimaret esse alienam. Quare si in contineri de dominio suo docere velit, possessionem restituere non cogetur, *leg. qui rem; D. depositi, & l. qui rem, C. locat.*

Hæc autem omnia vera sunt, quando conductor possessionem locatori interuerrere vult & eripere; quod † si nolit eripere possessionem, sed velit vti retentione propter impensas necessarias & viles, quas fecit in rem conductam audiatur; *l. si quis rem, D. de acquir. possess. & l. pen. D. locati.* Tamen in specie huius *l. non ab re*, colonus criminaliter conueniri nō potest, quia neq; vim publicam neque priuatam admisit, quod hoc argumento probatur. Nam si vim adhibu-

isset statim & non expectata definitiua incidisset in pœnam *l. si quis in tantam, sup. eod.* Sed non incidit, vt patet ex *h. l. non abs re.*

Ergo neque vim publicam neque priuatam adhibuit, licet interdicto vnde vi conueniri possit. Et sic interdictum vnde vi non semper pertinet, ad vim publicam vel priuatam *vt in hac l. dicitur.* Quando vero vis publica vel priuata est adhibita potest criminaliter agi & tunc inscriptio exigatur accusatoris non alias, hoc est, si civiliter interdicto vnde vi agatur. Neque obstat *hac l. momentaria*, vbi dicitur interdictum vnde vi aliquando sine inscriptione esse exercendum. Ex quibus verbis elici videtur regulariter in interdicto vnde vi inscriptionem exigi. Nam huius legis sententia talis est: Interdictum vnde vi quandoque proficisci ex vi, quæ criminalem actionem, hoc est accusationem parere non potest.

*L. ii. Imp. Iustinianus A. Ioanni  
Præfecto prætorio.*

Cum quærebatur inter Illyricianam aduocationem, quid fieri oporteret propter eos, qui vacuum possessionem absentium sine iudiciali sententia detinuerunt, quia veteres leges nec **VNDE VI** interdictum, nec **QVOD VI AVT**

CLAM

CLAM vel aliquam quandam actionem ad recipiendam talem possessionem definiebant violentia in ablatam possessionem minime præcedente, nisi dominos tantum: modo in rem actionem exercere permittentes, nos non concedentes aliquem alienas res vel possessiones per suam auctoritatem usurpare sancimus talem possessorem, ut prædonem intelligi, & generali iurisdictione ea teneri, quæ pro restituenda possessione contra huiusmodi personas veteribus declarata sunt legibus. Ridiculum etenim est dicere vel audire, quod per ignorantiam, alienam rem aliquis quasi propriam occupauerit. Omnes autem scire debent, quod suum non est, hoc ad alios modis omnibus pertinere: cum talis depositio in furti actione iam dudum veteribus legibus definita est, dicentibus, si quis alienam rem aduersus domini voluntatem attigerit, furti actione teneatur: his videlicet, quæ super recipienda possessione à nobis disposita sunt, locum habentibus, si non ex die, ex quo possessio detenta est triginta annorum.

excefferint curricula. Dat. XIII. Kalen.  
Nouemb. Constantinopoli post consu-  
latum Lampadii & Orestis VV. CC. an-  
no secundo. 532.

## S V M M A R I A.

- 1 *Possessionem vacantem occupans quandoque punitur.*
- 2 *Possessio quando dicatur esse vacans.*
- 3 *Non si possessio protinus etiam dominium anissum intelligitur.*
- 4 *Interdictum vnde vi non datur contra occupantem possessionem vacantem relictam ab eo, qui vi expulit.*
- 5 *Datur tamen contra expellentem, licet non possideat.*

## C O M M E N T A R I V S.

**A**Nte huius legis decisionem, qui occupa-  
bat possessionem vacantem in pœnam  
non incidebat. Verum Iustinianus ꝑ audaciæ  
hominum occurrere volens ius sibi dicentium,  
eadem pœna civili eos coerces; atq; si vim ad-  
hibuissent, quando sciunt rem esse alienam, li-  
cet ignorent, cuius sit. Nam si existimarent es-  
se suam iustis rationibus impulsæ, cum à nemi-  
ne possideatur in pœnam huius legis non inci-  
derent.

- 2 *Dicitur autem possessio vacans quando ꝑ a nemine neque corpore, neque animo possideatur,*

tur, licet dominus rei dominium non amiserit. Possessio tamen etiam, quæ animo consistit, sæpius amittitur licet dominium retineatur. Nam dominiū altiores agit radices, quam possessio, ideoque non ita facile euertitur, *l. si quis vi, §. differentia, D. de acquir. posse.* Exempla patent ex *l. clam possidere, §. ult. cum l. seq. l. Pomponius, l. si quod, D. de acquir. posse l. non solum, §. si domini, D. de vsucap. & ex l. furtum, D. eod. tit. ubi Accursius.* Quod autem t ab Accursio dicitur, hac *l. ultim.* 4 interdictum, vnde vi non competere aduersus eum, qui possessionem vacantem occupauit, quando vetus possessor ab alio expulsus est, neque mandante neque ratum habente nouo possessore, verū est, ut patet ex *d. l. non solum, §. si domini.* Tamen aduersus illum, qui expulit, licet non possidet, interdictum vnde vi competere potest. Et ita concilianda est, *l. sequitur, §. si in vi, D. de vsucap. cum d. l. non solum, §. si domini, per l. i. §. in interdicto, D. de vi & vi armat.* Vnde dicitur ex interdicto vnde vi etiam, qui non possidet conueniri posse, utpote si expulit e possessione veterem possessorem.

SI PER VIM VEL ALIO MO-  
do absentis perturbata sit posses-  
sio. Titulus VIII.

Cod. v.

*L. i. Imp. Constantinus A. Seuero,*

Iudices absentium, qui cuiuslibet rei

E 3 posses-

possessione priuati sunt, suscipiāt in iure personas, & auctoritatis suæ formidabile ministerium obiiciant: atque ita tueantur absentes, vt id solum diligenter inquirant, an eius, qui quolibet modo peregrinatur possessio ablata sit, quā propinquus, vel parens, vel proximus, vel amicus, vel colonus, vel libertus seu seruus quolibet titulo retinebat: nec eos, qui deiecti sunt, absentium nomine possidentes quia minime ipsis decisio causæ mandata sit, ab experiunda re secludant: nec si serui sint, eorum reiiciant in iure personas, quia huiusmodi conditionis hominibus causas perorare fas non sit, sed post elapsa quoque spacia recuperandæ possessionis legibus præstituta, litigium eis inferentibus largiri conuenit, vt eos momentariæ perinde possessioni sine vlla cunctatione restituant, ac si reuersus dominus litigasset. Cui tamen domino quolibet tempore reuerso actionem possessionis recuperandæ indulgemus, quia fieri potest, vt restitutio propter seruos infideles, vel negligentes propinquos, vel parentes, vel proximos, vel amicos, vel colonos,

Ionos, vel libertos interea differatur. Absentibus enim officere non debet tempus emensum, quod recuperandæ possessioni legibus præstitutum est, sed reformato statu, qui per iniuriam sublatus est, omnia, quæ supererunt ad disceptationem litigii immutata permancant, iudicio seruato iustis legitimisque absentibus personis, cum valde sufficiat possessionem tenentibus absentium nomine contra præsentium violentiam subueniri. Datum x Kalend. Nouemb. Constantinopoli. Constantio v i i i, A, & Constante Cæs. i i i. Cols. 324.

## SUMMARIA.

- 1 Ostendit Tauardus contra Accursium & sequaces hanc legem non esse de retinenda, sed de recuperanda possessione.
- 2 Iudicis est absenti, qui possessione sua priuatur, patrocinium suscipere.
- 3 Absentium priuatorum nomine quadam persona etiam sine mandato recte experiuntur interdicto vnde vi.
- 4 Nemo sine mandato in causa alterius experiiri potest.
- 5 Notatur casus, quo seruus agit.
- 6 Interdictum vnde vi cum alias sit annale, ultra annum datur absenti expulso.

7 *Præscriptio non currit absenti expulso.*

8 *Alieno nomine possidentes expulsi non possunt agere condictione l. si quis in tantam C. vnde vi.*

# COMMENTARIUS.

**H**Æc lex non loquitur de interdicto vti possidetis, vt Accursius & Bartolus hic existimant, Sed † de interdicto vnde vi, quod duplici argumento probatur, Primum ex verbis huius legis ducitur vbi mentionem facit recuperandæ possessionis *in versi. cui ta.* Secundum argumentum est, quia quoties aliquis possidet corpore alieno, vt hæc lex loquitur, amittit possessionem vtramque etiam ignorans, si illi quorum corpore possidebat vi deiecti sunt, *l. peregre. in §. ult. D. de acquir. posses. & l. 1. §. quod seruus, D. de vi & vi armat.* Quod si illi, quorum corpore possidebam⁹, vel decesserint nobis ignorantibus vel furere cœperint, vel dolo persuasi sint, vt discederēt à possessione, possessio nobis ignorantibus non amittitur, si vero vel sponte sua possessionem deseruerint, vel aliis tradiderint iure Digestorum possessio amittebatur, sed iure Codicis non amittitur duobus postremis casibus, *l. fin. C. de acquir. posses.* Et superiora omnia probantur ex *l. si quod, in §. 1. l. si de eo. §. 1. l. qui vniuersas, §. ult. l. 3. §. quod si seruus. D. de acquir. posses. & l. non solum, §. qui pignori, D. de vsucapionibus.* De recuperandæ interdicto igitur hæc lex agit, quando vis est adhibita, præsentibus nomine absentium possidentibus; vbi multa specialia & singu-



gularia ab Imper. Constantino describuntur. In primis enim iudices † absentium, qui possessione rei priuati sunt patrocinium vltro suscipere debent, vt hac lege. dicitur vsque ad vers. *sed nec nos*. In quo vsque ad vers. *sed post elapsa*. duo specialia ponuntur. Vnum † vt serui, coloni, liberti, propinqui, amici, nomine absentium possidentes & expulsi à possessione sine mādato interdicto vnde vi agere possint nomine absentium, cum † regulariter nemo sine mandato alieno nomine experiri possit, *l. nemo alieno, D. de reg. iur. l. item si (al. incip. si pupilli.) §. vlt. D. de neg. gest.* Secundum speciale est, † vt serui agere possint contra ea, quæ notantur, in *l. seruus, C. de iud. & in l. quod ad ius ciuile atti. D. de reg. iur. in versic. sed elapsa vsq; ad vers. cui t. a.* tertium speciale constituitur, nempe, † vt etiam post annum in expulsione computandum interdicto vnde vi agatur. Nam si præsens expulsus esset, post annum interdicto experiri non posset, cum interdicta sunt annalia. Quartum speciale † explicatur in vers. *cui tamen*. vbi statuitur præscriptionem non currere aduersus absentem quocunque genere absentia, cum in cæteris causis etiā aduersus absentem causa republic. vsucapio aut præscriptio currat, sed restitutio in integrum permittitur, vt patet ex *l. 1. D. ex quib. caus. maiores tandem ex vers. vlt. b. qui incipit, sed reformato statu* elicitur, hos † præsentes nomine absentium possidentes & expulsos non posse experiri conditione, *l. si quis in tantam, supr. vnde vi*. quia illa

condictio continet causam proprietatis; nam illa causa seruatur exercenda à iustis legitimisque personis.

*L.2. Impp. Arcadius & Honorius AA. Petro-  
nio vicario Hispaniarum.*

Nec imperiale responsum, quod supplicatio litigatoris obtinuit, nec interlocutio cognitoris ex quacunque parte innouare possessionis statum, eo qui re tenet absente, permittit, quia negotiorum merita, partium adsertione panduntur. Dat. xv. Kalend. Ianuar. Mediolani, Cæsario & Attico Cols. 397.

#### S V M M A R I A.

- 1 Possessionis controuersia inaudita causa non debet terminari.
- 2 Ea quæ cognitionem desiderant, non possunt aut debent expediri per libellos supplices.

#### C O M M E N T A R I V S.

**H**æc lex secunda explicat l. meminere cuncti, sup. vnde vi. de qua dictum est. Hac itaque lege notatur, non t posse expediri litem possessionis inaudita parte aduersa, etiam per rescriptum principis aut sententiam interlocutoriam iudicis, multo minus igitur per libellum expeditur. Ea enim t q causæ cognitionē desiderant

derant per libellum expediri non possunt, l. nec  
quicquam §. vbi decretum. D. de offic. procons. deleg.

DE OPERIS NOVI NVN-  
ciatione. Titul. xxxix. Dige. i.

QVOD VI AVT CLAM TI-  
tulus xliii. Digest. xxiv.

DE REMISSIONIBVS TI-  
tul. xliii. Digest. xxv.

## SYMMARIA.

- 1 Cuique in suo licitum est adificare pro arbitrio.
- 2 Nisi solum illud seruitutem urbanam debeat.
- 3 Quae si per adificationem tollatur aut minuat, is cui debetur opus nouum nunciandi ius habet.
- 4 In alieno solo adificanti opus nouum nunciari potest.
- 5 Quomodo nuncietur opus nouum.
- 6 Dominus soli, in quo alius adificat, potest adificatum demoliri autoritate propria.
- 7 Nunciari potest opus nouum, in publico etiam adificanti.
- 8 Nunciatio operis noui fit ex triplici causa.
- 9 Et ad triplicem finem.
- 10 Nunciare possunt opus nouum, quibus seruitus urbana debetur, non etiam illi, quibus debetur rustica.
- 11 Vbi ratio differentiae inter utramque seruitutem explicatur.
- 12 Vsfufructuarius procuratorio nomine nouum opus  
nun-

nunciare potest aduersus tertium: aduersus  
dominum nullo modo.

13 Socius socio in re communi opus nouum nunciare  
non potest.

14 Superficiarius & creditor possunt.

15 Procurator nomine domini cauens, aut mandatā  
habens.

16 Pupillus, seruus, furiosus non possunt.

17 Forma nunciandi opus nouum.

18 Nuncians opus nouum de calumnia iurare de-  
bet.

19 Nunciatio notorie iniusta est inutilis.

20 In dubio nunciatio tenet.

21 Quae cautione soluitur.

22 Tria remedia notantur, quibus consulitur ei, in  
cuius solo quid edificatur.

23 Si edificatum sit.

24 Interdictum ex nunciatione noui operis restitu-  
torium.

25 Satisfactio prestita nūciato si prohibeatur, da-  
tur interdictum prohibitorium.

26 Capita in tractatu operis noui summa obseruan-  
da.

27 Iure nūciatum tenet.

28 Nunciatio noui operis distat ab interdicto Quod  
vi aut clam.

29 Interdictum quod vi aut clam ex quadruplici vi  
nasci potest.

30 Quod tamen sola vi non parit.

31 Cui detur.

32 *Aduersus quos.*33 *Ad quid.*

## COMMENTARIUS.

**V**Nusquisque † in suo libere opus nouum  
 facere potest, hoc est, aut ædificando aut  
 detrahendo aliquid pristinam faciem soli aut  
 op̄eris mutare, de quo in l. 1. §. opus nouum, & leg.  
 stipulatio, §. opus autem factum, D. de nou. oper. nun.  
 & in l. si alius, §. notauimus, sup. cum seqq. §§. & tri-  
 bus seqq. D. quod vi aut clam. nisi † solum seruitu-  
 tem debeat urbani; nam † tunc aduersus do-  
 minum, qui in solo ædificauit, aut quodlibet a-  
 liud nouum opus fecit, ex quo seruitutis vsus  
 vel amittitur vel deminuitur, per eum cui ser-  
 uitus debetur nouum opus nunciari, hoc est,  
 prohiberi potest solo & simplici verbo: Quod  
 si aliquis in solo † alieno opus nouum fecerit, 4  
 multo magis potest ei nouum opus nunciari,  
 non solum † simplici verbo, sed etiam per Præ-  
 torem, hoc est, auctoritate prætoris, per officia-  
 lem vel per iactum lapilli: quinimo † dominus 6  
 soli possessor potest propria autoritate nouum  
 opus in suo factum demoliri & destruere. Præ-  
 terea † nunciatio noui operis fit aduersus eum, 7  
 qui in publico solo nouum opus fecit, & unus-  
 quisq; nunciate tunc nouum opus potest. Ergo † 8  
 nunciatio noui operis ex triplici causa fieri po-  
 test, nempe, vel naturali, quando dominus soli no-  
 uum opus nunciat, vel imposititia, quando illo  
 cui seruitus urbana debetur nunciat nouum o-  
 pus

9 pus, id est, perhibet; vel ex causa publica. Et sic nunciatio fit ob triplicem finem, vel ut ius nostrum cōseruemus, id est, seruitutem nobis debitam, vel ut damnum depellamus, quando nouum opus fit in solo nostro, vel ut publicam utilitatem tueamur quando fit in publico. Hæc omnia probantur, *ex l. 3. §. ult. ex l. 1. §. nunciatio fit ex l. de pupillo. §. et belle Sextus Pedius, & §. meminisse, D. de nou. oper. nunc. l. vn. D. de remiss. & l. et si forte, §. ult. D. si seruit. vind. & ex l. inter, D. de serui. vrba. prædior.*

- Ergo opus nouum nunciare possunt illi, quibus
- 10 bus † seruitus vrba debetur, quibus autem debetur rustica non possunt, *l. qui viam, D. de noui oper. nunciat.* Ratio differentiæ est, quia † magis contra substantiam & naturam seruitutum urbanarum est opus nouum, quam naturam rusticarum, cum seruitutes urbanæ consistant in superficie, rusticæ vero in solo, *l. seruitutes prædiorum aliæ in solo, D. de seruitutibus.* De usufructuario † an opus nouum nunciare possit, maior est dubitatio, quia Vlpianus cuius sententia approbatur, negat fructuario vindicationem competere seruitutum, *l. 1. D. si usufr. petet.* cum soli domino competat, *l. 2. D. si seruitut. vindicet.* Hi autem duntaxat quibus vindicandum seruitutum ius est, opus nouum nunciare possunt: licet Iulianus existimauerit usufructuario vindicandarum seruitutum ius esse, cuius opinio recitatur in *l. 1. D. de remissionib. vers. item Iuliano.* quæ licet ab Vlpiano non approbetur, tamen obti-

obtinuit, vt usufructuarius nouum opus nunciare possit, nomine procuratorio, hoc est, domini proprietatis aduersus vicinum; at aduersus dominum nouum opus facientem in solo fructuario nunciare non potest, Quinimo tunc  
 que socius aduersus socium, hoc est, eum cum quo res communis est, *l. 1. §. vit. l. 2. & 3. D. de nou. oper. nu.* Superficiarius quoq; & creditor aduersus vicinum opus nouum nunciare possunt, *l. 3. §. si ego & l. creditori, D. de nou. op. nunc.* Procurator quoq; nomine domini nouum opus nunciare potest, satisdando rem ratam dominum habiturum, nisi habeat de hoc speciale mandatū & constet de mandato; nam tum cautio non exigitur, *l. de pupillo, §. qui procuratorio. l. si procurator & l. cum procurator, D. de nou. op. nunc. l. vn. C. de satisda.* Atque pupillus, seruus, furiosus non possunt nunciare, nisi pupillus tutore autore nunciet *l. de pupillo, D. de nou. op. nunc.* Et hæc de personis, quæ nunciare possunt. Forma itaque nunciationis talis est vt in ea re presenti fieri debeat, id est, eo loci vbi opus fit, & præterea demonstrandus est certus locus. Postremo qui topus nouum nunciat iurare debet de calumnia *l. de pupillo, §. nunciatione et §. si quis forte in foro, & l. operis noxi nunciatio, D. de nou. op. nunc.* Nunc de effectu nunciationis dicamus, in qua quæstione tali distinctione est vtendum. Nam vel is, qui nunciauit superstes est, quando ædificatur aduersus nunciationem, aut decessit; Illo casu aliquando ius non habet nunciandi, & hoc manifestum est, quia tunc vel  
 seruus

- seruus est vel pupillus sine tutoris auctoritate, vel res, in qua nouum opus nunciatur celeritate eget, utpote, si quis riuos vel cloacas velit reficere aut purgare, vel forma nunciationis non est seruata, vel usufructuarius domino nunciat vel is, qui nunciat causas inanes & friuolas allegat à iure non probatas: Et his omnibus casibus nunciatio nullius est momenti, & ita remissio est inutilis, hoc est impune ædificari potest, *d. l. de pupillo, §. si quis forte, & §. si quis riuos, D. de noui. oper. nunc. & l. vni. D. de remissionibus, vers. ipsi autē*
- 20 *domino pradij.* Aut is qui nunciat non iure nunciat, tamen id est ambiguum; quia allegat causas iustas, sed non veras, quod postea in fine litis diiudicabitur: & hoc casu tantas habet vires nunciatio, ut statim is, cui nunciatum est super-
- 21 *sedere & abstinere debeat, donec caueat, id est fideiussores præstet de demoliendo opere suis sumtibus, si postea contra eum iudicetur, vel res noni defendatur; aut donec remissionem à Pratore impetrauerit. Nam eatenus remittetur nunciatio & prohibitio; quatenus prohibendi Ius is, qui nunciauit, non habuit, l. i. in princip. l. non solum, §. sciendum, l. prator ait per tot. l. & præsertim in §. i. & l. stipulatio habet, §. autē sola stipulatio, D. de nou. oper. nunc. & l. vn. C. cod. tit. Est*
- 22 *† itaque in arbitrio eius; in cuius solo opus nouum fit vel opus nouum nunciare, vel opus demoliri ( ut supra dictum est ) vel interdicto uti possidetis experiri, l. pen. §. vicinus, D. uti poss. Aut*
- 23 *† si opus aduersus nunciationem factum est, vel inter-*



interdicto vti ex noui operis nunciatione proficiscente, vel potest vti interdicto Quod vi aut clam. Et vtrumque interdictum † est restituto- 24  
rium; quia is, cui nunciatum est nouum opus, cogitur id destruere, & solum in suam pristinā faciem restituere, etiam si ius habuerit ædificandi, & hoc propter spretam nunciationem ex dicto prætoris emanantem; & si is qui opus fecit post nunciationem prædium alienauit, emptor cogitur duntaxat pati, vt opus tollatur & venditor ad impensas condemnabitur. At si is, cui nouum opus nunciatum est, hærede relicto decesserit, sed defunctus opus fecerat, ad patientiam duntaxat hæres obligatur. Nam morte eius, qui nūciauit extinguitur nūciatio, quo ad præstationem Impensarum duntaxat, non autem quo ad patientiam tollendi opus.

Si vero hæres opus inchoauit, aut perfecit, ignorans nunciationem defuncto factam esse, is tanquam bonæ fidei possessor consequetur impensas necessarias aut vtilēs, aut saltem materiam recuperabit, iuxta distinctionem l. plane. D. de pet. hered. & l. in fundo alieno, D. de rei vind. Hæc omnia probantur, ex l. prætor ait, §. 1. & hoc interdictum, l. pen. & vlt. D. de nou. oper. nunc. l. non solum §. morte, eod. tit. l. 1. in princip. l. si alius. §. ait Iulianus, l. semper, l. competit, §. vlt. l. vi facit, §. tamdiu, D. quod vi aut clam.

Quod si is, cui † nouum opus nunciatum est, 25  
satisdederit & post satisfactionem nouum opus facere pergat, & prohibeatur, potest vti inter-

dicto prohibitorio ex satisfactione proficiscente, per quod prohibebitur nuncianti, ne vim faciat ædificanti. *l. prætor ait, §. deinde ait prætor, & seq. D. de nou. oper. nunc.*

- 26 Ergo in hoc tractatu sequentia sunt distinguenda nempe edictum prætoris de noui operis nunciatione permilla, nūciatio noui operis, satisfactio, remissio, interdictum prohibitoriū competens satisfacti; interdictum restitutoriū competens nuncianti, & proficiscens ex nunciatione noui operis, interdictum quod vi aut  
27 clam & interdictum vti possidetis. Aut is qui ꝑ nunciauit nouum opus iure nunciauit, & de hoc constat in exitu iudicii, & tunc nunciatio tenet neque remissioni locus est, *l. 1. in princip. D. de remissionibus.*

- Et hæc breuiter dicta sint de noui operis  
28 nunciatione, quæ ꝑ ab interdicto Quod vi aut clam, multis in rebus differt: Primum enim, Nunciatio interdictum non est, deinde nunciatio pertinet aduersus futura opera, Interdictum, Quod vi aut clam aduersus præsentia, *l. 1. §. primo, D. de noui. oper. nuncation.* Postremo quicquid aduersus Nunciationem noui operis factum est, statim censetur esse factum aduersus nunciationem noui operis, cum vi aliquid factum esse sit genus, quod in duas species diuiditur nempe in nunciationem noui operis & in quancunque aliam prohibitionem, quæ quidem prohibitio rursus in duas species subdiuiditur, vel in prohibitionem factam verbo-  
tenus

tēnus, vel in perhibitionem factam per manū  
opponentis *l. i. §. quid si vi, cum seqq. §. vsque ad finem l. & l. vi facit, versic. prohibitus; D. quod vi aut clam.*

Postremo quando aliquid vi factum non est,  
sed clam, hoc interdictum Quod vi aut clam  
competit, *l. tertia, §. vltim. cum l. sequen. D. quod vi aut clam.* Hoc autem interdictum † ex qua- 29  
druplici vi nasci potest, nempe vel ex vi expul-  
sua vel compulsiua, *l. metum, paragraph. i. D. quod met. caus.* vel ex vi turbatiua, & ita concur-  
rit cum interdicto uti possidetis, *l. vim facit, D. de vi & vi armat. & leg. penultim. §. si vicinus, D. uti possidetis.* vel ex vi ablatiua, *l. is qui in puteum, §. quasitum est, & §. si quis viuens, Digest. quod vi aut clam.*

Tamen † sola vis quæcunque sit hoc inter- 30  
dictum non parit, sed requiritur opus aliquod  
manifestum extare vel sublatum esse, *l. vltim. §. Trebatius ait Labeo contra, & d. l. is. qui in puteum, D. quod vi aut clam.* Interdictū quod vi aut clam  
competit non solum † domino Prædii in quo 31  
quid factum est, sed etiam his quorum interest  
opus factum non esse, licet possessores non sint  
*l. is qui in put. §. vlt. cum duab. seqq. & l. competit in princip. D. quod vi aut clam.* Aduersus eos, † qui 32  
viaut clam in solo opus nouum fecerunt, vel  
mandarunt fieri, vel ratum habuerunt, ut † opus 33  
factum, suis impensis tollant, & præterea con-  
demnentur ad id, quod interest actoris opus fa-  
ctum non esse: aut aduersus eos, qui pos-

fidet locum in quo opus factum est ipsis inuitis, ad hoc tamen ut patientiam præstet tollendi operis, l. competit, §. vltim. l. aut qui aliter, §. hæc verba, cum seqq. §§. & seqq. l. semper, §. vlt. l. si opus, §. vlt. D. quod vi aut clam.

## DE DAMNO INFECTO.

Titulus XXXIX. Digest. II.

### SUMMARIA.

- 1 Continuatio huius tituli cum titulo de operis non nunciatione.
- 2 Stipulatio de damno infecto pratoria est & cautionalis.
- 3 Quæ fungitur vice actionis.
- 4 Stipulationes proriæ continentur appellatione actionum.
- 5 Stipulatio damni infecti differt ab actione.
- 6 Et est imperij mixti.
- 7 Nec à magistratibus municipalibus expediri potest.
- 8 Quisque ut maxime sua non intersit procuratorio nomine cautionem damni infecti stipulari potest.
- 9 Stipulatio damni infecti in solo priuato.
- 10 Qui cauere teneantur.
- 11 Ad publicam vtilitatem adificans non cauet damni infecti.
- 12 Cautioni de damno infecto locus non est alio auxilio competente.
- 13 Socius adium communium non potest stipulari damni

damni infecti.

14 Si cautio pinguius cōsulat, tum vt maxime aliud competat auxilium, cautioni locus esse potest.

15 Effectus cautionis damni infecti.

16 Contumace existente eo, à quo cautio petitur, decretis res expeditur.

17 Primo decreto custodia & detentio datur.

18 Secundo dominium ipsum.

19 Nisi pradium sit vectigale.

20 Notatur differentia inter sententiam definitiuā interlocutoriam & decretum.

21 Decretum distribuitur.

22 Quatuor ex causis ob contumaciam primo & secundo decreto locus esse solet.

23 Prima est, rei seruande causa.

#### COMMENTARIVS.

**Q**uia † nouum opus nunciare possunt non solum hi, in quorum solo ædificatur, aut quibus seruitus urbana debetur ab eo prædio in quo opus nouum fit, sed etiam hi, qui postulant, vt damni infecti sibi caueatur, l. 1. §. nunciamus autem, D. de noui oper. nunc. merito, titulus de damno infecto titulum de noui operis nunciatione sequitur in hoc, itaque titulo proponitur vna † stipulatio prætoriam & cautionalem, quæ † fungitur vice actionis & vicem actionum representat, licet actio non sit stricte sumpta, sed quia vi stipulationis futuræ de damno infecto aduersarius in ius vocari potest, perinde atque

4 si actor actionem haberet, merito † stipulationes prætoriaræ & cautionales, qualis ista est, actionis verbo continentur, si actio latissime sumitur, *l. non solum, D. rem rat. haber. l. si ambo, D. de compensation. l. actionis verbo, Digest. de action. & obligat.*

5 Verum † ab actione strictè sumpta duabus in rebus differt: Prima differentia est, quia stipulatio hæc est causa efficiens actionis: nouam enim parit actionem nempe actionem ex stipulatu, quæ ante stipulationem non competebat, *l. quidam Iliberus in fin, Digest. de seruitut. urban. præd. & leg. prima, Digest. de prætor. stipulation. §. cautionales, vbi loco dictionis ( Nouatio ) legendum est ( Noua actio ) vt in Pandectis Florentin. legitur.* Altera differentia, hæc stipulatio prospicit damno nondum facto, sed quod futurum verisimiliter timetur, cum ceteræ actiones ad damna, quæ contigerunt sarcienda pertineant, *l. prætor ait, paragraph. hoc edictum, D. hoc tit.*

Diximus hanc stipulationem esse prætoriam & cautionalem Vlpiano, vt patet ex *l. 1. D. de prætor. stipul.* Et Modestino quoq; prætoria est, vt patet ex *l. 5. D. de verbor. obligationibus & ex tit. de diuis. stipulat. Institut.* Prætoriaræ enim stipulationes & communes Pompon. & Iustinian. dicuntur, cautionales Vlpiano vt patet ex dict. *l. 1. D. de prætor. stipul. & ex l. non solum, D. rem ratam hab.*

Hæc stipulatio damni infecti censetur esse  
† mixti

† mixti imperii principalis, hoc est, pertinere 6  
ad causam ciuilem magna ex parte prætoris arbi-  
trio permissam, *l. iubere cauere, Digest. de iurisdic-  
omn. iud.*

Et propterea à † magistratibus municipali- 7  
bus expediri non potest. *l. ea quæ, D. ad municip-  
pal.* Si enim magistratus municipalis non habet  
modicam coercionem, quæ est mixti imperii  
accessorii, sine quo iurisdicção vix explicari po-  
test, vt patet ex *l. final. D. de offic. eius.* longe minus  
habebit ea, quæ sunt mixti imperii principalis:  
sed primum verum, *l. 1. Digest. si quis ius dic. non  
obtemper. & l. 5. C. de defens. ciuitat.* Verum igitur  
& secundum erit. Quapropter prætor non po-  
test hanc cautionem damni infecti magistrati-  
bus municipalib. delegare, nisi dilatio periculũ  
allatura sit, quia ruina maxima timetur iam iam  
futura, & magistratus populi Romani longe ab-  
est à loco ad quem accedendum est. Hoc enim  
casu potest mandare magistratui municipali, vt  
statim locum adeat & iubeat caueri, & aduerfa-  
sario non cauente mittat in possessionem ex pri-  
mo decreto eum qui caueri sibi desiderat, *l. 1. &  
l. 4. §. duas ergo res. D. b. tit.*

Quod itaque dicitur ea, quæ sunt mixti im-  
perii mandari non posse, verum est nisi dilatio  
periculum allatura sit, *dict. leg. 1.* vel nisi fauor  
personarum aliud suadeat, vt *leg. final. Codic.  
vbi & apud.* In hoc Titulo quatuor sunt præci-  
pue examinanda. Primum est, quibus cauendum

Secundum qui cauere debeant, tertium quando cauendum, quartum est de effectu huius cautionis, & quando expiret.

Quod autem ad primam questionem attinet duæ regulæ constituendæ sunt: Prima est;  
8 Procuratorio nomine † quisquis admittitur ad petendam hanc cautionem, neq; perquiritur, an eius intersit nec ne, *l. qui bona, §. qui damni, & §. si alieno nomine, D. hoc tit.*

9 Secunda regula est, Quando † aliquis petit, vt sibi caueatur de eo opere, quod in solo priuato fit, vt caueatur suo nomine, duo sunt illi necessaria: Primum, vt eius intersit, secundum, vt ius habeat in re, cui damnum timetur, cuiusmodi sunt dominus proprietatis, fructuarius, superficiarius, conductor, emphyteuta ille, cui seruitus debetur & similes. Quapropter licet emtoris intersit etiam ante traditionem rei emtæ, tamen quia nōdum dominus, ei cauendum non est, sed venditori. Hæc omnia probantur, *ex l. damni infecti stipul. §. emtor prædij, & §. si vicinus, & l. cum emtor, D. hoc tit.*

10 Secunda questio est, Qui † cauere debeant; & constat eos omnes, qui ius aliquod in re habent cauere debere, quando opus nouum faciunt, ex quo damnum timetur, aut etiam quādo opus antiquum est ruinosum. Quapropter nō solum dominus proprietatis, sed etiam fructuarius, superficiarius, emphyteuta vectigale prædium habens, ille, qui seruitutem habet & denique creditor coguntur cauere de damno infecto,



infecto, quod nō faciant ius quod habent amittunt, & quando ius habent in re perpetuum re-promittendo liberantur: Si vero ius habent personale, id est, quod cum persona extinguitur, si conueniuntur ratione totius rei, hoc est, tam vicio soli, quam operis duntaxat satisfacere, id est, fideiussores dare, quia alieno nomine per mittuntur, si vero viciū operis quia quodāmodo censentur nomine proprio cauere re-promittendo liberantur. Et ita sunt conciliandæ seqq. leges, nempe, *l. hoc amplius, §. pen. & ult. l. qui bona, §. 1. l. damni infecti. l. si proprietarius, l. eorum, l. si finita, §. si qua, & seq. & l. prator ait, D. hoc tit.*

Et hæc quando de loco priuato agitur. Nam † si in publico loco publice ædificatur, id est, ad publicam vtilitatem, qui ædificat de damno infecto cauere non debet, tamen opus ita facere debet, ne vicino noceat, *l. si finita, §. publicus locus, & l. qui vias publicas, D. hoc tit.* Si vero priuatim ædificat, id est, sibi & ad suam vtilitatem cauere debet, non de vitio soli sed de vitio operis.

Tertia quæstio est, Quando cauendum sit: vnde talis regula constituitur; Cautioni † de damno infecto locum non esse, quādo alio auxilio ordinario suæ indemnitati consulere potest actor, *l. qui bona. §. de illo. l. damni infecti stipul. compet. §. ei cuius, l. si adibus meis, & l. inter fructuarium, D. hoc tit.*

Quapropter † si aliquis habet ædes commu-

nes cum altero, & ædes proprias ædibus communibus vicinas, non potest cogere cum, cum quo res communis est, vt caueat de damno infecto, quia ædes communes potest sarcire & reficere, & postea impensas pro parte repetere actione pro socio vel communi diuidendo, *d. l. si ædibus*. Ergo si illa commoditas reficiendi ædes communes sese nõ offert, quia forsitan est præuentus à socio, qui non recte reficit, illum ad cautionem damni infecti cogere poterit, & ita concilianda est *l. in hanc stipulationem, cum d. l. si ædibus, per l. inter quos paries communis est, D. hoc tit.* tamen huic regulæ exceptio vna inest, nempe ¶ quando auxilium ordinarium non æque consulit ac extraordinarium. Nam tunc licet actione ordinaria vti possit, nihilominus tamen cautionem damni infecti poterit extorquere, *l. damni infecti stipul. compet. §. ei qui in conducto solo. D. hoc tit.* vbi habetur superficiarium aduersus domnum proprietatis de soli vicio & dominium aduersus superficiariũ de vitio operis posse agere, vt sibi damni infecti caueatur, licet actiones ex locato & conducto habeant, quia per cautionem damni infecti promissor de leuissima culpa tenebitur, qui non teneretur, si actionibus ex locato & conducto conueniretur, videatur *l. 3. D. Naut. caup. stabul.* Quarta quæstio & postrema est, quem effectum habeat cautio damni infecti. Effectus itaque maximus est, quia ¶ si ædes viciosa ceciderint in ædes vicinas, antequam caueatur aut antequam prætor decreuerit,

rit, vt caueatur damnum impunitum erit; neq;  
 enim dominus ædiū ruinosarum, id sarcire co-  
 getur, *l. prator ait. §. vlt. l. si finita. §. si cœm ruerint,*  
*l. antequam damnum detur. & l. cum postulassem. D.*  
*hoc tit.* Post cautionem vero, vel decretum præ-  
 toris si ædes ruerint, non casu fortuito aut vi  
 aliqua, neq; culpa aliena, sed ob vicium quod-  
 dam externum, totū illud damnum sarcire co-  
 gitur, *l. fluminum, §. vicium & seqq. §§. vsque ad fin.*  
*D. hoc tit.* Nam si nullum possit adscribi vicium  
 ædificio, quia est extractum & iure permitten-  
 te, licet damnum inde inferatur vicino, non ta-  
 men sarcendum est, *d. l. fluminum, §. vlt. & l. Pro-*  
*culus, D. hoc tit.* Aut is † a quo cautio petitur con- 16  
 tumax est, & tunc ad primum, deinde ad secun-  
 dum decretum peruenitur: Per primum itaque  
 decretum † custodia & detentio rei ruinosæ a- 17  
 ctori adiudicatur, per quam non alias possessio-  
 ne decedere cogetur, quam si damnum illatum  
 ei sarcitur, aut si damnum nondum datum  
 est, expensæ litis sunt ei restituendæ & præter-  
 ea cautio tradenda, *l. si finita, §. si quis damni & se-*  
*quen. D. hoc tit.*

Si vero reus in contumacia perseverat per  
 secundum decretum † vera possessio auctori 18  
 adiudicatur, & præterea dominium, si reus  
 erat dominus, si dominus non erat, vsucapio-  
 ni causa præbetur & antiquus possessor a pos-  
 sessione expellitur, *dict. leg. si finita, §. si quis autem*  
*& sequent.* nisi † prædium vectigale esset. 19

Nam tum municipibus in contumacia  
 existen-

existentibus per secundum decretum dominium prima fronte non quaritur, sed tamen vsucapiendi conditio & potestas, *d. l. si finita, §. si de vectigalibus*. licet regulariter res vectigales vsucapi non possunt, *l. siue. D. de publician.*

Ergo regulariter per hoc secundum decretum possessor constituitur dominus, si aduersarius dominium habebat, *l. 1. D. de fund. dot. l. sed si, D. commun. diuidu.* Si non erat dominus, res vsucapi potest, *l. pratoris officium. D. hoc titu.* Et quia de primo & secundo decreto hic agitur, notanda  
 20 est differentia † inter sententiam diffinitiuam, interlocutoriam & decretum. Nam sententia diffinitiuæ est pronunciatio iudicis aut magistratus, quæ causâ cognita totum negotium totamque litem dirimit, *l. 1. D. de re iud. l. qualem, §. dicere, D. de receptis arbitr.*

Sententia interlocutoria est pronunciatio iudicis emissâ interim dum lis præcipua pendet quæ plerumq; sine causæ cognitione fit, Ideoque facile reuocari potest per eundem iudicem. Decretum est pronunciatio prætoris siue alterius magistratus cum causæ cognitione facta, quæ plerunque liti finem nom imponit, sed sæpe aperit viam litigandi. Nam restitutio in integrum Decreto prætoris permittitur *l. in causa §. causa, D. de minorib.* & tamen viam liti futuræ aperit, item transactio alimentorum in vltima voluntate relictorum decreto prætoris fit, *l. cū si, D. de transact.* & tamen fieri potest, vt nulla lis de his alimentis mota sit. Præterea res minoris  
 immo.

immobiles Decreto prætoris alienantur, cum neque lis præsens sit neque futura speretur. Ergo sic Decretum diuidere possumus † vt quod- 21  
dam sit extra rem, id est, litem, quoddam interponatur propter rem, & hoc iterum duplex est.

Nam aliquod interponitur propter possessionem adipiscendam aut retinendam, quoddā interponitur propter alias causas. Id quod interponitur propter possessionem, vel interponitur; quia aduersarius contumax est, vel licet contumax non sit. Illud quod ob contumaciam interponitur in primum & secundum Decretū diuiditur.

Primo decreto custodia duntaxat rerum per-  
mittitur: Secundo decreto vera possessio con-  
stituitur, & plerumque dominium aut alienan-  
di potestas. Nam notandum est † ob contuma- 22  
ciam aut quid aliud vice contumaciæ fungeris,  
quatuor ex causis, quem in possessionē rerum  
aduersarii mitti, tum ex primo tum ex secundo  
Decreto nimirum, Rei seruandæ causa, legato-  
rum seruandorum causa, ventris nomine & da-  
mni infecti, quæ numerantur in *l. 1. D. quibus ex  
causis in possess. eatur*. Rei seruandæ causa id est,  
seruandi eius, † quod nobis debetur, vel quod à 23  
nobis petitur, causa seruandi eius, quod nobis  
debetur, in possessionem rerum aduersarii mit-  
timur, si vel sumus creditores eius, qui sine hæ-  
rede decessit, vel cum hærede obruto ære alic-  
no suo nomine. Nam tunc separationem bo-  
norum

norum impetramus: vel sumus creditores eius qui bonis cessit, vel eius qui sententia diffinitiva condemnatus est, vel ore proprio confessus in iure, vel eius qui latitat vel sumus creditores hypothecarii & pignus persequimur. His itaq; omnibus nominibus & modis rei seruandæ causa in possessionem mittimur, vt patet ex toto tit. C. de bonis authen iudic possid. ex tit. D. de reb. authen. iud poss. Ex tit. D. quib. ex causis in possess. eatur ex l. à Diuo Pio, §. in venditione, D. de re iudicat. ex l. final. C. de pretorio pignore, ex l. non est mirum, D. de pignor. actio. & ex leg. final. C. de iur. domin. impetrand.

## DE AQUA ET AQUÆ PLV- uiæ arcendæ. Titulus XXIX.

Digest. iii.

### SUMMARIA.

- 1 Aqua pluuiæ nocente ex edificio vel agro alieno negatoria agendum est.
- 2 Aqua pluuiæ nocente agro quæ defluit per agrum alienum lex agro imposita spectanda est.
- 3 Si nulla sit lex, natura loci inspicienda est.
- 4 Si neutrum horum apparet, sed opere manu factum noceatur.
- 5 In publico si factum sit opus, vnde nocetur, non habet locum hæc actio.
- 6 In priuato haud aliter, quam si nocendi animo opus sit factum aut modus excedatur.

7 Actio

- 7 *Actio directa aqua pluuiæ arcendæ describitur.*  
 8 *Eademque quandoque utilis est.*  
 9 *Quomodo hæc res expediatur cum plures sunt vel quibus nocetur, vel quorum agri nocent.*  
 10 *Opus vnde nocetur factum patiente vicino impedit actionem.*  
 11 *Quod limitatur.*

## COMMENTARIUS.

**I**N hoc titulo duo explicantur, nempe seruitus aquæ ducendæ, quapropter in hoc titulo dum dicitur de aqua tubaudiendum est ducenda per agrum alienum, de qua loquitur *l. in conducendo, cum 3. seqq. & l. si prius noctur. aqua, D. h. t.*

Alterum quod explicatur in hoc titulo est natura actionis aquæ pluuiæ arcendæ, de qua dicemus priore quæstione omiſſa. In hac igitur secunda quæstione quatuor sigillatim sunt explicanda. Primum est, quando hæc actio competit; secundum, ad quid competit, hoc est illud quod petitur & adiudicatur; tertium est, quibus datur: Quartum, aduersus quos. Quod autem ad primum attinet, aliquândo † aqua pluuiæ nocet ædificio ex ædificio vel agro alieno, & tunc huic actioni locus non est, sed negatoria actione damnum depellendū est, *l. 1. §. item si enctor hanc actionem, D. hoc. tit.* Aut † aqua pluuiæ nocet agro, quæ defluit per agrū alienum, quo casu in primis perpēdenda est lex agro imposita, siue sit vniuersalis, utpote ex lege vniuersali

fali aut consuetudini proficiscens, siue sit lex specialis agro itnposita: Nam impune aqua pluuiatunc nocet, *l.1. §. denique ait de agrorum, & l. 2. §. ult. D. hoc tit.* Si nulla lex reperitur agro imposita, inspicienda est loci natura. Nam si locus vicinus sit natura superior aut aggerem quendam siue monticulum naturalem habet, huic actioni locus non est, *d. l.1. §. denique ait, & l.2. in princip.* Aut neque lex dicta agro inuenitur, neque ex natura loci id damnum contingit, sed  
 4 opere manu facto, & tunc veleius operis memoria non extat vel extat. Illo casu perinde habetur, atque si natura loci noceret, ideoq; huic actioni locus non est, *d. l.1. §. denique ait. nisi vtro casu, id est quando domino prædii in quo opus est factum, nihil nocet, & vicino prodest.* Nam tunc ex æquitate utilis hæc actio competit illi duntaxat, vt patientiam reficiendi operis præstet, *l.2. in §.1. D. h. tit.* qui locus sic conciliandus est cum aliis legibus *ex d. l. 2. in §. item verus, & §. apud Nemusam.* Vel potest agi actione aquæ pluuiæ arcendæ aduersus vicinum per dominium prædii, vt illud opus suis impensis reficiat, quando ei soli vtile est, *d. l. 2. in §.1. & §. apud Alphenum, & d. §. item verus.* Quando operis facti memoria extat, hoc est quando adhuc viuunt hi qui opus fieri viderunt, aut audierunt loquentes eos, qui memoria tenebant initium operis, de quo *in leg. 2. in §. idem Labeo ait cum queritur, D. hoc tit.* quando, inquam, operis facti memoria extat, quod opus vel factum & permanens  
 nocet,



nocet, vel nocet quando destructum est, tunc dominus loci, in quo opus est actione aquæ pluviæ arcendæ cogitur opus extans destruere vel destructum reficere suis impensis, ita ut vicino de cætero non noceatur *l. 1. vers. in summa vers. item sciendum est, & §. sunt autem, §. idem ait. §. Neratius, §. sed etsi, l. 2. §. item verus, D. hoc tit.* Et hæc quando opus vel factum est, vel destructum manu. Nam si destructum esset natura vel impetu, dominus tenetur duntaxat præstare patientiam reficiendi operis; *l. supra iter, in §. vlt. D. hoc tit.* Itaque in hoc iudicium futurum damnum venit, quod subinde timetur ratione operis manu facti, vel extatis vel deiectioni, & post litem contestatam damnum illatum duntaxat sarcietur, & opus iussu iudicis restituetur vel destruetur, prout commodum erit vicino prædico, *l. 1. §. 1. l. si tertius, §. officium et l. Anteus, §. in hoc iudicium, D. hoc tit. & l. 6. §. vlt. cum l. seq.* quibus locis diserte cauetur, opus manu factum domini loci, vel iubente domino, quo aqua pluvia nocet, esse eius impensis tollendum, licet cedere loco paratus sit, si tamen non cedat fundo. Et ita secunda quæstio est explicata, qua quæritur, ad quid actio aquæ pluviæ arcendæ competat. Verum quod dictum est, de opere manu facto, cuius memoria extat tollendo vel reficiendo, multas recipit exceptiones. Nam si in publico opus factum est, hæc actio locum non habet, *l. 3. §. vlt. D. hoc tit.*

Præterea etiam si in privato factum sit opus

G

non

non tamen continuo hæc actio locum habebit:

- 6 Nam exigitur, vt  $\dagger$  opus factum sit animo nocendi, aut vt modus excedatur. Aloquin vnusquisque impune facere potest, quod lubet in suo, etiam cum detrimento alieno, l. 1. §. *idem aiunt aquam pluuiam & seq. l. secunda*, §. *idem Labeo ait si vicinus, & seq. D. hoc tit. & l. fluminum*, in §. *ult. in fin. supra de damno infecto*. Ergo hæc Regula qua dicitur vnumquemque in suo facere posse, quod lubet, Intelligenda est, nisi fiat animo nocendi, aut nisi modus excedatur, vt supra dictis legibus probatum est, aut nisi quid inde in alienum immittatur siue delabatur, l. *sicuti, in §. Arist. D. si seruit. vind.*

- 7 Actio directa  $\dagger$  aquæ pluuiæ arcendæ personalis est in rem scripta, eique duntaxat competit, qui dominus est prædii, cui prædio aqua pluuiæ nocet, aduersus dominum alterius prædii, in quo opus manu factum est, vel ex quo prædio aqua pluuiæ præter naturam fluens, prædio actoris nocet, vt dominus, qui opus fecit, id suis impensis tollere cogatur, aut reficere, aut si opus non fecit, sed eius colonus vel procurator ad patientiam duntaxat tenetur præstandam, colonus vero aut procurator ad impensas. Cæterum
- 8  $\dagger$  hæc actio utilis vsufructuario & in vsufructuario datur. Præterea si post alienationem opus agro alienato nocere possit, quod erat factum ante dictam alienationem & postremo domino, id est, ei, in quem alienatio facta est, & in postremum datur.

Quin-

Quinimo si antiquior dominus iudicii mutandi causa & vexandi aduersarii alienauerit, aduersus eum actione in factum agi poterit, proficilcente ex edicto de alienatione iudicii mutandi causa facta, per quam actionem præstabit actori, quanti eius interest, alienationem factam non esse. Hæc omnia probantur *ex l. 3. §. ult. cum 3. seqq. l. emitor. l. post venditionum, & l. si in publico, D. hoc tit.* Cæterum † si plures sunt domini pro indiuiso, vel prædii cui nocet aqua pluuiæ, vel prædii ex quo nocetur, an singuli in solidum, vel agere vel conueniri possint; distinguendum est. Nam vel agitur, ut opus reficiatur, aut destruat, & tum in solidum agendum est, cum opus sit indiuiduum, vel agitur ad id, quod interest, & tum actio diuidenda est, cum obligatio dandæ quantitatis diuidua sit, ut patet *ex l. secunda, §. & habetur, ex l. stipulationes non diuiduntur, Digest. de verborum obligation. ex l. secunda, §. incertum, D. de prætorij stipulat. ex l. stipulatio, in §. quasitum Digest. de oper. noui nunciat. ex leg. si stipulatus, in §. 1. de solutionibus, & ex l. 4. in §. ultimo, Digest. de verborum obligationibus, l. fideicommissa. 11. §. si in opere, D. delegat. 3. si is qui quadringentis, §. illud, D. ad leg. Falcid.* Et ita conciliandus est, §. 1. cum §. officium autem iudicis in leg. supra iter alienum. Est autem aduertendum hanc † actionem locum non habere, si opus est factum patiente vicino, ex quo statim aqua pluuiæ nocere potuit. Nam sibi imputet dominus cur opus

11 fieri passus sit, *l. Labeo ait. D. hoc tit.* Si † vero non statim potuit prævideri damnum, sed longo post tempore, nihil refert, siue vicino patiente siue non patiente opus factum sit. Nam simul- atque dominus damnum futurum præviderit potest hac actione agere si operis memoria ex- tat non aliter.

## DE TABVLIS EXHIBENDIS

### Titulus VIII. Cod. VII.

*L. i. Imp. Valerianus & Galienus AA.  
Germano.*

Si in potestate patris fuerunt impu- beres filii, & vos eis estis substituti, at- que ita ad vos intra pubertatem illis de- cedentibus cepit hæreditas pertinere, de exhibendis testamenti tabulis inter- dicto vti potestis. PP. VII. Kalend. Maii, Seculari & Donato Coss. 261.

### S Y M M A R I A.

- 1 Exhibere quid sit.
- 2 Interdictum de tabulis exhibendis cui detur.
- 3 Aduersus quem detur.
- 4 Non semper eis, quibus quid testamento relictum est, hoc interdictum conceditur.
- 5 Authenticum exhibendum est.
- 6 Interdictum hoc ad quid detur.

## COMMENTARIUS.

**H**Actenus dictum est de interdictis ad rem familiarem pertinentibus & ad possessionem : nunc dicendum est de iis, quæ ad nudam exhibitionem spectant. Nam exhibere ꝑ nihil aliud est, quam materiam apprehendendam copiam facere, *l. 3. §. quid sit exhibere D. hoc tit.* quæ licet apprehensa sit, non tamen apud apprehendentem permanere debet, sed illam debet exhibenti restituere, ut notatur in *l. plus est in restituitur. & in l. ult. D. de verb. significat.* Tamen ante restitutionem si sint tabulæ descriptæ, eas legere potest, aut etiam exemplum describere, *l. 1. & 2. D. quæ adm. testa. aperiant. & l. 1. D. de edend.* Ergo ut ad hoc interdictum perveniamus nosse oportet, id ꝑ competere omnibus his, quibus aliquid in testamento aut qualibet alia ultima voluntate adscriptum est & relictum, adversus eos, ꝑ qui exhibendi potestatem habent, si negant, se exhibere posse vel debere, siue ultima voluntas dicatur valida siue invalida, modo non sit imperfecta, quo ad voluntatem defuncti. Si vero is qui tabulas habet, confitetur eas penes se esse, neque negat, se debere exhibere, ad hoc interdictum non confugitur, sed prætor iubet ei ut exhibeat, vel iuxta edictum de edendo vel edictum, de quo in *tit. quæ adm. test. aper. l. 1. & 2. eod. tit. l. 1. §. 2. & seq. & l. 3. §. solent, D. h. ti.* quinimo hæres scriptus potest actione ad exhibendum agere, ut tabulæ testamenti sibi exhibeantur: ceteri utpote legatarii, fideicommissarii, donatarii

tarii non possunt actione ad exhibendum agere, sed duntaxat hoc interdicto experiri *l. 3. §. si quis extra heredem, D. ad exhibend.* Quod autem dictum est, eos† quibus quid relictum est, hoc interdicto de tabulis exhibendis experiri posse, duas exceptiones recipit. Prima, si tabulæ in controuersiam rei ducantur; nam tunc non sunt exhibendæ cum die & consule, multo minus conferendæ, id est, arbitrio aduersarii permittendæ. Secunda, si criminaliter falsi accusetur, ita ut pœna corporalis & publica, quæ est pœna capitis, sit infligenda. Nam iis duobus casibus tabulæ in æde sacra, aut apud bonum virū & idoneum sunt deponendæ, *l. ult. D. hoc tit.* Est autem notandum, testamentum aliquando in vna & eisdem tabulis contineri, siue ligneis, si cuiuslibet alterius materiæ, aliquando cōtineri in diuersis, nihilominus tamen vnum testamentum erit, *l. 3. §. 1. D. h. t.* Præterea vnū & idem testamentum integrum & totum cōtineri in pluribus tabulis, ita ut licet sint plures tabulæ, tamen non sint plura testamenta, sed in singulis totum contineatur, ut dictum est, & fieri posse ut singulæ tabulæ sint Authenticæ, fieri etiā posse ut vna authentica duntaxat aliæ sint exempla, quæ non probāt. Quapropter† cum de exhibitione agitur authenticum est exhibendum, *d. l. 1. & 2. & l. si. D. quemadm. test. aper.* Hoc interdictū ad id, quod interest, competit, quod æstimatur ex re relicta in postremis tabulis. Nam si hæreditas relicta dicitur æstimatio hæreditatis fiet, si legatum

legatum similiter legatum æstinabitur, l. 3. §. condemnatio. D. hoc tit.

## DE ARBORIBVS CÆDEN- dis, Titul. XLIII. Digest. XXVII.

### SUMMARIA.

- 1 Lex Solonis de arboribus iuxta pradium alterius plantandis.
- 2 Arbor impendens adibus succidenda est à domino.
- 3 Qui ni id faciat interdicto huic locus est.

### COMMENTARIVS.

Certum interuallum † lege Solonis est cō-  
stitutum intra quod arbores iuxta agrum  
alterius plantari debeant, l. si. D. si. regund. tamen  
licet hoc seruatu sit, nihilominus † si arbor alic-  
nas in ædes impendeat, cogitur dominus arbo-  
ris eam succidere à stipite, quod † ni faciat in-  
terdictum de arboribus cædendis permittitur  
domino ædium & prohibetur ne ei vis fiat, quo  
minus arborem succidat. Si vero agro alieno  
noceatur cui liberum cælum adimitur, poterit  
vti interdicto vti possideris, l. si duo, §. item videa-  
mus, D. vti possidet. Potest etiam agi actione ne-  
gatoria l. 2. D. hoc tit.

## DE LIBERIS EXHIBENDIS seu deducendis. Titul. VIII.

Cod. VIII.

L. J. Imp. Antoninus A. Iustino.

G 4

Si,

Si (vt proponis) cum tuæ potestatis  
esses, super rebus maternis obtinuisti,  
potes eos, qui tibi condemnati sunt,  
conuenire. Quod si extiterit, qui te fili-  
um & in sua potestate esse contendit,  
interdicto in eam rem proposito, de fi-  
de intentionis eius quæretur. PP. VI.  
Id. April. Duobus & Aspris, Cofs. 213.

*L. 2. Impp. Diocletianus & Maximianus  
AA. & CC. Cyrilla.*

Adi præsidem provinciæ, ac postula  
filios tuos exhiberi. S. V. Id. April. By-  
zantii. AA. Cofs.

*L. 3. Idem AA. & CC. Euodia.*

Si ad instar interdicti de exhibenda  
filio Philippi eum conueniendum puta-  
ueris, rector provinciæ aditus suâ vobis  
accommodabit notionem. S. XII. Kal.  
Decemb. Nicomediæ, AA. Cofs.

#### S V M M A R I A.

- 1 Filius familias apud patrem potius quam alibi e-  
ducandus.
  - 2 Filium alienum detinens hoc interdicto de libe-  
ris exhibendis tenetur.
  - 3 Ex iusta tamen causa non habet locum.
  - 4 Ideoque interdum ad sequestrationem deueni-  
tur.
- 5 Pater



- 5 *Pater contra filium hoc interdicto non experi-*  
*tur.*  
 6 *Nisi de hereditate agatur filio delata.*  
 7 *Hoc interdictum non est de re familiari.*

## COMMENTARIUS.

**I**Nter præcipuos patriæ potestatis effectus, is  
 annumeratur, ut † filiusfamilias patre invito  
 alibi morari non possit, sed apud patrem sit e-  
 ducandus. Quapropter quisquis † filium alie- 2  
 num detinebit, hoc interdicto conveniri po-  
 terit, ut filium alienum exhibeat apud præto-  
 rem, & exhibitum per patrem duci permittat,  
*l. 1. 2. & 3. hoc tit. nisi* † iusta quædam causa subsit, 3  
 cur apud patrem educandus non sit, ut si pater  
 sit vitæ turpis aut alias suspectus: Nam tunc ple-  
 runque apud matrem honestam, quæ à viro di-  
 uertit erit educandus, aut si uterque suspectus  
 æque sit, apud † virum honestum, interim dum 4  
 lis finiatur, erit deponendus, maxime si scæmi-  
 na sit aut prætextatus, id est, toga prætexta siue  
 puerili indutus, quam prætextam pueri gestare  
 solebāt, donec ad septimum decimum annum  
 peruenissent, & tunc togam virilem induebant,  
*l. vnic. C. diuort. fact. & l. 3. §. ult. D. hoc tit. & apud*  
*Ciceron. in Lelio.*

Si vero † filiusfamilias à nullo detinetur, sed 5  
 sua sponte se pro patrefamilias gerit ad hoc in-  
 terdictum nō confugitur, sed ad cognitionem  
 extraordinariam, *l. fin. D. hoc tit. nisi* † de hæredi- 6  
 rate agatur filio delata; nā hoc casu pater recte

huiusmodi interdicto experitur, *l. 3. C. hoc sit. & videatur l. 1. §. 1. D. de rei vindic.* quæ enumerat quatuor auxilia patri filium suum vindicanti competentia, nempe vindicationem ex iure Quiritium; Præiudiciū; id est, Actionem præiudicalem; Interdictum de liberis exhibendis; & cognitionem prætoriam, hoc est, extraordinarium & brevissimum auxilium. Est autē notandum, hoc interdictum † non spectare ad rem familiarem, hoc est, rem, quæ dicatur esse in nostro patrimonio, sed ad ius nostrum conservandum, nempe patriam potestatem, *ut patet ex l. 2. D. de interdict.*

## DE HOMINE LIBERO EXHIBENDO. Titu. XLIII. Dig. XXIX.

### SUMMARIA.

- 1 Interdictum de homine libero exhibendo officiosum est.
- 2 Beneficio hominem affici hominis interest.
- 3 Iniuriarum actio quandoque publica est.
- 4 Interdictum hoc datur contra detinentem hominem liberum sine causa.
- 5 Secus si detinendi causa aliqua iusta subsit.

### COMMENTARIUS.

- 1 **H**Oc interdictum † neque ad res publicas neque sacras, neque priuatas pertinet, sed officii, hoc est, humanitatis exercendæ causa competit, *l. 2. §. officij causa D. de interdict.* Nam † beneficio hominem affici interest hominis cuiusli-

iuslibet, l. *seruus ea lege*, D. *de seruis exportand.* & hominem homini insidiari nefas est, cum cognitionem quandam inter omnes homines, Natura, hoc est, Deus ipse constiterit, l. *ut vim*, D. *de iust. & iur.* Quapropter si † atrox iniuria alicui homini facta est, vnusquisque de populo legibus & iudiciis, eam persequi & vindicare potest, vt patet ex toto tit. D. *de publicis iudiciis*. Ideoq; si homo liber ab aliquo inuitus detinetur, nulla iusta causa præcedente, hoc interdictum de libero homine exhibendo omnibus competit, l. 3. §. *hoc interdictum*, l. 1. §. *ult. hoc tit.* Quod si iusta causa sit detinendi, quia detinens ait, seruum suum esse, actione præiudiciali agendum est. l. 3. §. *plane si dubitat*. D. *hoc tit.* aut si detinetur is, qui ab hostibus redemptus est, donec aliquid soluat, exceptio detinenti accommodatur, d. l. 3. §. *si quis eum*, & l. *si liberum*, C. *de postlim.* aut si pater retinet filium emancipatum sine dolo malo, sed pietate paterna & genuina, d. l. 3. §. *si eum quis retineat filium*.

## NE QUID IN LOCO SACRO

fiat. Titul. XLIII. Dig. VI.

### SUMMARIA.

- 1 Interdicta publici iuris conseruandi causa comparata pertinent ad ius humanum vel diuinum.
- 2 Diuinum est sacrorum, sanctorum & religiosorum.
- 3 Quodnam de his interdictum competat.

4 Quæ

4 *Quæ sint res sacra.*

5 *Quæ religioſæ.*

9 *Quæ ſanctæ.*

COMMENTARIUS.

- 1 **I**nterdicta ꝑ publicæ vtilitatis cauſa compara-  
ta, vel comparata ſunt diuini iuris tuendi cau-  
ſa, aut quodammodo diuini, vel publici iuris  
2 prophani. Quæ diuini iuris ſunt inuenta ꝑ vel  
pertinent ad res ſacras vel religioſas vel ſanctas.  
3 Quapropter ſi ꝑ in illis rebus aliquid fiat, inter-  
dictum, ne quid in loco ſacro, religioſo aut ſan-  
cto fiat, omnibus competit, vt opus fieri prohi-  
beatur, quod vel res illas deformat, vel illis noc-  
ceat, *l. i. cum duab. ſeqq. D. hoc tit.*  
4 Sunt autem res ꝑ ſacræ hæ, quæ rite, hoc eſt,  
ex verbo Dei per pontifices ſunt conſecratæ &  
cultui diuino dedicatæ, *l. in tantum, §. ſacræ, & l. ſacra, D. de rer. diuiſ. §. ſacræ inſtitut. eod.* Quapro-  
pter *Acto. 10. cap.* dicitur, quod Deus purificauit,  
tunc commune dixeris? hoc eſt? vſui prophano  
5 addictum. Religioſæ ſunt, quæ ꝑ propter aliquā  
ſanctitatem relinquuntur & ſeponuntur, hoc  
eſt, non attrectantur, quia corpus humanum,  
vel caput hominis illic eſt ſepultum, *l. antepenul. D. de relig. §. religioſum, Inſt. de de rer. diuiſ. & apud*  
6 *Gellium lib. 4. c. 9.* Sanctæ res ſunt, quæ ꝑ ad inco-  
lunitatem & tuitionem ciuium ſunt inſtitutæ  
& effectæ, veluti muri & portæ ciuitatum, quæ  
ideo ſanctæ vocantur, quia pœna capitiſ ſanci-  
ta in eos, qui aliquid in illas res delinquunt, *l. ſan-  
ctum, & l. fin. D. de rer. diuiſ.*

## DE LOCIS ET ITINERIBVS

publicis. Titulus XLIII.

Digest. VII.

## SUMMARIA.

- 1 *Tres species rerum humanis vsibus destinatarum.*
- 2 *Communes iure natura siue gentium quæ sint.*
- 3 *Earum vsus duplex est.*
- 4 *Publica res iure ciuili in duplici sunt differentia.*
- 5 *Quarum ipsarum etiam vsus non est semper idem.*
- 6 *Interdictum Ne quid in loco publico fiat est duplex.*
- 7 *Estque popolare.*
- 8 *In Gallia nullæ actiones nec vlla interdicta sunt popularia, sicuti nec in Germania.*

## COMMENTARIVS.

**O**Mnium rerum prophanarum, hoc est, humanis vsibus destinatarum tres † sunt species. Nam quædam sunt communes siue publicæ iure gentium, quædam publicæ iure ciuili, & quædam priuatæ.

Communes hæ dicuntur, quæ † immensæ sunt & infinitæ, ideoque in vllius dominium nondum peruenerunt, neque peruenire possunt totæ & integræ, Ideoq; earum vsus omnibus mortalibus est communis; huiusmodi sunt Aer, aqua, profluens, mare, & littora maris; verum

rum usus † talium rerum duplex est: Nam quidam est momentaneus, alter stabilis & diuturnus: illo potest uti quilibet etiam venia non petita à principe, & si uti prohibeatur actione iniuriarum agere poterit aduersus prohibentem: hoc usu diuturno qui proprietatis instar obtinet, ut quilibet uti possit, sequentia requiruntur, Primum ut veniam à summo magistratu illius territorii iuxta quod locus communis est, impetret; alterum, quod exigitur est, ut non officiat usui publico; Postremum, ut non noceat usui priuatorum.

Hæc omnia probantur, ex l. 1. §. quod si quis Digest. de noui oper. nunc. ex leg. vend. Digest. coram præd. l. quod in littore leg. quamuis, Digest. de acquirend. rerum domin. l. secunda, paragr. si quis in mari, leg. littora & sequent. Digest. ne quid in loco publico fiat, & leg. fluminum, Digest. de damno infect.

4 Res publicæ iure ciuili † sunt duplices; Nam quædam consistunt in patrimonio populi aut fisci, quædam consistunt in usu publico singulorum ciuium, illæ non spectant ad hæc interdicta. Nam cura talium rerum vel ad Duumviros & Decuriones, vel ad procuratorem fisci pertinet, l. sed & Celsus. D. de contrah. empt. l. 2. §. hoc interdict. ad ea loca, D. ne quid in loco publ. & l. 5. C. de operibus pub.

Res publicæ iure ciuili, quæ consistunt in usu populi iterum sunt duplices. Nam quædam sunt, quæ propter suam immensitatem proximo

me ad naturam rerum communium accedunt,  
 cuiusmodi sunt egregia & insignia orbis terra-  
 rum flumina varias prouincias variasque re-  
 giones præterfluentia, vt Ganges, Nilus, Danu-  
 bius, Rhenus & similia. Et de his rebus idem  
 statuendum est, quod de communibus, *l. flumi-*  
*num, D. de damno infecto*. Aliæ sunt, quæ non sunt  
 ita immensæ, ideoque illarum proprietas est a-  
 licuius populi, vsus vero singulorum ciuium  
*l. 2. §. loca enim public. D. nequid in loco publico, & a-*  
*pud Ciceronem, 3. de finibus*, cuiusmodi sunt flu-  
 mina vnâ regionem aut rempublicam præ-  
 terfluentia. (vt Sequana Ligeris) viæ publicæ,  
 stadia, Theatra, Forum: Et† istarum rerum du-  
 plex vsus similiter deprehenditur, vt rerum  
 communium, verum longe secus de hoc vsu iu-  
 dicandum est, quam de vsu rerum communium.  
 Nam quod ad vsum perpetuum attinet, quia  
 proprietas est vniuersitatis ratione illius pro-  
 prietatis vectigal pro solo constitui potest &  
 debet, si ædificium neq; vsui publico, neq; ali-  
 cuius priuati officiat, *l. 2. §. ad ea igitur loca, §. si*  
*quis à principe, §. si quid in loco publ. & seq. & §. si*  
*quis nemine prohib. D. ne quid in loco publ.* Itaque si  
 obstat vsui publico vnusquisque citis agere po-  
 test hoc interdicto Ne quid in loco publico fi-  
 at. Si noceat vsui alicuius priuati, is solus agere  
 potest hoc interdicto, cui<sup>9</sup> interest, dictis locis  
 nunc citatis: nisi sint viæ aut arcæ urbanæ, h. e. in  
 urbibus. sitq; & publ. nã earum cura ad ædiles curules  
 per-

pertinet, l. 2. §. hoc interdictum tamen ad vias rusticas pertinet, D. ne quid in loco, & l. vn. D. de via publ. et si quid in ea fact. esse dicat. Quinimo si quis prohibeatur locis huiusmodi publicis vti, aut illa reficere, interdictis huiusmodi experiri potest, nempe de locis & itineribus publicis, & via publica reficienda, l. 1. D. de locis & itineribus public. & l. 1. D. de via publ. & itineribus publ. ref.

- 6 Est autem † interdictum, Ne quid in loco publico etiam duplex. Nam quoddam est prohibitorium, quo prohibetur quis in publico edificare, quod vsui alieno noceat. Alterum est restitutorium, per quod restituitur, opus factū, l. 2. §. hoc interdict. ex eadem causa, D. ne quid in loco publico. & vtrumque est popolare, condemnatioque ex eo facienda est, quanti actoris aut etiam reipubl. interest, d. l. 2. §. hoc interdict. perpetuum & popolare, & §. vlt. Tamen † iure Gallico nullæ actiones sunt populares, nullaue interdicta popularia, sed vnusquisque pro eo, quod sua interest duntaxat agit, pro eo vero quod reipubl. interest fisci patronus.

DE FLVMINIBVS, NE QVID  
in flumine publico, ripae eius fiat,  
quo peius nauigetur, Titulus  
XLIII. Digest. XII.

NE QVID IN FLVMINE PV-  
blico fiat, quo aliter aqua fluat atque  
vti priore æstate fluxit, Titul. XLIII.  
Digest. XIII. VT



DE INTERDICTIS. 113  
VT IN FLVMINE PVBLICO  
nauigate liceat. Titul. XLIII.  
Digest. xliiii.

DE RIPÁ MVNIENDA. Titul.  
XLIII. Digest. XV.

S V M M A R I A.

- 1 Cur de fluminibus tot tituli iure sint proditi.
- 2 Multis modis noceri potest fluminibus.
- 3 Duo sunt interdicta de non edificando aut immit-  
tendo in flumine.
- 4 Interdictum de deriuata aqua & flumine.
- 5 Explicatur l. quo minus, D. de flumine.
- 6 Cuiq; licet ex flumine publico aquam ducere a-  
grorum irrigandorum causa.
- 7 Nisi prohibitum sit ab eo qui ius prohibendi ha-  
bet.
- 8 Nisi aqua sit Reipub. necessaria.
- 9 Nisi flumen ipsum sit nauigabile, aut aliud ex eo  
nauigabile fiat.
- 10 Nisi ducatur aqua cum alterius incommodo.
- 11 An molendinarij se inuicem impedire possint.
- 12 Quis dicatur licite edificare.

C O M M E N T A R I V S.

**L**icet flumina publica sint fere, tamen† quia  
plures utilitates ex his, quam cæteris rebus  
publicis decerpuntur, plura etiam damna infe-  
runtur, maiori cautione opus fuit, ideoque se-  
paratim de his fluminibus hi quatuor tituli

H      propo-

- proponuntur, quibus variè consulitur. Vicinis  
 variaq; remedia aduersus eos constituuntur. Est  
 2 itaq; notandum, vnumquemque † vsui publi-  
 corum fluminum aut etiam vsui privatorum mul-  
 tifarum nocere posse, nempe vel ædificando a-  
 quid in flumine publico, vel aliquid in illud im-  
 mittendo, vel aquam derivando. Ad superiores  
 3 duos modos spectant, duo interdicta, nempe †  
 vnū prohibitorium, quo prohibetur quis ædi-  
 ficare aut immittere: Alterum Restitutorium,  
 quo opus factum est restituendum, hoc est, de-  
 molendum, *l. 1. D. de fluminib.* Si modo opus il-  
 lud lege permittente factum non sit & si nauig-  
 atio inde deterior facta sit, *l. 1. §. Labeo scribit D.  
 de fluminib.* Cuius paragraphi sententia talis est,  
 non solum si ripæ muniendæ causâ opus factū  
 sit, sed etiâ qualibet alia ex causâ legitima, excep-  
 tionem dandam esse reo aduersus actorem, eunt  
 opus facere prohibentem, vt ecce si maximum  
 incommodum patitur vicinus, nisi ripa muniatur  
 & leuissimum inde damnum reliqui sen-  
 tiant *l. 1. §. sunt qui putant, D. ne quid in flumine pu-  
 blico.*  
 4 Tertio casu, † hoc est, si aqua deriuetur ex  
 flumine, navigatio vel fit deterior, & habet lo-  
 cum interdictum. Ne quid in flumine fiat quo  
 peius navigetur, *l. 1. §. ultim. & l. 2. D. fluminibus*  
 vel navigatio deterior non fit, sed aliis modis  
 vicinis nocetur, & habet locum interdictum  
 prohibitorium, Ne quid in flumine publico fi-  
 at, quo aliter aqua fluat. *l. prima, Digest. Ne quid  
 in flu-*

*in flumine publico.* si graue damnum patiantur vicini, Quod autem attinet ad explicationem, *l. quo minus Digest. de fluminibus.* eius sententia talis est, vt vnicuique ex flumine publico liceat aquam ducere, agrorum irrigandorum causa. Ab hac autem regula † quatuor exceptiones 6 traduntur.

Prima est, si † Imperator aut senatus con- 7 niuente Imperatore, aut alius magistratus, cui lex municipalis hoc permittit, vel princeps vetat. Nam tunc non licet ducere aduersus prohibitionem.

Secunda exceptio est, si † aqua in vsu publico 8 sit. hoc est, si est necessaria reipu. Tertia, si † flu- 9 men sit nauigabile, aut ex eo aliud nauigabile fiat. Hæ tres exceptiones ponuntur *in hac l. quo minus & in l. si autem §. vlt. D. de aqua. plu. arcend.* Quarta exceptio est, si † cum incommodo alie- 10 no ducatur. Nam hoc casu specialis permissio principis aut senatus exigitur, aut alterius magistratus, cui princeps vel consuetudo hanc potestatem permisit, *l. si in publico §. vlt. D. de aqua plu. arcend. l. 1. in §. permittitur D. de aq. quotid. & aestiua & l. 3. §. planè & seq. D. quod vi aut clam.* Ergo si alicuius interest priuatim potest experiri interdicto: Ne quid in flumine publico fiat, quo aliter aqua fluat; & prohibebitur vicinus aquam ducere, licet Imperator vel magistratus non vetat specialiter. Nam generaliter vetare & prohibere censetur, quando cū incōmodo alterius aqua ducit, aut aliquod opus fit. Quapropter ta-

- 11 lis quæstio† proponitur: Aliquis Molendinum in flumine publico struxit, deinde alius iuxta illud superius molendinum; cuius ratione incommodatur molendino inferiori, quæritur, an molendini inferioris dominus superiorem prohibere possit? Et distinguendum est: Aut flumen est priuatum aut publicum. Illo casu non potest prohibere, quia vnusquisque in suo facere potest, quod lubet, iuxta distinctionem, quam tradidimus in tit. de aqua pluuiæ atcenda. Hoc casu quando flumen est publicum, vel inferior qui ante ædificauerat aut ædificare cæperat, illicitè ædificauerat aut licite. Si illicitè non potest prohibere superiorem, l. 2. §. idem ait si in pub. D. ne quid in loco publico. Si ædificauerat
- 12 licite, superiorem prohibere potest. Dicitur autem † ædificasse licite si vel magistratus hoc ei permisit, l. quamuis, D. de acquir. rer. domin. & l. si autem, §. vlt. D. de aq. plu. arce. vel si lex municipalis hoc permittat, vel si ædificii memoria non extat, vt notatur in l. hoc iure, §. ductus aquæ, D. de aqua quotid. & æstiuæ, & videatur, l. 2. §. aduersus. D. ne quid in loco publico. antepen. & vlt. C. de aquæ ductib. tit. 11. vbi fit mentio aquæ, quæ est in vsu publico propter aquationem.

# IOANNIS TA- VARDI I.C. ET IN ANDE-

GAVENSI SCHOLA ANTE-  
cessoris in titulum Institutio-  
num.

*De actionibus.*

COMMENTARIUS.

Supereſt vt de actionibus loquamur.

Actio autem nihil aliud eſt , quam  
ius perſequendi in iudicio , quod ſibi  
debetur.

SUMMARIA.

- 1 Actiones quedam ſunt mera facta hominum.
- 2 Actiones legis que ſint voluntaria.
- 3 Actiones legis contentioſe.
- 4 Quarum quedam ſunt criminales.
- 5 Quedam ciuiles.
- 6 Et harum multa iterum ſpecies.
- 6 Que conſtituunt partem tertiam vniuerſi iuris  
ciuilis privati.
- 8 Sed tum intelliguntur iudicia.
- 9 Actiones ſtrictę ſumta duobus modis conſideran-  
tur.
- 10 Explicatur definitio actionis hic tradita.
- 11 Differunt actiones à perſecutionibus , interdictis  
& ſtipulationibus pratoriis.

12 *Persecutiones dantur ex aequitate stricto iure deficiente.*

13 *Debitum dici potest omne quod potest peti.*

COMMENTARIUS.

- 1 **A**ctiones sunt duplices: Nam quædam † in facto duntaxat versantur, vt sunt omnes hominum actiones, vt actio oratorum, actio histrionum & similes: quales sunt actiones legis, quæ sic definiri possunt, vt sint actiones à iure civili institutæ suas habentes certas formulas, quæ ad similitudinem siue in locum actionum naturalium sunt inductæ, quæ alio nomine actus legitimi appellantur, *de quib. in l. 2. & 3. D. de offic. proconsul. & legati, & in l. actus legitimi, D. de regul. iur.*
- 3 Aliæ sunt † actiones legis ad constituenda iudicia introductæ, quæ consistunt, in iurisdictione contentiosa aut imperio, & hæ sunt duplices. Nam † in quibusdam petimus, vt delicta puniantur cuiusmodi sunt accusationes, inquisitiones, & denunciationes & executiones sententiarum capitalium: nam accusator iudex siue magistratus & licitor lege agere dicuntur, vnde ille locus Titi Liuii 2. lib. 1. decad. Licitor colligam manus & eum lege age. Aliæ vero sunt † actiones legis civiles & coactæ, hoc est, quæ in inuitum exercentur & vocantur à Cicerone 1. Philip. Actiones litium. Nam per has quis in ius agitur inuitus, vt hic Theophil. docet. Et hæ in
- 6 sequentes species diuiduntur: Nam † vel vocantur persecutiones extraordinariæ vel stipulationes

nes prætorix vel interdicta vel præiudicia vel actiones stricte sumtæ, de quibus postremis in hoc titulo duntaxat agitur exceptis præiudiciis, de quibus pauca del. bantur in §. *præiudiciales*. Nam hæc omnia actionis verbo significari latissime sumto probat *l. actionis verbo*, D. de oblig. & act. & *l. actionis verbo*, D. de verb sign. Et hasta- 7 ctiones latissime sumtas siue iudicia ciuilia cōstituere tertiam partem iuris priuati Romanorum certum est.

Quapropter Iustinianus initio huius Tituli de tertia parte iuris dicturus ait superesse, vt † 8 de actionibus loquatur, id est, iudiciis. Nam partem pro toto vsurpat, alioquin inepta esset Titulorum hunc titulum sequentium colloca- tio & continuatio. Sed postea quia in hoc titu- lo duntaxat de actionibus stricte sumtis dictu- rus est, ideo actionum definitionem & diui- sionem ad eas † restringit. Actio autem stricte sumta † duobus modis consideratur. Vno mo- 9 do pro vt est formula in iudicium deducta, & ita debet accipi quando dicitur Actionem re- ferri ad tertiam partem iuris, & tunc ius appel- lari potest μετωνυμικῶς cum litem efficiat & controuersiam iuris cum responsione rei con- uenti, *l. si huius nauem*, Digest. de furtis & *l. litis no- men*, Digest. de verbor. signi.

Vnde emanant hæ formulæ prætorum, a- ctionem dabo, actionem delegabo, de qui- bus, in leg. nam postea, Digest. de iureiurando. in leg.

si noxali, D. de noxalibus, & plurib. aliis locis. Altera modo actio capitur pro iure persequendi, quod sibi debetur, vel suum est, ab alio tamen iniuste detinetur, & tunc potius referri debet in secundam partem iuris, ubi de rebus agitur, ita ut actiones μετανομιμας pro obligationibus vel iure accipiantur, ita ut alienari possint & acquiri, iuxta tit. de hered. vel act. vendit. Itaque ut definitioni actionis hic traditæ, ut tertiæ parti iuris congruat, possunt addi hæc verba (vel suum est in iudicium deductum) Verum Iustinianus hic pinguius actionem definiens eadem verba omisit  
 10 tanquam per se satis nota. Actio † dicitur ius persequendi, id est, facultas & potestas agendi, l. 1. D. de eo quod certo loco. In iudicio: ad differentiam persecutionum, stipulationum prætoriarum & interdictorum, quia hæc tria non in iudicio, sed plerunque in iure persequimur, id est apud prætorem:

Actiones





id est, apud prætorem: Item, quia in his tribus  
 plenus & integer iudiciorum ordo non serua-  
 11 tur. Nam † in actionibus plenus, in interdictis  
 & stipulationibus prætoris semiplenus, in per-  
 secutionibus nullus ordo seruatur, sed de plano  
 & sine figura iudicij & summam lis definitur,  
 prout elicitur *ex l. 3. D. ne vis fiat ei l. 3. §. Iulianus,*  
 1 *D. de liberis exhibend. l. 1. §. hoc interdict. D. de migrā-*  
*do & l. 1. versic. petatur igitur præiudicijs D. de rei vin-*  
 12 *dic.* Nam persecutiones † competūt, vbi strictū  
 ius deest, sed tamen æquitas suadet, vt fiat id,  
 quod æquū est, & ea æquitas tota residet in ma-  
 gistratu, cuius officium est implorandum, *l. hæ-*  
*reditas D. de petit. hered. in fin. & l. quintus D. de an-*  
*nuis lega.* Stipulationes prætorix similiter expe-  
 diuntur summam, sed hoc, id est, hac in re dif-  
 ferunt à persecutionibus, quia in stipulationib.  
 oportet, vt is qui obligatus non est seipsum ob-  
 liget, ita vt noua actio nascatur, *l. 1. §. cautionales,*  
*D. de prætor. stipul.* & propterea vicem actionum  
 repræsentare dicuntur, *l. non solum D. rem ratam*  
*haberi, l. si ambo in fi. D. de compensat. & l. quib. liberis*  
*D. de servit. urban. præd.* Quod sibi debetur. Hæc  
 verba latissimè sunt accipienda, vt non solum  
 id, quod strictè debetur, sed etiam id, quod no-  
 strum est & ab alio iniuste detinetur comple-  
 ctatur. Nam domino suū restitui debet, *l. si irru-*  
*ptione fluminis D. finium regund. l. si cōstiterit. C. eod.*  
 Id enim quod peti potest, potest dici debitum,  
*l. ita stipulatus D. de verbor. obligat.*

§. Omnium

§. *Omnium autem.*

Omnium autem actionum, quibus inter aliquos apud iudices, arbitrosve de quacunque re quaeritur, summa diuisio in duo genera deducitur. Aut enim in rem sunt, aut in personam: Nam agit vnusquisque aut cum eo, qui ei obligatus est vel ex contractu, vel ex maleficio: quo casu prodiæ sunt actiones in personam, per quas intendit aduersarium ei dare aut facere oportere & aliis quibusdam modis. Aut cum eo agit, qui nullo iure ei obligatus est, mouet tamen alicui de aliqua re controuersiam: quo casu prodiæ actiones in rem sunt, veluti, si rem corporalem possideat quis, quam Titius suam esse affirmet, & possessor dominum se esse dicat. Nam si Titius suam esse intendat, in rem actio est.

## S V M M A R I A.

- 1 *Actionum quædam sunt in rem, quædam in personam.*
- 2 *Actiones in personam quæ sint.*
- 3 *Ad quid competant.*
- 4 *Obligatio non tollitur nisi satisfactioe.*

5 *Dele-*

- 5 Delegatione non tenetur creditor, nisi eam sibi fieri passus sit.
- 6 Actio in personam non sequitur rem.
- 7 Actione in personam intenditur sibi dare aut facere oportere.
- 8 Quandoq; etiam quibusdam aliis modis.
- 9 Obligatio mater est actionis personalis.
- 10 Obligationum fontes, atq; exinde actionis in personam.
- 11 Actio in rem plerumq; actione in personam est posterior.
- 12 Actionis personalis causa efficientes & propinqua.
- 13 Inter actiones in rem precipua est Rei vindicatio.
- 14 Rem vindicare, & rem suam esse dicere idem sunt.
- 15 Rei vindicatio describitur.
- 16 Ad quid detur.
- 17 In rei vindicationem veniunt res singulae patrimonij nostri.
- 18 Causa proxima rei vindicationis est dominium, remota est titulus.
- 19 Concurrunt autem interdum plures quandoque ad quatuor.
- 20 In actione personali exprimenda est causa & propinqua & remota: in actione in rem propinquam exprimere sufficit.
- 21 Remotam tamen etiam opprimere concessum est.
- 22 Dominium directum & utile.

- 23 *Vnde rei vindicatio duplex est, directa vna, altera utilis.*
- 24 *Rei vindicatio datur aduersus quemcunq; rem detinentem.*
- 25 *Detentio rei est vnum de requisitis rei vindicationis.*
- 26 *Tribus casibus rei vindicatio datur etiam aduersus non detinentem aut possidentem vere.*
- 27 *Et aduersus hunc lata sententia mandatur executioni aduersus verum possessorem.*
- 28 *Si possessor rem alienarit, quomodo illa vindicetur.*
- 29 *Satis est rei iudicata tempore conuentum possidere.*
- 30 *Tria capita conclusionis siue petitionis annectenda libello rei vindicationis.*
- 31 *Verborum apud iudices arbitrosue duplex intellectus.*
- 32 *Duo arbitrorum genera notantur*
- 33 *Duo item eorum arbitrorum genera, qui deliguntur ad dirimendam litem, vel aliquam eius particulam.*
- 34 *Arbitrorum sententias exequuntur magistratus.*

**P**OTISSIMA & prima actionum diuisio est, vel  
 † quædam vocentur in personam, quædam  
 in rem. In personam sunt & dicuntur hæ, quæ  
 † nascuntur ex obligatione & aduersus vnum  
 & eundem, hoc est, obligatum semper intenduntur, eo fine † vt obligatus det, id est, rei  
 alicuius dominium in actorem transferat, vel

- 4 ut rem aliquam faciat, qua ꝑ obligatione reus  
 nullo modo se liberare potest, nisi solutione  
 5 aut satisfactione. Nam ꝑ etiam si paciscatur cum  
 aliquo, ut ille pro se satisfaciat, non tamen po-  
 test evitare vim obligationis & actionis. Nam  
 est in potestate actoris obligatum semper con-  
 uenire, nisi actor huic translationi obligatio-  
 nis consenserit, quæ delegatio vocatur; & idem  
 6 est, si ꝑ obligatus rem alienaverit, ex qua debe-  
 bat decerpere id quod dandum erat. Nam a-  
 ctor non cogitur sequi rem alienatam; Imo ve-  
 ro non potest; sed semper agere aduersus obli-  
 gatum, *l. obligationum substantia, & l. actionum ge-  
 nera D. de obligatio. & actio. leg. finali, in §. ult. D. de  
 contrahend. empt. l. 1. in §. si heres D. ad Trebellian:*  
 7 Quapropter in ꝑ actione personali actor sem-  
 per intendit aduersarium ei dare aut facere  
 oportere, *l. scire §. ultim. l. si à colono l. cum stipu-  
 lat. D. de verborum obligatione, l. si heres D. de verbo-*  
 8 *rum significatione & hoc §.* Præterea, si ꝑ Dare,  
 facere, strictè accipiuntur, aliis quibusdam mo-  
 dis, nullo certo generi subiectis, sed variis fi-  
 guris concludere potest, *hoc §. versic. & alijs, &  
 l. 1. Digest. de obligatione.* Veluti, ut reus aliquid  
 non det vel aliquid non faciat, *ut in speciel. diffa-  
 mari Cod. de ingenuis manumiss. & aliis similibus  
 locis.* Est autem notandum, omnes obligatio-  
 9 nes ex quibus ꝑ tamquam causis efficientibus a-  
 ctiones nascuntur esse diuidendas in sequen-  
 10 tia membra. Nam obligationes ꝑ vel nascun-  
 tur ex conuentionibus, vel ex negotio gesto,  
 quod

quod ciuile negotium vocatur vel ex delicto nominato aut innominato, aut ex quasi delicto, §. *sequens diuisio Institut. de obligation.* Quæ ex conuentionibus nascuntur, dicuntur nasci ex consensu mutuo: quæ nascuntur ex negotio gesto siue quasi, non dicuntur nasci ex consensu, sed ex æquitate quadam naturali fulta æquitate ciuili, quæ non patitur, vt quis cum aliena iactura iniuste locupletetur, vt patet ex toto titulo de obligationib. quæ ex q. contractu nascuntur. Ideoque hæ obligationes dicuntur ex re venire, aded vt & pupillus sine auctoritate tutoris & furiosus huiusmodi obligationibus obligentur & ignorantes, l. *furiosus Digest. de obligat.* Obligationes quæ oriuntur ex delicto, dicuntur oriri ex dolo aut culpa propria, & quæ oriuntur ex delictis nominatis produciunt actiones nominatas, hoc est eius nominis, cuius est delictum. Nominata quatuor sunt, Furtum, Rapina, Damnum Iniuria datum, & Iniuria. Quæ nascuntur ex delictis innominatis, id est, nomen speciale non habentibus, pariunt actionem de dolo vel actionem in factum, l. *actionum de obligationibus, versicul. in factum.* Huiusmodi autem delicta innominata aliquando per se & separatim perpetrantur, aliquando in contractus siue conuentiones aut quasi contractus incidunt. Obligationes natæ ex quasi delictis vt plurimum nascuntur ex culpa aliena, in qua nonnihil residet culpæ propriæ, licet plus quam leuissimæ, vt patet ex toto titulo

De obli-

*De obligat. quæ ex quasi delicto nascuntur.* Nunc  
 11 de actionibus in rem dicendum est. quæ † ple-  
 rumque actionibus in personam tempore sunt  
 posteriores: Nam deficientibus personalibus hæ  
 incipiunt, & corruptio vnius plerumque gene-  
 ratio est alterius. Verbi causa: Aliquis vel ex vē-  
 ditione vel permutatione vel contractu inno-  
 minato est mihi obligatus ad dandum aliquid,  
 licet certum ego nullum adhuc ius habeo in re,  
 quæ mihi danda est sed duntaxat obstrictum &  
 obligatum habeo eum, qui mihi dare debet,  
*l. obligation. substantia, D. de obligat.* Itaque rem  
 non possum persequi, sed duntaxat aduersus  
 obligatum agere actione personali ad id, quod  
 mea interest, *l. 1. D. de act.* At si obligatus ad dan-  
 dum dederit, iam obligatus esse desinit & ita  
 actio personalis est extincta; verum ego, cui res  
 data est & tradita, eius dominum nactus sum,  
*l. traditionibus, C. de pactis:* quapropter si forte  
 fortuna eius rei possessionem amiserim, actio  
 in rem mihi competit aduersus quemcunque  
 possessorem, aut possessoris vice fungentem, li-  
 cet ille possessor nullo modo mihi obligat<sup>9</sup> sit,  
 sed duntaxat ex accidenti censetur quodam-  
 modo & improprie obligatus, nempe ad rei  
 meæ restitutionem. Suum enim domino resti-  
 tuendum est, *l. si irruptione, D. fin. regund. & l. si*  
*constiterit, C. eodem.*

Quapropter si is, qui rem meam detinet exi-  
 stimans suam esse, eius possessionem dimiserit  
 bona fide simulatque rem meam esse rescie-  
 rit in



rit in rem actionem pati non compellitur; *l. fin.*  
*D. de rei vindic.*

Actionum personalium † causæ efficientes 12  
 sunt duplices remotæ, & propinquæ. Remotæ  
 sunt contractus, delicta; vel quasi delicta: pro-  
 pinque sunt obligationes, quæ sequuntur cau-  
 sas remotas; saltem ordine intellectus, si verita-  
 tem perpendimus. Si vero perpendimus peti-  
 tionem, id est, intentionem actoris causæ re-  
 motæ sequuntur causas propinquas, id est, obli-  
 gationes, *leg. & an eadem in §. actiones in persona*  
*D. de except. rei iudic.* quia actor sic agit: Ago ad-  
 uersus Sempronium, quia est mihi obligatus  
 ex iutuo vel vendito & similibus. Nunc ad a-  
 ctiones in rem perueniamus, inter quas † præ- 13  
 cipuum locum obtinet vindicatio rei corpora-  
 lis, *de qua in hoc §. veluti si rem corporalem*, quæ per  
 excellentiam rei vindicatio appellatur, quia † 14  
 rem vindicare & rem suam esse dicere idem si-  
 gnificant, *vt probatur ex Cicerone pro Archia Poeta*;  
 sic dicente Homerum Colophonii dicunt esse  
 suum Chii suum vindicant. Quæ rei vindicatio 15  
 sic definiri potest aut potius describi: vt sit  
 actio, quæ competit domino alicuius rei cor-  
 poralis siue vno capite siue pluribus constantis,  
 vniuersitatem iuris mistam non habentis, ad-  
 uersus quemcunque liberam hominem possi-  
 dentem siue detinentem rem controuersam,  
 aut possessoris vice fungentem, quia vel dolo  
 vel culpa possidere desinit, aut se liti tanquam  
 possessor obtulit, competit ad eum finem † vt 16

res per sententiam iudicis declaretur esse a-  
 ctoris & reus ad eius restitutionem una cum  
 fructibus & omni causa condemnatur. Dixi  
 ( *Domino rei corporalis mistam vniuersitatem iuris  
 non habentis* ) quæ verba ideo sunt descripta,  
 17 quia † solæ res corporales singulares per hanc  
 petuntur, modo patrimonii nostri sint. Itaque  
 domus, fundus, vestis & similes, item grex per  
 hanc actionem petuntur, non autem peculium  
 dos aut hæreditas; cum hæc tria non solum ex  
 rebus corporalibus, sed etiam ex iure constent,  
*hoc §. vers. veluti, l. i. §. per hanc autem actionem, &  
 l. vindicatio, D. de rei vindic.*

- 18 Præterea ex his verbis constat dominium †  
 esse causam proximam efficientem rei vindica-  
 tionis ex parte actoris, causam vero remotā ti-  
 tulum. Itaq; † aliquando duæ causæ rei vindica-  
 19 tionis reperiuntur aliquando tres, aliquando  
 quatuor, duæ veluti in omnibus modis natura-  
 libus in conuentionis nomen non incidentib.  
 quæ exprimuntur in tit. *de rerum diuis. & §. singu-  
 lorum vsque ad finem tituli*. Tres causæ efficien-  
 tes quando ex aliqua conuentione res directe  
 nostra fit, quia à domino nobis est tradita; con-  
 tractus enim præ edit & traditio sequitur, quæ  
 dominium parit, *leg. nunquam nuda, Digest. de  
 acquirend. rerum don. in. & l. traditionibus, C. de pa-  
 ctis.*

Tres enim causæ sunt nempe contractus,  
 traditio & dominium. Quatuor causæ repe-  
 riuntur,

riuntur, quando contractu præcedente res nobis à non domino tradita est bona fide & deinde vsucapta. Nam contractus, traditio, vsucapio, & dominium per vsucapionem quæsitum rei vindicationem pariunt. Est autem notandū tñam ex præcipuis differentiis inter actiones 20 personales & rei vindicationem hãc esse. Nam in personalibus non solum causa propinqua, id est, obligatio, sed etiam remota est exprimenda, *vt supra dictum est.*

Ac in vindicatione satis est causam propinquam exprimere, id est, dominium, & tunc etiam ius suum vñdecunque quæsitum actor videtur in iudicium deduxisse. Itaque nunquam deinceps audietur eandem rem ab eodẽ vindicans, quia exceptione rei iudicatæ repellitur.

Quod si tñ actor velit causam remotam ex 21 primere audietur, neque rei iudicatæ exceptio ei nocebit aliam causam remotam iudicio exprimenti. Hæc omnia probantur *ex leg. & an eadem, in paragrafo actione, ex leg si mater, in §. denique, versicul. si quis, Digest. de except. rei iudicat. l. de eo, in §. sapius. Digest. ad exhibend. et leg. neque Cod. eodem. in leg. hereditas, Cod. de petition. hered.*

Ergo quia dominium est causa propinqua rei vindicationis, si aliquis non dominus rem obligatam de facto vindicauit (quia nullus eũ repellit) si litis contestatẽ tempore dominus nõ erat, licet lite pendẽte dominium nactus sit, & causa

cadet, & expensas litis persolvere cogetur quia nō potest videri in iudicium venisse, quod post iudicium acceptum accidit, ideoque aliā interpellatione opus est, *l. non potest, D. de iudiciis*. Neque obstat *l. si rem in §. vlt. D. de pigno. act.* vbi non cadit ab actione pignoratitia is, qui post litem contestatam debitum obtulit. Nam hoc ideo contingit propter dominium, quod debitor semper habebat in re pignori tradita.

- 22 nium † particulare rei corporalis duplex est directum & vtile. Vtile habent emphiteutarii, vectigales, superficiarii, cuius dominiū vtilis ratione. Rei vindicatio vtilis illis datur, *l. in speciali cum 3. seqq. D. de rei vendi. l. si finita in §. si de vectigalibus, D. de damno infecto, l. Tutor in §. vlt. D. de pigno. act. l. 1. in §. vlt. cum duabus l. seqq. D. si ager vectigalis vel emph. petatur*. Ergo † specialis rei vindicatio duplex est directā & vtilis.

Dixi, ( *aduersus quemcūque hominem liberum possidentem siue detinentem* ) Hæc ideo adiecta sunt quia † aduersus seruū rei vindicatio nō datur, *l. non seruū C. de rei vindic.* Datur autem aduersus omnes, qui habent restituendi facultatem etiam si alieno nomine possideāt sed hoc casu datur illis spaciū temporis ad accersendū eum, cuius nomine possident, qui si die præstituto non venerit, possessio aëtori adiudicabitur *l. officium, D. de rei vindic. l. 1. & 2. C. vbi in rem actio exerceri debeat*. itaque † possessio siue detentio ex parte rei conuenti in rem actionem parit, *l. vnica, C. de alienat. iudic. mutand. causa facta*.

Dixi

Dixi (*Aut possessoris vice fungentem*) Ex his verbis constat† aliquando rei vindicationē non dari 26  
aduersus possessorem, sed aduersus eos, qui vel dolo vel culpa possidere desierunt vel liti tanquam possessores se obtulerunt, quibus tribus casibus perinde conueniuntur atque si adhuc possiderent. Nam dolus aut culpa aut oblatio vice possessionis fungitur & his tribus casibus habita ratione rei conueniēti utilis rei vindicatio vocatur. Est itaque in potestate actoris vel directa rei vindicatione agendi aduersus possessorem vel utili aduersus alios: & licet utili egerit non liberatur possessor à directa.

Quinimo † sentētia lata aduersus eum, qui 27  
dolo vel culpa possidere desuit, vel qui se liti obtulit, mittetur executioni aduersus possidentem, si initio litis nominatus est, quod intelligendum est quoad rei restitutionem. Nam quo ad id, quod interest actoris cōdemnatus soluere cogetur.

Præterea† res, quæ alienata est, aut est alienata 28  
ante litem motam ob suspiciōem tamen litis futuræ. & actor poterit agere actione in factū personali nascente ex delicto eius, qui cum rem habere vellet, eam ad aduersarium potentiorē transtulit, vt molestiam exhiberet actori: Aut lite mota res est alienata & similiter alienatio reuocatur per actionem in factum prætorium tanquam rei litigiosæ. Hæc omnia probantur ex l. si culpa l. si autem, l. qui petitorio, §. i. l. is qui dolo cum duabus seqq. D. de rei vindic. l. electio, D. de no-

actionibus, & l. unica, D. de alien. iudic. mutand. causa facta, C. tot. tit. de alien. mutand. causa facta, Digest. & tit. de litigiosis. Neque mirum est: ex præfenti enim possessione vires resumit rei vindictio, adeo † vt licet reus litis contestatæ tempore non possederit, possit tamen condemnari ad rei restitutionem, si rei iudicatæ tempore possidet, ex l. sin autem, D. de rei vind. l. non alias D. de iudiciis, & l. si rem, D. de except. rei iudic. & videatur l. qui dolo, D. de reg. iur.

Dixi, Ad eum finem, vt per sententiam iudicis declaratur rem esse actoris) Ex his verbis constat triplicem † esse agentis conclusionem, nempe vt declaratio fiat per iudicem, vt res restituatur actori, postremo, vt omnis causa restituatur, id est, fructus, impensæ, & id quod interest actoris. Quinimo si nimia sit rei conuerti pertinacia aduersus eum in litem iurabitur, l. qui rem restituere l. præterea, Digest. de rei vindicat. l. utique, Lex diuerso paragrapho, vbi alienum fundum, & l. quod si, Digest. eodem tit. l. Pomponius, Digest. de procurat.

Ait, Apud iudices arbitrosue) Hæc verba bifariam intelligi † possunt: Vno modo, vt sic verborum geminatio, hoc est, vt iudices & arbitri idem significant, quod probatur ex orat. Cicer. pro Murena, qui negat aliquid interesse an dicamus iudicem an arbitrum, an rem, an litem. Vel possunt hæc verba intelligi de iudicibus strictè sumtis, & de arbitris compromissariis, apud quos actiones exercentur, lites dirimuntur,

tur,

tur quēadmodum apud iudices, cōpromissum est, ad similitudinem iudiciorum reducitur, *l. 1. D. de receptis arbitriis*. Arbitrorum autem duo sunt genera. Nam ¶ quidam sunt arbitri ad componendum aliquod negotium extraordinarie delecti, alii sunt delecti ad diuimendam litem vel litis particulam, & ¶ si iterum subdiuiduntur; vel sunt delecti tanquam amicabiles compositores qui alio nomine appellantur arbitri arbitratores. Alii sunt arbitri compromissarii, qui a partibus semper deliguntur pœna compromissa, id est, simul ab eo persoluenda; qui arbitrio non parebit. Et hæc subdiuisio ponitur in *l. societatem in §. arbitriorum, D. pro socio*. Arbitri vero non compromissarii aliquādo à magistratibus dantur, *l. nonnunquam, D. de iudiciis, & l. penult. D. de confessis*. Arbitrorum ¶ autem sententias magistratus exequi solet, *l. à Diuo Pio, D. de re iudic. & notatur in l. si quis rem, D. de recept. arbit. & ex l. pen. D. de confessis*.

### §. Aequē.

Æque si agat ius sibi esse fundo forte vel ædibus vtendi fruendi, vel per fundum vicinum eundi, agendi, vel ex fundo vicini aquam ducendi in rem actio est. Eiusdem generis est actio de iure prædiorum urbanorum, veluti si agat, ius sibi esse altius ædes suas tollendi, prospiciendive, vel proiiciendi

aliquid, vel immittendi tignum in vicini ædes. Contra quoque de usufructu, & de servitutibus prædiorum rusticorum, item prædiorum urbanorum inuicem quoque proditæ sunt actiones, ut si quis intēdat ius nō esse aduersario utendi fruendi, eūdi, agēdi, aquāue ducēdi, itē altius tollendi, prospiciendi, proiiciēdi, immittendi, istæ quoque actiones in rē sunt, sed negatiuæ. Quod genus actionum in controuersis rerum corporaliū proditum non est. Nam in his agit, qui non possidet, ei vero qui possidet, non est actio prodita, per quam neget rem actoris esse. Sane vno casu, qui possidet, nihilominus actoris partes obtinet, sicut in latioribus Digestorum libris oportunius apparebit.

#### COMMENTARIUS.

##### SUMMARIA.

- 1 Non si debentur, protinus intelliguntur esse constitutæ seruitutes.
- 2 Dominium rerum corporaliū traditione transfertur.
- 3 De seruitutibus constituendis in personam non in rem datur actio.

4 Serui-



- 4 *Seruitute constituta iu rem agitur actione confessoria.*
- 5 *Seruitus constituitur traditione vel patientia.*
- 6 *Fractoris officium versatur in actionibus in rem.*
- 7 *Pradia seruiunt pradiu natura, lege vel consuetudine.*
- 8 *Ex natura pradium proprii non seruit.*
- 9 *Seruitus est ius aduentitium & imposititium.*
- 10 *Comparantur actiones in rem cum actionibus confessoriiis.*
- 11 *Confessoria actio definitur.*
- 12 *Altius tollendi ades suas potest alieni competere iure vel suo proprio, vel seruitutis.*
- 13 *Negatoria actio definitur.*
- 14 *Libertas altius tollendi non semper praesumitur.*
- 15 *Duobus modis contra libertatem pradii praesumitur.*
- 16 *Negatoria actione agens regulariter probare non tenetur libertatem pradii sui.*
- 17 *In iure communi intentionem fundatam habens, non tenetur probare etiam aduersario possidente.*
- 18 *Duobus siue tribus potius modis contingit, vt quis agat ius sibi esse tollendi altius.*
- 19 *Notantur duae differentiae inter vindicationem rerum corporalium & vindicationem seruitutum.*



- Antequam ad speciem huius paragraphi perueniamus notandum est, seruitutes ¶ ex conuentione debitas non continuo censi ¶ constitutas. Nam ¶ quemadmodum in rebus ¶ corporalibus post conuentionem traditio exigitur ad dominii translationem, *l. traditionib. C. de pactis*. Ita ¶ in his seruitutibus siue sint personarum siue prædiorum, antequam in quasi possessionem earum missi simus habemus duntaxat actionem personalem aduersus eum, qui nobis obligatus est ad constituendam seruitutem, ¶ *l. obligationum substantia, D. de oblig.* Sed ¶ posteaquam seruitus constituta est, nobis datur actio in rem, quæ *Confessoria* vocatur, per quam persequimur seruitutem nostram aduersus quemcunque rei seruiantis possessorem. Dicitur autem ¶ ¶ seruitus constituta vel per quasi traditionem, id est, quando is, qui seruitutem debet misit in possessionem seruitutis creditorem, ut fruatur seruitute, vel per patientiam, h. e. quando sciente & consentiente domino prædii seruiantis ille, cui seruitus debebatur ea utitur. *Hæc probatur in l. si à te emero, l. altius, D. si seruit. vindic. l. uti frui, in §. vtrum, D. si vsufr. pet. & ex l. si quis diuortio in fi. D. si seruit. vindic. ex l. si ego, in §. 1. D. de publ. et l. 1. in §. ult. D. de seruit. rust. prædior.* vbi dicitur traditionem & patientiam inducere officium prætoris. ¶ Nam ¶ prætoris officium est in actionibus in rem ut cogat reum ad rei restitutionem, *l. officium, D. de rei vindic.* Deinde ¶ nosse oportet, prædia prædiis seruire

seruire trib. de causis, vel quia natura prædiorum hoc fert, vel lex vel cōsuetudo; *l. 1. §. ult. & l. 2. D. de aq. plu. arcend.* Quando t̄p̄dium alteri seruit natura loci, p̄pterea nō dicitur seruū neque seruitus vocatur. Nā t̄seruitus est ius aduentitiū & imposititium, quod præter naturam aut legem vniuersalem prædiū debet vel personæ, vt in v̄lusufructu, v̄lusu & habitatione, vel prædio vicino, vt in seruitutibus prædiorū tam vrbano-  
 rū quā rusticorum, cuius iuris ratione p̄dii serui-  
 uientis vtilitas imminuitur, p̄fone vero aut p̄dii  
 dominantis vtilitas augetur, vel amānitas aut  
 voluptas, *l. de pupillo, §. & bene in fin. D. de nou. oper. nunc.* Præterea notādum est, actiones t̄ pro ser-  
 uitutibus cōpetentes iam q̄sitis non immerito  
 dici actiones in rem, quia eandem fere cum rei  
 vindicatione habent naturam. Vt enim rei vin-  
 dicatio directā soli domino datur, ita actio cō-  
 fessoria competit soli domino p̄dii dominātis,  
*l. 2. D. si seruit. vindi. & creditori prædiū dominās*  
*iure pignoris tenenti superficiarioq; datur cō-*  
*fessoria vtilis, l. creditori, D. de nou. oper. nunc & l. si*  
*qui, D. de seruit.* Et hæc est prima similitudo. Se-  
 cunda similitudo est. Nā quemadmodū rei vin-  
 dicatio datur aduersus quēuis possessorē? Ita  
 actio confessoria competit aduersus quemuis  
 possessorē p̄dii seruiētis, *l. et si, §. hæc etiam l.*  
*altius. D. si seruit. vindicet. & l. vti frui in §. vrrū. D. si*  
*vsus fr. pet.* quinimo cōpetit aduersus quēcunque  
 nos impediētem ne seruitute vtamur, *l. si quis*  
*diuturno in fine. D. si seruit. vindicet* Tertia simili-  
 tudo:

tado: Nam quemadmodum in rei vindicatione is, qui possidet, potest evitare in rem actionem definiendo possidere sine dolo malo, ita & in actione confessoria. Nam cedendo possessionem prædii seruiantis, evirabitur actio confessoria, *l. ult. D. si usus fructus petatur*. Quarta similitudo: ut in rei vindicatione fructus & omnes causæ, id est. accessiones veniunt restituendæ; Ita & in confessoria. Nam reus, qui succumbit ad fructuum restitutionem condemnabitur, *l. 5. §. ult. D. si usus fructus petatur. l. loci, §. in confessoriam, l. et si forte in §. veniunt, D. si servit. vindicetur*. Quinta similitudo: Quemadmodum in rei vindicatione ob nimiam rei conventi contumaciã in litem iuratur, *l. qui restituere, D. de rei vin.* Ita & in actione confessoria, *l. harum actionum, D. si servitus vindicetur*. Sexta similitudo: Quemadmodum in rei vindicatione iudex per suam sententiam declarat rem ad actorem pertinere ita in actione confessoria, in qua per sententiã servitus, quæ est constituta, declaratur, *l. sicuti in §. sed et si vers. quia per sententiam, D. si servitus vindic.* Ex his itaque sex similitudinibus actio confessoria commodè sic definiri potest, ut sit actio in rem, quæ alicui datur asserenti & affirmanti prædium ab reo possessum vel sibi, (ut in usufructu usu & habitatione) vel prædio suo (ut in servitutibus prædiorum) servire, hoc est, servitute affectum esse, ad eum finem, ut servitus constituta declaretur, & reus conventus patiatur actorem ea uti, & ad omnes fructus omnesque

innesque accessiones & utilitates sibi auctori re-  
 us restituat, quas percepisset, si in seruitutis usu  
 interpellatus non esset, *l. 2. D. si seruit. vindic. & l. penult. in §. ult. D. si usus fruct. pet.* Veluti si quis a-  
 gat & intendat ius sibi esse alieno prædij vten-  
 di fruendi inuito prædij domino vel ius sibi esse  
 per fundum vicini eundi, agendi, vel ex fundo  
 vicini aquam ducendi in fundum suum, *hoc §. æ-*  
*quum in princip.* Earum exempla ponuntur in  
 seruitutibus prædiorum urbanorum, veluti, si  
 quis intendat ius sibi esse ex suis ædibus in tuas  
 prospiciendi, vel aliquid proiciendi, vel ex suis  
 parietibus in tuas tignum immittendi, vel  
 si quis agat ius sibi esse specialiter indultum &  
 concessum altius ædes suas tollendi etiam cum  
 incommodo tuarum ædium; quibus lumen &  
 prospectum adiunxit *hoc §. vers. eiusdem generis.* ut  
 autem hoc postremum exemplum recte intel-  
 ligatur, nosse oportet ꝑ alicui ius & facultatem 12  
 esse ædes suas altius tollendi etiam obscurando  
 ædes vicini duob. mod. nimirum, vel iure & liber-  
 tate naturali: qua libertas omnib. ædium domi-  
 nis æque competit, vel iure quodam speciali &  
 singulari, hoc est iure seruitutis constituta, vel  
 ex cōsensu expresso domini cōdiū seruientium,  
 vel tacito, id est; quadam longa consuetudine  
 & quasi præscriptione. Illo casu ei qui ius habet  
 ædes suas altius tollendi negatoria actio com-  
 petit. Nam actio negatoria est ꝑ actio in rem 13  
 quæ domino fundi, qui fundus seruientis dicitur,  
 competit ad eum finem, ut seruitutem à suo  
 fundo

fundo propulset. Negat enim suum fundum siue suum prædium vicino seruitutē debere, & ita in libertatem vindicat. Iure igitur hæc actio negatoria siue negatiua dicitur & contraria. Nam actio confessoria domino prædii dominantis datur, vel ei qui seruitutem personarum sibi debere ait à prædio seruo. Contra negatoria datur domino prædii, quod seruire dicitur, & ita in hoc exemplo idem statuitur. Nam qui ait ius sibi esse ædes suas altius tollendi negat suas ædes debere seruitutem altius non tollendi, hoc §. æque vers. contra quoque, l. secunda, & l. fori in §. competit, D. si seruit. vindic. & l. penult. in §. vltim. D. si vsusfruct. petatur, & l. sicuti, versiculo, & hic quoque Digest. si seruitus vindic.

- 14 Hæc t̄ autem libertas altius tollēdi aliquando quadam præsumptione & suspitione obruitur, quia prima facie prædium seruiens existimatur: Aliquando nulla præsumptio oppugnat libertatem prædii, quod seruum dicitur. Primo casu, ei qui negat prædium suum seruire necesse est, vt libertatem præbet, l. si priusquam, D. de noui operis nunciat l. si domus, D. de seruit. vrbān. l. si mihi, D. de seruitut. rustic. & l. sequitur in §. vltimo;
- 15 D. de vsucapion. Ex quibus locis colligitur t̄ duos esse præcipuos modos, quibus aduersus libertatem alicuius prædii præsumptio fit. Primus modus est, si certum est, aliquando prædium seruiisse: Secundus modus est si vicino seruitutē vindicāte dominus prædii ( quod seruum dicebatur ) libertatem sui prædii non defenderit.

Nam

Nam his duobus casibus reus actoris partes sustinere debet, id est, libertatem sui prædii probare.

Quando vero nulla suspicio libertatem prædii oneret. nulla probatio ab eo exigitur licet actione negatoria vtatur. Erit igitur actor qui negat prædium suum seruire, si prouocauit ad iudicium, sed proprie & vere nõ sustinebit partes actoris, quia non cogetur probare intentionem suam, id est, prædii sui libertatem. Ergo † 16  
quando aliquis agit actione negatoria regulariter probare nõ cogitur libertatem sui prædii, etiamsi vicinus sit in quasi possessione seruitutis, quia est iuris regula, vt † quotiescunque aliquis iure communi nititur, non teneatur probare id, quod petit ad se pertinere, licet aduersarius possessor sit, *l. siue possidetis, Cod. de probatione. & leg. neque creditores, Codic. de actio. pignorat.* 7

Hoc casu, id est, quando † aliquis ait, ius sibi 18  
esse ædes suas tollendi iure seruitutis sibi quæsitæ, tunc ait actione confessoria, quia asserit & confitetur ædes vicinas debere hanc seruitutem ædibus suis vt ædium seruientium dominus patiatur ædes dominantes altius tolli præter & ultra altitudinem legitimam & finitam; quod duobus casibus contingit. Vnus est, ob legem municipalem quæ certam altitudinem ædificiis præscripsit quã excedere nõ licet inuito domino cdiũ vicinarũ, *l. qui luminib. D. de seru. urban.*

*urban l. i. C. de feritut l. i. C. de adificiis priuat.* Alter casus est, quando natura rei viciniae non fert, vt iuxta se altius ædificetur, vt in *l. vlt. in §. vlt. C. de feritut.* Potest etiam addi tertius casus, nempe ex tacita voluntate patrisfamilias, qui de duplici prædio disposuit. Nam hæres prædii vicini dominus non potest officere prædio legato, ita vt eius vsum penitus adimat, nisi legatarius consenserit eam partem hæredi permittens, *l. si is qui binas ades, D. de vsufruct. l. i. in fin. D. si vsufruct. petat. & l. Gaurus Marcello, D. de feritut. prædio. urban.* Aliquando libertati adscitibi aliquando  
 19 feruituti constitutæ. Præterea † constat duplicem esse differentiam insignem inter vindicationem dominii rerum corporaliū & feruitutum vindicationem.

Prima est, quia in controuersiis rerum corporaliū nulla est actio negatoria, per quam directo negetur, rem alterius esse: nam ea conclusio inepta esset; & à nimium curioso deducta; nullā enim actori vtilitatem adferret: non enim sequeretur illius non est, ergo mea est cum alterius esse possit, & ita de alieno iure ageret, quod legibus est prohibitum. Ac in feruitutibus actio negatoria est utilis. Nam recte sequitur prædium meum tibi vel tuo prædio non feruit, ergo quod ad te attinet est liberum, *hoc §. vers. quod genus & vti frui. Digest. si vsufruct. petetur.*

Altera differentia est, Nam rei vindicatio nunquam vltro possessori datur, per quam concluda-



cludamus, vt per sententiam iudicis res sua declaratur, cum abunde ei sufficiat quod possideat, l. i. D. *vti possid* & hoc §. *vers. nam in his*, qui verficulus quia est imperfectus tenebras offundit Doctoribus, & præsertim Hotomanno existimantibus, cum qui possidet rem corporalem non posse concludere nisi negatiue, id est, negando rem alterius esse, cum affirmatiue concludere possit petendo declarari rem suam esse. sic igitur hic versic. supplendus est: Nam in his is duntaxat agit, qui non possidet; ei vero qui possidet, non est actio prodita, per quam neget rem alterius esse, aut per quam petat declarari rem suam esse, cum abunde ei sufficiat, quod possideat.

*Vers. Sane vno casu.*

Ait, vno hoc casu, quando de seruitutibus agitur, nihilominus is, qui in quasi possessione seruitutis est confessoria agere potest, & is, qui in quasi possessione libertatis est, nihilominus negatoria agere potest, hoc §. & *vers. vlt. qui incipit sane vno casu*, l. & si forte, in §. sciendum, l. sicuti, in §. se d si seruit. D. si seruitus vind.

*§. Sed ista quidem.*

Sed istæ quidem actiones, quarum mentionem habuimus, & si quæ sunt similes, ex legitimis & ciuilibus causis descendunt. Aliæ autem sunt, quas prætor ex sua iurisdictione comparatas ha-

K bet,

bet, tam in rem, quam in personam, quas & ipsas necessarium est exemplis ostendere. Ecce plerunque ita permittitur in rem agere, ut vel actor diceret se quasi vſucepiſſe, quod non vſuceperit, vel ex diuerſo poſſeſſor diceret, aduerſarium ſuum non vſucepiſſe, quod vſuceperit. Namque ſi cui ex iuſta cauſa res aliqua tradita fuerit, veluti ex cauſa emptionis, aut donationis, aut dotis, aut legatorum, nec dum eius rei dominus effectus eſt, ſi eius rei poſſeſſionem caſu amiſerit, nullam habet directam in rem actionem ad eam perſequendam quippe ita pſoditæ ſunt iure ciuili actiones, ut quis dominium ſuum vindicet. Sed quia ſane durum erat eo caſu deficere actionem, inuenta eſt à prætorè actio, in qua dicit is, qui poſſeſſionem amiſit, eam rem ſe vſucepiſſe, & ita vindicat ſuam eſſe, quæ actio **PUBLICIANA** appellatur, quoniam primum à Publicio prætorè in edicto propoſita eſt.

#### SUMMARIA.

1. *Actionum quædam ciuiles ſunt, quædam prætorie.*

2 Et inter pratorias primum locum obtinet actio Publiciana.

3 Cuius definitio proponitur.

## COMMENTARIVS:

**A**ltera actionum diuisio hic ponitur à causa efficiente ducta: Nam† omnes actiones vel sunt CIVILES vel PRÆTORIÆ. Prætorum enim iurisdictio in iure civili emendando aut supplendo aut confirmando maxima, & latissima fuit, §. 1. *supra de bonorum posses. & l. ius civile, in §. ius pratorum, D. de Iustitia. & iure.* At† inter actiones pratorias primo loco hic sese offert ACTIO PUBLICIANA, quæ in rem est, in qua actione prætor suppleuit id, quod iuri civili deerat. Nam iure civili quisquis rem corporalem vindicabat, is à causa cadebat, nisi probasset se dominum. Nam licet probasset se ab eo emis-  
 se, qui pro domino habebatur & sibi bona fide rem traditam esse, tamen succumbebat nisi probasset venditorẽ fuisse dominum, aut se recte vsucepisse, quod sane prætori Publicio durum visum est. Ideoq; actionem accommo-  
 dauit & dedit emtori bonæ fidei, per quam em-  
 tor qui rei possessionem amisit, eam æque vin-  
 dicat, atque si de dominio suo docuisset, hoc §. *versic. namque si cui ex iusta causa, vsque ad §. Rur-  
 sus.* Est autem huius actionis Publicianæ talis natura siue definitio aut potius descriptio: Actio publiciana &† actio in rem prætoria, quæ datur his, qui rem aliquam siue corporalem siue incorporalem acceperunt bona fide

ab eo, quem dominum esse existimarunt, aduersus quemcunque rei possessorem sine titulo aut possessoris vice fungentem, ad eū finem vt res sibi cum omni causa restituatur, si res de qua controuersia est eius sit natura, vt vsucapi possit.

Actio in rem dicitur: Nam competit aduersus quemcunque rei controuersæ possessorem siue possessoris vice fungentem, vtpote eum, qui dolo vel culpa possidere desit, aut qui se liti obtulit. Nam quæcunque dicta sunt de rei vindicatione, habent locum in publiciana *leg. sed et si, §. in publiciana, D. de publiciana*. Ergo tribus in rebus præcipue differt à rei vind. Prima differentia, quod rei vindic. pro dominio datur, hæc pro quasi dominio. Quod quidem quasi dominium medium quendam locum obtinet inter possessionem & dominium. Nam quasi dominium possessione est validius & firmitus dominio vero imbecillius, licet enim possessio amissa sit, non tamē est amissum quasi dominium. Est itaque utilius possessione, nam licet possederis, si tamen amisisti possessionem sine vi, non competit tibi interdictum recuperandæ, necessario igitur est ad hanc actionem perueniendum. Dominio est imbecillius quia si Dominus sine vi possessionem nactus sit, sine vi non potest conueniri hac actione *l. pen. & ult. D. de publ.* Quinimo dominus rem suam vindicens ab eo, qui quasi dominium habet, eam recipiet & recuperabit etiam non restituto precio

cio, quod bonæ fidei emtor numerauit, *l. super empti, C. d. t. l. 3. C. de rei vind.*

Secunda differentia Nam rei vindicatio datur duntaxat pro re corporali, publiciana etiam pro re incorporali. Tertia differentia, rei vindicatio datur aduersus quemcumq; possessore publiciana nō aduersus eū datur, qui cum titulo & bona fide possidet, nepe si à diuersis non dominis acceperunt, *l. sine autem, §. & Iulianus, D. de public.* Postremo notandum est, vt actio publiciana pro quadam re competat, necesse esse, vt res vsucapi possit, & vt is, qui accepit rem eā bona fide acceperit *l. sed etsi, §. Marcellus, & §. bona autem, l. fin autem, l. si ego, versidem Iulianus, D. de public. & videatur l. quacunque, eo tit.* Neq; his obstat, *leg. cum sponsus, in §. in vectigalibus, eodem.* Nam publiciana non competit ratione iuris, quod habet is, qui vectigale prædium possidet. His ita præmissis species huius §. talis est.

Sempronius emit à Titio non domino equum, quem Titius existimabat esse suum, & Sempron, quoque emtor postea equum amisit eum, quem à possessore petit. Respondetur eius petitionem iustam esse, si possessor equi sine titulo eum possidet. Nam hic equus vsucapi poterat, si triennio esset possessus, quia nō erat furtiuus: Ergo publiciana competit, si ante triennium emtor possessionem equi amiserit. Idem quoque exemplum potest poni in re immobili bona fide à non domino tradita, *iuxta §. quod autem, Instit. de vsucap.*

*§. Rursus ex diuerso.*

Rursus ex diuerso, si quis, cum Reipubl. causa abesset, vel in hostium potestate esset rem eius, qui in ciuitate esset, vsuceperit, permittitur domino, si possessor Reipublic. causa abesse desierit, tunc intra annum rescissa vsucapione eam petere, id est, ita petere, vt dicat possessorem vsu non cepisse, & ob id suam rem esse. Quod genus actionis quibusdam & aliis simili æquitate motus, prætor accommodat, sicut ex latiore Digestorum seu Pandectarum volumine intelligere licet.

## SYMMARIA.

- 1 *Actione rescissoria tollitur à prætore alias iure civili validum.*
- 2 *Plures sunt casus, ex quibus datur restitutio in integrum.*
- 3 *In quibus etiam recensetur absentia.*
- 4 *Duplex species huius paragraphi proponitur.*
- 5 *In hac actione superuacanea est absentiarum vulgata distinctio, si ab absente res sit vsucapta.*
- 6 *Hic paragraphus ex Tauardi opinatione hodie nullum habet vsum.*
- 7 *Sed si is quis præsens est vsuceperit contra absentem distinctio absentia locum habet.*

## COMMENTARIVS.

**I**N hoc paragrapho agitur DE RESCISSORIA  
 siue DE RESTITVTORIA siue vtili, per ꝑ quam  
 quæcunq; alienatio valida stricto ciuili iure in-  
 specto rescinditur iure prætorio, ex quadã spe-  
 ciali & iusta causa, ita vt habeatur perinde atq; si  
 alienatio nunq̃ facta esset, & ita qui dominium  
 amiserit, id recuperare actioneq; antiqua agere  
 possit, perinde atq; si non esset extincta. Est igitur  
 opus vt restitutio in integrũ petatur & re-  
 scissio eorũ q̃ facta sunt, & tunc actione anti-  
 qua agetur, q̃ in integrũ restitutis datur. Sũt au-  
 tẽ plures casus ꝑ quibus rescinditur id, q̃ mero  
 iure ciuili valebat, sed ex æquitate prætoria & na-  
 turali valere non debet, ideoq; in integrum re-  
 stitutio comperit qua impetrata actio pristina,  
 q̃ erat perempta restauratur & restituitur aduer-  
 sus iuris ciuilis regulas. Hi autẽ casus præcipui  
 enumerantur, in *l. 1. D. de in integr. restit.* Nempe,  
 met<sup>o</sup> calliditas, etas, absentia, mutatio & iustus  
 error. Nam ob has causas restitutiones in inte-  
 grũ à prætore fiunt *ex l. 1.* itaq; omnes actiones,  
 quæ post restitutionẽ in integrũ alicui iterum  
 dantur, merito rescissoriæ siue restitutoriæ ap-  
 pellantur. Ex his autẽ omnib. causis nũc enumera-  
 tis duæ duntaxat à Iustiniano in *hoc. §. & seqq. 2.*  
 connumerantur, nẽpe absentia, eaq; aut proba-  
 bilis & necessaria, aut necessaria tantũ quando  
 eius prætextu absens rem præsentis vsuceperit  
 vt in *hoc §. Rursus.* Altera causa est calliditas siue  
 fraus, cuius duo exempla ponuntur, in *his §. §.*  
*seqq.* Sed ad absentia reuertamur & paragraph.

4 rursus explicationem, in quo † duplex species ponitur. Prima species est; Titius à Sempronio fundum emit, quē suum existimabat, cum reuera fundus Petri esset: Deinde abesse reipubl. causa cepit, nullumq; procuratorem domi reliquit, Petrus postquam rescivit fundum suum à Sempronio venditum esse Titio & traditum, volebat ante vsucapionem iterum petere, sed non poterat ob absentiam Titii. Deinde Titius impleta vsucapione in suam rediit ciuitatem, quæritur qua actione Petrus fundum, olim suum repetere possit? Et respondet Iustinianus opus esse, vt Petrus intra annum à die reuersionis Titii prætorem adeat & restitutionem in integrum impetret & petat vt rei vindicatio sibi concedatur, non obstante vsucapione, quæ iam per prætorem rescissa est. Potest igitur dicere, Titium possessorem vsu non capisse, cum vsucapio rescissa sit, & ob id dicere rem suam esse. Altera species est, De absentia necessaria. Fingamus igitur filium vel seruū Titii ex nummis peculiaribus rem quandam emisit à Sempronio bona fide, quæ res Petri erat, deinde Titium ab hostibus captum esse qua de causa Petrus vsucapionem captam non poterat interrumpere. Nam etiam is, qui ab hostibus captus est rem peculiarem per seruū aut filium-familias vsucapere potest, *l. si is qui, D. pro emptore. l. iusto, in §. ult. D. de vsucap. l. in bello, §. facti, & leg. penult. D. de captiuis & postlim. reuers.* Ergo Petro similiter actio rescissoria datur restitutione prius



us impetrata, prout in specie dictum est, & hæc est huius paragraphi sententia. In qua † quæ-  
 stione frustra distinguuntur absentiarum ge-  
 nera, cum semper præsentī aduersus absentem  
 hæc actio rescissoria detur: Tamen† *hic totus §. 6*  
*rursus.* & tota hæc decisio correctā est hodie, cū  
 paratissimum sit præsentī aduersus absentem  
 vsucapiētem auxilium, quo auxilio vsucapio  
 cæpta interrumpi potest, *l. 2. de annali except.* Igi-  
 tur si præsens eo auxilio, vsus non est, suæ ne-  
 gligentiae hoc acceptum ferre debet. Nō enim  
 negligentibus iura subueniunt, *l. non enim, D. ex*  
*quibus causis maiores rest.* Viceuerſa contingere  
 potest, vt præsens rem absentis vsucapiat,  
 neque habet absens quid agat aduersus præ-  
 sentem, quando vsucapionem ignorat, & pro-  
 pterea actio rescissoria ei etiam iure nouissimo  
 dari debet. Sed in hac quæstione† distinguendæ  
 sunt absentiarum formæ & species. Nam si ab-  
 est absentia voluntaria, ei non succurritur neq;  
 vsucapio completa rescinditur; sibi enim im-  
 putare debet, quod nullum procuratorem re-  
 liquerit domi: Item est de causā probabili tan-  
 tum, vt absentia studiorum. Sed hæc absentia  
 a superiori hac in re differt. Nam si absens causā  
 studiorum procuratorem reliquerit, sed is de-  
 functus est subuenitur absenti & restituitur in  
 integrum, *l. nec non. D. ex quib. caus. maior. q. locū*  
 non habet in eo, quod abest absentia volunta-  
 ria. At si absentia necessaria tantum, quia ab  
 hostibus vel prædonibus præter spem captus

est, aut etiam in carcere per magistratū deten-  
tus est, vel à potentioribus est oppressus, procul  
dubio ei consulitur aduersus vltimacionem cō-  
pletā, cum non licuerit ei per tempus procura-  
torem constituere, *l. succurritur & l. ab hostibus,*  
*D. ex quib. caus. maiores argu. l. sed et si per prætorem,*  
*in §. 1. D. eod. tit.* Postremo si quis abest absentia  
probabili & necessaria, id est, causa reipubl. ei  
subuenitur si procuratorem nullum domi re-  
liquit, *l. is qui reipu. D. eod. tit. ex quib. caus. maiores*  
*argumento.* à contrario sensu. Quod si procura-  
torem reliquit & procurator soluēdo sit, ei non  
subuenitur, quia aduersus procuratorem suum  
agere poterit: si vero procurator soluendo non  
est, in integrum restituetur & actione rescisso-  
ria vtetur, *l. 1. in princip. D. ex quib. caus. maiores. ar-*  
*gum. l. in causa in fin. D. de minoribz.*

*§. Item si quis in fraudem.*

Item si quis in fraudem creditorum  
rem suam alicui tradiderit bonis eius à  
creditoribus ex sententia præsidis pos-  
sessis, permittitur ipsis creditoribus re-  
scissa traditione eam rem petere, id est,  
dicere eam rem traditam non esse, &  
ob id in bonis debitoris mansisse.

*§. Item Seruiana.*

Item Seruiana & quasi Seruiana, quæ  
etiam hypothecaria vocatur, ex ipsius  
prætoris

prætoris iurisdictione substantiam capiunt. Seruiana autem experitur quis de rebus coloni, quæ pignoris iure pro mercedibus fundi ei tenentur. Quasi Seruiana autem, qua creditoris pignora hypothecæ sue persequuntur, inter pignus autem & hypothecam, quantum ad actionem hypothecariam attinet, nihil interest. Nam de qua re inter creditorem & debitorem conuenerit, ut sit pro debito obligata utraque hac appellatione continetur, sed in aliis differentia est. Nam pignoris appellatione eam proprie rem contineri dicimus, quæ simul etiam traditur creditori maxime si mobilis sit. At eam, quæ sine traditione nuda conuentione tenetur, proprie hypothecæ appellatione contineri dicimus.

## S V M M A R I A.

- 1 *Dolus alienantis rem suam quidem, sed in fraudem alterius causam dat actioni.*
- 2 *Et primum quidem actioni Pauliana, si res alienata non sit creditori obligata.*
- 3 *Deinde vero Seruiana & quasi, alienata re, qua creditori est obligata.*

## COMMENTARIVS.

**I**N superiore paragrapho explicata est vna species actionis rescissoriae & vna causa, ob quam rescinditur alienatio, quæ summo iure est valida. Nunc in his duob. paragraphis explicatur alia ꝑ causa, nempe, dolus alienantis, ob quẽ dolum efficitur, vt alienatio valida rescindatur.

Dolus autem alienantis in his locis bifariam colligitur: Primum, si ꝑ res quas alienauit non erant pignori obligatae, sed tamen eas alienauit in fraudem creditorum, nempe, vt creditores nihil reperirent in eius bonis vel non reperirent tantum, quantum sibi debetur: Tunc enim creditores harum rerum alienatione facta adibunt prætorem & petent se mitti in possessionem bonorum debitoris soluere cessantis, & deinde eadem bona distrahi ex quorum precio si eis satisfieri non potest, actione in factum Pauliana aduersos eos, in quos alienatio facta est rerum alienatarum possessores, vt eas res restituat debitori perinde atque si nunquam alienatio facta esset, *l. videamus, §. in Fauiana, D. de vsuris, l. 2. C. de reuoc. his quæ per fraud. alien. sunt. l. 1. l. ait prætor, l. hac in factum, l. omnes & passim toto tit. D. quæ in fraudem cred. l. si seruus, D. de contrah. emt. & hoc §. item si quis.*

**3** Altero modo dolus alienantis deprehenditur, quando ꝑ res aliquas creditori obligatas alienat non restituto precio, quod creditori debebat. Nam tunc creditor duplici actione experiri potest, nempe vel actione personali aduersus

tuerus debitorem, vel omisso debitore poterit agere actione in rem prætoria vel Seruiana, vel quasi Seruiana siue hypothecaria aduersus possessores rerum obligatarum vel possessorum vice fungentes, ad eum finem, vt vel possessionem rerum sibi obligatarum reddant, vel debitum exoluant, si probare possint creditores, res sibi obligatas fuisse in bonis eius, qui eas obligauit, tempore obligationis. Ergo si possessores rerum obligatarum debitum exoluit, qualescunque sint possessores, lis & actio creditoris res illas persequentis euanescit. *Hac omnia probantur, in l. si cum venditor, D. de empt. l. si fundus, §. in venditione, l. pignoris persecutio, D. de pignoribus, l. pignori, C. eod. l. pactus. C. quib. modis pignus vel hypoth. sol. l. contrahitur, cum 26. seqq. D. de pignorib. l. §. C. si res aliena. pig. dat. & l. ult. C. si vnus ex plurib. hered. cred. & hoc §. item Seruiana.*

*§. In personam quoque.*

In personam quoque actiones ex sua iurisdictione propositas habet prætor, veluti de constituta pecunia, cui similis videbatur receptitia. Sed ex nostra cōstitutione, cum etsi quid plenius habebat, hoc in actionem pecuniæ constitutæ transfusum est, ea quasi superuacua iussa est, cum sua auctoritate à nostris legibus recedere. Item prætor proposuit

posuit de peculio seruorum filiorumque familias, & ex qua quæritur, an actor iurauerit & alias complures.

*§. De constituta autem.*

De constituta autem pecunia cum omnibus agitur, quicumque pro se vel pro alio soluturos se constituerint, nulla scilicet stipulatione interposita. Nam alioquin si stipulanti promiserint, iure civili tenentur

*§. Actiones autem.* Actiones autem de peculio ideo aduersus patrem dominumque comparauit prætor, quia licet ex contractu filiorum seruorumve ipso iure non teneantur, æquum tamen est peculiotenus, quod veluti patrimonium est filiorum filiarumque item seruorum condemnari eos.

SUMMARIA.

- 1 Actio constitutoria contra quos detur.
- 2 Non constituitur nisi iam ante iure aliquo debitum.
- 3 Modo non debeat iure civili.
- 4 Confertur constitutum cum pacto.
- 5 Stipulatio cur introducta.
- 6 Quibus constituatur.
- 7 Constitui potest etiam seruo alieno.

- 8 Tercio qui est in constituto soluens exceptione liberatur
- 9 Qui constituent.
- 10 Constitui potest etiam aliud, quam quod debetur.
- 11 Confertur solutio cum constituto.
- 12 Confertur constitutor cum fideiussore.
- 13 Actiones de peculio sunt adiectitiae.
- 14 Contrahens cum filiofamilias duos sibi facit debitores.
- 15 Actiones de peculio iure ciuili sunt incognita.
- 16 Prator semper sequitur equitatem naturalem.
- 17 Actiones de peculio descendunt ex iurisdictione pratoris.
- 18 Occasio earum inducendum.
- 19 Contrahens cum seruo vnum duntaxat, nimirum dominum sibi obligatum habet.
- 20 Seruus non debet, nec seruo debetur.
- 21 Ordo obseruandus circa actionem; si cum filiofamilias vel seruo contractum est.
- 22 Prima est ex iussu speciali, quae facit Exercitoriam & institoriam.
- 23 Vel ex generali.
- 24 Altera est de in rem verso.
- 25 Tertia est de peculio.
- 26 Postrema est Tributoria.
- 27 Peculium filiorum est triplex.
- 28 Actio de peculio in omni peculio exerceri potest.
- 29 In castrensi.

30 *In quasi Castrense.*

31 *In profectitio.*

32 *In aduentitio.*

33 *Actio de peculio non datur cōtra patrem nisi possideat peculium aut de eo dubitetur.*

### COMMENTARIUS.

**H**ic agitur de tribus prætoriis actionibus personalibus, quæ iure civili erant incognitæ, nempe ACTIONE

1. DE CONSTITVTA PECVNIA

2. DE PECVLIO

3. IN FACTVM EX IVREIVRANDO.

Quod ad primam attinet, quæ alio nomine vocatur CONSTITVTORIA in *l. necessarium, D. de 1 constitutoriiis*. Hæc competit † aduersus eos, qui constituerunt se soluturos, quod vel ipsimet debebant vel alii, vt vel debitam antea, deinde constitutam pecuniam exoluāt, aut in id, quod interest actoris teneantur, *hoc §. vers. de constitu-*  
 2 *ta*. Satis est autem † debitam esse rem vel vno iure tantum, hoc est, naturali iure, siue iure civili, siue prætorio, modo vnum ius ab altero nō oppugnetur, *l. 1. §. vlt. D. de constit. pecun. vtriusq;* exemplum tale est.

Aliquis ex nudo pacto duntaxat natura obligatus est, quam obligationem ius civile, neq; oppugnat neque adiuuat, sed eam imbecillem, prout est, & ad agendum ineptam, relinquit, si ea pecunia constituitur, per hanc actionem exigitur ex *l. 1. §. vlt.* quod si illa obligatio vel iure civili



ciuili vel iure prætorio rescinderetur aut impediretur, pecunia sic debita constitui non posset *ex l. 3. §. sic ergo dicamus*, sane si † quod debitum; est, potest exigi iure ciuili, & tunc hæc actio locum non habet, cum necessaria non sit, nullamque utilitatem auctori adferat. *hoc §. de constituta, vers. alioquin*, quod si ius ciuile aut prætorium eam obligationem oppugnet, & idem dicendum est, ut hæc actio non nascatur

Est autem † plus constituere quam pacisci. 4  
Nam qui paciscitur non ita fixo & deliberato animo promittit atque is qui constituit: nam qui constituit, apud se fixum habet & exploratum omnimodo seruare fidem, tanquam ex proposito & animo iam dudum præmeditato. At pactiones plerumque temere fiunt & concipiuntur & ex quodam animi impetu nascuntur. Ideoque † stipulatio iure ciuili inuenta est, quæ certum & deliberatum promittentis animum indicat, unde actio ciuilis nascitur. At prætor tantam vim constituto accomodat, quantam ius ciuile stipulationi: grauius enim existimat prætor fidem falli in constituto, quam in simplici pacto, id est, nudo. Ex hoc igitur actionem non dat, quæ admodum dat ex constituto. *Hæc omnia probantur ex l. prima; l. qui autem in fin. ex l. si duorum cum duab. seqq. D. de constit. pecun.*

Potest autem constitui † omnibus, quibus- 6  
cunque pactiones factæ valent, adeo, ut non solum domino, sed etiam procuratori tutori, pupillo, curatori furiosi, vel adolescentis & auctori reip.

L muni-

- 7 municipum constitui possit: quinimo seruo alieno constitui potest, ex quo constituto qualis qualis domino acquiritur obligatio, *l. §. vlt. D. de constit. pecun.* Quod si constituitur alicui creditori aut tertio † tunc tertio adiecto solutio facta constituentem non liberat stricto iure inspecto; verum ex æquitate cōstituens qui soluit tertio, exceptione se tueri poterit, & ita conciliatur, *l. si quis ita stipulatus. D. de solut. cum l. si vero D. de constit. pecun.* conciliatur inquam eo modo
- 9 per *l. pen. D. eod. tit. de constit. pecun.* Et possum † constituere ii soli, qui aliis pactionibus & conventionibus possunt obligari, *leg. 1. §. de pupillo, D. de constit. pecun.* Potest etiam † constitui aliud quam quod debetur. cum creditori volenti aliud pro alio solui possit & cōstitutum vicem solutionis obtineat, *l. 1. vers. an possit, D. de constit. pecun.* Non
- 11 tamen in omnibus † solutio & constitutum æquiparātur. Nam solutione tollitur omnis obligatio eius, quod debetur, *§. 1. quib. mod. tollitur obligat.* Constituto vero pristina nō, tollitur obligatio, sed ei altera obligatio accedit non æque principalis. Et sola solutio vtramque obligationem perimit, *l. item illa, §. vlt. & l. vbi quis, D. de constit. pecun.* Itaque † hac in re differt constitutor à fideiussore. Nam fideiussor accessorie obligatur, cōstitutor obligatur principaliter. Vnde procedit altera differentia: Nam fideiussor non obligatur nisi eandem rem promiserit, quam reus principalis debet: Aliud est in cōstituto: nam aliud pro alio constitui potest, ut
- modo

modo dictum est. §. Actionis de peculio, siue  
 actionum ea est natura, vt † actiones antiquio-  
 res non transferant neq; extinguant, sed illis ad  
 dantur si cum filiofamilias contractum est.  
 Quisquis enim † cum filiofamilias alieno con-  
 trahit excepta mutui datione duos debitores  
 acquirit, nempe filiumfamilias ex proprio con-  
 tractu & naturaliter & ciuilitur obligatū, dein-  
 de patremfam. obligatū ex contractu filii, qua-  
 tenus est in peculio *l. filiusfamil. D. de oblig. l. tam  
 ex contractib. D. de iudiciis, l. si quis cum filiofa. D. de  
 peculio.* quæ quidem actio de peculio † iure ciui-  
 li est incognita, quippe cum iure ciuili nemo ex  
 facto alieno obligetur, at iure prætorio, quod †  
 semper naturalem æquitatem sequitur, Actio †  
 de peculio est introducta & inuenta, Hi enim †  
 qui cum filiofamilias contraxerant, nunq̃ cum  
 eo contraxissent, nisi eum peculiatū cognouis-  
 sent. Igitur cum creditores magis peculium se-  
 cuti esse videatur, quam filiumfamilias personam  
 æquum putauit esse prætorius ciuile supplens,  
 vt non solum in filiumfam. actio ciuilis ordina-  
 ria daretur, sed etiam in patrem daretur actio  
 illa ex contractu nascens, cum modificatione  
 (vt ita loquar) & adiectione peculii, id est, qua-  
 tenus est in peculio filii, quod à patre posside-  
 tur, eatenus in ipsum patrem actio de peculio  
 detur, *l. si pater, D. qua in fraud. creditorum, l. si eum  
 D. de exercitoria, l. 3. §. qua congruit, l. depos. D. de pe-  
 culio.* In qua actione pater cōuentus deducet  
 in primis, quod sibi à filio naturaliter debetur,

- 19 Quando vero aliquis cum seruo † peculiatō  
id est, peculium habente contraxit, vnum dun-  
taxat habet debitorē obligatum sibi iure præ-  
20 torio, nempe dominum. Nam † seruus neque  
iure ciuili neque prætorio obligari potest, sed  
duntaxat naturali, & naturalis obligatio actio-  
nem parere non potest.

Est igitur opus & necesse, vt creditor serui  
aduersus dominum agat, sicuti contra, si seruo  
aliquid deberetur, seruus agere non potest, sed  
dominus agit; *l. nec serui, D. de peculio & §. actio-  
nes autem, hoc tit.*

- 21 Itaque quando † aliquis cum filio familias a-  
lienō vel seruo contraxit, in primis inspiciendū  
est, an pater vel dominus iussit hoc, vel postea  
ratum habuit, vel an cōtractus isti vtilitatem pa-  
tris vel domini cesserit hoc est, an res in eorum  
vtilitatem contraria sit, hinc postremo loco an  
aliquid in peculio sit.

- 22 Primo casu, si † iussus cadit in nomen specia-  
le, & tunc actio specialis competit, nempe, vel  
Exercitoria, si filius vel seruus erant propositi  
naui exercendæ *l. 1. D. de exerc. act.* vel actio insti-  
toria, si erant præpositi alicui negotiationi ter-  
restri, *l. 1. D. de Instit. act. & tot. tit. l. 3. l. 7. & passim  
tot. tit. D. eod.*

- 23 Quod † si iussus specialis nō est, id est, in no-  
men speciale non cadit, actio quod iussu locum  
24 habebit, *l. 1. D. quod iussu*, Secundo casu † actio  
de in rem verso locum habebit, *l. 1 & l. 5. §. 1. D. de  
in rem verso.*

Postre-

Postremo casu actio † de peculio, id est, quā- 35  
do neque iussus patris vel domini præcessit, ne-  
que in rem & vtilitatem eorum aliquid versum  
est. Est tamen quartus casus, ubi † alia actio com- 26  
petit, quæ vocatur Tributoria, & locum habet  
quando filius vel seruus in peculiari merce ne-  
gociantur neq; iubente domino, vel patre ne-  
que repugnante, sed sciente, tacete, & dissimu-  
lante, quo casu pater vel dominus in parem for-  
tem & fortunam cum cæteris creditoribus vo-  
cantur, *tot. tit. D. de tribut. act.* Et quia † peculium 27  
filiorum duplex est Castrense, quasi Castrense  
& paganum, videndum est, in quibus peculii  
locum habeat actio de peculio: quia in quæstio-  
ne dico hanc † actionem in omni peculio exer- 28  
ceri posse; in castrensi peculio † locum habere 29  
potest, si filiusfamilias ea modestia erga patrem  
est, vt illi permittat liberam sui peculii admini-  
strationem. Nam paterfamilias est dominus pe-  
culii castrensis, vt reliquorum peculiorum, si  
filiusfamilias iure sibi concesso, vti nolit. *leg. 2. l.*  
*proponebatur, l. de hered. vers. nunquid, et l. ex castre-*  
*si, D. de cast. pecul.*

Quod si verum est in castrensi peculio, vt est; a  
multo magis † in quasi castrensi, si filiusfamilias  
ea modestia vtratur, idem dicendum est. Nunc  
perueniamus ad peculium paganum, quod du-  
plex est profectitium & aduentitium. In profe-  
ctitio autem certum est, & indubitatum † acti- 31  
onem de peculio locum sibi vindicare, sed de  
aduentitio maior est dubitatio. Quare tres re-

- 32 gula sunt † in eo peculio aduentitio constituenda. Prima; quoties pater peculii aduentitii & proprietatem & vsum fructum habet ineptum est quærere an actio de peculio ex contractu filii aduersus patrem detur. Secunda regula, quando & proprietas & vsum fructus eiusdem peculii aduentitii ad eundem filium familias pertinet similiter inepta est hæc quaestio: cum primo casu pater actione ordinaria & civili sit conueniendus ex proprio contractu, ex contractu vero filii nullo modo. Secunda regula similiter pater conueniri non potest. cum peculium non possideat & certum sit non possidere. Actio † vero de peculio nunquam datur aduersus patrem, nisi certum sit, cum possidere peculium, aut dubitetur an possideat, vel possidere possit *vt notatur ex l. si vero, ex l. quasitum est, & leg. de posui, D. de peculio.*

Tertia regula est; quoties filius habet nudam proprietatem, pater vero vsum fructum, vt regulariter contingit existimo actionem de peculio aduersus patrem dari posse, vt pater consentiat alienationi proprietatis, ex qua alienatione creditoribus satisfieri possit. Non enim possibile est filium familias æs alienum dependere & soluere ex nuda proprietate, vt vtar verbis Imperator. *in leg. vlt. §. vbi. Cod. de bon. quæ libris.* & hæc breuiter dicta sint de actione de peculio.

§. *Item si quis postulante.*

Item si quis postulante aduersario iurauerit deberi sibi pecuniam, quam peteret, neque ei soluatur, iustissime accommodat ei talem actionem, per quam non illud quæritur, an ei pecunia debeat, sed an iurauerit.

## S V M M A R I A.

- 1 Origo iurisiurandi ostenditur.
- 2 Iusiurandum definitur.
- 3 Iurisiurandi formula.
- 4 Explicatur l. 2. C. de reb. credit. & iureiur.
- 5 Iusiurandum distribuitur.
- 6 Iusiurandum veritatis triplex est, voluntarium, iudiciale & necessarium, vbi differentia prima ex forma.
- 7 Differentia altera ex actionibus quæ inde dantur.
- 8 Differentia tertia ex facultate recusandi, deferendi & referendi.
- 9 Differentia quarta ex facultate retractandi præstitum.
- 10 Qui possint deferre iusiurandum.
- 11 Deferri potest iusiurandum huiusmodi duntaxat, qui possunt obligari.
- 12 Quatuor regulis explicatur actorine an reo iusiurandum deferendum sit.

## C O M M E N T A R I V S.

**N**unc restat vt de actione in factum ex iureiurando dicamus, sed prius noscenda est

iurisiurandi origo, substantia, definitio & diuisio.

Huius autem auctoritatem, originem & religionem iuri diuino acceptam ferre debemus, *vt patet ex c. 6. epistola D. Pauli ad Hebr.* tamen Romani Ethnici huius originem Numæ Pompilio secundo regi adscribunt: is enim ea pietate, atque religione ciuium Romanorum pectora imbuerat, vt ciues ad iusiurandum propulso legum ac pœnarum metu regerentur. Cum enim interesse iuri iurando cœleste numen persuasum haberent tanquam periurii vindicem & ultorem, nunquam fidem fallebant, quando iusiurandum erat præstitum, adeo, vt sancte lateque semper habita & conseruata fuerit apud Romanos iurisiurandi religio, prout liquet ex iis quæ notatur apud Tit. Liuium l. lib. 1. Decad. Plutarch. in Numæ Pomp. & Gell. lib. 7. noct. Atticarum, cap. 8. Cicer. 3. offic. l. sed & si seruus, D. de iureiur. l. 2. C. de reb. cred. & iureiur.

- 2 Vnde potest iurisiurandi definitio elici. Vt † iusiurandum nihil aliud sit, quam diuini numinis in testem & iudicem imploratio, ad fidem nostram arctius adstringendam, & aliis faciendam inducta. Sic enim iuratur, † Si sciens fallo,
- 3 Deus me perdat, aut perdat illum, per cuius salutem aut genium iuratur. Nam qui per salutem vel suam vel principis aut cuiuslibet alterius iurat, respectu diuini numinis iurasse censetur, l. qui per salutem, D. de iureiuran. id est, iram diuini numinis prouocare aduersus eum, per cuius salutem



salutem vel genium iuratur. Ideoque Herodotus *lib. 4.* refert, reges Scytharum ægrotare consueuisse, quando per regium Solium peierabatur: Et ea est ratio, † cur is qui per genium vel salutem principis quis iurauit in re pecuniaria & peierauit fultibus castigatur, *l. si duo, §. vlt. D. de iureiurand.*

Si vero aliquis extra rem pecuniariam calore iracundiæ impulsus per genium Principis peierauit non puniatur, *l. 2. C. de reb. credit.* Iusiurandum duplex est: Nam † quoddam est propter rem, quoddam extra rem, *leg. quoties propter rem, D. de iureiurand.* iusiurandum propter rem, id est, in re pecuniaria præstitum est duplex: nā quoddam est iusiurandum affectionis, de quo agitur, *in Tit. D. de in litē iuran.* Aliud est iusiurandum veritatis. Et † hæc est triplex; voluntarium iudiciale & necessarium, vt patet *ex Rubri. de iureiurando.*

Iusiurandum voluntarium est, quod defertur à parte parti extra iudicium, vt à lite mota vel futura discedatur. Iusiurandum iudiciale à parte parti defertur in iudicio, iudice id approbante. Necessarium defertur à iudice parti etiam altera parte inuita & repugnante. Itaque iusiurandum voluntarium sola conuentione partium nititur & religione, ad iusiurandum iudiciale nititur conuentione, religione & iudicii siue iudicis auctoritate. Necessarium vero nititur & fulcitur sola religione & iudicis auctoritate non autem conuentione. Vnde tertia e-

- 7 mergit differentia. Nam † ex iureiurando voluntario oritur actio in factum utilis prætoria, de qua in hoc §. item si quis postulante agitur, & præterea actio utilis ex contractu super quo iuratum est vel utilis in rem. Ex iureiurando iudiciali oritur actio in factum prætoria directa propter auctoritatem iudicii, cum eius instar habeat, ut hoc paragrafo item si postulante, & præterea actio utilis ex contractu. Ac ex iureiurando necessario nulla actio oritur, cum semper sententia definitiva, ex qua actio in factum prodit, iusiurandum necessarium sequatur, cum aliud sit in iudiciali. Nam nisi aduersarius urgeat, sententia iusiurandum iudiciale non sequitur, l. nam postea, §. si damnetur, Digest. de iureiurand. argumento à contrario sensu. Alia differentia. Iusiurandum † voluntarium potest impune recusari, licet sit delatum, neque propterea cogitur is, cui delatum est, id referre; aliud est in iudiciali regulariter. Nam ille, cui delatum est, cogitur vel iurare vel referre, alioquin cōdemnabitur. Is vero, cui iusiurandum necessarium delatum est, cogitur iurare vel alio quocunque modo sententia aduersus eum feretur, neque enim audietur si referre vellet. Quarta differentia, iusiurandum † necessarium ob instrumenta de nouo reperta retractatur, cætera non retractantur. Hac omnia probantur ex leg. 1. cum 4. sequentibus, l. ait prætor cum 2. seqq. leg. sed et si posses. §. vltim. l. si duo patroni per totam l. l. sed et si seruus, l. in duobus. §. vlt. cum l. sequen. l. manifeste turp & l. ad-

*l. admonendi, Digest. de iureiurand. l. delata, l. auctori, C. de reb. cred.* Iusiurandum autem † deferre pos- 10  
sunt defensor municipum vel cuiuslibet corporis, si habeat speciale mandatum, *l. iusiurandū & ad pecunias. §. defensor.* Procurator quoq; priuati tribus casibus duntaxat, qui enumerantur, *in l. iusiurandum quod, §. vlt. cum. l. seq.* item pupillus tutore auctore, vel adultus curatore auctore, vel tutor pupilli aut curator adulti, *dict. l. iusiurandum quod, & l. tutor pupil.* *Digest. de iureiur. l. 3. Cod. de auctor. prestan. & l. 2. C. si maior fact.* Potest autem deferri iusiurandum his † duntaxat, 11  
qui soli possunt obligari: Sed quæstio oritur, quando † & cui nempe reo vel auctori deferendum sit. Et de iureiurando voluntario nulla dubitatio est, cum totum ex cōsensu partium proficiscatur: & impune recusari possit, vt inodo dictum est. De iureiurando iudiciali maior dubitatio est. Nam ea est iuris regula, actore non probante, reum absolui debere *l. qui accusare, C. de edend.* Eademq; ratio locum habet in iureiurando necessario: quare in hac quæstione sequentes regulæ sunt constituendæ. Prima est, Si actor neque plene neque semiplene probauit suam intentionem, aut reus suam exceptionem, neque vlla præsumptio aduersarium vrget iurisiurandi delationi nunquam locus est, cum aduersarius sit ad soluendus, *dict. l. qui accusare,* Multi enim sunt adeo superstitiosi, vt metu diuini numinis iurare non audeant, etiamsi esse sciant, quod intendunt, quare eorum conscientia non est oneranda, *l. qui sub conditione, D.*

de conditionibus, institutionum. Secunda Regula: quotiescunque actor semiplene probauit intentionem suam vel reus exceptionem iusiurandum necessarium iudex deferre debet ei, qui semiplene probauit. Et ita intelligenda est, *l. in bona fidei, C. de reb. cred.*

Tertia regula est; Etiam si actor nihil probauerit, tamen si nulla præsumptio contra reum faciat, vel potest iudex reo deferre iusiurandum & nisi iuret condemnare, vel ipsemet actor reo deferre potest iusiurandum & nisi reus iuret vel referat, est condemnandus, & ita intelligendæ sunt, *l. iusiurandum & ad pecunias, §. ait prætor, D. de iureiur. l. delata, l. generaliter, C. de rebus credi. leg. Marcellus cum 2. seqq. D. rerum amot. l. vlt. vers. sicubi, C. de his, qui ad ecclesias confug. l. vlt. Cod. de fide instrument. & l. vlt. §. licentia, C. de iure deliber. c. secundum, extra de probat. capit. vltim. extra de iure iurand.*

Quarta & postrema regula; ex diuersitate rerum vel personarum & circumstantiis negotiorum iudex in defectum probationum vel actori vel reo iusiurandum deferre potest, prout ei tãquam viro bono videbitur, id est, ut si præsumptio pro reo faciat, ei iusiurandum deferat aut si faciat pro actore, ei similiter iusiurandum deferre debet, quando probationes omnino deficiunt, & ita secundo modo potest intelligi, *l. in bona fidei, C. de iureiur. & d. c. vlt. argum. l. iusiurand. & ad pec. vers. non semper autem D. de iureiurand.*

Sunt

Sunt tamen quidam casus speciales, in quibus necessario & indistincte iusiurandum deferendum est, etiamsi neque probationes neque præsumptiones adsint, in l. ult. C. de fideicommissis. & in l. cum de indebito, §. in omnibus de probat.

### §. Pœnales quoque.

Pœnales quoque actiones bene multas ex sua iurisdictione introduxit, veluti aduersus eum, qui quid ex albo eius corrupisset: & in eum, qui patronum vel parentem in ius vocasset, cum id nō impetrasset: item aduersus eum, qui in ius vocaretur cuiusue dolo alius exemerit, & alias innumerabiles.

### S V M M A R I A.

- 1 Actio de albo corrupto desinitur.
- 2 Actio parentis vel patroni à filio vel liberto sine venia in ius vocati.
- 3 Mos antiquus vocandi in ius.
- 4 Actio per vim exempti qui in ius vocatus erat.
- 5 De eo, per quem factum erit, quo minus qui in iudicio sistat.

### COMMENTARIVS.

**H**ic ponuntur quatuor exempla actionum pœnaliū prætōriarū. Primum est, ACTIONIS IN FACTVM de albo corrupto † quæ popularis est & competit unicuique aduersus eum,

cum, qui aliquod edictum prætoris, quod ad omnium vtilitatem erat propositum, publice corrupit aut deleuit, aut extinxit. Nā pœna 50. aureorum fisco applicanda reus mulctatur ob contemptam prætoris auctoritatem, *l. si quis id quod, D. de iurisd. om. iud.* Altera actio pœnalis † competit in filium emancipatum, qui parentē in ius vocauit venia à prætore non impetrata, aut in libertum, q̄ similiter in ius vocauit patrum. Nam pœna 50. aureorū in eos est constituta, *l. 4. l. quāuis, l. vlt. D. de in ius vocan. & l. vlt. C. eo. tit.* Cuius ratio est mos antiquus vocandi quē

3 in ius, ea. n. vocatione † vis nonnulla adhibebatur, vocato, si spōte sua sequi noller; nām obtorto collo & inuitus in ius trahebatur, vt pluribus auctoritatib; probat Duaren. *1. lib. dispu. anniuers. c. 1.* vltra quas auctoritates adduci potest locus Cicer. *ex orat. pro Cluentio.* in illis verbis, *obtorto collo ad subsellia reduceret.* quod ius dedecet filios aut liberos, si ea vtantur aduersus eas personas, quibus pietatem, honorem & reuerētiam præstare debent *l. generaliter, D. de in ius vocand.* Neque obest ea ratio præcipua à Roberto adducta *c. 1. lib. 3. Senten.* qua negat alicui vnquam in iure ciuili permissum fuisse, vt sibi auctoritate priuata ius diceret, ne inde tumultus nasceretur, *l. æquissimum de vsufruct. l. extat, D. quod met. causa. & l. non è singulis, D. de reg. iur.* Nam ego id fateor verum esse, non tamen ob id sequitur, quia vocatus in ius inuitus trahatur: tantum enim abest vt trahens ius sibi dicat, vt potius totam iuris dicen-

dicendi potestatem prætori permittat. Tercio actio pœnalis est Actio † in factum competens 4 aduersus eum, qui aliquem in ius vocatum & tractum vi eripuit: nam tunc reus condemnatur actori, qui vocabat alterum in ius ad totam æstimationem eius rei quam actor petebat, etiam si forsitan calumniola esset actoris petitio, *l. penult. & passim toto tit. D. ne quis cum, qui in ius vocab. vi exiti.* Quarta actio pœnalis est actio † 5 in factum, quæ datur aduersus eum, cuius non vi sed dolo malo factum est, quo minus quis se in iudicio sisteret, *toto tit. D. de eo, per quem factum erit, quo minus quis in iud. sist.*

### §. Præiudiciales actiones.

Præiudiciales actiones in rem esse videntur, quales sunt, quæritur, an aliquis liber an libertus sit, vel de partu agnoscendo. Ex quibus fere vna illa legitimam causam habet, per quam quæritur an aliquis liber sit: cæteræ ex ipsius prætoris iurisdictione substantiam capiunt.

### SUMMARIA.

- 1 Præiudicare quid sit exponitur.
- 2 Iudicia præcedentia futuris præiudicare dici possunt tribus modis.

3 Fra-

- 3 *Præiudicium quid sit.*
- 4 *Differentia inter actiones & præiudicia notantur.*
- 5 *Explicatur l. 2. C. de iudicib. pedan.*
- 6 *Probatur definitio præiudicii à Theophilo proposita.*
- 7 *Præiudicia duplicia sunt;*
- 8 *Præiudicia quomodo exerceantur.*
- 9 *Exponitur an præiudicium semper suspendat iudicium præcedens.*
- 10 *Exponitur an iudex semper pronunciare debeat de incidenti questione præiudiciali*
- 11 *Præiudicia non sunt omnia civilia.*
- 12 *An iudex minori causæ addictus cognoscere possit de causâ maiore incidente, explicatur.*

## COMMENTARIUS.

**I**N huius paragraphi explicatione sequentia sigillatim & suo ordine sunt explicanda: in primis quid sit præiudicare; deinde quare hæ actiones præiudiciales aut præiudicia vocentur, tertio quid sit præiudicium; deinde singularum trium actionum, quæ hic explicantur natura est inspicienda, conciliandæque Antinomiæ.

Quod autem ad primum attinet certum est præiudicare nihil aliud esse, quam † officere & nocere, ut patet ex l. *sæpe D. de re iudic.* quæ significatio desumpta est ab etymologia vocabuli, quæ talis est, ut præiudicare dicatur ante iudicare aliquid, quod ad sequens & futurum iudicium pertinet, idque futurum iudicium non patitur



patitur præiudicium quod præcessit libere Vaguri, sed quodāmodo iudicaturis adfert exemplum, quod sequantur, à quo saltem conscientia salua vix recedere possunt, vt docet Quintil. lib. 8. *Insti. orat. cap. 2.* Quod attinet ad secundam quæstionem, notandum est præcedentia † sequentibus iudiciis præiudicare tribus modis. Vno modo, vt iudicium sequens obruat, neque id vllō pacto exerceri sinat, & ita sæpissime hæc præiudicia, tria in hoc paragrafo enumerata id præstant & efficiunt, vt in *l. pen. D. de noxal. act.* Secundo modo iudicia aliis iudiciis præiudicāt ea differendo tantum, & hoc etiam efficiunt, hæc præiudicia, vt patet ex *l. 2. C. de ordin. cognit.* & in hac secunda significatione præiudicium accipitur in *l. interdum. D. de publ. iudic.* Ac in *l. per minorem. D. de iudiciis*, præiudicium accipitur in prima significatione. Tertio, iudicium iudicio præiudicat & officit neque perimendo, neque simpliciter, id est tantum differendo sed instituendo iudicatuos, quid sequi debeant, prout ex Quintil. supr. annotaui. Ex quo elicitur hæc tria præiudicandi genera tribus modis fieri: Vno modo, quando res eadem iudicata est; nam tum exceptio rei iudicatæ impedit exercitium iudicii super eadem re, & inter easdem personas, *l. cum queritur. D. de except. rei iudic.* Secundo, in causis similibus iudicia iudiciis præiudicant quando eadem est similitudo & res crebro & frequenter sic sunt iudicatæ, vt notatur in *l. de quib. cum seqq. D. de l. gib. & in l. nemo (de sentent.*

M

Vnde

Vnde emanauit illa consuetudo in foro allegandi atreſta ſupremarum curiarum. Poſtremo iudicia iudiciis præiudicant, licet neque de eadem re, neq; de ſimili facta ſint, ſed de re quapiam ad alteram rem, in futuro iudicio pertinente, & ita in hoc §. & in hoc tractatu uſurpatur. Itaque cum hoc ultimo modo actiones præiudiciales aliis iudiciis præiudicium faciant, tum ea perimendo, tum differendo, tum afferendo exemplum iudicibus; quod ſequatur, mirum non eſt, ſi hæ tres actiones præiudiciales κατ' ἐξοχήν præiudicia vocentur, vt in l. 1. D. de rei vind. in l. adoptionum D. de in ius vocand. & in l. generaliter. D. de except. & in rub. eod. Quinimo iſtæ actiones, maxime quando agitur de cauſa liberali, tantas habet vires, vt per nullam aliam actionem præſertim ſingularem obrui poſſint, & perimi, vt patet ex l. 2. C. de liberali cauſa, Tertia quaëſtio eſt, quid ſit præiudicium, quod ſic definiri po-  
3 teſt: Eſt ius † perſequendi in iure, ea quæ ſpectant ad ſtatum vel perſequentis, vel aduerſarij. Ius perſequendi dicitur, id eſt, facultas & poteſtas legitima vocandi in ius inuitum, qua ratione actio latiffime ſumta vocatur, quod hac in reactionibus ſtriçte ſumptis ſimile eſt, l. actionis verbo D. de act. & obligat. (in iure) Hæc verba differetiam oſtendunt inter actiones ſtriçte ſum-  
4 tas & præiudicia. Nam † in actionibus iudices dabantur à prætore, in præiudiciis non dabantur, ſed ipſemet prætor vel præſes ptouinciæ de ſtatu cognoſcere debebat, ſi principaliter de eo  
certa-

certabatur, *l. 1. C. de off. pratorum. l. 2. C. de pedaneis iudicib.* cuius legis sententia talis est † quoties-  
 cunque princeps mandat alicui magistratui, vt  
 de quadam causâ specialiter cognoscat ex vi re-  
 scripti, non debet magistratus temere & passim  
 iudicē dare, quēadmodū iure digestorū ei per-  
 mittebatur, vt ex *l. generaliter & l. sepe. D. de offic.  
 prasid.* Sed debet ipsemet cognoscere, nisi qui-  
 busdam occupationibus sit impeditus; tunc e-  
 nim iudicem dare poterit, nisi agatur de statu  
 hominis, id est, de seruitute vel libertinitate.  
 tunc enim iudicem dare nō potest, idem etiam  
 probatur ex *l. non mutant ex l. principaliter & in l.  
 nec omissa C. de liberal. causa: & in l. 1. C. de ordin. cog.*  
 Fauor enim libertatis est, vt maiores iudices ha-  
 bere debeat, quam iudices datos, *l. non distingue-  
 mus. §. de liberali. D. de recept. arbitris.* ex quibus lo-  
 cis colligendum est erratum & mendum, quod  
 est in *l. 1. C. de ordine iudiciorum.* Nam loco dictio-  
 nis (Eius) legendum est iudicis, vt ex seqq. ver-  
 bis facile colligitur & recte id notauit Gouea-  
 nus *variaram lect. 34. capite. Ea quæ spectant ad sta-  
 tum*) Hinc colligitur altera differentia inter a-  
 ctiones specialiter sumtas & præiudicia. Nam  
 in actionibus de bonis agitur, in præiudiciis de  
 statu, id est, vel libertate vel ciuitate vel familia  
 hominis; quare præiudicium, quæstio status  
 vocatur. *l. 3. C. de iudiciis.* Vnde tertia differentia  
 emergit. Nam actionibus petimus aliquid  
 quod est separatum à persona rei; at in præiudi-  
 ciis petimus ipsummet reum, aut retineamus

- vindicantes eum in seruitutem vel libertinitatem vel familiam, aut ipsemet actor se ipsum petit. Vindicat enim se aut in libertatem vel ingenuitatem, aut se sui iuris esse ait, & hæc est ni fallor Theophili sententia in hoc paragrapho
- 6 præiudicium definiētis † præiudicium inquit, ὅτι τύπος ἐστὶν τῆς κρίσεως μόνος συγχεύμενος, id est, præiudicium est formula siue libellus ex sola intentione constans. Neque enim habet condemnationem vel conclusionem in se, id est, nihil petitur à personis separatim. (*siue persequens siue aduersarij*) Ex his verbis liquet præ-
- 7 iudicia † esse duplicia, id est, alterutro desiderante exerceri posse, l. ult. D. si libert. ingen. esse dicet. Nam dominus præiudicio certare potest vindicās seruum in seruitutem vel seruus prior prouocare potest vindicans se in libertatem. Idem iuris est de patrono aut liberto, de patre aut cognatis patris vel de filio; & hæc præiudicia, quæ alterutro desiderante exercentur, bifariam exercentur. Nam vel exercentur principaliter vel per consequentias, id est, ob aliquam causam specialiter expressam, quæ indicat aliquid aliud præcedere, quod vel causam specialem peperit vel inhibet & impedit. Superioris exemplum est quando seruus in seruitutem vel libertas in libertinitatem diiudicatur, aut seruus se vendicat in libertatem, vel liber in ingenuitatem, & hoc casu is actoris partibus fungitur, qui non est in quasi possessione libertatis, sic sine dolo malo ille qui eum vindicat

eat debet probare seruum suum esse alias vincitur, & contra si seruus sit in quasi possessione seruitutis libertatē suam probare debet. Idem est de patrono aut liberto. *l. liberis. §. vlt. D. de liberali causa. l. circa. D. de probationibus.* Quando præiudicia non exercentur principaliter & primo loco, semper partibus actoris fungitur, qui habet intentionem secundum id, quod intendit, id est. qui se vel dominum vel patronum esse ait, veluti Dauus vocat Simonem in ius, Simon negat se iure conueniri, quia dominus est & herus Dani, hoc probare dicit: vel Titius petit operas à Sempronio, Sempronius negat se eas debere, Titius ait, sibi deberi quia patronus est; Titius probare patronatum dicitur; vel Titius vocat in ius Sempronium, & agit aduersus eum actione de dolo: Sempronius negat se iure conueniri actione famosa, cum actoris sit patronus, hoc ei probandum est, neque recurritur ad superiorem distinctionem, nempe vter litigatorum sit in quasi possessione nec ne, *leg. quoties. D. de probat. & l. vlt. D. si libert. ingen. esse dicatur.* Vbi loco dictionis Nulla legendum est *ultra* vt recte sentit Donellus in *tract. de probat.* Et hæc de tertia quæstione. Nam quod ad quartam attinet, hoc est, specialem horum præiudiciorum trium naturam, tres præcipue quæstiones sunt examinandæ. Prima erit, an præiudicia semper impediunt & remouentur aut perimant iudicia præcedentia, vel quæ cum illis simul exercētur. Secunda quæstio, an de quæstio-

ne incidenti huiusmodi præiudiciorum Iudex semper pronunciare debeat, & an propter omissam pronuntiationem sententia nulla sit. Tertia, An iudex bonorum duntaxat disceptationi præsidens & præfectus possit ex accidenti de causa status cognoscere. Igitur ad primam questionem ex tribus redeundo, distinguendū

- 9 est † vt si causa status aut præiudicii capit originem ex alia actione vniuersali, tanquam fonte & fundamento, tunc causa principalis & originaria ante mota prius sit terminanda, *l. si quis. D. de pet. hæredit.* quæ habet duas species. Nam in initio illius legis species talis est, Titius à patre suo exhæredatus agit quærela inofficiosi aduersus hæredem scriptum, lite pendente Dauus vindicat se in libertatem, ait enim libertatem sibi relictam esse in eo testamento quod inofficiosum arguitur, certe Dauus expectare cogitur donec iudicium de inofficioso sit finitum iure Digestorum. Nam si testamentum declaretur inofficiosum libertatis datio non valebit *l. Papinianus. §. vlt. Instit. de inoff. test.* si declaretur officiosum & iustum postea præiudicio certare poterit. Quod sane verum est, quando iudicia vniuersalia vel mota sunt, vel statim moueri sperantur. Nam his duobus casibus iudicia liberalia, quæ præiudicia vocantur, sustinentur, id est differuntur: & hæc est sententia *d. l. si quis. vsque ad vers. cum quidā Licinianus.* Cuius species talis est: Titius habens filium & seruum Licinianum, testamentum fecit, in quo filium exhæredauit & seruum

seruum suum Licinianum liberum atq; hæredē esse iussit filius exhæredatus vindicat Licinianū in seruitutē, queritur an Licinianus de statu suo respondere cogatur. Nam Licinianus tantū abesse ait, vt sit seruus, vt potius sit liber & omniū testatoris bonorum dominus: petit itaque non solum libertatem sed etiam hereditatem: quare in hac quæstione sic distinguit Iurisconsultus, aut Licinianus est possessor hereditatis aut non est, sed filius exhæredatus: primo casu, si Licinianus velit & petat prius cognosci de viribus testamenti audiatur, & admittetur Secundo casu, si iudici videatur id à Liciniano ex bona fide implorari similiter ei iudex morem gerere debet, id est, obtemperare nō aliter. Quod si causa status ex alia nō dependet, tunc iterum subdistinguendum est. Nam vel iudicium ante motum: aut simul cum causa status, nullo modo potest dirimi nisi prius de statu pronunciatū sit, & tūc causa status prius est terminanda, quam ad alteram causam perueniatur, siue sit ciuilis, siue criminalis, *l. 1. l. 3. Cod. de ord. cog. l. præses. C. ad l. Fla. de plagia. l. quēadmodū Ale. C. ad l. lu. de adul. aut causa potest vtrūq; terminari & iterū subdistinguedum est. Nam vel causa status eodem tempore & principaliter mouetur, quo casu de statu prius cognoscitur & iudicatur, *l. 2. in pr. C. de ordine cognit.* cuius species talis est. Dauus aduersus Simonem duplici iudicio agit. Nam petit se pronunciarī liberum, & deinde hereditatem Titii defuncti petit, tanquam proximus cognatus e-*

tus eiusdē Titii, quam hæreditatem à Simone iniuste possideri cōrendit; certe prius causa status agitata est, & deinde si Dauus vincit, hæreditatem postea petere poterit. Aut vero causa status exorta est, & incidit cōcurrit emerfit post aliam causam principaliter motam & tunc recurrendum est, ad distinctionem. *l. vlt. C. de ord. cogn.* quæ talis est, vel causa status exorta est ante sententiam latam, vel ille qui de statu suo periculatur est, in quasi possessione seruitutis, vel est in quasi possessione libertatis. Illo casu status causa prius est decidenda. *d. l. vlt. §. 1. ex quo intelligenda est, & restringenda tum Lex 4. §. & penul.* Si vero est in quasi possessione libertatis, ordinanda est libertatis causa, id est, vindiciæ secundum libertatem dandæ sunt, id est interim liberi loco habendus est is, qui de statu suo litigat, & lite ita ordinata causa principalis antea mota iudicari poterit & terminari. *l. ordinata. D. de liberal. causa d. l. vlt. C. de ordin. cog. vers. quod si ei qui ex quo supplendum est, & restringendum secundum responsum l. 2. C. de ordin. cogn. quod incipit sed si de hæreditate agatur, vbi verba sequentia sunt addenda (principaliter de libertate vero in cōsequentia & is qui de statu suo litigat est in quasi poss. libertatis)* Si post sententiam habet locum decisio. *vers. vlt. d. l. vlt. qui incipit, cum autem nec lite.*

10 Altera quæstio, an sit † necesse pronunciare de quæstionibus emergentibus æque atq; de principali, sic discutitur, & definitur ab interpretibus, vt pronunciandum sit de quæstione emer-

genti



genti siue incidenti, quando ea sola non est, quæ emergit & emergere potest, & directo ordine iudicii impedit efficitq; ne iudicium motum amplius exerceri possit, & ita intelligendæ sunt. *l. pen. D. de noxa. l. 3. §. vi. D. de liberal. causa. l. à procedente. C. de dilat.* Si aliquod horum desit quia vel plures aliæ dubitationes concurrere possunt. Vel quæstio incidens non respicit directo ordinem iudicii, est in arbitrio iudicantis, vel pernunciandi super quæstione incidenti vel super principali tantum. Nam sententia lata super principali expressum efficit, vt tacite censeatur lata super incidenti siue emergenti, ita vt prolatio super principali sufficiat ad victoriam, etiam super incidenti, *l. 1. C. de ordine iud. l. 2. C. de ord. cognit. l. Lucius. D. de his qui not. inf. l. si quis à liberis. §. si vel parens. D. de liber. agnos. l. duobus. D. de except. rei iud. c. suborta. Extra de sent. & re iud. vers. nimirum & c. 2. in fin. Ext. de ordin. cogn.* Verum licet non sit pronunciatum super incidenti quæstione, tamen si plene de ea est cognitum amplius in controuersiam deduci non poterit in alio iudicio: si vero semiplene & summatim cognouit iudex de ea, nihil impedit quin interim in alio iudicio cognosci possit. *d. l. si quis à liberis. §. si vel parens. l. pen. D. de his, qui sunt sui vel al. iur. & l. à D. Pio. §. si rerum. D. de re iud. c.*

Et hæc quæ dicta sunt maxime locum habent in duobus præiudiciis, quibus vel de libertate vel de ingenuitate agitur, licet ad ter-

- tium præiudicium referri possint, quo agitur de partu agnoscendo, quod locum habet duntaxat aduersus parentem in cuius potestate filius aut nepos esse dicitur, siue partus sic editus soluto matrimonio, siue constante. Ergo si parens superstes non sit hoc præiudicium cessat, sed datur petitio hæreditatis & edictum Carbonianum. *l. 3. §. 1. D. de liber. agnos. & l. 1. D. de*
- 11 *Carbonian. edict.* Et ex his tribus præiudiciis † primum est ciuile, per quod quæritur. An quis sit liber vel seruus. Nam libertatis summam & præcipuam rationem habuerunt Decemuiui Legi's XII. tabularum anthores. Cætera duo præiudicia originem antiquiorem capiunt, licet postea nonnulla Senatusconsulta super præiudicio & partu agnoscendo sint facta. Et hæc est sententia huius §. *in versi. ex quibus vna*, superest, vt ad postremam quæstionem perueniamus:
- 12 An iudex † causæ minoris possit cognoscere super causa maiori, hoc est, Iurisdictionem suam excedente, si quæstio causæ maioris incidet. Et ad hoc respondere Iudicem qui principaliter de quadam causa cognoscere non potest, posse de ea cognoscere incidenter, modo vtraque quæstio ex eiusdem summi magistratus auctoritate procedat, & altera quæstio non sit meri Imperii, & magistratus inferior sit Magistratus supremi, ita vt non adscribantur causæ diuersis fontibus. Quapropter magistratus municipalis non potest cognoscere etiam inci-
- den-

denter de causis mixti Imperii, cui mixto Imperio veluti principali, Iurisdictio tanquam accessoria, inest, *l. ea quæ D. ad municipalem. & l. 3. C. de defensoribus ciuitat.* Quod si sit magistratus populi Romani, cui certa iurisdictio & potestas definita est à populo Romano, ita vt non possit de aliis causis cognoscere principaliter, procul dubio ius dicere & de illis cognoscere poterit. *l. 3. C. de iudiciis, & leg. vlt. in fine C. vbi causa in integrum restitutionis agitata sit.* Quod si sit causa meri Imperii, de qua iudex cognoscere non potest principaliter neque cognoscere poterit incidenter. Quapropter si tutor conuenitur tanquam suspectus coram iudice merum imperium non habente, & tutor adeo male versatus sit in tutela, vt grauior pœna corporalis sit ei infligenda, est remittendus ad iudicem, siue magistratum merum Imperium habente. *leg. si de officio præfecti vrbi. C. de suspectis tutorib.* Eadem ratione, si aduersarius vel testis falsum commiserit, ex quo pœna mortis sic infligenda Iudex merum imperium habens de falso cognoscere non potest, potest autem leuiorem pœnam infligere, licet facinoribus coercendis & puniendis non sit præfectus, & ita intelligenda est. *l. nudum. C. de testibus.*



§. *Sic itaque.*

Sic itaq; discretis actionibus, certum est non posse actorem suam rem ita ab aliquo petere, *si paret eum dare oportere*. Nec enim quod actoris est, id ei dari oportet, quia scilicet dari cuiquam id intelligitur, quod ita datur, ut eius fiat: nec res, quæ iam actoris est, magis eius fieri potest. Planè odio furum, quo magis pluribus actionibus teneantur, effectum est, ut extra pœnam dupli aut quadrupli rei recipiendæ nomine fures etiam hac actione teneantur, *si paret eos dare oportere*, quamvis sit aduersus eos etiam hæc in rem actio, per quam rem suam quis esse petit.

## S V M M A R I A.

- 1 Non est conditio rei suæ.
- 2 Quod nostrum est, amplius nostrum fieri non potest.
- 3 Fur pluribus actionibus, in quibus etiam est conditio, tenetur, quod expressum odium furis.

## C O M M E N T A R I V S.

Cum personalium actionum natura ( quæ competunt, ut quid detur ) ea sit, ut quod nostrum non est, nostrum fiat, merito sequitur  
† ne-

† neminem rem suam condicere, id est, actio- 1  
 ne personali petere. Id enim quod † nostrum 2  
 est, amplius nostrum fieri non potest. Est igitur  
 opus, vt res nostras vindicemus. Plane † odio 3  
 furum institutum est, vt non solum possint cō-  
 ueniri rei vindicatione, sed etiam condictione  
 furtiua. Nam si duntaxat res furto surrepta vin-  
 dicaretur & ea periisset penes furem, eodem  
 modo peritura penes petitem, fur liberaretur.  
 Nam ea est rei vindicationis natura & cæ-  
 terarum in rem actionum. At quando fur con-  
 dictione furtiua cōuenitur, ea distinctio nō ser-  
 uatur. Nam quomodocunque res perierit ad e-  
 ius æstimationem tenetur. *Hac omnia probantur*  
*ex hoc §. & ex §. si tamen sup. de rer. diuis. & l. re-*  
*rum. D. rerum amotarum. & §. ult. sup. de obligat.*  
*quæ ex delicto nascuntur. l. si. D. de vsuf. quemadmodū*  
*caueat. l. item si verberatum in fine. l. sui autem. §. si*  
*homo. D. de rei vindic. l. illud. D. de petit. heredit. l. si*  
*plures. D. Depositi. & l. final. D. de condict. furtiua.*  
 Est & altera utilitas : nam si fur conuenitur rei  
 vindicatione aut actione personali Depositi  
 vel commodati, non tenetur eandem diligen-  
 tiam adhibere in re custodienda quam adhibe-  
 re debet, si conuenitur condictione furtiua,  
 cum tunc etiam de periculo teneatur, *l. qui fur-*  
*riuum. D. de condict. furtiua.* Postremo fingamus  
 dominum rei surreptæ non esse contentum a-  
 ctione furti, quæ pœnalis est, sed velle rem su-  
 am recuperare & præterea infamiam furi inu-  
 rere, hoc vtrumque non potest consequi per  
 rei

rei vindicationem, quæ famosa non est. Est igitur necesse, ut ad condictiorem furtiuam confugiat, per quam condemnatus ad rei restitutionem erit famosus, si non infamia iuris, saltem infamia facti, *l. cessit. D. de obligat. & l. non potest. D. de his qui not. infam.*

*§. Appellamus autem.*

Appellamus autem in rem quidem actiones, vindicationes; in personam vero actiones, quibus dare facere oportere intenditur, condictiones. Condicere enim est denunciare prisca lingua: nunc vero abusivè dicimus, condictiorem actionem in personam esse, qua actor intendit dari sibi oportere. Nulla enim hoc tempore eo nomine denunciatio fit.

*S V M M A R I A.*

1. Olim acturus denunciabat prius ei cum quo ipse res erat, antequam in ius iretur; qua denunciatio appellabatur condictio.
2. Hinc actiones omnes dicebantur condictiones.
3. Duplex iudicium si de re actio sit.
4. Actiones personales appellationem condictionum sibi fecerant propriam.

- 5 In ius vocatio primus actus iuris.  
 6 Condictio<sup>n</sup>um appellatio restringitur ad actio-  
 nes quasdam personales.

## COMMENTARIVS.

QVIA † nullus olim in ius vocabatur nisi<sup>1</sup>  
 prius denunciatio solutionis ei facta es-  
 set, actiones † vocabantur condictiones. Sed<sup>2</sup>  
 quia actiones in rem erant & sunt fere semper  
 eius naturæ, vt † duplici iudicio configatur,<sup>3</sup>  
 & in priore quidem de lite vindiciarum, id  
 est, possessionis agatur, in secundo iudicio  
 de proprietate, vnde vocatur secunda actio  
 proprietatis, *leg. final. Cod. quærum bonorum* me-  
 rito à iudicio possessionis actiones in rem,  
 quæ vindicationes appellantur seiunguntur,  
 & prius iudicium, nimirum possessionis per  
 interdicta exercetur. *leg. is qui destinavit. Digest.*  
*de rei vindic. Digest. leg. ordinarii iuris. Codic. de rei*  
*vindic. & leg. incerti. Codic. de interdictis.* Et † quia<sup>4</sup>  
 de possessione non agitur in actionibus per-  
 sonalibus, merito vindicationes appellari  
 non possunt, sed retinentes nomen gene-  
 rale vocantur condictiones, licet abusi-  
 ue, cum solennes denunciationes sint subla-  
 tæ, vt *hoc paragr. dicitur.* Ergo olim primus actus  
 iudiciorum erat condictio, quæ cum sublata  
 sit, vocatio in ius † primus actus iudiciorum<sup>5</sup>  
 dicitur,

dicitur, §. vlt. *Inst. De pena temere litigant*, quam  
 vocationem si vocatus eo die coram prætore si-  
 stere se nollit, cautio in iure sisti comitarur, cu-  
 ius cautionis beneficio in ius vocatus dimitte-  
 batur *l. qui neque. Digest. de ius vocand.* Post-  
 ea sequebatur formularum impetratio, quæ  
 sublata est, Tandem Vadimonium, id est, cau-  
 tio iudicio sisti, quæ semper litem contestatam  
 præcedebat, ut patet ex *l. si eum. D. si quis cautioni-  
 bus.* Tamen notandum est verbum condictio-  
 nis aliquando stricte accipi ¶ nempe vel pro a-  
 ctione generali innominata, qua persequimur, ut  
 quid detur vel fiat, qualis est condictio certi vel  
 cōdictio incerti vel cōdictio ex lege, ut patet ex  
*l. certi cōd. D. si certum per. & ex l. 1. D. de cond. ex lege.*  
 Vel cōdictio accipitur pro his actionibus, qui-  
 bus persequimur quod nostrum aliquando fu-  
 it, sed temere & sine causa à nobis alienatum,  
 quod restitui nobis duntaxat æquitate natura-  
 li inspecta petimus ad restitutionem eius obli-  
 gato eo, qui accepit extra eius mentem & men-  
 tem tradentis. Eiusmodi sunt condictio sine  
 causa condictio indebiti, condictio ob causam  
 & condictio ob turpem causam, *l. si quis in aera. l. indebiti. D. de condict. indeb. & leg. si is qui in sine.*  
*D. Commodati.* Vel postremo condictio v-  
 surpatur stricte pro condictione  
 furtiva de qua proximo.  
 §. supra.

§. sequens



*§. Sequens illa diuifio.*

Sequens illa diuifio eft, quod quædam actiones rei perfequendæ gratia comparatæ funt, quædam pœnæ perfequendæ, quædam mixtæ funt. *Rei perfequendæ caufa* comparatæ funt omnes in rem actiones. Earum vero actionum, quæ in personam funt eæ quidem, quæ ex contractu nascuntur, fere omnes rei perfequendæ caufa comparatæ videntur, veluti, quibus mutuam pecuniam vel in stipulatum deductam petit actor. Itemque commodati, depositi, mandati, pro socio ex emto-vendito, locato, conducto. Plane si depositi agatur eo nomine, quod tumultus, incendii, ruinæ, naufragii caufa depositum fit, in duplum actionem prætor reddit, si modo cum ipso, apud quem depositum fit, aut cum hærede eius ex dolo ipsius agetur, quo casu mixta est actio.

*§. Ex maleficiis vero.*

Ex maleficiis vero proditæ actiones aliæ tantum pœnæ perfequendæ caufa comparatæ funt, aliæ tam pœnæ, quam rei perfequendæ, & ob id mixtæ funt, pœnam tantum persequitur quis actio-

N ne

ne furti. Siue enim manifesti agatur, quadrupli, siue nec manifesti dupli, de sola pœna agitur. Nam ipsam rem propria actione persequitur quis, id est, suam esse petēs, siue fur ipse eam rem possideat, siue alius quilibet. Eo amplius aduersus furem etiā condictio est rei. Vi autem bonorum raptorum actio mixta est, quia in quadruplo rei persecutio continetur, pœna autem tripli est. Sed & legis Aquilæ actio de dāno iniuriæ mixta est, non solum si aduersus inficiantem in duplum agatur, sed interdum et si in simplum quisque agit, veluti si quis hominem claudum aut luscum occiderit, qui in eo anno integer & magni pretii fuerit, secundum iam traditam diuisionem. Item mixta est actio contra eos qui relicta sacrosanctis ecclesiis, vel aliis venerabilibus locis legati vel fideicommissi nomine dare distulerint, vsq; adeo vt etiam in iudiciū vocarentur. Tunc enim & ipsam rem vel pecuniam, quæ relicta est, dare compelluntur, & aliud tantum pro pœna & ideo in duplum eius fit condemnatio.

§. *Quædam actiones.* Quædam actiones

nes mixtam causam obtinere videntur, tam in rem, quam in personam, qualis est *familia erciscunda actio*, quæ competit cohæredibus de diuidenda hæreditate. Item *communi diuidendo*, quæ inter eos redditur inter quos aliquïd commune est, vt id diuidatur. Item *finium regundorum*, qua inter eos agitur, qui confines agros habent. In quibus tribus iudiciis permittitur iudici re alicui ex litigatoribus ex bono & æquo adiudicare, etsi vnus pars prægrauari videbitur, eum inuicem certa pecunia alteri condennare.

*§. Omnes autem.* Omnes autem actiones vel in simplum conceptæ sunt, vel in duplū vel in triplū, vel in quadruplum. Vterius autem nulla actio extenditur.

*§. In simplum.* In simplum agitur, veluti ex stipulatione, ex mutui datione, ex empto vendito, locato-cōducto, mādato & deniq; ex aliis compluribus causis.

*§. In duplum.*

In duplū agimus, veluti furti nec manifesti damni iniuriæ ex lege Aquil. depositi ex quibusdam causis. Item serui corrupti, q̄ competit in eum, cuius horreatu consiliove seruus alienus fugerit.

aut contumax aduersus dominum factus est, aut luxuriose viuere ceperit, aut denique quolibet modo deterior factus sit. In qua actione etiam earum rerum, quas fugiendo seruus abstulit, æstimatio deducitur. Item ex legato, quod venerabilibus locis relictum est, secundum ea, quæ supra diximus.

*§. Tripli vero.*

Tripli vero, cum quidam maiorem veræ æstimationis quantitatem in libello conuentionis inseruit, & ex hac causa viatores, id est, executores litium ampliore summam sportularum nomine exegerint. Tunc enim id, quod propter eorum causam damnū passus fuerit reus in triplum ab actore consequitur, vt in hoc triplo & simplum, in quo damnū passus est, connumeretur: quod nostra constitutio induxit, quæ in nostro Codice fulget, ex qua dubio procul est ex lege condictitiam emanare.

*§. Quadrupli.*

Quadrupli, velut furti manifesti, itē de eo, quod metus causa factum sit, deque ea pecunia, quæ in hoc data sit, vt is, cui datur calumniæ causa negocium  
alicui

alicui faceret vel non faceret. Item ex nostra constitutione ex lege conditio exoritur, in quadruplum condemnationem imponens iis executoribus litium, qui contra constitutionis normam à reis quidquam exegerint.

*§. Sed furti quidem.*

Sed furti quidem nec manifesti actio & serui corrupti à ceteris, de quibus simul locuti sumus, eo differunt, quod hæ actiones omnimodo dupli sunt, at illæ, id est, damni iniuriæ ex lege Aquilia, & interdum depositi inficiatione duplicantur, in confitentem autem in simplex dantur. Sed illa quæ de iis competit, quæ relicta venerabilibus locis sunt, non solum inficiatione duplicatur, sed etiam si distulerit relicti solutionem vsquequo iussu magistratuum nostrorum conueniantur. In confitentem vero, antequam iussu magistratuum conueniatur, soluentem simplex redditur. Item actio de eo, quod metus causa factum sit, à ceteris, de quibus simul locuti sumus, eo differt, quod eius natura tacite continetur, ut qui iudicis iussu ipsam rem actori restituat, absol-

vatur: quod in cæteris casibus nō ita est, sed omnimodo quisq; in quadruplum condemnatur: quod est & in furti manifesti acticne.

SUMMARIA.

- 1 Actiones tam rei, quam pœna vel vtriusque persecutorie dantur vel in simplum, vel in duplum, vel in triplum, vel in quadruplum.
- 2 Nulla ultra quadruplum.
- 3 Nisi cum fisco res sit, quo casu quandoque ultra quadruplum extenditur.
- 4 Interesse saepe longe excedit quadruplum.
- 5 Actionibus in rem simplum persequimur.
- 6 Ex accidenti etiam interdum amplius.
- 7 Pœnalibus & mixtis plerunq; amplius.
- 8 Actio de calumniatoribus.
- 9 Actionum pœnaliū & mixtarum species sunt tres.
- 10 Actiones quadam in personam sunt, quadam in rem, quedam mixta, quedam personales in rem scriptæ.
- 11 Actiones mixta diuiduntur.
- 12 Vnde dicantur mixta exponitur.
- 13 Actiones mixta, quæ tales sint proprie sunt quatuor.
- 14 Hereditatis petitiō.
- 15 Familiæ erciscundæ.
- 16 Communi diuidundo.
- 17 Finium regundorum.

## COMMENTARIVS.

**A**lia subiicitur actionum diuifio ducta à re quæ petitur, quæ talis est, vt omnes actiones † siue rei perſecutoriaſiue pœnales ſiue mixtæ vel in ſimplum concipiantur vel in duplum, vel in triplum vel in quadruplum Nam nulla † actio in iure réperitur, quæ ſola vltra quadruplū eius q̄ reuera intereſt exteñdatur, vt *hoc §. dicitur.* quod ſane intelligendum eſt, quādo † agitur de pœna pecuniaria parti ſoli danda Nam contingere poteſt, vt vltra pœnam parti dandā alia ſilco detur, quæ duplices pœnæ coniūctæ quadruplum excedere poſſunt, vt in *l. fin. C. de his qui à non domino manumiff. ſunt.* Contingere etiam poteſt, vt pœna criminalis longe quadruplum excedat cum & vita & bonis quæ punire poſſit.

Deinde accidere poteſt, vt pœna excedat cẽtuplum rei principaliter in conuentionem aut obligationem deductæ, propterea quod † inter eſt actoris, ſed ea proprie pœna non vocatur, ſed id quod intereſt, vt in *l. Iulianus, D. de act. emr.* Id autem quod intereſt ſæpiſſime duplicatur aut quadruplicatur, vt patet in actione ſerui corrupti, per quam dominus ſerui conſequitur non ſolum duplum ſerui corrupti, ſed etiam earum rerum, quas ſecum fugiendo ſeruus abſtulit aut corruptit, *l. in hoc iudiciū, D. de ſeruo corrupto & hoc §. omnes, verſ. in quaſi.*

Omnibus actionibus rei perſecutoriis † ſimplum tantū exigitur, ea natura earū licet aliquā-

6 do† ob nimiam rei conuenti pertinaciam amplius aliquid exigatur. Sed id, quod fit ex accidenti, non inspicitur, neque propterea res petita pluris fit, *l. 1. D. de in litem iurando*. At per actiones † pœnales aut mixtas aliquando duplum, aliquando triplum, aliquando quadruplum, exigitur. Duplum exigitur per actiones quæ enumerantur, *in §. omnes autem*. Triplum quando actor de industria, vt reum maioribus sportulis, id est sumtibus in litem faciendis oneret, maiorem pecuniam, quam reuera sibi debeatur, postulat. Nam tunc reus agit condictione ex lege aduersus actorem, vt sibi restituat triplum eius, quod plus æquo numerauit viatori, id est, apparitori siue litium executori: In quo quidem triplo simplum continetur, *§. tripli hoc tit.* In quo paragrafo, versicul. Quod nostra constitutio. Sic est legendum, quod nostra constitutio introduxit; quæ in nostro Codice fulget, ex quo proculdubio certum est ex lege condictitiam emanare. Vt huius versiculi sententia talis sit, certum est. Condictitiam ex lege, id est, conductionem ex lege emanare & nasci ex nostra constitutione. Condictitia etiam & condictio idem significât, vt patet ex *l. si quis certum, D. si certum pet. & ex l. si duo, in §. item Iulianus, D. de iureiuran.*

Quadrupli autem agitur actione furti manifesti; Actione, quod metus causa; & actione in factum prætoriam nascente ex edicto prætoris  
8 de calumniatoribus, quæ postrema† locum habet in



bet in eum, qui vel dedit alicui pecuniam vel accepit, vt calumniæ causa & vexandi alicuius causa lis cū eo intēderetur siue ciuilis siue criminalis, *versic. quadrupli autem agitur, & l. 1. D. de calumniatoribus.* Item si aliquis executor litium aliquid exegerit à litigatore vltra summam à lege permissam, quadruplum eius summe reddere cogitur, per conditionem *ex l. versitem ex lege condictionis.* vbi sic legendum est, Item ex nostra constitutione ex lege condictionis exoritur. Postremo notandum est, Actionum ꝑ pœnaliū siue mixtarum triplicem reperiri speciem. Nam quædam sunt pœnales siue mixtæ semper & ab initio, quædam duntaxat ex accidenti & ex post facto, & tales semper permanent postea cuiusmodi sunt actio legis Aquiliæ ex damno iniuria dato nascens, & actio ex testamento cōpetens pro legato venerabilibus locis relicto. Nam istæ actiones inficiatione duplicantur, & postrema ex testamento non solum ex inficiatione, sed vt ex proteruita hæredis quædam ex accidenti quidem etiam sunt eiusmodi, sed eiusmodi non semper manent, qualis est actio quod metus causa, quæ ab initio mixta, id est, competit in quadruplum eius, quod per metum est extortum, sed ex pœnitentia rei cōuenti iussu iudicis reus per metum extortum restituens absoluitur à pœna tripli, *l. item si cum exceptione, §. hac autem actio, D. quod metus causa.*

Cæterum omnes actiones diuersæ sunt in actiones in personam & actiones in rem: quæ

N 5 qui-

- quidem diuifio defendi poteft, cum fimplicib.  
mixtum contineatur, quod in alteram naturam  
10 non tranfit, tamen, fi volumus, exactius † diui-  
dere possumus, vt quædā ſint personales quæ-  
dam in rem, quædam mixtæ, & quædam perso-  
nales in rem ſcriptæ. De Mixtis in hoc §. *quædam*  
11 *actiones* agitur, q̄ ſic definiri poſſunt, vt † actio-  
nes mixtæ ſint ius perſequendi in iudicio ſuū,  
quod ſibi vere debetur & quod ſuum vere eſt.  
12 Nam mixtæ † dicuntur à mixta conſuſione.  
Nam quatenus aliquid nobis dari petimus, aut  
quatenus dari poteſt, per iudicem habent na-  
turam actionum perſonalium & cōcluſionem  
quatenus autē petimus id nobis reſtitui, quod  
noſtrum eſt, & noſtrum per ſententiam iudicis  
declari, eatenus in rem eſſe dicuntur. Qua-  
13 propter quatuor duntaxat † in iure noſtro a-  
ctiones reperiuntur, quæ iure vocari poſſunt  
mixtæ: nempe petitiō hereditatis, actio familię  
herciſcundæ, actio comuni diuidendo & ſi-  
nium regundorū. In primis enim petitiō here-  
14 ditatis actio † mixta vocatur, quia quiſquis hæ-  
reditatem petit, is petit, vt res hæreditariæ quæ  
ſuæ ſunt, ſuæ declarentur & ſibi reſtituantur.  
Præterea vt debitores hæreditarii dominiū rei,  
quam debent in ſe transferant, & præterea fru-  
ctus perceptos licet conſumptos, *l. hereditatis,*  
*C. de petit. heredit. l. ſed et ſi lege in §. petitiō, D. eod. de*  
*petit. hered.*

Actio familię herciſcundæ mixta quoque  
15 eſt, quia † iudex non ſolum iubet, vt pars mea  
mihi

mihi restituatur, sed plerunque mihi adiudicat quod meum non est, quia quando diuisio rerum hæreditariarum commodè fieri non potest, iudex potest totam rem vni adiudicare, & eum in certam pecuniæ quantitatem alteri condemnare. Idem est in actione † communi 16 diuidundo & † finium regundorum: præterea 17 in his ad præstationes personales agitur. hoc est ad ea, quæ actionibus personalibus debitor creditori præstare cogitur. Non igitur mirum est, quod hæ actiones mixtæ vocantur, *hoc §. quædam actiones, & § si familia herciscundæ vsque ad finem, tit. infra de offic. iudi. l. item Labeo, §. famil. hercisc. l. 4. §: sicut. D. commun. diuid, & l. 1. D. fin. regun.*

*Actionum autem.*

Actionum autem quædam bonæ fidei sunt, quædam stricti iuris. Bonæ fidei sunt hæ: ex emto-vendito, locato-conducto<sup>1</sup>, negotiorum gestorum, mandati, depositi, pro socio, tutelæ, commodati, pignoratitia, familiæ erciscundæ, communi diuidundo, præscriptis verbis, quæ de æstimato proponitur, & ea, quæ ex permutatione competit, & hæreditatis petitio. Quamuis enim adhuc incertum erat, siue inter bonæ fidei iudicia connumeranda sit hæreditatis petitio, siue non, nostra tamen constitutio aperte eam esse bonæ fidei disposuit.

*§. Fuerat*

§. *Fuerat antea.*

Fuerat antea & rei vxoriæ actio vna ex bonæ fidei iudiciis, sed cum pleniorē esse ex stipulatu actionē inuenientes, omne ius, quod res vxoria ante habebat cum multis diuisionibus in actionem ex stipulatu, quæ de dotibus exigendis proponitur, transtulimus, merito rei vxoriæ actione sublata, ex stipulatu, quæ pro ea introducta est, naturam bonæ fidei iudicii tantum in exactio-  
ne dotis meruit, vt bonæ fidei sit, sed & tacitam ei dedimus hypothecam. Præferri autem aliis creditoribus in hypothecis tunc censuimus, cum ipsa mulier de dote sua experiatur, cuius solius prouidentia hoc induximus.

## S V M M A R I A.

- 1 *Actiōnum quædam bonæ fidei sunt, quædam stricti iuris.*
- 2 *Bona fides aliquando opponitur fidei malæ.*
- 3 *Aliquando stricto iuri.*
- 4 *Bonæ fidei conuentiones quæ dicantur.*
- 5 *Stricti iuris conuentiones quæ dicantur.*
- 6 *Petitio hæreditatis definitur.*
- 7 *Quæ est actio vniuersalis.*
- 8 *Hæreditas nondum adita pro domino habetur.*
- 9 *Datur hæc actio hæredi vero.*

- 10 Bonorum possessores, itemque fideicommissarii nō sunt veri heredes.
- 11 Datur hac actio contra possessorem.
- 12 Modo non possideat titulo.
- 13 Conclusio siue petitio huius actionis.
- 14 Ea duntaxat hac actione petuntur, quæ restitui possunt.
- 15 Nisi per Reum stet, quo minus restitui possint.
- 16 Veniunt etiam in hanc actionem fructus.
- 17 Possessor bonæ fidei tenetur in id, quo factus est locupletior.
- 18 Quando quis dicatur factus esse locupletior.
- 19 Impensa facta à possessore quatenus imputentur.
- 20 Veniunt etiam in hanc actionem lucra & emolumenta occasione hereditatis obuenta.
- 21 Possessor conuentus reputat petitori solutum ob hereditatem.
- 22 Explicatur l. repetitio, D. de condict. indeb.
- 23 Impensa quatenus in hac actione reputentur.
- 24 Familiæ exerciscundæ actio plerumq; sequi solet petitionem hereditatis.
- 25 In hac actione quodnam sit iudicis officium.
- 26 Inter quos locum habeat.
- 27 Conclusio eius siue petitio duplex aut mixta.
- 28 Quid veniat in hanc actionem.
- 29 Triplex natura rerum corporalium hereditariarum.
- 30 Cohæredum non est omnium eadem qualitas.
- 31 Inter cohæredes extraneos non est locus collationi.

- 32 *Quæ extero iure capiuntur non conferuntur.*  
33 *Dos & donatio propter nuptias sunt conferenda.*  
34 *Collatio dotis duobus modis fit.*  
35 *Dos ab extraneo data non confertur.*  
36 *Dos profectitia hodie sola confertur.*  
37 *Solum peculium profectitium hodie confertur, nō cetera.*  
38 *Donata extra peculium filiofamilias non conferuntur.*  
39 *Legata & fideicommissa non conferuntur.*  
40 *Studiorum aut honoris causa à patre data filio non conferuntur.*  
41 *Debitum inter fratres confertur.*  
42 *Explicatur lex, frater a fratre, D. de condict. indubit.*  
43 *An qui defuncto non sunt sui sibi inuicem conferant.*  
44 *Donatio simplex quando conferatur.*  
45 *Emancipati & sui concurrentes sibi inuicem conferunt.*  
46 *Actio communi diuidendo est mixta & duplex.*  
47 *Cui detur.*  
48 *Contra quem detur.*  
49 *Quid in hanc actionem veniat.*  
50 *Quid sit respondere ad delectum.*  
51 *Dominiorum distinctio societati hominum commoda.*  
52 *Limitibus prædia rustica distinguuntur.*  
53 *Actio finium regundorum describitur.*

- 54 Quod sit officium iudicis in hac actione.  
55 De prescriptione finium.  
56 Actionum personalium in rem scriptarum natura explicatur.  
57 Actio Quod metus causa.  
58 Actio Ad exhibendum.  
59 Emptio-venditio perfecta quatuor parit obligationes.  
60 Venditor ad multa tenetur.  
61 Ad traditionem rei vendita.  
62 Et quidem possessionis vacua.  
63 Ad fructus stantes siue pendentes.  
64 In emptione-venditione rem à venditore emptori tradi sufficiat, tametsi exinde dominium rei vendita non transferatur & n. 70.  
65 Explicatur l. si cum fundum, §. fere aliqui, D. de contrahend. empt.  
66 Venditor emptori rei vendita accessiones prestare debet.  
67 Et in quantitate & in qualitate conuenta.  
68 Venditor tenetur emptori tradere instrumenta dominij rei vendita, eiusdemq; fines demonstrare.  
69 Venditor tenetur emptori tradere res integras, non corruptas.  
71 Venditor cauere debet emptori. de habendo.  
72 Venditor quatenus de euictione teneatur.  
73 Venditor tenetur de dolo.  
74 Ad quid teneatur emptor actione ex vendito proponitur.  
75 Locationis-cōductionis species tres referuntur.  
76 Ex hoc contractu vltro citroq; nascitur obligatio.  
77 Actio

- 77 *Actio conducti aduersus locatorem ad quid detur.*
- 78 *Explicatur l.cum in plures D.locati.*
- 80 *Casus & vis maior quatenus praestetur explicatur distinctione.*
- 81 *Conductor tollit ea quae impendit.*
- 82 *Conductor liberatur postea rei conductae dominum nactus.*
- 83 *Locator tenetur de vicio rei locatae, vnde conductor damnum obtigit.*
- 84 *Conductor tenetur ad pensionem & vsuras.*
- 85 *Itemq; de dolo & culpa.*
- 86 *Et culpa quidem omni.*
- 87 *Conductor ex iusta causa à conductione recedere potest.*
- 88 *Qualis sit obligatio operis locati conducti.*
- 89 *Qualis sit obligatio operarum locatarum conductarum.*
- 90 *Acquirere tertio non licet sed tamen conseruare.*
- 91 *Negociorum gestorum actio duplex est.*
- 92 *Qua est in personam & bonae fidei.*
- 93 *Et vtrinque nititur aequitate naturali.*
- 94 *Negocium alterius tribus modis geri dicitur.*
- 95 *Hac actio quando competat directo.*
- 96 *Aduersus quem detur.*
- 97 *Ad quid detur.*
- 98 *Actio negociorum gestorum contraria quae sit.*
- 99 *Vtilis gestio quae sit.*
- 100 *Sex casus quibus gestor non repetit impensas, remissive.*



- 101 Gestor repetit vsuras pecunia sua.  
102 Gestor repetit impensas factas animo gerendi & repetendi.  
103 Actio mandati confertur cum actione negotiorum gestorum.  
104 Quatuor requiruntur, vt actio mandati vtriusque nascatur.  
105 Mandatum & iussus differunt.  
106 Procurator mādatum susceptum deferēs tenetur ad interesse.  
107 Mandatum oportet esse rei licita & honesta.  
108 Mandatum debet esse gratuitum.  
109 Actio mandati directā describitur.  
110 Explicatur l. qui negocia, D. mandati.  
111 Actione mandati directā condemnatus infamis fit.  
112 Actio mandati contraria quæ sit.  
113 Fideiussores quomodo & quando experiantur contra eum, pro quo fideiusserunt.  
114 Mandati contraria ad quid detur.  
115 Conferuntur inter se mutuum, commodatum, depositum & mandatum.  
116 Depositum definitur.  
117 Depositum est depositum speciale & sequestrium.  
118 Quod vtrumq; inter se differt.  
119 Sequester quis dicatur, & quomodo eligatur.  
120 Actio depositi duplex est directā & contraria.  
121 Directā iterum est ciuili vel pratoria.  
122 Ciuili iterum depositi simplicis vel Sequestri-

- 123 Actio depositi directâ ciuiliſ describitur.  
124 Depositarius interdum liberatur etiam re depoſita non reſtituta.  
125 Depositarius interdum tenetur etiam de leui & leuiſſima.  
126 Actio ſequeſtraria describitur.  
127 Actio depositi directâ pratoria describitur.  
128 Actio depositi directâ omni caſu infamiam trahit.  
129 Compensatio in deposito non habet locum.  
130 Interdum res depoſita non eſt reddenda depoſenti.  
131 Depositum eſt gratuitum.  
132 Depositî actio contraria explicatur.  
133 Societas publica eſt vel priuata.  
134 Societas publica multiplex eſt.  
135 Societas priuata eſt duplex fortuita & conuenſionalis.  
136 Conuenſionalis quomodo contrahatur proponitur.  
137 Explicatur l. ſi id quod quis, D. proſocio.  
138 Societas conuenſionalis initur pure, ſub conditione & in diem.  
139 Actus legitimi, qui ſint.  
140 Societatis ſpecies quatuor reſenſentur.  
141 Vna, bonorum vniuerſorum.  
142 Altera ſocietas ſimplex.  
143 Tertia negotiationum quarundam vel etiam vnius.  
144 Societates publicanorum.  
145 Sociorum vnus rem, alter operam conferre poteſt.

potest.

- 146 Partes damni & lucri sunt aequales, nisi aliud conuenerit.
- 147 Pacta societatis improbata.
- 148 Societas conuentionalis definitur.
- 149 Actio pro socio qualis sit.
- 150 Quomodo illa exerceatur societate adhuc durante.
- 151 Quomodo illa exerceatur societate distracta.
- 152 Actione pro socio non consequimur solidum.
- 153 Tutela est mulierum, qua hodie desit.
- 154 Itemq; est pupillorum.
- 155 Et est munus publicum.
- 156 Ad quid teneatur tutor actione tutela.
- 157 Plures tutores quomodo conueniantur.
- 158 Actio tutela non datur nisi tutela finita.
- 159 Actio de rationibus distrahendis concurret cum actione tutela.
- 160 Infans, aut infanti proximus non obligatur.
- 161 Infante maior obligatur naturaliter, sed sine effectu.
- 162 Infans & infante maior obligatur re.
- 163 Quando dicatur obligatio ex re nasci.
- 164 Tutori datur actio tutela contraria.
- 165 Actio commodati, directa describitur.
- 166 Commodatarius omnem culpam praestat.
- 167 Duobus casibus solum dolum & latam culpam.
- 168 Commodatarius quatuor actionibus tenetur.
- 169 Quae interdum concurrunt, interdum se inuicem perimunt.

- 170 Si duobus vel pluribus eadem res sit commodata,  
quomodo illi conueniantur.
- 171 Actio commodati contraria explicatur.
- 172 Pignus multiplex est.
- 173 Ex conuentionali pignore duplex actio est.
- 174 Pignus pratorium duplex est.
- 175 Actio pignoratitia directa, qua sit.
- 176 Res aliena quatenus dicatur pignori dari pos-  
se.
- 177 Notantur duo casus quibus pignoratitia directa  
non datur debitori contra creditorem tametsi  
precio soluto.
- 178 Lex commissoria in pignoribus reprobata.
- 179 Actio pignoratitia contraria describitur.
- 180 Actio præscriptis verbis ex quadruplici fori-  
te nascitur.
- 181 Et est ex negotio ciuilitè gesto.
- 182 Actio æstimatoria directa est vel utilis.
- 183 Actio præscriptis verbis ex permutatione est  
bonæ fidei.
- 184 Emtio substituta est permutationi.

## COMMENTARIUS.

- 1 **A**Lia diuisione actionum † quædam bonæ  
fidei sunt, quædam stricti iuris. Hæc diuisio  
ut eo rectius intelligatur notandum est, bonam  
2 fidem † aliquando opponi malæ fidei, & dolo  
atque fraudi, ita ut ex bona fide, & ex sincera fi-  
de, siue simpliciter aliquid fieri dicatur, quædo  
malæ fides siue dolus abest. Nam quando dolus  
deprehenditur contra bonam fidem, cōtra bo-  
nos

nos mores, contraq; ius gentium fieri dicitur :  
& hoc pacto bonam fidem accipiendo omnes  
cōuentiones bonæ fidei esse debent, & procul  
abigendæ sunt omnes conuentiones malæ fi-  
dei. Altero modo † bona fides pro æquitate si-  
ue pro bono & æquo accipitur & stricto iuri,  
summo iuri opponitur, & hoc modo nō omnes  
conuentiones sunt bonæ fidei.

Nam illæ † duntaxat bonæ fidei esse dicun-  
tur in quibus ob summam vtilitatem, quam  
generi humano adferunt multa sint præstan-  
da, de quibus expressim actum non est, si æqui-  
tas iubet, vt præstentur, quia verisimile est con-  
trahentes id sensisse, taciteque egisse licet per  
obliuionem ea præterierint. Præterea ea, quæ  
sunt moris & consuetudinis in bonæ fidei iu-  
diciiis præstanda sunt, licet non sint expressa.

Itaque vel initio contractus vel saltem ex  
simplici mora non solum res principalis, de  
qua conuentum est & nuda est præstanda, sed  
etiam omnis causa, hoc est omnes accessiones,  
quales sunt, fructus, vsuræ & id quod interest.  
At † conuentiones stricti iuris hæ dicuntur, in  
quibus strictum ius sequimur, quia nihil aliud  
præstandum est, nisi id quod est expressum, ad-  
eo, vt nuda res præstanda sit, exclusis fructibus  
reliquisque accessionibus & causis, nisi gemit-  
nata mora intercesserit, quæ per litis contesta-  
tionem contrahitur. Nam tunc officium iudi-  
cis de stricti iuris actionibus cognoscentis exci-  
tatur, crescit & augetur, adeo, vt post litis con-

testationem in omnes accessiones reum condemnare possit, non autem in eas accessiones, quæ litis contestationem præcedunt. *Hæc omnia probantur ex l. 2. l. 5. §. si quis absolutis, D. de oblig. & etiam ex l. quicquid astringendæ, ex l. si filiusfamil. in §. 1. D. de verb. oblig. l. 3. l. Iulianus, §. si fructib. D. de actionib. emti, l. 3. §. in hac, D. commodati. l. 1. §. hanc, D. depositi, l. mora, §. in bonæ fidei, l. videam<sup>9</sup>, §. si actionē D. de vsuris, l. quamuis. C. eod. l. præsens, C. de locato, §. vlt. D. de obli. quæ ex cōsensu nascūtur. Quia quatuor sunt actiones mixtæ, ex quibus tres sunt bonæ fidei, nempe petitio hæreditatis, familiæ herciscundæ actio & cōmuni diuidundo, priore loco petitionis hæreditatis natura strictim est explicāda, quæ sic definiri potest. Petitio hæreditatis est † actio mixta bonæ fidei & vniuersalis, quæ competit vero hæredi, aut ei qui veri hæredis loco fungitur aduersus eū, qui omnes res hæreditarias vel quasdam aut iura hæreditaria quædam particularia possidet, vel pro hærede vel pro possessore ad eum finē, vt verus hæres per sententiam iudicis declaretur hæres, & vt res hæreditariæ, & iura cum fructibus & vsuris sibi restituātur, omniaq; lucra, quæ occasione hæreditatis ad possessorem peruenerunt, & augmenta, aut preciū rerū hæreditariarū, licet non extantium. Cur dicatur mixta & bonæ fidei supra explicatum est. Dicitur autem vniuersalis † ad differentiam rei vëdicationis, quæ specialis est, quia per eam singulæ res petuntur aut etiam generales, hoc est, ex pluribus capitibus*

constan-

constantes, quæ efficiunt vnum totum, vt grex  
*l. in speciali, & l. i. §. per hanc D. de rei vindic.* At per  
 petitionē hæreditatis petuntur simul plures res  
 separatæ, q̄ vnū totum non efficiūt, per se con-  
 sideratæ, licet referatur ad quoddam totum, q̄  
 iuris est, & quod illas continet & includit quale  
 est ius, quod hæreditas appellatur. Nam † mor- 8  
 tuo defuncto, si incertum est, an aliquid in bo-  
 nis reliquerit, ius Romanum in eius locum  
 quandam Ideam substituit, quæ hæreditas vo-  
 catur & defunctum representat in his, quæ iu-  
 ris sunt, adeo, vt quemadmodum defunctus di-  
 cebatur dominus rerum suarum, ita hæreditas  
 earū rerum quas reliquit domina dicitur, & ali-  
 quid esse censetur in perniciē eius, qui eam hæ-  
 reditatem adiit sine confectiōe inuentarii. Nā  
 perinde hæres conuenietur à creditoribus hæ-  
 reditariis atq; si defunctus soluēdo fuisset. Ergo  
 hæreditas est quoddam vinculum & continens  
 quod res hæreditarias, si quæ sint, obligat & cō-  
 tinet, aut licet nullæ sint, nihilomin⁹ tamē iuris  
 intellectu habet *l. hæreditas; D. de pet. hæredit. l. non*  
*minus. D. de hæred. instituen. l. liber homo. D. ad l. Aq.*  
*& l. nihil aliud est hæred. D. de verbor. signif.* Com-  
 petit † vero hæredi, id est, ei ad quem lex hæ-  
 reditatem defert, quam delatam adeundo, bono-  
 rum possessionem agnoscēdo, pro hærede ge- 9  
 rēdo, aut fiduciariā hæreditatē recipiēdo agno-  
 uit & quæsiuit. Nam illi, qui † iuri civili hære- 10  
 des nō sunt, sed bonorū possessionem agnoue-  
 runt, aut quib. restituta est p hæredē hæreditas,

non sunt veri hæredes, sed hæredum loco habentur, effectu inspecto, *l. 2. D. de possess. hered. petit. l. 1. & 2. D. de fideicom. hered. restitut. restituta. D. ad Trebel. §. quod autem instit. de bonor. posses. l. 1. & 3. l. licet; D. de pet. hered.*

- II Datur petitio hæreditatis aduersus † duo genera personarum, nempe vel aduersus possessores corporum, id est, rerum corporalium hæreditariarum vel aduersus quasi possessores iurium, quæ restitui possunt, *l. regulariter, l. nec vllam, §. non solum, §. idem Iulianus, §. item Iulianus & §. vlt. l. item videndum, §. si quis, & l. idem Iulianus. D. de petit. hered.*

Quod autem attinet ad eos, qui corpora hæreditaria possident, notandum est non † omnes possessores cōueniri posse hac actione, sed eos tantum, qui nullo speciali titulo muniti sunt, sed vel existimant se hæredes esse, cum non sint qui dicuntur possidere p hærede, vel qui sciunt se hæredes non esse, & tamen in possessione rerum hæreditariarum iniusta perseverant, *l. regulariter & seqq. D. de petit. hered. l. hæreditatem, C. in quib. causis cesset longi temporis prescriptio. & l. nam eum, D. si quis omnis. causa test.*

- 13 Conclusio Actoris duplex est, Nam † petit, vt per sententiam iudicis declaretur hæres; Deinde, vt reus restituat corpora aut iura hæreditaria, quorum restituendorum facultatem  
14 habet. Nam † ea duntaxat petuntur per hanc actionem quæ restitui possunt, *l. licet, l. & non ta-*  
16 *men in §. vlt. D. de petit. heredit.* Nisi † reus in culpa sit,



pa sit, quo minus restituere possit, quia vel do-  
lo vel culpa possidero desit, vel se liti obtulit, *l. sed et si lege, §. perinde, l. qui se liti. D. de pet. her. l. nec  
ullā in §. non solum, D. eod. tit.* Non solū autem re-  
stituendę sunt res hereditarię, sed etiā ꝑ fructus 16  
ex rebus præcepti, licet quæstus sit turpis.

Præterea restituendi sunt fructus, quos pos-  
sessor aut petitor honeste percipere potuisset,  
si possessor erat malę fidei, vel ab initio vel ex  
post facto aut per controuersiam motā, aut ali-  
as quomocunque. Quod si possessor ꝑ est 17  
bonę fidei, tenetur duntaxat in id, quo locu-  
pletior factus est, *l. item veniunt, paragrapho fru-  
ctus, l. sed et si, §. quod ait senatus & seqq. §§. vsque ad  
paragraphum si quis re sua lautius, Digest. de petit.  
heredit. l. 1. & 2. Cod. eod.* Sed quæritur, quando ꝑ 18  
& quatenus possessor dicatur locupletior effe-  
ctus, & notandum est, eum dici locupletio-  
rem effectum, qui fructus adhuc habet extantes,  
aut qui ex illis res alias comparauit & accepit,  
ita tamen vt in arbitrio sit petitoris vel peten-  
di rem emtam ex fructibus siue pecuniis hære-  
ditariis aut precium, quod pro his rebus emtis  
est numeratum *l. vtrum autem, l. sicut rem, Di-  
gest. de petit. heredit.* quod sane intelligendum  
est, si res emtę sunt nomine hereditario. Nam  
si possessor hereditatis eas res suo nomine e-  
mit non cogitur eas res restituere, Ac malę  
fidei possessor omnimodo conueniri potest,  
vel ad rem vel ad precium, *l. item veniunt, versi-*

*ficul. denique scribit Iulianus, Digest. de petit. heredit.*

Ergo possessor bonæ fidei dicitur bifariam locupletior nempe, vel quando ex fructibus res alias comparavit extantes, vel si eos adhuc fructus habet, quos nondum consumsit.

- 19 Sed quaeritur † si possessor hæreditatis re sua lautius usus est contemplatione hæreditatis, quam sibi delatam esse existimabat, id est, maiores impensas fecit, quam fecisset, si se ditio-rem ex hæreditate effectum non esse rescivisset an illas maiores expensas reputare debeat petitori vero hæredi.

Et hanc quaestionem dirimit Iurisconsultus *in l. sed et si lege, D. hæc tit.* triplici membro utens. Nam vel possessor nihil attigit ex hæreditate, & tunc non reputat petitori impensas maiores, *paragrapho si quis re sua*, vel si existimabat, se esse ex alio, cum tamen esset hæres ex parte dimidia duntaxat, si partem dimidiam hæreditatis sine dolo malo consumsit proculdubio dimidia pars consumpta non ei perit, sed dimidiam ex dimidia extante sibi retinet iuste: licet prima facie argumentando de toto ad partem contrarium videatur esse dicendum, *ex l. sed et si lege, in §. adeo.*

Quod si existimans se hæredem esse totam hæreditatem consumsit, in nihilum obligatur *ex paragrapho adeo, versiculo nam et si is qui.* Itaque si ex hæreditate aliquid erogavit & consumpsit

sumpsit statutis & solitis sumptibus vtens, neque eos excedens, quos sumtus de suo erogasset fructus illi hæreditarii consumpti pro extantibus iudicantur, ergo eos officio iudicis restituere cogetur *ex leg. sed et si lege, paragrapho, quod autem quis.*

Venit etiam in hanc actionem lucrum omne, & emolumentum, quod occasione hæreditatis possessor percepit, adeo, vt etiam pænæ perceptæ à possessore veniant, si illæ pænæ in locum eius, quod interest succedant. *l. vtrum autem, §. vlt. l. emta hæredit. Digest. de petit hæredit.*

Illæ vero pænæ, quæ in locum eius, quod interest non succedunt, sed propter fidem ruptam aut aliud delictum infliguntur non restituantur petitori hæreditatis, *l. at vbi vi. & l. item veniunt, in paragrapho. cum produximus, D. de pet. hæredit.*

Et hæc breuiter dicta sint de his, quæ in hæreditatis petitionem veniunt. Est autem ratio rei conuenti habenda; nam si † quid soluit creditoribus hæreditariis, aut legatariis id reputare debet petitori & deducere æquitate inspecta, nempe si à creditoribus quibus soluit conditione indebiti repetere non possit, quia non sunt soluendo, aut facile conueniri non possunt: Alias possessor non reputaret petitori, sed ab illis quibus soluit conditione indebiti repeteret: Et ita concilio *l. Senatusconsult. de petit. hæredit. cum l. si pænæ, in paragrapho primo, D. de condict. indebit.* Concilio, inquam, eas leges  
ex l.

*ex l. si quid possessor, Digest. de petit. heredit.* Neque  
 22 † huic distinctioni obstat, *lex repetitio. Digest. de  
 condict. indebit.* Nam verum est repetitionem  
 nullam esse ab eo, qui suum recepit, tametsi ab  
 alio, quam à vero debitore solum sit, si ille,  
 qui soluit in causa debiti & solutionis non e-  
 rat.

23 Denique † impensas necessarias & utiles re-  
 putat, & deducit possessor bonæ fidei, etiamsi  
 res inquam expensæ factæ sunt, non extet. At  
 si est possessor malæ fidei non deducit nisi res  
 extet. *l. plane. D. de petit. heredit.*

Tamen quod de impensis utilibus dictum  
 est ut possint reputari restringendum est ex cir-  
 cumstantiis quæ traduntur, *in l. in fundo. D. de  
 rei vindicat.* Et hæc de impensis in perpetuam  
 rei utilitatem factis, Nam impensæ, quæ fru-  
 ctuum quærendorum, cogendorum aut con-  
 seruandorum gratia factæ sunt, priore loco ex  
 fructibus deducuntur, ut fructuum nomine  
 hæc duntaxat cõtineatur, quod iustis sumtibus  
 deductis superest, siue bonæ fidei possessor, siue  
 malæ eos sumtos fecerit. Hæc duntaxat inter  
 bonæ fidei possessorem & malæ fidei differen-  
 tia est. Nam si possessor bonæ fidei sumtum fe-  
 cit, nihil autem percepit fructuum, eorum  
 sumtuum ratio habetur aliud est in malæ fidei  
 possessore nam eos non repetit, *leg. prima, C. de  
 fructibus & lit. expens. l. si à posses. §. vlt. cum l. sequen.  
 D. de pet. heredit. & l. prator, D. de reb. auctor. iudic.  
 possidend.*

Secun-

Secunda actio mixta bonæ fidei & vniuersalis est actio familiæ herciscundæ, hoc est, diuidendæ hæreditatis, quæ plerunque solet sequi 24 petitionem hæreditatis. Nam si aliquis agat hac actione dicens, se verum cohæredem esse, aut cohæredis loco fungi, cuiusmodi sunt bonorum possesores, illi quibus ex Trebelliano Senatusconsulto restituta est hæreditas aut filii arrogati habentes quartam partem in bonis patris arrogatoris, & ille qui conuenitur negat actorem cum ius aliquod habere in hæreditate, proculdubio actor non potest vterius pergere & hac actione familiæ herciscundæ agere, sed necessario debet priore loco petitione hæreditatis agere, & eius partem petere pro indiuiso.

In hac actione officium iudicis est, vt † de- 25 claret actorem esse cohæredem & partem pro indiuiso ei restitui iubeat, quo iudicio extincto, si actor vult à communione discedere ad actionem familiæ herciscundæ ei est perueniendum per quam hæreditas & res hæreditariæ certis portionibus diuiduntur, si commode diuidi poterunt.

Quod sane intelligendum est, quando † is, 26 qui familiæ herciscundæ actione agebat, nihil ex rebus hæreditariis possideat. Nam si possidet eam partem, id est, tantam partem, ex qua se ait cohæredem esse, non nocet ei talis exceptio, sed res hæreditariæ sunt diuidendæ, postquam diuisionem ille, qui negabat eum esse co-  
hære-

hæredem potest aduersus illum agere petitione hæreditatis. Quod si possidet aliquam partem, sed non pro qua parte cohæredem se esse ait, potest repelli quemadmodum si nihil possideret. Ergo sic dicamus ille, qui se esse cohæredem ait, potest priore loco actione familiæ erciscundæ agere, omiſſa petitione hæreditatis, si suam partem possidet, quod si nihil possidet, aut non tantum possidet, quantum petit, si negatur cohæres, petitione hæreditatis priore loco conſligere debet. *Hæc omnia probantur, ex leg. non possumus, D. si pars hered. petit. l. in hoc iudicio in fine, C. famil. herciscund. l. 1. l. 2. & §. si quarta, l. sed & eius, §. 1. D. famil. herciscund. Et ita conciliatur, l. 1. in vers. quod si possideat, l. fundus, in §. si ego, Digest. famil. herciscund. cum l. 1. in §. proinde, D. si pars hered. petit.*

Quod si diuſio rerum hæreditariarum facta est inter cohæredes, alterum verū cohæredem, & alterum, qui putabatur cohæres licet non eſſet, illa diuſio non præiudicat vero hæredi, neque impedit quin res cohæredi putatiuo datas condictione indebiti repetere possit. Ea enim, quæ per ignorantiam etiam iuris conſecta sunt, nemini præiudicium comparant; quod intelligendum est, quando diuſio facta est communi conſenſu ſine arbitrio, id est iudice, aut etiam arbitro accepto omnibus conſentiētibus, quod si aliquib. repugnantibus arbitri acceptus sit, & is arbitri ſiue iudex ſentētiā protulerit, quæ in rem iudicatam tranſiit,

pro-

propter auctoritatem rei iudicatæ repetitio cessabit, & ita conciliantur *l. pateretur, D. familia herciscun. l. si fideiussor, §. in omnibus. D. mandati, & l. 4. C. de iuris & fact. ignor. cum l. si soror, Cod. de collat.*

Certum est enim actionem hanc familiæ herciscundæ locum habere & omnibus cohæredibus volentibus à communione discedere & quibusdam inuitis modo scientibus, *l. 2. in §. dubitandum & l. arbitrium, D. famil. hercisc.* Nam iuri absentis cohæredis & ignorantis non derogatur per diuisionem reliquorum hæredum *l. cohæredibus. C. famil. hercisc.* Quibus & aduersus quos familiæ herciscundæ actio competat dictum est: nunc superest, ut dicamus, quid in hac actionem veniat; & constat † hanc actionem ex <sup>27</sup> duplici conclusione constare, ut dictum est de petitione hæreditatis, nempe, ex rebus, hoc est vindicatione rerum, quæ nostræ sunt, & ex petitionibus personalibus, siue præstationibus, quibus ad dandum concluditur, *l. Labco, §. famil. hercisc. D. famil. herciscund.*

Non igitur mirum, quod actio mixta vocetur. Quod autem ad primam attinet conclusionem, hoc est, rerum nostrarum petitionem, adhuc ea non potest esse pura rerum vindicatio. Nam † cum nulla sit res adeo exigua, in qua non omnes cohæredes habeant partem pro indiuiso, <sup>28</sup> fieri non potest quin res hæreditarias corporales diuidendo inter cohæredes vnusquisq; cohæredum habeat tum partem suam tum partem alienam

alienam, & ita semper erit euentus litis & diuisionis mixtus, id est, participans naturam actionis in rem & in personam simul. Nam per hanc actionem diuiduntur res corporales, sed tamen quæ augeri ceperunt per defunctum usufruptione à defuncto capta, & postea per hæreditatem vel hæredes completa. Item veniant res, quæ neque hæreditariæ sunt neque captae quæri per defunctum, sed eius fidei commissæ, huiusmodi sunt res conimodatae, depositæ, aut pignori datæ. Quod autem ad præstationes personales attinet certum est, (cum hæc actio sit bonæ fidei) venire fructus hæreditariarum rerum perceptos à malæ fidei possessore cohærede, augmenta rerum hæreditariarum, vt sunt partus ancillarum, foetus pecorum, vsuræ pecuniæ, hæreditariæ, omnes denique impensæ vtilis & necessariæ factæ à cohærede in res hæreditarias per hanc actionem repetuntur, modo sint factæ omnino hæredis, & sic post mortem defuncti de cuius hæreditate agitur, & sint factæ necessario.

Nam si non necessario factæ sint, quia potuit cohæres possidere quibusdam rebus hæreditariis cæteris negligentibus actione negotiorum gestorum agendum esset. Et hæc locum habent in extraneis hæredibus. Nam filius si aliquid in rem patris impendat etiam viuo adhuc patre potest nihilominus post mortem patris à cæteris cohæredibus impensas familiæ hereticis iudicio repetere. Præterea si qd detrimēti hæreditas



reditas accepit dolo aut culpa cohæredis is cohæres actione familiæ herciscundæ cæteris cohæredibus damnum sarcire cogitur, id est, eos indemnes præstare. *Hæc omnia probantur ex l. 2. 3. & 4. l. 8. cum 6. seq. l. 19. 22. cum duabus seqq. l. 16. §. sed et si l. 25. §. si vnus. §. non tantum. §. si filius. l. inter cohæredes. 44. §. si inter & §. fructus. D. famil. hercisc. l. qui heres 49. D. eod.* Ergo † vt ad res corporales hæreditarias redeamus, earum triplex est natura. Nam quædam inter cohæredes diuiduntur, nempe si cōmode diuidi possunt, quædam non diuiduntur, nempe quando vel natura vel iure sunt indiuiduæ vel sine damno diuidi non possunt, & hoc casu tota res vni adiudicatur, qui cæteris cohæredibus in summam pecuniæ condemnabitur, de quibus indiuiduis rebus meminit. *l. heredes eius. §. an ea stipulatio & §. contra. D. famil. herciscu.* Nam ea est potestas iudicis addita familiæ herciscundæ actioni, vt quasdam res in solidum vnico hæredi adiudicare possit, quando æquitas ad id eum impellit, *§. si familia Inst. de offic. iudic. & l. Mauius. §. aliter. l. si familia. D. famil. hercisc.* Tertia species rerum est earum, quæ neque diuiduntur, neque alicui cohæredi adiudicantur per sententiam iudicis, sed eas cohæres habet præcipuas ex voluntate testatoris expressa vel tacita, vt contra sunt quædam res non hæreditariæ, quæ nihilominus inter cohæredes sunt conferendæ & diuidendæ, quæ omnia quando locum habeant certis regulis diiudicabitur sub diuisione quadruplici

291

P

compre-

- 3<sup>o</sup> comprehendendis. Nam † vel cohæredes sunt extranei, vel sunt filii familias, vel sunt emancipati, vel partim sui partim emancipati. Si † omnes cohæredes sunt extranei collationi nunquam locus esse potest, cum collatio inducta sit æqualitatis conseruandæ causâ, inter fratres aut ex his progenitos, *l. 1. D. de collat. bonor.* Sed vnus ex cohæredibus præcipuas habebit res sibi
- 3<sup>2</sup> prælegatas; ea † enim, quæ extero iure capiuntur, non conferuntur etiam per fratres, multo minus igitur per extraneos, *l. à patre, C. de collat. l. ita legatum, D. famil. herciscund.* At quando omnes cohæredes sunt sui & filii familias tempore mortis testatoris, plures sunt res, quæ conferuntur inter ipsos, plures etiam quæ sunt præcipuæ. Vnde prima regula talis erit. Donata † à
- 3<sup>3</sup> patre filio familias vel filia familias titulo dotis, aut donationis propter nuptias sunt conferenda, si filia familias dotata aut filius donatione propter nuptias honoratus succedere voluit parenti vna cum cæteris fratribus, *l. dotis, l. 2. & 3. l. 4. & l. si soror, l. filia licet, l. filiam, C. de collat.* siue ab intestato siue ex testamento succedere velint iure Nouellarum, *vt patet ex Nouell. 8. quæ est sub tit. de Triente & semisse, §. illud quoque,* licet alioquin in successione ex testamēto collationi locus nō esset, nisi pater hoc expressisset, *l. filius testamento, C. de collat. & toto tit. de collationibus*
- 3<sup>4</sup> *dotis.* Hæc autem dotis collatio † duobus modis fit, vt & cæterarum rerum. Nam vel res dotales commiscetur & confunduntur cum rebus hæredi-

hæreditariis, vt postea simul cum ipsis diuiduntur vel non commiscuntur, sed æstimantur, & eo minus in parte delatæ successionis parentis consequitur, *l. dotis quidem, C. de collat. l. si filia nupta. D. famil. hercisc.*

Verum si † filius familias dotem accepit ab extraneo vna cum vxore neque hanc neque eius fructus fratribus conferre cogitur, si cum illis in communione non vixit, vt notatur in *l. si maritus, & l. fundus, D. famil. hercisc.*

Et hodie † sola dos profectitia, id est, ex substantia parētis profecta confertur etiam fratribus, qui in eiudem patris potestate erant *argumento l. ult. C. de collat.* ex qua lege *l. filia dotem, D. de collat* corrigitur, quæ iubebat dotem aduentitiam fratribus etiam conferendam.

Secunda regula: Peculium † castrense, quasi castrense & aduentitium hodie non conferuntur, sed solum peculiū profectitium confertur, id est, res donatæ a patrefam. filiofa. donatæ inquam, in peculium. Nam cum omnes res hæreditariæ inter cohæredes sint diuidendæ, & res donatæ in peculium sint hæreditariæ, quia nunquam exierunt è dominio patris familias necessario sint diuidendæ. Cæteræ autem res, quæ sunt peculii castrensis vel quasi, & aduentitii non sunt conferendæ, neque igitur diuidendæ quia non sunt hæreditariæ, hoc est, nunquam ad patrem familias, de cuius hæreditate diuidenda agitur pertinuerunt. *Hæc omnia probantur ex l. i. in §. ex castrensi, D. de collat. ben. ex l. ult. C.*

*de collat.* quæ lex corrigit omnes alias leges collationem peculii aduentitii fieri iubentes , & restringit atque explicat. *l. certum est. C. fami. hercisc.* Hæc etiam probantur ex *l. emtor in §. 1. D. de rei vindicat.* Tertia: Donata à patre filiofamilias nō

38 in peculium † sed eo animo, ut filiusfamilias ea præcipua habeat , quamvis in dominium filii non transeant obstante vinculo patriæ potestatis. *Iuxta l. siue emancipatis. Cod. de donat.* tamen si paterfamilias donator in eadem voluntate usq; ad extremum vitæ exitum perseverabit , non sunt conferenda, *l. filia. C. famil. herciscund.* Nam voluntas patris hoc efficit , neque id mirum

39 cum hæc donatio similis sit legatis † aut fideicommissis, quæ non conferuntur. *l. à patre. C. de*

40 *collationib.* Quarta regula est: Quæ † pater filio studiorum causa peregrè degenti subministrauit & quæ pater in honorem filii erogavit non conferuntur, neque eorum ratio in diuisione habetur, quando honor temporalis est, & quādo nullum certum lucrum huic honori est mixtum , alioqui emolumentum perceptum ex officio esset conferendum & deducendum. *l. 2. §. nec castrense. D. de collat. bonor. l. vnic. C. de peculio successionum parentis. l. omnimodo. in §. imputari. C. de inoff. testam. & l. quæ pater. D. famil. herciscund.* quæ licet loquatur de filio emancipato, multo magis tamē locū habere debet in suo, q̄ nihil si-

41 bi q̄rit sed patri. Quinta Regula: Quod † frater fratri debet in eiusdem patris potestate constituto non deducitur, si peculium habeat profectitium.

titium. Nam id in peculio numeratur & cum eo confunditur, quod quidem peculium inter fratres diuiditur, vt supra dictum est. Quod tamen quandam habet distinctionem depromptam, *ex l. frater à fratre. D. de condict. indebiti*. Huius species talis est; Aliquis † paterfamilias duos habet filios Titium & Mævium in sua potestate constitutos, vtrique eorum peculium dedit & in peculiari merce negotiari eos permisit: durante vita patris Titius frater à Mævio altero fratre centum aureos mutuatus est, quos post mortem patris ei soluit aliunde quàm ex peculio pecuniam accipiens; post solutionem eam pecuniam repetere vult quasi indebitam solutam: quærit Africanus Iurisconsultus an possit? Respondit vtrique: in quo versiculo talem distinctionem adhibet, Nempe aut frater qui pecuniam soluit extitit hæres pro parte patri suo, aut non extitit. Primo casu pro qua parte hæres est pecuniâ repetet, ergo si est hæres pro dimidia & frater pro altera dimidia quinquaginta aureos repetet tãquam omni iure & obligatione indebitos, & hæc vsque ad versic. *pro eadem*. Huius dicti ratio ex sequenti syllogismoprehenditur qui talis est. Quotiescunque debitor succedit creditori obligatio nata antea inter debitorem & creditorem extinguitur confusione, & veluti solutionis iure. Ac hic frater qui soluit censebatur debitor patris, quia filius cui debebatur obligationem quæsiuerat patri, & hæreditas paterna patrem representat, qui hæ-

41

reditati cum fratre qui soluit pro parte successerit merito obligatio, quæ antea iusta erat, in causâ non iustam incidit & ita evanuit. Iure igitur dimidiâ pars pecuniæ non solutæ, aut ex cōditione indebiti, vt in hac lege, aut ex conditione sine causâ, vt in *l. i. in §. vlt. Digest. de condition. sine causa*, repeti poterit, alteram vero dimidiam partem, hoc est, quinquaginta aureos repetere non poterit, quia obstat iuris regula, qua dicitur: Debitum obligatione naturali licet sit indebitum obligatione civili repeti non posse, si sit persolutum, vt *elicitur ex leg. indebitum, D. de condic. indeb. & ex l. cum amplius, §. id natura debetur, D. de reg. iur.*

Atqui sic frater fratri erat hac naturali obligatione obligatus: ergo non repetit. Quod autem naturali obligatione obligatus esset sequentibus argumentis probat Africanus:

Primum est, nam si prælegatum filio Titio eiusdemque debitori fuisset peculium profectitium, quod habebat id peculium esset præcipuum, sed tamen alter frater, qui mutuam pecuniam dedit eam in primis deducet. Ergo deducta erat, *vers. adeo vt si.*

Alterum argumentum est, Nam si frater Titius, qui peculium habebat profectitium extraneo alicui quid debuisset, & post mortem patris creditor peculiaris ab eo solidam summâ exegisset omisso altero fratre, quod facere iure potuit, vt *patet ex lege, quasitum, in paragra. p. p. primo, Digest. de peculio*, profecto iudicio fami-  
miliæ

miliæ herciscundæ recuperabit à cohærede fratre suo dimidiam partem summæ persolutæ, si frater Meuius dimidiam partem peculii Titii possidet, & Titius nihil ex peculio Mæuii habet, quinimo si iste Titius frater conueniatur à creditore peculiari intra annum post mortem fratris Titii, conueniatur, inquam, in solidum & nolit soluere totam summam peculium suum cum fratre diuidere non cogitur, nisi alter frater promittat, se seruaturum eum indemnè pro dimidia parte peculii, quod vult consequi. Ex his igitur tribus exemplis liquet, quemadmodum frater Titius fratri Mæuii obligatione naturali obligatus erat, & præterea, quemadmodum illa obligatio est quodammodo peculio annexa & peculium sequitur quæcunque vadat.

Ergo quod dictum est fratrem Titium non posse repetere alteram partem, (hoc est, 50. aureos) à fratre Mæuii hærede patris pro parte dimidia intelligendum est, si dimidia pars peculii Titii ad fratrem Mæuium non peruenerit, quia totum peculium perit.

Alioqui si frater Mæuius dimidiam partem peculii fratris Titii possideret, altera dimidia pars summæ ab eo repeti posset, alioqui si non repeteretur illa summa per fratrem Titium, Mæuius alter frater duplex lucrum in eadem re faceret. Nam & eam summam sibi persolutam haberet, in quam frater Titius obligatus est, & præterea partem peculii fraterni

- possideret, & hæc est sententia & species. *l. frater à fratre vsque ad versi. quasitum est.* Quando omnes cohæredes sunt liberi defuncti cuius
- 43 hæreditatē diuidunt, sed nullus eorum † tempore mortis defuncti fuit in eius potestate, quia vel erant emancipati, vel succedunt matri, aut auo materno res hæreditarias ab intestato ex æquis portionibus diuidunt lege *l. inter filios. C. famil. herciscunda.* Cæteras res quas seorsim & peculiariter sibi acquisiuerunt non conferunt, *l. si emancipati. Cod. de emancipat.* exceptis rebus, quæ sibi titulo dotis aut donationis propter nuptias collatæ sunt à parente, aut etiam illis, quæ sibi ab eodem parente donatæ sunt donatione simplici inter viuos, si aliquis ex his cohæredibus dotem vel donationem propter nuptias acceperit quam conferre cogitur. Tunc
- 44 enim inæqualitatis vitandæ gratia donatio simplex † confertur, non alias lege. *l. vt liberis. l. illam. leg. illud, Cod. de collationibus.* Tamen si filius emancipatus ex his bonis, quæ à patre cepit filiam suam dotauerit, aut in filium donationem propter nuptias contulerit, quamdiu filia vel filius superstites erunt hæc conferri non cogitur, siue succedat vna cū aliis fratribus emancipatis, siue cum suis *l. filius. D. de collat. dotis.* Cogitur tamen conferre dotem vel donationem filii aut filiæ si mortui sint & pater illas res recuperavit. Idem iuris est de peculio Castrensi sui filii mortui, *l. 1. §. si is qui bona. D. de collat. bonor. & d. l. pater. Digest. de euictio.* argumento à contrario sensu.



sensu. Quando vero emancipati t̄vna cum suis 45  
succedunt emancipati suis omnia sua bona  
conferre coguntur, quæcunque ante emanci-  
pationem vel post emancipationem à patre ac-  
ceperunt, quæcunque præterea aliunde acqui-  
suerunt tempore emancipationis viuente ad-  
huc patre.

Sin vero peculium profectitium conferunt  
& dotem atque donationem propter nuptias,  
*l. ea demum, l. nec emancipati, & l. vt liberis, Cod. de*  
*collationibus, & l. prima in princip. D. de collat. bo-*  
*nor.* Ea forma seruat, vt filius qui confert, par-  
tem faciat prout explicatur, *in l. 1. in §. portiones,*  
*& in l. 2. D. de collat. bonor.*

Actio communi diuidendo est multis in re-  
bus similis actioni familiæ erciscundæ: Nam  
vtraque est vniuersalis bonæ fidei, mixta & du-  
plex. Mixta hæc actio est t̄ ob mixtam cōclusio- 46  
nem & mixtum euentum, duplex est, quia vter-  
que potest fungi vice actoris rei conuenti, *l. in*  
*tribus, Digest. de iudiciis, & l. 2. §. vlt. Dig. communi*  
*diuidund.*

Est itaque in hac actione videndum, quibus  
detur, in quos competat, & quid in hanc actio-  
nem veniat, id est, quid peti vel adiudicari pos-  
sit. Et quod ad primum attinet, certum est a-  
ctionem communi diuidendo dari illis, qui t̄ 47  
domini alicuius rei pro parte indiuisa vel quasi  
domini sunt, id est, his: qui habet publicianam,  
vel iustis possessoribus, quorum possessio domi-  
nium parere potest, vel etiam his, qui pro indi-

uiso rem aliquam pignori habent obligatam, *l. 2. l. 7. l. qui in re & sequen. paragrapho, inter eos, D. communi diuidun.*

Datur etiam hæc actio his, qui alicuius rei vsum fructum habent inter se communem aut vsum, licet vsum proprie diuidi non possit, *l. 1. §. cum de vusu fructu, l. item quamuis, §. si vsum tantum. D. commun. diuidund* quinimo his quibus seruitus pro indiuiso debetur competit, ita vt seruitus aut mensura aut temporibus quodammodo diuidatur, *l. arbor, §. agrorum. D. commu. diuid.* De iis tamen qui extra causam pignoris naturaliter tantum possident, hoc iudicium non datur, *l. 7. §. neque colonus, D. communi diuidun.* Et hæc de prima quaestione. Nam siue is, qui ad diuisionem prouocat sit possessor, siue non sit possessor nihilominus hac actione experiri potest, *l. penult. D. commu. diuid.* neque potest repelli per hanc exceptionem quod præiudicium domino prædii non fiat nisi iuxta diuisionem. quã supra tradidimus in actione familiarum erciscundarum: tunc enim si repellitur actione omiſſa communi diuidundo, debet vti rei vindicatione sola, quãdo negatur dominus esse, aut publiciana, si negatur dominus esse aut cõfessoria, si negatur seruitus constituta, iuxta ea, que notantur in *l. fundi, & l. fundum, D. de except.* Datur autem hæc actio ad  
48 uersus eos, qui ꝑ re communẽ pro indiuisa possident, quocunque titulo possideant, *l. in hoc iudicium, §. pen. D. cenm. diuid. & l. 1. C. eod. tit.* Venit  
49 autem in hanc actionem ꝑ præcipue diuisio re-  
rum

rum corporaliū cōmunium; deinde accessoriarē  
 veniunt pręstaciones personales, nēpe impen-  
 sę, q̄ factę sunt in rem comunē ab vno ex do-  
 minis, modo impendia sint facta necessārio in  
 solidū & ea sint necessaria aut vtilia. Nam si res  
 communis pro parte reficiatur, non hac actio-  
 ne sed negotiorum gestorū agetur. Pręterea  
 fructus pcepti ab vno ex dominis sunt restituē-  
 di pro parte alteri domino Tertio si socius in re  
 cōmuni nouū opus facere velit cū id necesse nō  
 sit aut si facere nolit, quādo vtilitas rei cōmunis  
 id exigit hac actione conueniri potest. Postre-  
 mo si dolo aut culpa vnius ex dominis damnū  
 rei communi datum sit, hac actione sarciri de-  
 bebbit. Sed si adhuc manente rei cōmunionē ad  
 huiusmodi pręstaciones personales agitur, a-  
 ctione directā agetur; si dissoluta sit communio  
 agetur actione vtili. *Hęc omnia probantur ex l. 4.  
 cum 2. seqq. ex l. 8. §. venit, ex l. in iudicium, & seq. ex  
 l. communis seruus, l. si is cum quo, D. comm. diuid. ex  
 l. pen. C. eod. & notandum est in d. l. si is cum quo, lo-  
 co dictionis delictum legendum esset dele-  
 ctum.*

Nam † respondere ad delectum est nomen  
 militię dare, vt etiam probatur ex leg. 4. Digest.  
 de re militari. quod facere cogeantur ciues Ro-  
 mani; si vero detrectassent grauissimis pœnis  
 afficiebantur, inter quas pœnas in eadem lege, si  
 is cum quo villa dirui poterat, & arbuta succindi.  
 Quare cū culpa vnius ex dominis hęc calamitas  
 rei cōmuni contigisset et iure pmittente, nō est  
 mirum

mirum si refundere cogitur socio, quod eius interest, quandoquidem etiam damnum iniuste illatum propter inimicitias alicuius est refundendum & sarcendum *l. si merces, §. culpa, Digest. locati*;

Ad politiam conseruandam societatemque  
 51 humanam tuendam nihil aptius est, quam dominiorum distinctio, quæ merito à iure gentium inuenta est, vt discordiis seminandis obuiam iretur, quæ plerumque ex communione emergere solent, *l. ex hoc iure, Digest. de iust. & iure, l. cum pater, §. final. D. de legat. 2.* At dominiorum distinctioe nihil aptius est in prædiis rusticis, quam † limes siue terminus, qui eo animo figitur, vt certis finibus omnia regantur, iuxta illud Tibulli Elegia 3.

*Non domus vlla fores habuit, non fixus in agris,  
 Qui certis regetur finibus arua lapis.*

Itaque iure ab antiquis limes sanctus vocabatur, quia societatem hominis sanctam efficit, id est litium & discordiarum occasionem tollit, iuxta illud virgilii:

*Limes erat positus litem vt discerneret agris.*

Quare Plato Dialog. 8. de legibus. asserit fundamentum rerum publicarum in limitibus sancte seruandis consistere & iure Romano graues pænæ in eos, qui terminos amouerunt sunt constitutæ, vt patet ex titulo *Digest. de termino n:oto.*

93 Verum si quis omiſſa actione criminali ciuili-  
 liter

liter velit agere & petere, vt antiqui & veri  
fines regantur & discernantur siue cōstituantur  
de nouo amouendæ veteris obscuritatis gratia  
actione finium regundorum ei agendum est  
aduersus quoscunque possessores prædiorum  
rusticorum confinium per quam actionem  
consequitur, vt fines regantur & discernantur,  
& per mensorem declaratur, vt id quod iniuste  
à vicino detinebatur, sibi restituatur, vna cum  
fructibus post litem contestatam perceptis; &  
cum eo, quod sua interest fines agri non esse  
confusos; si dolo vel culpa versatus sit in eo,  
tum aduersus eum in litem iurari potest, aut in  
robore aut ædificio, aut monte, aut flumine si-  
ue publico, siue priuato consistere, & potest iu- 5 4  
dex totum fundum vni adiudicare. Potest et-  
iam minores fines constituere, prout æquius  
melius visum erit, vt patet ex l. 2. cum tribus seqq.  
& ex leg. si irruptione, Digest. fin. regund. l. 3. & 4.  
C. eod.

Et notandum † est ampliores fines aliquan- 55  
do possideri vna cum quodam prædio rustico  
ex quodam titulo dominii translatione facta,  
quia prædium illud est traditum sed ampliores  
fines sunt possessi, & hoc casu fines isti amplio-  
res eodem tempore vsucapiuntur, quo prædi-  
um rusticum à non domino traditum l. 2. versic.  
sed si fundus. D. pro emptore.

Aliquando nullo titulo præcedente latiores  
fines & termini à vicino possidentur bona fide:  
& tunc præscriptioni triginta annorum locus  
est.

est. *l. final. C. fin. regund.* Quartum & postremum  
 § 6 genus actionum est earum, quæ† neque perso-  
 nales sunt tantum neque in rem tantum neque  
 mixtæ, quia non habent duplicem petitionem,  
 sed vocatur personales in re scriptæ, quia ex par-  
 te actoris similes sunt actioni in rem: Actiones  
 itaque in personam ex parte actoris habent du-  
 plicem proprietatem; Prima est, vt actor nul-  
 lum ius habeat in re, quam persequitur, sed so-  
 lum reum habeat obligatum ex contractu vel  
 quasi, delicto, vel quasi: & hæc est proprietas,  
 quæ nihil habet commune cum personalibus  
 in rem scriptis, sed duntaxat prima.

Ex parte rei conuenti actiones personales in  
 rem scriptæ sunt similes actionibus in rem, hac  
 in re quia sequuntur rei possessorem. Et hac fa-  
 cile probantur ex *l. metu autem, paragrapho vltimo,*  
*ex l. item, si cum exceptione; §. in hac, D. quod metus*  
*causa, & ex l. 3. §. est autem personalis, D. ad exhiben.*  
 vbi actio Quod metus causa & ad exhibendum  
 § 7 dicuntur personales in rem scriptæ, quia† per  
 illam petimus, vt res metu nobis extorta nobis  
 detur cuius dominium abalienauimus & com-  
 petit aduersus quemcunque rei possessorem,  
 etiamsi ipsemet metum non intulerit. Idem est  
 § 8 in actione ad exhibendum, † per quam petimus  
 rem nobis exhiberi, in qua forsitan nullum ius  
 habemus.

§ 9 Emptio iure perfecta † ante rem venditam  
 traditam emptori, & precium ab emptore ven-  
 ditori numeratum quatuor obligationes parit:  
 duas

duas naturales iurisgentium; & duas civiles. Nam emtor venditori & naturaliter & ciuilitur obligatus est, & contra venditor emtori. Nam † multa sunt ad quæ venditor obligatur, quæ si- 60  
gillatim sunt examinanda. Inprimis enim ven-  
ditor emtori obligatus est ad † præstādam rem 61  
venditam, id est, tradendum & oportet, vt em-  
torem † in vacuam possessionem rei venditæ 62  
inducat. Vacua autem possessio dicitur, quando  
nullus alius possidet, aut in possessione est, qui  
adimat emtori facultatem fructus percipiendi,  
& qui aliquod ius ex re vendita imminuat, l. 2. §.  
ultim. l. 3. §. 1. l. ex emto, §. & ex emto, D. de act. emt. l.  
cum res, C. de probat. Ergo traditio nuda non suf-  
ficit, sed causā bonorum continet. Præterea † 63  
res vendita cum fructibus maturis tempore  
venditionis extantibus est emtori tradenda, cui  
emtori fructus cedunt, nisi contrarium nomi-  
natim actum sit, l. iulianus, in §. si fructibus, D. de  
act. emt.

Itaque sufficit, vt † res emtori sit tradita, licet 64  
vendedor dominium in emtorem non transtu-  
lerit, quia dominus non erat, neque prætextu  
dominii non translati emtor in venditorem a-  
gere potest ad id, quod sua interest, quādiu res  
ei non euincitur, & quamdiu fructus ex ea re li-  
bere percipit, nisi venditor sciens prudensque  
rem alienā esse aut aliā obligatam, aut quocun-  
que alio iure imminutam id retinuerit emto-  
remque celauerit. Tunc enim etiam ante rei e-  
uictionē cōueniri potest quia dolo malo nō caret

*l. si ita, in §. primo, D. de contrah. emt. l. ex emto, & l. seruus quem, Digest. de act. emt. l. stipulatio ista habere licere, §. si quis. Digest. de verborum obligationibus.*

- 65 Neque his, quæ † de vacua possessione in emptorem transferenda dicta sunt obstat *l. si cum fundum, in paragrapho, fere aliqui, Digest. de contrahend. emt. vbi Iurisconsultus Proculus negat venditorem cogendum esse ad tradendam vacuum possessionem emptori. Nam eorum verborum sententia talis est, vt non semper cogatur venditor districte ad id, id est, ad inducendum emptorem in vacuum possessionem. Finge enim rem venditam venditori ante traditionem per vim esse ereptam nihil amplius venditor emptori præstabit, quam actionem aduersus violentum inuasorem, l. si ea res. Digest. de act. empt. Finge rursus, rem venditam sine culpa venditoris esse peremptam; venditor liberabitur & nihilominus pretium recte petet, l. cum emptor, in §. vlt. Digest. de contrahend. emt. Rursus finge, post venditionem venditorem amisisse facultatem tradendi rem culpa sua, in id, quod interest emptoris condemnabitur, l. prima, in princip. Digest. hoc tit. quod si dolo, aduersus eum in litem iurabitur, l. in actionibus, D. de in litem iurando, & l. qui restituere, Digest. de rei vindicat. Et hæc de traditione rei venditæ semel facienda dicta sunt, verum non solum rem principalem*
- 66 traditam sed etiam † eius accessiones præstare cogitur venditor emptori, l. Iulianus, §. fin. & seqq. l. si quis eum fundum, & sequen. D. de act. emt. & l. si venditor



*venditor hominis.* Præterea si † in emtione mo- 67  
 dus rei uenditæ dictus est, id est, mensura & to-  
 tus modus non præstatur, ex emto actio aduer-  
 sus venditorem datur: Idem est de bonitate siue  
 qualitate. Ergo si quid deest emptori siue pro  
 modo siue pro qualitate rei, hoc ei sarcendum  
 est, *l. 24. §. 1. l. 6. l. 22. qui incipit si in qualitate fundi*  
*l. 42. quæ incipit si duorum D. de act. emt. l. qui fun-*  
*dum ff. de evictio. l. si quis finis C. de eviction. l. qui fun-*  
*dum & l. littora D. de contrah. emt.* Denique quic-  
 quid inest vitii in re vendita vitii latentis aut  
 quodlibet aliud jus, quod valorem rei venditæ  
 imminuit, id si venditor celauerit emptorem, ea-  
 rum rerum ignarum, præstare damnum emptori  
 cogitur, quæ pœna reticentiæ vocatur, *l. 1. §.*  
*venditor l. si quis fundum D. de act. emt. & tot. tit. de*  
*Aedil. edicto. & apud Ciceron. 3. offic.* Tenetur etiã  
 venditor emptori tradere † instrumenta domi- 68  
 nii rei venditæ & fines rei venditæ demonstrare,  
*l. Titius heres l. creditor fundum D. hoc ti.* Postre-  
 mo tenetur † tradere emptori res venditas inte- 69  
 gras & non corruptas, siue sint mobiles siue im-  
 mobiles, & si sint mobiles, quæ in numero, pō-  
 dere mensuraue consistunt & ad pondus, nu-  
 merum aut mensuram vendiderat, oportet, vt  
 pondera equa sint, nō autem iniqua *l. si quis oleū*  
*D. de act. emt.* Et hæc de traditione, q̄ licet facta  
 sit, † tamen venditorem non liberat neque vē- 70  
 ditio impleta est, nisi rei venditæ dominium in  
 emptorem sit translata, *l. si quis alienam rem D.*  
*de act. emt.* Denique venditor emptori obligatus

Q est

- 7<sup>1</sup> est, vt † caueat, id est, promittat emtori habere  
 licere, id est, neminem ei controuerfiam factu-  
 7<sup>2</sup> rum. Nam † si controuerfiam aliquis emtori fa-  
 ciat & emptorem impediat ne re emta perfrui  
 poffit emtor aduerfus venditorem actione ex  
 emto agere poterit, vel vt precium sibi reddatur,  
 vel vt ultra precium id quod interest sibi perfol-  
 uatur iuxta diftinctionem fequentem, quæ talis  
 eft. Nam vel cōtrouerfia mouetur emtori, vel  
 de facto vel iure, hoc eft, ab eo, qui ius habet in  
 re emta. Illo cafu, quādo de facto mouetur ven-  
 ditor conueniri non poteft, *argu. l. fi ea. D. de act.  
 emt.* Cum cafum fortuitum venditor præftare  
 non cogatur maxime poft traditionem: & vis  
 inter cafus fortuitos numeratur, quando ei re-  
 fifti non poteft, *l. qui fortuitis, C. de pignorat. act.*  
 Hoc cafu vel adhibetur vis aut fit moleftia fiue  
 negotium etiam iure ab iis quos venditor pro-  
 hibere poteft, & non prohibet, & venditor te-  
 netur emtori ad id quod eius interest: fi eos pro-  
 hibere non poteft vēditor, tum autem ipfe ſcie-  
 bat rem eſſe alienam vel aliquo iure imminutā  
 aut ignorabat. Si ſciebat obligatur emtori ad id,  
 q̄ eius interest; ſi ignorabat vel probabiliter i-  
 gnorabat, vel non probabiliter. Illo cafu ad pre-  
 tii reſtitutionē obligatur; hoc cafu etiā ad id, q̄  
 interest, *l. ex emto, verſ. & ex emto, §. qui autem ha-  
 bere licere, l. ſeruus, §. vlt. D. de act. emt. l. ſi in lege, §.  
 colonus, & l. ſi fundus, D. locati, l. 4. & l. ſicut, C. de*  
 7<sup>3</sup> *act. emt. l. vlt. D. eod.* Poſtremo ſi † venditor dolo  
 fecit, vt pluris rem vēderet, ei qui alias emtru-

rus erat (qui dolus dicit incidere in contractū) vel si dolo aut culpa venditoris res vendita perierit empti actione tenetur, *l. Iulianus, §. si venditor, & §. idem Iulianus, l. qui per conclusionem, & l. penult. D. de act. empt. & l. si dolo. C. de res. ind. vendit.* Neq; enim nouum est, vt quādoq; actio ex empto ad resoluendam emtionem competat, licet hoc regulariter non sit. At quando dolus dat causam emptioni id est, impellit emtorem, vt emat, qui alias emturus nō erat, emtio nulla est ipso iure, ideoq; actione ex emto agi nō potest cum cessante causa cēset effectus, sed officium iudicis nobile imploratur, vt sententia definitiua emtio nulla fuisse declaretur, *l. & eleganter, D. de dolo & videatur, l. ex emto, §. si quis virgines, & §. sequenti.* vbi dicitur actionem ex emto posse competere ad resoluendam emtionem, vt precium emtori restituatur.

Denique videatur, *l. tenetur, in §. primo, l. pradia, & l. Lucius Titius, D. de act. empt.* Vbi non solum actio ex emto, sed etiam ex vendito competit, ad id vt pacta in continenti apposita seruentur & pœna promissa persoluatur. Et quia diximus de venditore, qui obligatur emtori, videndum etiā est, de emtore, qui obligatur creditori. Nam † venditor actione ex vendito agit 74 aduersus emtorem ad precium, quanti res, venit & ad vsuras legitimas pretii, quando emtor re emta fructus est & precium venditori nō numerauit, aut etiam si fructus non sit, si in precio soluendo moram fecit, *l. Iulianus. §. ex vendito, D.*

*D. de act. emti. l. vlt. D. de pericul. & comm. rei vendit.*  
 Aget etiam venditor ad pœnam, si promissa est  
 ex *l. pradia & l. Lucius*. Denique aget actione ex  
 vendito, ut pacta apposita servantur, *l. Iulianus §.*  
*si inter l. si sterilis in § si tibi. ex l. tenetur in §. 1. D. de*  
*act. emt.* Quinimo quandoque venditor actione  
 ex vendito agit ad id, quod sua interest premium  
 esse persolutum, quando iustissima quædam  
 causa specialis vrget, inter quas hæc enumerari  
 potest; quando venditor est negotiator &  
 pactum est factum, ut emtor persolvat premium  
 certo loco & tempore, in quo venditor nego-  
 tiatori soluat, ubi lucrum facere poterat, quod  
 non fecit propter fidem ab emtore non serva-  
 tam. Namque tunc etiam lucri cessantis ratio  
 habetur. *l. 2. in §. vlt. D. de eo quod certo loco*. Neq;  
 mirum est emtorem venditori obligatum esse  
 in id quod ejus interest, cum vicissim venditor  
 emtori ad id obligetur, *l. 1. in princip. l. 3. §. si per*  
*venditorem & l. si sterilis in § cum per venditorem D.*  
*de act. emti.* Nam quod dicitur in *§. cum per vendi-*  
*torem* venditorem emtori ob moram in non  
 tradenda re vendita non obligari ad interesse  
 lucri cessantis, id ideo est, quia non omnes cir-  
 cumstantiæ concurrunt, quæ concurrunt in *d. l.*  
*2. §. vlt. D. de eo quod certo loco*.

- 75 Locationis tres sunt species: Nam † aliquā-  
 do res quædam traditur vtenda fruenda certa  
 mercede constituta, & is qui rem tradit & mer-  
 cedem accipit dicitur locator, alter vero dici-  
 tur conductor vt patet ex *l. 5. ex l. si quis domum ex*  
*l. qui*

*l. qui ad certum & l. seq. D. locati.* Secunda species locationis est, quando traditur alicui quoddam opus faciendum certa mercede constituta, & is qui tradit opus faciendum dicitur locator, qui accipit opus faciendum & mercedem, vocatur conductor, *l. si cui locauerim D. locati* qui alio nomine vocatur Redemptor, de quo in *l. redemptores D. de rei vindic.* Postrema species locationis est quando aliquis suas operas locat. Nam is qui operatur locator vocatur, qui tradit mercedem vocatur conductor, *l. sed adde §. vlt. & l. qui operas D. locat.* In omnib. autem his trib. visionib. † 76 & conductor locatori & locator vicissim conductori obligatus est. Videamus itaque in primis de prima specie locationis, & de actione conducti, qua † conductor aduersus locatorem 77 agit. Itaque actio ex conducto competit ex sequentibus causis. Prima causa est, si non liceat conductori frui re quam conduxit toto conductionis tempore, quod fit si res aliena locata est ei, qui rem locatoris esse existimabat, aut si dolo vel culpa locatoris conductor frui non potest, res locatoris fuerit, aut si prohibetur frui per eos, quos locator prohibere potest. His tribus casibus locator conductori obligatus est ad id reuera quod interest conductoris, in quo plerunque lucri cessantis ratio habetur. Extra hos tres casus locator conductori obligatus est duntaxat ad restitutionem mercedis vel exonerationem, si nondum soluta est, *t. 7. cum seq. l. ex conducto l. sed adde §. si quis eum l. si merces §. qui fundum*

*dam, l. qui infulam, l. si in lege, §. colonus, l. si fundus D. locati, l. licet, l. excepto, C. de locato, l. cum in plures D. locati, quæ lex sic est legenda: cum in plures annos. Huius autem legis sententia talis est. Titius*

- 78 † Sempronio domum suam locavit in lustrum id est, quinquennium, precio centum aureorum in singulos annos constituto, Sempronius conductor habitare cæpit domum conductam ex Calendis Iuliis proximis, qui mos erat antiquorum, *ut patet ex l. non ab eo. D. de contrah. emt. l. qui balneum, D. qui potior. in pigno. hab.* Postquam conductor habitare cæpit, domus rupta est in Calend. Ianuar. & permanfit rupta vsq; ad Calen. Iunias, quo tempore quinque mensium pendente neque conductor habitare potuit, neque eam aliis ostendere integram, quibus eam locare volebat: Nam nemo rem, quam conduxit fruendam alii locare prohibetur, *l. nemo, C. de locato.* Mense Iun. locator domum refecit, ita ut habitari commode ex Calendis Iuliis possit: queritur an conductor cogatur habitare? Respondet Iurisconsultus conductorem cogi non posse, quia in culpa est locator, qui tanto tempore ædes fractas esse permisit. Imo locator ex conducto conveniri potest ad id quod conductoris interest, *ut patet ex l. 7.* Aliquando tamen contingit, ut † licet conductor re conducta frui non possit, tamen neq; ad id, quod sua interest neque ad remissionem mercedis agere possit, sed nihilominus integram pensionem persolvere cogatur, nempe quando casu fortuito frui prohi-

prohibetur, quod tamen distinctionem quandam recipit. Casus enim fortuitus siue vis, cui resisti non potest duplex est. Nam † quædam 80  
vis est maior siue cœlestis, siue diuina, quædam est vis humana. Illa duplex est: Nam quædam est aperta, quædam occulta. Aperta est vis tempestatis calamitosæ, id est, quando grandines, nimbi & procellæ segetes vel vites obterunt, aliosque fructus cortumpunt: aut vis fluminum, graculorum & sturnorum: aut labes, id est, hiatus terræ, qui alio nomine chasma vocatur, qui ex terræ motu oritur, de quo meminit Cic. *1. de diuinat.* Et hæc vis diuina aperta damno domini, id est locatoris cedit, nisi contrariū nominatum actum sit. Vis diuina occulta, de qua Budæus *in leg. ex conducto, D. hoc tit.* damno coloni cedit, id est, nihilominus colonus ad persoluendam integram pensionem compellitur, idem est, de vi humana, hoc est, de aggressura hostium, latronum, aut potentiorum. Nam hæc vis humana aliquando damno coloni cedit, vt si exercitus præteriens per lasciuiam aliquid modici abstulerit: aliquando damno domini cedit, nempe si hostis populantes regionem tantum timorem inferant colonis vel inquilinis, vt inde timoris causa emigrare cogantur, tunc enim pensio remittitur, *l. ex conducto, paragrapho si vis, l. si merces, §. vis maior. l. habitatores. §. vlt. D. locati, & in l. sed adde in §. si quis cum, D. locati.*

- 81 Agitur etiā actione ex conducto, vt ꝑ conductori liceat tollere ea, quæ rei conductæ adiecit *l. sed addes, §. si inquilinus, Digest. locati*, vel vt reperat impensas necessarias, aut utiles *l. 55. §. 1. & l. penult. D. hoc. tit.*
- 82 Agitur etiam actione ex conducto, vt conductor ꝑ liberetur, si rei quam conduxit dominium postea nactus sit, *l. si quis domum, §. ult. cum leg. seq. D. locati.*
- 83 Postremo, si ꝑ res vitiosa locata est, cuius vitium conductor ignorauit, agit conductor aliquando ad solam pensionis repetitionem, aliquando ad id, quod sua interest, iuxta distinctionem, *l. sed addes in §. 1. Dig. locati.* Et hæc de conductore, qui conduxit rem fruendam nunc videamus de locatore quatenus obligatum habeat conductorem.

Præcipua vero conductoris obligatio est, vt  
84 ꝑ locatori obligatus sit ad persoluendam pensionem & vsuras à die moræ cum locatio bonæ fidei sit, *l. præstis C. de locato, l. quæro, D. locat. l. mora in paragrapho in bonæ fidei, & l. cum quidem, §. ex locato, D. de vsuris.*

Agitur etiam actione locati aduersus conductorem, quando ꝑ conductoris dolo vel culpare conductæ periit, aut deterior facta est. Leuem etenim culpam ꝑ conductore præstādam esse constat & plerumque leuissimam. Sed hoc spectat ad secundum genus locationis, nempe, quando opus faciendum locatur, ergo quando res facienda locatur conductor omnia  
secun-



secundum legem conductionis facere debet & præterea diligentiam adhibere in re custodienda, adeo, vt non solum suam, sed etiam suorum culpam præstare debeat, *l. videamus, leg. item queritur, §. exercitu, l. qui domum, D. locati, & l. si merces, §. conductor, D. eod. l. cum in plures, §. seruū D. locati, l. in iudicio, C. de locato, l. qui in insulam, in §. qui nullas, D. locati.*

Tertio agitur condictioe locati, vt † loca- 87  
tor locatione liberetur, nempe, quando iusta causa post locationem oborta est, cur à locatione discedendū sit, *l. ex conducto, §. interdū, D. locati.* Et hæc de prima specie locationis. Altera species, id est, quando opus faciendum locatur talem distinctionem recipit. Nam † locator cō- 88  
ductori obligatur ad precium persoluendum, conductor ad opus perficiendum sine aliquo vitio, quapropter si opus post suam absolutionem corruit, an periculo locationis corruisse censetur? Distinguendum est. Nam aut est certum id contigisse vitio operis, aut vi maiore, aut est ambiguum.

Primo casu conductoris periculo corruit, nisi corruisset post approbationem locationis; Secundo casu locatoris periculo perit; Postremo casu si stetit per locatorem, quo minus approbaret opus locatū auersione vel metiretur opus locatum in certas mensuras locatoris periculo est. Si vero non stetit per locatorem, est periculo conductoris, cum locatio ratione tractus & temporis successiui perfecta non dica-

Q s tur,

tur, aut approbationem operis vel mensuram. Hac omnia probantur, ex leg. opus & sequen. ex leg. Manus, & ex leg. vltima, Digest. locati, ex l. si merces in paragrapho qui columnam, D. eodem titulo, & ex litem quaritur, §. si gemma in quo paragrapho & in l. si merces in §. si columnam. Conductor operis diligentiam exactissimam præstare debet, in re conducta seruanda, hoc est, in opere alio transferendo vel includendo.

89 Postrema species locationis, quando † opere locatur, id est, quando consumptio alicuius operis non spectat ad eum, qui operas suas locat, sed est in arbitrio domini perficiendi opus aut deferendi, l. ea lege, in §. locavi, D. locati. & hoc casu artifex, qui operas suas locat in tempus certum exigit mercedem integram totius temporis, etiam si toto illo tempore operatus non sit, modo per eum non steterit, sed per casum fortuitum sine culpa eius contingentem, & operas suas aliis interim non locauerit, l. sed addes, in §. vlt. & l. qui operas, D. locati, l. i. in §. diuus, Digest. de variis & extraord. cognit. l. diem functo, Digest. de officio assess. & l. penult. C. de condict. ob causam datorum.

90 Licet † iure prohibitum sit, ne aliis extraneis acquiramus, l. stipulatio ista in §. alteri, D. de verb. oblig. tamen prohibitum non est absentis bona conferuare, & gerere negotia eius, Imo vere laudabile est & promissum. Nam amici officio fungitur, quisquis laborem suscipit gratis alieno nomine, imo vero † etiam si animus, desit,

desit, tamen reuera & vtiliter alicuius negotiū gestum sit, ex eo negotio gesto oritur duplex actio, nempe actio negotiorum gestorū directā, quæ competit ei, cuius negotia gesta sunt, aduersus gestorem: & actio negotiorum gestorū contrariā, quæ competit gestori aduersus eum, cuius negotia gesta sunt, licet absentem & ignorantem, *l. 2. & l. 3. §. actio autem. D. de neg. gest. l. ex maleficio, in §. 1. D. de act. & oblig.* Est autem vtrique hæc actio & in personam & ex quasi 92 contractu oritur, & est bonæ fidei, *l. negotiis gestis C. de neg. gest. actione, & l. ex maleficio, D. de obligat. §. 1. instit. de oblig. quæ ex quasi contractu nascuntur.* Nam ꝑ bona fides siue æquitas non patitur, vt 93 dominus locupletetur cū detrimento gestoris, imo vero potius à gestore beneficium suscepit sine cuius opera vel bonorum possessionem vel venditionem passus esset vel iniuria res suas amisisset & plerumque famæ iacturam fecisset, *l. 1. D. de negot. gest. l. cum proponas. C. de bon. author. iudic. possidend. l. Falcid. D. quibus ex causis in possess. eat.* Æquitas etiam non patitur, vt quis temere & sui lucri causa negotiis alienis se immisceat, & vel ea parum strenue gerat, vel ex his negotiis aliquid retineat. Quapropter vt vtrique consulatur, merito prætor vtriq; eorum actionem accommodat, per quā suæ indemnitati consulere possit, *l. 2. & 3. D. de neg. gest.* Dicitur autē alicuius negotiū gestū ab alio citra mandatum ꝑ tribus modis.

94

Primus modus est, quando reuera eius

1. ego.

negotium gestum est, licet conductor non habuerit animum ei gratificandi & consulendi, *l. item si, §. sed etsi, & l. qui vtiliter in §. vlt. D. de negot. gest.* quod contingit duobus modis, quia vel gestor sciebat cuius essent negocia, sed sui lucri causa ea gerebat, *l. item si, §. sed si quis negocia, D. de negot. gest.* vel existimauerat ea esse alterius, *ex l. qua vtilitas.*

Secundo modo dicitur alienum negotium gestum, quando principaliter negotium ad eum non pertinet, sed duntaxat cura & sollicitudine, & hoc casu inspicitur animus gerentis negotium. Nam si contemplatione illius ad quem sollicitudo pertinet gestum est negotium, & reuera simul negotium veri domini gestum sit, nascitur actio vtrinque tam contemplatione veri domini, quam alterius, id est, & verus dominus & is, ad quem sollicitudo pertinet actione negotiorum gestorum agit & conuenitur, *l. si pupilli, in princip. & §. item si, & §. sed si ego D. de negot. gest.*

Quod si negotium ad illum neque reuera pertinet neque sollicitudine, animus gestoris nihil efficeret, si nulla inde vtilitas eis emergeret, *d. l. si pupilli. §. sed si quis*, ita neque rati habitio aliquid efficeret, *d. l. si pupilli vers. Nam etsi.*

Tertio modo alienum negotium gestum dicitur, quando neque reuera neque sollicitudine negotium ad eum pertinet, sed sola rati habitio ne quando sola rati habitio potest negotium illius efficere *ex dict. l. si pupilli. §. item quaritur apud praedium & l. si hac mente, D. de negot. gest.*

Ratihabitio vero duos effectus habet. Primus effectus est nunc explicatus; secundus est, quia negotium male gestum per ratihabitionē bene gestum censetur, quando ratum habens eo animo ratum habet, non alias, *l. Pomponius. D. de negot. gest.*

Actio negotiorum gestorum directā† com- 95  
petit, quando deest actio mandati, vel depositi  
*l. fideiussor. D. de negot. gest.* Competit etiam† ad- 96  
uersus collegam vel substitutum, *l. ex facto, D. de negot. gest.* aduersus uxorem res viri defuncti tenentem, si negocia viri gesserit. Deniq; aduersus quemlibet gestorem, siue per se, siue per alium gesserit: Postremo aduersus illum, qui nulla necessitate cogente alterius negocia gessit, licet aliqua suspicione necessitatis gesserit, *l. 3. §. hac actione, l. si communes, l. si quis mandatum, l. nam & seruus, §. vlt. D. de negot. gest. l. si mandatum, C. de negot. gest. act.* Datur, inquam, actio negotiorum gestorum directā, vt † gestor actus sui rationem reddat, & vt damnum sarciat domino, si dolo vel culpa lata aut leui ipsius gestoris damnum illatum est, quia vel non vt oportuit, gessit vel negocia incoata reliquit; Postremo, vt quicquid habet in bonis domini restituat, & nō solū pecuniam ipsius domini principalem, sed etiā vsuras eius pecuniæ, si eam in vsuras suas conuertit, vel si in mora fuit, quia ipse debebat à semetipso exigere, vel si eam pecuniam aliis fœnori locauit: Tamen quando pecuniam domini in suos vsus conuertit, vel conuertit eā clanculum

culum vel aperte & palam se debitorem scribendo, illo quidem casu vsuras centesimas præstat, hoc vero casu eas, quæ in regione frequentantur. *Hæc omnia probantur ex leg. si pupilli. §. ult. cum duaq. seqq. & l. qui, in l. nam ex iusto, D. de administ. tutor.*

- Denique restituit gestor, quicquid exegit nomine domini, etiam si indebitum sit, *l. si autem. §. 1. l. si quis aliena, negot. D. de neg. gest.* Quod autem de vsuris dictum est præstandis à gestore, pro pecunia otiosa, intelligendum est quando dominus solitus erat fœnerare, *l. qui semisse, §. 1. D. de vsuris, & videatur l. 2. huius tit. l. tutori, C. eod. l. in bonæ fidei, & l. si mater, C. de vsuris* Actio negotiorum gestorum contraria competit † gestori aduersus eum, cuius negotia gesta sunt, ut sibi præstetur, quicquid ex gestione utili vel sibi abest, vel ab futurum est, *l. 2. D. de negot. gest.*
- 99 Vocatur autem utilis gestio, quandoque † impensæ necessariæ aut utiles & mediocres factæ sint in aliquam rem de nouo factam vel refectionem licet ea res postea casu fortuito perierit: non autem repetuntur impensæ voluptuariæ, *l. sed an ultro, l. siue hereditaria, l. ex duobus fratribus, l. si quis aliena negotia, D. de negot. gest. l. seruus si in rem, D. mandati, l. si quid ergo, in §. sufficit, D. de contraria & utili act. tutela, l. plane, D. de petit. heredit. & leg. in pupillo, versiculo plane, Digest. de solut.*

- 100 Sunt tamen sex casus, † quibus gestor non repetit impensas, si casu fortuito res perierit, qui

qui enumerantur, ab Accursio in *l. si negotia absentis*, *D. de negot. gest.* Gestor etiam repetit † vsu-  
 ras eius pecuniæ, quam in rem domini vertit  
 tribus casibus, quorum duo enumerantur, in *l.*  
*in contraria*, *D. de vsuris*. Tertius casus est, quan-  
 do dominus est mora. Nam cum negotiorum  
 gestorum actio sit bonæ fidei ex mora vsuræ  
 debentur, *l. in bona fidei*, *C. de vsuris*.

Quod autem dictum est repeti impensas à  
 gestore factas, verum est, quando † animo ne-  
 gotii gerendi, & eas repetendi factæ sint. Nam  
 si factæ essent paterno affectu aut materno,  
 non repeterentur, qui quidem affectus in ma-  
 tre & auia materna & multo magis in patre  
 præsumitur. Necesse est igitur ad eam præsum-  
 ptionem auertendam & amouendam, vt pro-  
 testatio fiat, aut quædam aliæ præsumptiones  
 contrariæ magis violentæ occurrant. Is etiam  
 qui paterna amicitia ductus est, vel affectione  
 sanguinis præsumitur fecisse animo donandi, si  
 aliæ coniecturæ cōcurrunt, quia forsitan nō in-  
 tulit in rationes suas aut eas non computauit, li-  
 cet plerunque calculum iniuerit, aut impensæ  
 sint, immodicæ aut is qui sanguine iūctus erat,  
 eius quæ alluit opera utebatur. Hæc probantur ex  
*l. Nescius Apollinaris*, & ex *l. is qui amicitia*, *D. de*  
*negot. gest.* & ex *l. ex duobus*, in §. vlt. *D. eod.* & ex leg.  
 quod in vxorem *l. alimenta*, *l. si paterno*, *C. de negot.*  
*gest. act. l. sed si vi*, §. vlt. *D. de donat. inter virum & v-*  
*xorem*, ex *l. rerum*, *Digest. eod.* & ex *l. procula*, *D. de*  
*probat.*

Post

- Post negotiorum gestorū actiones sub-  
 iunxit Iustinianus in §. *actionū*. Actiones† man-  
 dati, nempe directum & contrarium, quia ma-  
 xima est inter eas similitudo, cum in vtrisque  
 plerumq; negotiorū gestio & confectio verse-  
 tur, & vtraq; sint bonæ fidei & personales, sed  
 hac in re discrepat actio mandati, mandati ab a-  
 ctione negotiorum gestorū quia actio mandati  
 oritur ex cōtractu, hoc est, ex mādato suscepto;  
 licet negotia gesta non sint, actio negotiorum  
 gestorū nascitur ex quasi cōtractu negotio  
 citra mandatum gesto; *l. si mandatum, C. de negot.  
 gest. act. l. 3. §. hac actio. D. eod. & l. si remunerandi, in  
 §. 1. D. mandati*. Ut autem actio mandati vtrinq;  
 nascatur, quatuor† requiruntur. Primum est,  
 ut mandatum sit; secundum, ut mandatum sit  
 susceptum. Nam† mandatum hac in re differt  
 à iussu, iussus enim parendi necessitatem habet  
*l. 1. D. quod iussu*. mandatum non habet: liberum  
 enim est mandatum non suscipere, sed susce-  
 ptum necessario cōsummari oportet, nisi tem-  
 pestive ei renunciatur, alioquin, procurator†  
 qui mandatum susceptum deserit, quanti man-  
 datoris interest damnabitur, *l. si mandauero in §.  
 ult. l. si quis alicui, §. si suscepit. D. mandati*.  
 Tertium, ut† mandatum sit rei licitæ & ho-  
 nestæ. Nam rei turpis mandatum nullum est, *l.  
 remunerandi, §. rei turpis, l. si vero non remunerandi,  
 §. si adolescens luxuriosus & l. si mandauero. §. qui a-  
 dem sacram D. mand.* quod sic intelligendum est,  
 ut actio mandati non possit competere, tamen



mandator rei turpis id impune non fert: eadem enim pœna punitur, qua is qui mandato obtēperauit, *l. & si certus, Dig. de S. C. Syllan. & l. 2. §. Diuus. Pius. D. de iure fisci.*

108

Postremum quod est necessarium est, vt ꝑ mandatum sit gratuitum. Nam si merces interuenit locatio & conductio vocatur, *l. 1. in fin. D. mand.*

109

Actio mandati directā ꝑ est personalis ex contractu nascens, bonæ fidei & famosa, competens ei, qui mandauit, vel sua vel aliena negotia gerenda, aduersus procuratorem, qui mandatum suscepit, vt si quid perfide & malitiose aut negligenter gesserit, vel omiserit damnum mandatori sarciat & refundat: Præterea vt quicquid habet ex administratione reddat & restituat, vt non solum res principales, sed etiam fructus, non solum sortem pecuniæ, sed etiam vsitas restituat legitimis. his casibus, qui enumerantur in *l. id quod, in §. si procurator meus, l. si vero, in §. addi, l. ex mandato, l. si mandauero & l. dolus, D. mandati.*

Quinimo, si pecunia debebatur mandatori ex mandato ea conuerti potest in causam mutui quodammodo, hoc est, quo ad periculum, licet reuera mutuum non sit, vt explicat Aphrinus Iurisconsultus satis obscure in *l. qui negotia, D. mand.* Cuius legis species ꝑ & sententia talis est: Sempronius negocia Lucii Titii procurabat; Is Sempronius a debitoribus Titii exegit quandam summam pecuniæ, vt puta quingentos aureos, eam summam cum egeret in vsus

R

suos

suos conuertit palam & ex bona fide, hoc est,  
 scribendo chirographum siue epistolam ad Lu-  
 cium Titium cuius negotia gerebat, qua epistola  
 falsus est, se debere Titio quingentos aureos  
 eosq; promisit soluere vna cum vsuris semissib.  
 Ex hoc facto ius oritur, & duplex questio nasci-  
 tur. Prima questio est, an summa quingentorum  
 aureorum sit debita ex causa mutui, ita vt obli-  
 gatio antiqua ex causa mandati censeatur noua-  
 ta, id est, transfusa in causam mutui? Secunda  
 questio est, an vsuræ semisses debeantur? & hæc  
 duplex questio proponitur initio huius legis  
 vsq; ad vers. respondit, in quo versiculo prima  
 questio dissoluitur, quæ est, vt pecunia ex causa  
 mutui non debeatur sed antiqua mandati obli-  
 gatio remaneat integra, alioqui, hoc est, si ea  
 summa diceretur debita ex natura mutui seque-  
 retur ex omni contractu pecuniam debitam con-  
 uerti posse in causam mutui, etiam si res tradita  
 non sit, quod est contra *l. 2. in §. appellata, D. si cert.  
 pet. & §. 1. supr. quib. mod. re contrah. oblig.* vbi dici-  
 tur mutuū non contrahi solo consensu, sed rem  
 necessariam esse cuius dominium per traditio-  
 nem transferatur in accipiētem, & hæc est sen-  
 tentia huius versiculi *respondit* vsq; ad versic. *nec  
 huic simile*, in quo Aphricanus occupatione v-  
 tens argumentationi respondet, quæ sic conci-  
 pi poterat: Pecunia debita ex causa depositi po-  
 test conuerti in causam mutui, *l. certi condictio in  
 §. deposui, D. si certum pet.*

Ergo idem videbatur dicendum esse in pe-  
 cunia

pecunia ex causa mandati indebita, cum videatur esse eadem ratio, tamen Aphricanus negat eandem esse rationem, eandemque similitudinem, quia nummi, qui deponentis erant fiunt depositarii traditione speciali precedente, licet propter mutuum prius facta non fuerit cum secus sit in nostro casu, quia nulla specialis traditio precessit.

Ergo sic dicamus, quotiescunque res ad mutuum apta est alicui specialiter tradita, ex qua-  
dam causa, id est, contractu, ea res in causa mutui transferri potest ex speciali vtriusque contrahentis consensu, neque hic consensus nuda pactio dicetur, id est, rei traditione destituta cum specialis traditio, licet ex alia causa precesserit, *paragrapho interdum sup. de rerum diuisi.* Ac in nostro casu aliud est, cum specialis traditio non precesserit.

Præterea hic mutuus & concurrens contrahentium consensus non intercessit. Nam solum chirographum scriptum est, & ad absentem directum: in *l. singularia in fine, D. si cert. pet.* conuenit inter contrahentes, ut pecunia ex causa mandati debita conuerteretur in causam mutui & syngrapha de hac re est facta, ut patet ex eadem lege *singularia*, In illis verbis, Et conuenerit, ut etiam in *leg. si aduersus, C. de non numer. pecun.*

Aphricanus in versiculo, *item quod si*, alteri argumento respondet, quod depromitur ex initio *l. singularia*, *Digist. si certum petat.* Nam

quando debitor meus pecuniam, quā mihi debet, me consentiente tibi dat mutuam, ego creditor censeor tibi mutuasſe; licet nihil à me acceperis, ſed hoc benigne & ſpecialiter receptū eſt in mutuo, propter frequentiam actus, non igitur temere ad conſequentiam & alios caſus producendum eſt contra iuris ciuiliſ regulas, *inxta leg. quod vero contrarationem, Dig. de legibus.*

Quinimo plerumque contingit, vt pecunia deperdita caſu fortuito periculo domini non pereat, veluti ſi tu me rogasti mutuam pecuniam, quam cum non haberem ſcyphos argenteos tibi dedi, vt illos vēderes & pecuniati inde redactam mutuam acciperes: Nam ſimulatque ſcyphi ſunt venditi pecunia mea eſt, & tamen tuo periculo petiit. *hac lege, verſic. his argumento eſſe & l. rogasti, D. de præſcript. verb. & l. rogasti, D. ſi certum pet.* Igitur in ſpecie huius legis pecunia non erit debita ex cauſa mutui, ſed ex cauſa mādati, tum ea peribit periculo procuratoris & nihilominus uſuras ſemiſſes promiſſas præſtare cogetur, *verſ. in propoſito.* Neque mirum eſt, ſi uſuræ debeantur ex mandato, quando promiſſæ ſunt nudo pacto. cum mandatum bonæ fidei ſit & pecunia in utilitatem procuratoris conuerſa ſit, alioquin ſi contractus ſtricti iuris eſſet, uſuræ ex nudo pacto non deberentur, ſed ſtipulatio neceſſaria eſſet, *l. quamuis, & l. expreſſa, C. ſi certum petat.*

III. Hæc actio mandati directa † eſt turpis & famoſa,

mosa, id est, cum infamem efficit, qui mandatum susceptum aut negligenter aut dolose perfecit vel omisit. Tribus enim vitiis notatur, nempe leuitate & inconstantia, perfidia; fidem enim violat & preterea amicitiam dissoluit. Nam nemo sua negotia alicui gerenda mandat nisi amico & ei quem fidelem fore existimat, *l. 1. l. furti, §. mandati, D. de his qui notant infamia l. in re mandata, C. mandati* & apud Ciceronem in *Orat. pro Roscio Amerino*. Quapropter Idem Cicero in *Orat. pro Roscio Comædo* vocat iudicia mandati, depositi, pro socio & tutelæ iudicia capitis, quia existimatio amittitur, quæ non minus quàm vita chara esse debet. Æque enim perfidiosum ac nefarium est fidem frangere, & pupillum fraudare, qui in tutelam peruenit, & locum fallere, qui in negotio se coniunxit. Idemque Cicero in *Oratione pro Cecinna*, negat eos, qui per societatem aut tutelam aut rem mandatam aut fiduciam, id est, depositam fraudarent quempiam in viroborum bonorum numero esse habēdos. Et hæc de actione mandati directæ.

Actio mandati contraria † competit fide 112  
iussoribus, aduersus reum principalem, pro  
quo soluerunt. Nam † ante solutionem agere 113  
non possunt, nisi quatuor casibus. Primus est, si  
condemnati sint ad soluendum; Secundus est, si  
reus principalis in solutione diu cessauit; Ter-  
tius, si reus bona sua dilapidare cepit; Quartus,  
si hoc pacto comprehensum est, nempe vt ante  
solutionem agere possint, *l. Lucius. D. mandati,*

& *l. si pro ea, C. eod.* Ergo his quatuor casibus exceptis fideiussor non agit aduersus reum actione mandati contraria, nisi reuera soluerit veniente die *l. si mandauero, D. mandati, l. si is, & seqq. D. eod.* aut nisi quocunque alio modo reum liberauerit, ita vt pro eo quodammodo soluisse videatur, vt in specie *l. Iulianus ait, Dig. mandati.* aut si aliquis extraneus fideiussori, donaturus soluerit creditori rei principalis, aut si ipsemet creditor remunerandi causa fideiussori remisit actionem, non aliter *l. inter causas, §. is qui fideiussori, l. idem quod 10. §. vlt. l. si vero non remunerandi, D. mandat.* aut si fideiussor extiterit hæres creditori, *l. si ei cui.*

Quinimo si fideiussor non soluit præter qualitatem creditoris sed pecuniam deposuit & obsignauit mandati contraria aget aduersus reum pro quo soluit, *l. qui mutuam in §. fideiussor. D. mand.* Verum hæc intelligenda sunt quando fideiussor nullam culpam contraxit, alioqui actione mandati non aget, vt puta si cum rem viliozem soluere posset, soluit preciosiorem. Nam reus hoc casu non tenetur fideiussori dare, nisi id quod dando creditori liberari potuit *l. fideiussorem, D. mandat.*

Denique si fideiussor omisit de industria, id est, sciens quasdam exceptiones honestas, quibus uti potuisset, & quæ non sunt de apicibus iuris. Nam tunc actione mandati non aget, *l. 10. §. generaliter, & tota l. si fideiussor. l. Quintus Mutius Scauola Dig. mandati, & videatur Accursius in d.*

*in d. l. si fideiussor, in §. iurista men.* Denique contraria actione mandati experiuntur omnes, qui † mandauit tacite vel expresse ad hoc vt resti- 114  
tuantur sibi sumtus necessarii & vtilis, licet infelix exitus sit secutus. Quinimo non solum sortem, sed etiam vsuras plerunque repetit, non tamen reperet damna, quæ casu fortuito illis contigerant, licet propter procuracionem. *Hæc omnia probantur ex l. cum mandati & ex l. qui fide ex l. si vero in §. contrario, ex l. qui mutuum, D. mandati ex l. 1. & 2. C. cod. ex l. 10. §. idem Labeo, ex l. inter causas, in §. non omnia, D. mandati, & ex l. 4. C. cod.*

Quatuor sunt contractus, qui † quandam 115  
habent similitudinem, multis tamen in rebus differunt. Hi sunt mutuū, cōmodatum, depositū & mandatum. Tres priores contractus re contrahuntur, quia nisi res tradita sit, nihil efficitur, vt patet ex tit. quibus modis re contrah. oblig. nisi in his rebus quæ vsu consumuntur, l. 2. D. si cert. pet. Commodatum in illis rebus consistere non potest, quæ vsu consumuntur nisi aliquando dicis causā, id est perfunctorie, veluti si pecunia numerata alicui commodetur ostentandi causā tantum, id est, vt ille, cui commodata est, dicat & mentiatur suam esse pecuniā eam statim redditurus, l. 3. §. vlt. & l. 4. D. commod. At depositum in omnibus rebus consistere potest.

Præterea in mutuo transfertur dominium; in deposito & commodato non transfertur, tamen in commodato res vtenda traditur in

deposito minime, sed duntaxat custodienda.

Quapropter si depositarius re deposita utatur inuito deponente, non solum actione depositi directa, sed etiam actione furti conveniri potest, *l. qui furtum, D. de condict. furt. l. si servum, D. depositi, & l. 3. C. eod.*

Quod autem ad mandatum attinet, id solo consensu contrahitur, tamen quandoque occurrunt quædam exempla, quibus mandatum à deposito vix discernitur, ut ecce, si te rogaue-  
ro, ut rem meam perferas ad Titium, ut is eam seruet, & recipiat, quod si facere nolit tu ipse eam custodias. Nam in hac specie mandatum est susceptum & præterea custodia rei, quæ ad depositarium spectat: tamen ea est iuris regula, ut præcipua causa contractus inspicatur. Cum igitur præcipua & prima causa fuerit, ut res ad Titium perferatur & mandatum susceptum sit mandatum existimabitur, licet per consequen-  
tias custodia rei commissa sit, *l. 1. §. si terogauero, cum duab. seqq. D. depositi.* Ergo Depositum sic  
116 definiri potest, † ut sit contractus bonæ fidei, quo res alicui gratis custodienda traditur, ut eam restituat deponenti quandocunque voluerit, aut sub certa pactione & cōditione. Itaque ad substantiā depositi hæc spectant, ut res tradita sit & sit tradita custodienda & gratis. Ad naturā spectat, ut eadem res restituatur, sed ab ea natura consensu contrahentium discendi potest, & tamen depositum permanebit, veluti si pecunia sit deposita non obsignata ea pactione, ut si deposita-  
rius



rius velit, ea vtatur, & tantundem reddat: Nam  
antequam pecunia vtatur ille, penes quem de-  
posita est, potest conueniri duntaxat actione  
depositi, si vero vltus est & actione depositi, &  
certi condictione ex mutuo conueniri potest,  
*l. certi condictio, paragrapho deposui, cum l. seque. D.*  
*si certum petat. l. 1. § si pecunia, l. Lucius Titius, l. die*  
*sponsaliorum, §. vlt. l. Publia Menia, §. Lucius Titius,*  
*D. depos.*

Est autem depositum duplex: Nam † aliud <sup>117</sup>  
est depositum in specie sumtum, aliud vocatur  
sequestrium. Illud † ab hoc differt, quia vnus <sup>118</sup>  
deponere potest, sed plures sint oportet, qui  
deponant apud sequestrium. Deinde rei depo-  
sitæ possessio apud deponentem manet, sed in  
sequestrium aliud est. Nam sequester possidet, *l.*  
*licet, D. depositi.*

Vocatur autem † sequester à sequendo, quod <sup>119</sup>  
vterque deponentium eius fidem sequatur, &  
eum delegerit tanquam virum bonum, quod  
contingit bifariam: quia vel eum iamdiu co-  
gnitum vterque delegerit licet non obuium,  
vel delectus est, qui occurrit eo tempore, quo  
controuersia erat de re, *vt est in l. sequester, D. de*  
*verbor. signif. & apud Gellium, lib. 20. Noct. Att. 10.*

Ex hoc cōtractu depositi nascitur duplex actio <sup>120</sup>  
† depositi directā & actio contraria. Actio de- <sup>121</sup>  
positi directā est † duplex, ciuilis & prætoria. <sup>122</sup>  
Ciuilis rursus duplex † actio depositi tantum <sup>123</sup>  
& actio depositi sequestraria. Actio depositi †  
tantum ciuilis & directā competit ei, qui rem

aliquam deposuit aut patrifamilias aut domino serui deponentis, aduersus eum apud quem depositum est vel eius hæredes, vt res deposita statim restituatur si commode restitui potest, vel restituatur conditione impleta vna cum omni causa, id est, accessionibus & præterea cū vsuris pecuniæ depositæ, si depositarius est in mora, vel pecunia vsus est, hæredes autem depositarii pro portione hæreditaria conueniuntur si res deposita est diuidua, vel si perierit ad rei vel eius, quod interest, æstimationem. Nam si vnus ex hæredibus habeat facultatem totius rei restituendæ is solus in solidum conuenietur

*l. 1 in princ. & §. que depositus §. si quis seruum, §. inde scribit Neratius, §. est autem. §. non solum. §. si seruus, §. si apud duos, & §. hanc autē actionem, l. in depositi. l. 13. §. competit, l. si plures, l. si duo D. depositi.* Neque

114 depositarius liberatur, nisi restituendo rem exceptis quibusdam † casibus. Primus casus est, si sine dolo vel culpa lata nulla pcedēte mora res deposita interierit. Secundus casus est, si nō restituit alteri, quā ei cui debebat restituere iusto errore impulsus, *l. prima. §. vlt. l. si is. l. si sine dolo malo,*

115 *lo, & l. quod Nerua, lege prima, §. si rem, D. deposi.* Aliquando tamen † depositarius tenetur de culpa leui & leuissima, si vel deposito se obtulit, vel si hoc nominatim conuenit, *leg. prima. §.*

116 *sape, Dig. depos.* Actio depositi † directā & sequestraria & ciuili competit ei, qui penes sequestrum deposuit conditione sequestri adueniente, *l. quinta, §. in sequestrum, l. si in Asia. §. cum sequester. & l. licet. Digest. depos.* Actio

Actio depositi † directa & prætoria ei com-<sup>127</sup>  
 petit, qui instante periculo tumultus, incendii,  
 naufragii, penes aliquem res deposuit, qui de-  
 positarius si inficietur se res suscepisse & con-  
 uincatur ad dupli restitutionem compellitur,  
*l. 1. §. prætor ait. l. si quis inficiatus, & l. quod te mul-*  
*tus. D. de pos.*

In omnibus autem causis depositarius, qui  
 sine † iusta causa res depositas restituere cum-<sup>128</sup>  
 ctatur infamis est, *l. prima. l. furti, de his qui not.*  
*infam. & l. quisquis. C. de positi.* neque † vlla com-<sup>129</sup>  
 pensatio potest differre rei depositæ restitutio-  
 nem, *leg. vltima. C. de positi. & Nouel. de depo-*  
*sito.*

Aliquando tamen † bona fides non patitur,<sup>130</sup>  
 vt ei qui deposuit, res deposita restituatur, vt  
 patet ex *l. bona fides. D. de positi.* Item † bona fides<sup>131</sup>  
 non patitur, vt depositarius pecuniam suscipiat  
 pro restitutione rei depositæ. Nam gratis eam  
 restituere debet, *l. fin. D. de positi.* Actio deposi-  
 ti † contraria datur ei, penes quem depositum<sup>132</sup>  
 est, aduersus deponentem, quia vel fecit neces-  
 sarias impensas in rem depositam, vel damnum  
 passus est à re deposita eius vitio, de quo certior  
 factus non erat à deponente, *l. 5. in princip. & l.*  
*actione. D. de pos. l. si seruus communis. §. quod vero.*  
*Digest. de furtis.* & potest exerceri contraria a-  
 ctio, etiamsi non exerceatur directa *l. in commo-*  
*dato. §. 1. D. commodat.*

Societas † duplex est: Nā quædā est societas<sup>133</sup>  
 publica, id est, authoritate publica & communi  
 natio-

nationū cōsensu cōstituta, altera est societas pri-  
 134 uata. Societas publica † multiplex est: Prima est  
 viri & vxoris, *de qua in l. 1. D. rerum amot. in l. si re-*  
*rum, D. de re iudic. in l. 4. C. de crimin. expilat. here-*  
*dit.* Secunda Societas est parentum & libero-  
 ram. Tertia, totius familiæ, quæ in vna domo  
 cōtinetur. Quarta, est eorum qui eiusdem sunt  
 sanguinis. Quinta, eorum qui eiusdem sunt ci-  
 uitatis & collegii siue sodalitatis, *de qua in l. 1. D.*  
*quod cuiusunque. vniuersit. nomine toto tit. de colle-*  
*giis, & apud Sueton. Tranquillum in Galba. & in*  
*Octauiano capit. 32. apud Dionys. Halicarnas. lib. 4.*  
*& 5. Antiquitat. Roman. & apud Lampridium in A-*  
*lexandro.*

Alia adhuc latior societas publica est eorum  
 qui eiusdem sunt linguæ, & nationis: latissima  
 vero est omnium hominum inter omnes ho-  
 mines societas, coniunctio & communitas. Nā  
 cognationem quandam inter omnes homines  
 natura constituit *l. vt vim, D. de iust. & iure.* quæ  
 cognatio in duabus rebus cernitur, id est, in ra-  
 tione & oratione, quibus homines à bestiis dis-  
 tinguuntur. Et hos societatis gradus persequi-  
 tur Cicero *libro primo, offic. capite quod incipit,*  
*Gradus.*

135 Societas priuata duplex est, † quædam enim  
 latius societas vocatur, nempe quādo res inter  
 aliquos communis est, aut præter eorum opi-  
 nionem aut non affectionem societatis contra-  
 hendæ, li enim inter quos res sic communis est  
 quodammodo socii vocantur. Altera societas  
 propriis

proprie specialiter sumpta est societas conuen-  
 tionalis, id est, ex conuentione & cōsensu con-  
 trahentium proficiscitur, qui in hanc rem con-  
 senserunt vt lucri & damni ratio communice-  
 tur & in cōmodum mutuis officiis gubernetur.  
 Illa societas actionē cōmuni diuidun. parit; hęc  
 actionem pro socio, potest etiam a cōmuni  
 diuidundo. Hęc societas conuentionio nalis † solo <sup>136</sup>  
 consensu contrahitur, vel expresso vel tacito,  
 qui vel coram verbis vel nutu aut inter absen-  
 tes per nūcium vel per epistolam explicari po-  
 test, aliquando tamen contrahentes eo sunt a-  
 nimo, vt nolint societatem contractam esse, ni-  
 si res vtrunque oblatæ sint, aut aliquid aliud fa-  
 ctum sit, & tunc societas re contrahitur, *l. con-*  
*sensu, D. de obligat. l. 4. D. pro Soc. & l. si id quod quis,*  
 cuius legis species † duplex est. Prima est: Titius <sup>137</sup>  
 habebat tres equos, Sempronius vnū; Sem-  
 pronius vnum suum equum tradidit Titio, vt is  
 accepto equo quadrigam venderet; equus Sem-  
 pronii ante venditionem quadrigæ perit: soli  
 Sempronio periisse censetur, quia nondum so-  
 cietas coita erat, cum quadrigæ vendendæ non  
 autem habendæ societas esset. Altera species  
 est inter Titium & Sempronium conuenerat,  
 vt vterque mille atreos conferret ad mercem  
 emendam, si alterutrius socii pecunia ante col-  
 lationem periit, societati non periit, quia nulla  
 adhuc erat, cum id actum esset, vt re duntaxat,  
 id est, pecuniarum collatione societas contra-  
 heretur. Hęc societas conuentionalis † & pure <sup>138</sup>  
 &

& in dicta & sub conditione contrahi potest  
 sicut ibi contractus, *l. 1. D. pro socio & l. penult. C.*  
*sol.* Neque enim contractus actus legitimi vo-  
 cantur specialiter & stricte sumendo actus legi-  
 timos. Et ita non obstat *Lactus legitimi D. de re-*

<sup>139</sup> *galis. ars.* Nam † specialiter actus legitimi voca-  
 tur ii, qui sunt a lege civili inuenti, ut fungan-  
 tur vice & officio naturalium, vt emancipatio  
 fungitur vice mortis, acceptilatio vice solutio-  
 nis, huiusmodi aditio vice traditionis aut occu-  
 pationis alicujus rei, datio tutoris fungitur vice  
 patris. Nam patrem habenti tutor dari non po-  
 test Optio serui fungitur etiam vice traditionis.  
 Societas a materia, id est, à re communicanda

<sup>140</sup> in quatuor species diuiditur, nempe, † in socie-  
 tatem vniuersorum bonorum, in societatem  
 simplicem, in societatem quarundam negocia-  
 tionum siue vnius & in societatem quarundam  
 rerum siue vnius rei. Prima duos habet effectus

<sup>141</sup> præcipuos: † Primum effectum, vt omnes res  
 quæ eorum tum erant, statim & ipso jure, cen-  
 seantur communicatæ & dominium quod an-  
 tea singulorum sociorum erat distinctum in  
 priis rebus censeatur ipso jure confu-  
 cundum effectum, vt res

sociis acquisitæ sin-

cunque quæ

sint quæ

fer-

lum partem acceptam restituere cogetur sed etiam partem pœnæ sentiet: quod si ignorans, non sentiet.

Societas simplex non † censetur contracta 143 nisi de vniuersis rebus, quæ ex quæstu honesto veniunt. Ergo si res aliquas nactus sit socius citra quæstū id est citra operam & industriam suam, sed sponte fortunæ, eas communicare non cogitur. *Hac probantur ex l. 1. & seqq. ex l. 7. & seqq. ex l. si societatem vniuersalem ex l. cum duobus in §. socium vniuers. & seqq. & LL. seqq. Digest. pro socio.*

Societas † negotiationum quarundam siue 143 vnius est duplex. Nam quædam sunt negotiationes priuatæ, vt sagaria lintearia, vini, frumētī emendī, de quibus in l. procuratoris in §. penul. D. de Tributaria in l. cum duobus in §. quidam sagariam D. pro socio. Societates † negotiationum publicarum 144 sunt societates publicanorum, id est, eorum, qui vectigalia siue portoria à publico redimunt in commune. Nam tunc dicuntur publicani & vectigalium socii, de quibus in l. adeo morte socii & in l. trahitur in §. nonnunquam necessarium 10. tot. tit. D. de publicanis & 13. Annal.

trahi potest † etiam inter 145 nullam rem confert, sed quædam. Nam artis velæne industriæ vniociū, id est necessarium

- fatium & vtile & magni æstimādum, *l. cum duobus. §. si in coeunda, pro soc.* id est, socii opera siue industria est plerumque preciosa, adeo, vt plus utilitatis conferat societati, quam res, quæ collata est, *l. si non fuerit, D. pro soc. & §. de illa, supra de societate.*

Huius autem paragraphi duplex proponitur species. Prima est, quando aliquis totum suum pecus alteri dat in commune pascendum vt fœtus pecorum inter eos communicetur.

Alterâ species est, quando aliquis agrum suum tradit colono partiario colendum, vt fructus inter dominum & colonum communes sint, de qua postrema societate meminit etiam *l. si merces, in §. vis maior. D. locati.* Ipse vero colonus partiarius potest vocari politor, vt politor à poliendo dicatur quisquis agros steriles & ferme desertos sua industria polit, renouat & reficit, & ita excolit, vt fœcundi efficiantur, quod Nonius Marcellus explicat, vnde emphytheuses ortæ sunt.

- 146 Potest etiam societas contrahi, vt † partes lucri & damni sint inæquales; quod si non fuerint partes adiectæ æquas eas esse constat, *l. si nō fuerint, D. pro soc.*

- 147 Sunt tamen multæ pactiones, quæ † in contractu societatis fieri non possunt, vt puta si cōueniat, vt totum damnum ad vnum ex sociis redundet & lucrum nullum sentiat. Nam hæc societas Leonina vocatur ex *l. si non fidom, §. vlt. D. pro soc.* aut si conueniat inter contrahentes, vt  
societas



Societas æterna sit, ita vt morte vnius ex sociis non dissoluatur, sed ad hæredem transeat, *l. nulla societatis, & l. nemo potest cum seqq. l. ideo, D. pro soc.*

His sic præmissis societas conuentionalis sic definiri potest. Vt † sit contractus bonæ fidei, <sup>148</sup> quo res inter socios communicantur, vt tam damni quam lucri ex his procedentis ratio habeatur & communicetur.

Ex hoc contractu societatis nascitur actio, quæ vocatur ACTIO PRO SOCIO, quæ est † per- <sup>149</sup>sonalis ex contractu nascens, bonæ fidei & generalis, *l. pro socio. arb. D. pro soc.* & potest exerceri duobus temporibus, nempe tempore quo societas adhuc permanet & tempore societatis dissolutæ. Quibus autem modis solvatur societas probatur, ex *l. verum est, §. societas soluitur, & seqq. D. pro soc.*

Quod ad primum tempus attinet, actio pro socio iterum † bifariam exercetur, nempe, vt <sup>150</sup> nihilominus maneat societas & communio, sed interim, vt communicet & conferat quasdam res, quæ communicandæ sunt ex natura contractus, & vt pacta licite adimpleat, *l. actione, §. nonnunquam D. pro soc.*

Altero modo actio pro socio exercetur, vt societas quæ adhuc durat distrahatur, *l. actione distrahitur, D. pro soc.* Et hoc casu actio pro socio competere potest, vt res quædam comunicentur, & post communionem diuidantur, vt impensæ, quas fecit socius repetantur, & aliquan-

do usurae solvantur, ut fructus denique, quos alter ex sociis solus percepit pro parte restituantur, ut caueat socius de damno vel lucro pendente ex societate praeterita, *l. pro socio arbiter, & seqq. leg. si actum sit, leg. socium & cum duobus per totam legem, l. socius socio, l. si quis societatem, Digest. pro socio, l. arbor in paragrapho 1. D. commun. diuid.*

Quinimo si aliquod damnum vnus ex sociis solus propter societatem passus est, alius non passurus id potest petere ut sarciat, si nulla eius culpa contigit, *l. cum duobus, §. quidem sagariam & paragrapho vlti. in versic. cassius, D. pro socio.* Quod si damnum est fatale & accidit in re communi, damnum commune esse debet, modo socius, qui res communes seruabat eandem diligentiam adhibuerit in communibus rebus conseruandis, quam adhibere solet in propriis *ex l. cum duobus in §. damna, & l. socius socio. D. pro socio. & §. vlt. supra de societate.*

- 151 Alterum tempus, quo † actio pro socio competit est post societatem distractam. Nam nihil ominis ad diuisionem rerum communium agi potest, & ad ceteros effectus, qui nunc explicati sunt, *l. actione distrahitur, §. si post distracta, Digest. pro socio.* Est autem haec actio † non solidi persecutoria. Nam socius in id tantum quod facere potest, quod is dolo malo fecit quominus posset condemnandus est, *l. verum est, D. pro socio.* Haecque actio potest cum aliis concurrere, nempe vel cum actione communi diuidendo,

do, vel cum actione furti, vel cum condictio-  
 ne furtiua vel cum actione legis Aquiliae, *l. si actum*  
*& l. rei communis, & seqq. D. pro socio, & l. i. D. com-*  
*mun. diuid.* Olim † duobus personarum generi- 153  
 bus tutores dari solebant, mulieribus & impu-  
 beribus. Mulieribus omnibus, quæ parentum  
 potestati subiectæ non erant vel maritorum et-  
 iam puberib. propter sexus infirmitatem & iu-  
 dicioꝝ ignorantiam. Nullam enim re priua-  
 tam etiã minimã mulieres sine auctoritate tu-  
 torum gerere poterant, si se obligabant, vt do-  
 cet Cic. *in orat. pro Muren.* & Titus Liuius 4. *lib.*  
*decad. 4.* & Vlpianus *in fragmentis in tit. de tutelis.*  
 tamen hæc tutela in vsu esse desit. Alterum ita-  
 que genus eorum, qui † per tutores reguntur est 154  
 pupillorum, qui sunt impuberes patre destituti  
 qui eos regat. Nam cum ob ætatis imbecillitatē  
 & consilii siue iudicii fragilitatem seipsos suaq;  
 bona tueri non possint, digni sunt miseratione  
 quibusq; opem feramus, ideoq; iniuria fortunæ  
 miserabiles personæ vocantur, *l. vnic. C. quando*  
*imper. inter pupil.* Eademq; ratio in viduis locum  
 habet, ideoque Deus prohibet præcipue ne vl-  
 la vis vllaque iniuria pupillis viduisq; fiat alio-  
 qui ninatur, se effecturum liberos eius, qui in-  
 iuria afficit tales personas, orphanos & mulie-  
 res viduas, *Exod. 22. & 6. & Malach. 3.* Ideoque  
 † constitutum est a legibus tutorum officium, 155  
 quod munus publicum ideoq; vocatur, quod  
 necessario suscipitur, id est, lege cogente, *l. mu-*  
*nus proprie, D. de verbor. signif.* licet principaliter

publicam vtilitatem non respiciat, & propterea strictè munus publicum seu reipubl. non vocatur, *l. si duas, D. de excus. tutor.* nec mirum si munus tutelæ necessario subitur, quia cum non solum nobis nati simus, sed patriæ, ei consulendū est, tanquam vniuerso corpori: Lex patria ad hoc nos obstringit, cum reipubl. interfit. Est ergo talis vis atque potestas publica respiciens duntaxat vtilitatem pupilli fidei tutoris commissi principaliter. Nam tutor quamdiu tutelā recte administrat domini loco habetur, *l. tutor, qui tutelam, D. de administ. tutor.* & pupillus serui loco habetur, quia licet sit dominus bonorum suorum, est tamen constitutus sub potestate tutoris, quantum ad administrationem bonorum attinet, vt ait diuus Paulus *ad Galat. capit. quarto.*

Tamen quando tutor pupillum spoliatur domini loco non habetur, *l. qui fundum, in §. si tutor*  
 116 *D. pro emptore.* Igitur de omnibus, quæ tutor fecit, cum facere non deberet & de his quæ nō fecit, cum facere deberet, rationem reddet, actione tutelæ directā præstando dolum & culpam, & quantum in suis rebus diligentiam, si diligens erat in suis rebus, aut quātam diligentiam solent adhibere diligentes & frugi patresfamilias, *l. i. in princi. D. de tutel. l. à tutoribus, D. de administ. tut. & l. quicquid. C. arbitr. tutel.* Ergo si tutor creatus statim se non immiscuerit tutelæ nulla excusatione fultus, aut si repertorium sincere & ex bona fide non fecit, aut si auctoritatē pupillo

pupillo contrahenti præbuit, quæ ei damnosa est, aut si negotia pupilli rite non administrauit quia pecuniam otiosam fœnori non dedit, quia prædia inutilia pupillo cōparauit, aut licet sint vtilia maiore precio aut quia cessauit in distractione earum rerum, quæ tempore depereunt, aut prædia non comparauit, quæ erant comparanda aut pecuniam pupillarem conuertit in vsum suos, aut prædia non coluit, aut domos ruinosas non fulsit, aut pupillū non aluit, aut rationes tutelæ suæ non confecit, aut non admonuit pupillum adultum factum, vt curatorem sibi peteret, aut prorsus cessauit in administratione tutelæ suæ, aut administrationem tutelæ minus idoneo commisit: his omnibus casibus actione tutelæ directa cōueniri potest, *l. 1. D. de act. tutel. l. tutores præcipuū, l. tutor. ad vtilitatem, l. qui iussus, l. qui tutor, l. si tutori, l. generaliter, & l. tutor, qui repertorium, D. de admistr. tut.*

Quinimo si tutor res pupillares distraxerit sine interposito prætoris decreto, est in arbitrio pupilli adulti facti vel petendi restitutionem in integrum aduersus emtorem, vel agendi actione tutelæ aduersus tutorem, *l. ultim. C. si tutor vel curator, C. & videatur, l. final. C. si maior factus*, vbi tutor non potest donare res pupillares etiam cum decreto.

Verum † si sint plures tutores & vel omnes<sup>17</sup> vel aliqui in officio suo deliquerunt, quomodo teneantur, ex sequenti distinctione liquebit. Nam vel omnes gesserunt tutelam, vel nullus

gessit, vel quidam gesserunt, alii non gesserunt tutelam. Primo casu vel tutela indiuisa est vel diuisa; si indiuisa est, & omnes soluendo sint, potest pupillus aduersus vnum tutorem in solidum agere, sed si tutor conuentus velit obiiicere exceptionem diuisionis, audietur; quod si non obiecerit, sed solidum soluerit pupillus actiones ei mandare cogetur aduersus reliquos contutores, aut licet mandatæ non sint nihilominus actionibus vtilibus experietur, *l. 1. §. nunc tractemus, D. de tutelis*. Si tutela inter tutores est diuisa sequenda est constitutio *l. inter tutores, D. de administrat. tut. & l. secunda, C. de diuid. tutel.* Si nullus tutorum tutelam gessit, sequendum est, quod dicitur in *l. si plures, D. de admin. tutel.* Quando vero aliqui gesserunt, alii non gesserunt, qui gessit primo conuenitur, deinde non gerens, si in culpa fuerit, Postremo magistratus qui tutores dedit, *l. 1. & 2. C. si tutor non gesserit. l. 2. C. de vsuris pupillaribus, l. tutores qui, §. in eum, D. de administ. tutorum, l. Lucius §. cum in testamento, D. eo. tit. & l. etiam, D. eod. l. 3. C. de diuid. tutela, l. et si, C. de administ. tut.*

Igitur magistratus postremo loco conuenitur, quando contutor in culpa est, *l. 2. 3. & 5. D. de magistr. conueniendis, & l. aduersus, C. eod.* Quod si tutor culpa vacet, post tutorem qui gessit magistratus conueniendus est, antequam perueniatur ad alterum contutorem, *l. 1. §. vsque adeo, D. de tutel.* Cuius paragraphi sententia talis est deprompta tum ex eius verbis tum ex verbis sub audien-

audiendi s. Vsq; adeo autem ad contutores non venit, si soluendo sint contutores vt prius ad magistratus, qui eos dederant vel fideiussores perueniatur, quando nihil collegiis imputatur.

Deinde, quodque sæpissime rescriptum est, quandiu vnus ex tutoribus idoneus sit non posse ad magistratus, qui dederunt perueniri, sic erit accipiendum, si tutor ob hoc conueniatur, quod suspectum facere vel satis exigere noluit. Nam negatio, quæ est ante dictionem *Contutor*, expungenda est, prout constat ex legibus nunc adductis. Actio tutelæ directa † nõ <sup>158</sup> exercetur nisi finita sit tutela, *l. nisi finita, D. de tutel.* Ratio est, quia absurdum esset à tutore sæpius rationem administrationis reposcere, quando in eadem administratione perseuerat, *l. si tutor reipubl. §. si testamento, D. de tutel.* Cæteræ vero actiones aduersus tutorem durante tutela competere possunt, *d. l. si tutor, in fin.* & præter hanc tutelæ directam actionem potest competere pupillo actio † de rationibus distrahendis, <sup>159</sup> quando tutor res quasdam pupillares abstulit gerendo tutelam, quod si fecerit animo furandi, etiam actione furti conueniri poterit, *l. 2. D. de tutel.*

Pupillus † infans aut infanti proximus obligatione naturali prodeunte ex consensu mutuo obligari non potest nisi auctoritate tutoris intercedente, quæ iudicium infantis supplet; *l. quamuis, §. 1. D. de acquir. posses.* At † maior infan- <sup>161</sup> te obligatur naturaliter ex consensu, sed eam

obligationem iusgentium reiicit, quoad effectus exactionem & retentionem impediētes, non tamen potest impedire, quin obligatio naturalis nata sit, & ita conciliandæ sunt *l. quod pupillus, D. de condict. indeb. & l. pupillus, de obligat cum l. i. D. de nouat. & l. si pupillus, D. ad leg. Falcid.*

Quinimo etiam si pupillus rem alienam acceperit, non obligatur, obligatione naturali iurisgentium, si rem quam acceperit sine auctoritate tutoris perdidit aut consumpsit, *ex l. pupillus, D. de oblig.*

161 At † pupillus etiam infans & furiosus obligantur obligatione naturali ex renascente obligatione iurisgentium & obligatione civili. *l. furiosus & pupillus, D. de oblig.* Quando vero dicatur † obligatio ex re nasci distinguendum est. Nam vel ille qui aliquid pupillo tradidit, aut in rem eius impendit id fecit ex necessitate sui officii publici, quia erat tutor, vel citra necessitatem.

Primo casu obligatio ex re nata dicitur, quando tutor bene & diligenter negotia gessit, licet pupillus inde locupletior factus non sit, quia euentum aduersum habuit, quod gestum est, *l. i. in princip. & §. contrarium, §. sufficit tutori, & sequ. D. de contrar. actione.*

Secundo casu ex re obligatio nata non dicitur, nisi utilitas permaneat, id est, nisi pupillus locupletior sit effectus, *ut notatur in l. 5. D. de auctor. tutor.*

Æquum



*Æquum est igitur vt officium tutoris ei da- 164*  
 mnosum non sit, vt vicissim ipse tutor agat a-  
 ctione tutelæ contraria finita demum tutela, si  
 quid in rem pupilli impendit aut aliud pro vti-  
 litate eius gessit.

Denique si quid ei propter tutelam abest, a-  
 lias non abfuturum, modo ipse officio functus  
 sit: neque necesse est expectare donec pupillus  
 adultus factus sit, vt actione directa tutelæ agat,  
*l. 1. §. finito & seq. l. 3. in prin. §. deducuntur, & l. a tu-  
 tela, D. de contray. act.* Quæcunque dicta sunt de  
 vero tutore, locum habent etiam in curatore  
 eo, qui pro tutore gessit, *l. penul. & ultim. Digest.*  
*eod.*

Actio commodati directa † ei competit, qui 166  
 rem aliqui gratis vtendam tradidit, finito demū  
 vsu in quem res cōmodata erat aduersus eum,  
 cui res commodata est, vt eam reddat, deterio-  
 rem sua culpa non effectam, vna cum omnibus  
 accessionibus à tempore simplicis moræ, vsque  
 ad tempus rei iudicatæ, *l. 3. §. si reddita & seq. l. in  
 rebus, §. siue autem pignus, & l. in commodato, §. si-  
 cut commodati.*

Nam nisi † commodatarius eandem dili- 166  
 gentiam adhibuerit in re commodata conser-  
 uanda, quam diligentissimus & frugi paterfa-  
 milias adhibere solet, tenetur *l. si vt certo, §. nunc  
 videndum & l. in rebus. D. commodat.* Interdum  
 † plane solum dolum & latam culpam præstat, 167  
 nempe duobus casibus, qui describuntur *in d. l.  
 si vt certo, §. interdum.*

168 Commodatarius † si re sibi commodata aliter utatur, quam commodans voluerit, aut rem commodatam restituere nolit, quatuor actionibus conueniri potest: vna, quæ oritur ex solo dominio commodatis, quæ rei vindicatio vocatur: altera, actione personali ex contractu nascente, quæ vocatur actio commodati directa: Tertia actione personali ex delicto procedente, & pœnali, quæ vocatur furti: Quarta, actione pœnali ex delicto etiam nascente, sed rei persecutoria, quæ vocatur condictio furtiua: quinimo si res deterior facta est actione legis Aquiliæ  
 169 agi potest. Sed † vna rei persecutoria per alteram tollitur, item actio legis Aquiliæ, quæ mixta est sed furti per rei persecutorias non tollitur, neque contra rei persecutorias per actionem furti, sed actio legis Aquiliæ per alias actiones rei persecutorias tollitur, & ipsa contra eas tollitur cum mixta sit, hoc est, simplum & rem principalem contineat, simplo autem subducto accessiones consistere non possunt. *Hæc omnia probantur ex l. si is cui commodata, l. qui re, l. si pignore, D. de furtis, l. 5. §. quinimo, & l. si seruus meus, D. commod. l. si pro fure siue pro furto, & l. qui furtum, D. de condict. furtiu. l. rei communis, & seqq. D. pro socio, l. deposui, D. de peculio, & l. qui seruum, D. de oblig. & action.*

170 Et si † duobus res eadem commodata est, aut is, qui commodauit fidem vtriusque secutus est in solidum, aut secutus non est. Primo casu duo commodatarii dicuntur proprie duo rei

rei debendi, & ab vno quoq; tota res exigí potest, & reperi natura obligationis duorum reorum inspecta, *l. eandem, D. de duobus.*

Hoc casu non sunt proprie duo rei debendi, sed quodammodo & ex accidenti. Quapropter natura actionis commodati considerata non potest agi aduersus vnumquemq; nisi pro parte cum vnusquisque eorum neq; vehiculum possideat in solidum, neque eo vtatur in solidum, licet in locis publicis iure civili aliud sit. Nam his quilibet ciuis in solidum vtitur, sed in vehiculo duobus simul commodato vel locato vnusquisque pro parte duntaxat vtitur, rei effectui inspecto, cum non omnia loca vehiculi teneat. Igitur mirum non est, si pro parte duntaxat vnusquisque conueniri debeat, cum in obligationibus, quæ re contrahuntur nemo vltra rem, quam accepit, obligatur, *l. cum vltra, C. de non numer. pecun.*

Verum si vnus ex his habeat facultatem totius vehiculi restituendi aut dolo culpa consistente in faciendo aut negligentia vnus effectum sit, vt restitui non possit aduersus eum in solidum agetur, ex accidenti licet natura obligationis repugnet, & si ille soluerit alter liberatur, & si ille, cuius culpa vehiculum surreptum est aduersus furem egit, alter actione furti agere non potuit, si fur soluit & dominus rei commodatæ aduersus eum, qui actione furti egit cogetur agere actione commodati, si is soluendo sit, & hac est  
sen-

sententia, *l. si ut certo §. in §. si duobus vehiculum & seqq. v. que ad §. sed etsi, D. commodati.* Nam res nisi pro solido restitui non potest, & qui dolum aut culpam adhibuit non potest peccare, nisi in solidum, *d. §. si duobus, & l. 3. §. heres, D. commod. l. 1. §. si apud duos, & l. si duo, D. depositi.*

Et hæc dicta sint de actione commodati directa. Nam contraria † competit ei, cui res commodata est aduersus commodantem si maiores impensas fecit in rem commodatam, aut si damnum passus est ab re commodata animata, quando commodator sciebat vitium rei commodatæ, neque commodatarius vitii certiore fecit, aut si commodatarius perdidit rem commodatam, & pro ea pretium domino dederat.

Deinde res in partem domini venit & potest hæc actio operari & moueri, etiam si actio directa non moueatur *l. in commodato, §. 1. & §. vltim. l. in rebus, §. possunt. & §. vlt. l. antepen. & penult D. commod.* ex qua lege penultima negatio, quæ est in *l. seruus communis in §. circa commodatum, D. de furtis* est expungenda, *si non dolo quid, vbi legendum est, si dolo quid.*

172 Pignus † duplex est: Nā quoddam est voluntarium, quoddam coactum. Pignus voluntarium duplex est: quoddam enim est expressum, & quoddam tacitum. Pignus expressum iterum duplex est. Nam aliud contrahitur ex conuentione, aliud ex vltima voluntate, *vt probatur ex l. final. C. de prator pignor. & ex l. non est mirum, D. de pignor.*

*pignor. act.* Pignus expressum, quod ex conuentione nascitur iterum duplex est. Nam quoddam nudo & solo consensu contrahitur, quoddam traditione sequente consensum mutuum, *l. i. in princip. D. de pignor. act.*

Illud ¶ unicam actionem parit, nempe actio-<sup>173</sup> nem quasi Seruianam siue hypothecariam: hoc quod contrahitur traditione duplicem parit actionem, nempe actionem pignoratitiam & contrariam.

Pignus coactum, ¶ quod alias vocatur præ-<sup>174</sup> torium, late sumptum duplex est. Nam aliud est prætorium specialiter sumptum, quod locum habet, quando nulla sententia definitiua præcedente prætor aliquem mittit in possessionem: Alterum vocatur iudiciale, quando quis in possessionem mittitur, ut iudicatum soluatur, *de quo in d. l. finali, Cod. de prætor. pig. & in titu. C. si causa iudiciali pign. capt. sit. & in l. à diuo Pio, in §. in venditione, D. de re iudic.*

Sed ad actionem pignoratitiam reuertamur & in primis de pignoratitia directa agamus. Ea itaque ¶ debitori competit, qui res quasdam<sup>175</sup> pignori dedit, siue suas siue alienas, aduersus creditorem, si soluta sit omnis pecunia aut in iudicio illam offerat; consignet & deponat, aut si quocunque alio modo eo nomine satisfactum sit creditori volenti, ut creditor rem pignoratam restituat, una cum fructibus, & eo quod interest, & præterea ut de dolo debitori repromittat; præterea, ut restituat creditor omne emolu-  
men-

mentum, quod occasione rei pignoratæ pet-  
cepit; postremo, ut si creditor pignus iuste vēdi-  
derit, ut superfluum precii restituat venditori, si  
precium accepit, aut si non accepit precium, ut  
creditor, quia iusta fuit causa, ut dilationem da-  
ret emptori, cedat actiones suas debitori ad-  
uersus emptorem pignoris, aut postremo, si  
conuenerit inter creditorem & emptorem, ut  
si solueret debitor precium emptori, ut liceat ei,  
recuperare rem suam. Nam similiter actio ce-  
denda est debitori. *Hac probantur ex l. si rem, §. o-*  
*mnis & seq. ex l. solutum, in §. solutum, ex l. debitor,*  
*§. vlt. ex l. aliena, §. si per creditore, ex l. si cum vende-*  
*rent, l. si pignori in princip. & in §. si prado, & l. ele-*  
*ganter in §. si vendiderat, D. de pignorat. act. qui §. sic*  
*conciliandus est cum l. creditor iudicio, D. eod. ut*  
*l. creditor locum habeat, quando nulla iusta cau-*  
*sa impulit creditorem, ut dilationem daret em-*  
*ptori, Præterea hac probantur ex l. si vxor, C. de pigno-*  
*rib. ex l. rescriptum, D. de distract. pig. & ex l. creditor*  
*cui pignus. D. de pignor. act.*

276 Quod autem dictum est rem † alienam pi-  
gnori dari posse, intelligendum est, quantum ad  
hunc effectum, ut etiam prado eam repetere  
possit per actionem pignoratitiam directam  
solutio pretio, ex l. si pignore, in §. si prado, D. de pi-  
gnor. act. non autem quo ad eum effectum ut res  
nexa sit, & obligata. Res enim aliena nesci non  
potest nesciente domino aut ratum nō habente,  
l. aliena res, D. de pignor. act. & toto tit. C. si res a-  
lien. pignori data sit, adeo ut non possit conuale-  
scere

lescere pignus etiam dominio debitori postea  
quæsito, si creditor rem alienam esse sciebat, *l. 1.*  
*in princ. D. de pignoribus.*

Quod si creditor ignorabat, licet stricto iure inspecto non possit conualescere, tamen ex equitate utilis actio pignoratitia, contraria creditori datur, *l. Senatusconsulto, C. si alienares pign. data sit, l. filium, D. ad Trebellianum, & l. rem alienam, D. in princip. de pignorat. act.* Si vero dominus rei obligata extiterit hæres ei, qui rem eius obligauerat, neque directa neque utilis pignoratitia creditori dabitur, aduersus hæredem, licet hæres pecuniam debeat & actione personali conueniri possit, *d. l. rem alienam, vers. non est idem dicendum, & l. si Titio, D. de pignoribus.* In qua lege dictio *Sed* est expungenda & in eius locum dictio *nec* est substituenda. Ergo actio pignoratitia directa debitori competit soluto precio aduersus creditorem, ut res sibi restituatur, duobus t casibus exceptis. Primus casus est, si ex interuallo pactum inter debitorem & creditorem factum sit, ut creditor pignus certo precio emptum habeat. Nam id pactum valet ut emptio, neque reuocari potest. *l. Titius, D. de pignora. act.* Aliud esset, si in continenti, hoc est, in additione pignoris concurrisset, ut creditor haberet pignus emptum eo precio, quod sibi deberetur si intra certum tempus non soluatur. Nam id vocatur pactum legis commissoriae quod in pignorib, reprobatur tanq̃ in fraudem vsurarum factum,

factum, *l. fin. C. de pact. pignor.* Alter casus qui excipitur est, quando in continenti convenit, ut nisi intra certum tempus pecunia solvatur iure emtionis creditor possideat rem iusto precio tunc æstimandam. Nam hoc casu videtur quodammodo conditionalis esse venditio, *l. si fundus, §. finali in fine, D. de pignoribus.*

- 179 Actio pignoratitia contraria† competit creditori aduersus debitorem tribus casibus. Primus est, si debitor creditorem fefellerit subiciendo rem vilioiorem pro preciosiore, *l. si quis in pignore. D. de pign. act.*

Secundus casus est, si rem alienam vel alii pignoratam vel in publicum obligatam tradiderit creditori, aut quocunque alio modo malitiose in pignore versatus sit. Nam tunc creditor ignorans recte agit pignoratitia contraria, *l. si rem alienam, l. tutor, §. contrarium, & l. cum debitor D. de pignor. act.*

Tertius casus est, si creditor fecit impensas necessarias in rem pignoratam. Nam illas repetere potest, licet res pignorata non extet, si tamen periit sine eius culpa leui, *l. si seruos, & l. si necessarias, D. de pigno. act.* Nam ea, quæ diligens paterfamilias in suis rebus præstare solet a creditore exiguntur, *l. ea igitur, D. de pigno. act.*

- 180 Actio præscriptis verbis † ex quadruplici fonte nascitur, ut puta, ex vltimis voluntatibus *l. his consequenter, D. famil. hercis.* qui casus bonæ fidei proprie non est, tamen instar actionum bonæ fidei se habet, ut notatur ex leg. in maioribus,



*rum, C. in quibus caus. reslit. in integr. non est. necess.*  
 Ex pactis in continenti apposis, iuxta contra-  
 ctum aliquem vel traditionem, & tunc est stri-  
 cti iuris, *l. in bona fidei C. de pactis l. 2. C. de pact. inter  
 emptorem, l. auct. C. de iure dotium, l. si conuenerit,  
 D. de rescin. vend. l. Labeo scribit, D. de contrab. empt.  
 l. si vir, D. de prescript. verb.*

Tertio nascitur actio præscriptis verbis ex  
 negotio ciuilitè gesto, quando de nomine  
 contractus ambigitur, & hoc casu non semper  
 est bonæ fidei. Nam tunc duntaxat bonæ fidei  
 est, quando res æstimata vendenda est tradita  
 eo pacto appposito, ut vel eadem res incorrupta  
 vel eius æstimatio reddatur, *l. 1. & l. si tibi rem  
 vendendam, & l. si gratuitam, in §. si margarita, D.  
 de prescript. verb. & videatur l. 1. & seqq. l. si tibi, §.  
 Iulianus, D. de prescript. verb. & l. apud Labeonem in  
 §. ult. cum seqq. D. eod. tit.* tamen actio præscriptis  
 verbis actio bonæ fidei non erit, quia res æsti-  
 mata non est tradita vendenda. Quomodo au-  
 tem differat Actio præscriptis verbis ab actio-  
 ne in factum dictum est in *l. iuris gentium, Dig. de  
 pactis.*

Postrema causa efficiens actionis præscriptis  
 verbis est permutatio, & hoc casu similiter a-  
 ctio præscriptis verbis est bonæ fidei, ut in *§. a-  
 ctionum* dicitur, et de hac meminit *l. 1. D. de rerum per  
 mut. & l. 5. D. de prescript. verbis.*

Quod tamen dictum est actionem præscri- 181  
 ptis verbis competere & nasci ex negotio ciui-  
 liter gesto, quando de nomine contractus am-

T bigitur,

bigitur, non repugnat his quæ dicuntur in *l. 1. D. de cōdict. ex lege*. Nam cōdictio ex lege, ut nascatur sufficit auctoritas legis sola, licet nullum synallagma intercesserit, at in hac Actione synallagma necessarium est, id est, negotium civiliter gestum, ut probatur ex conventionione Actionis vero de dolo nascitur ex delicto innominato, *l. 1. & eleganter in §. non solum, D. de dolo malo*. Po-  
 182 stremo notandum est, hanc actionem æstimatoriam esse duplicem, directam & utilem: directa locum habet, quando merces promissa non est, utilis quando merces incerta promissa est, ut patet ex *l. 2. D. de æstima. act. iuncta l. si tibi polienda, D. de præscript. verb.*

- 183 Actio præscriptis verbis, quæ per rerum permutationem oritur, id est, ex contractu innominato Do ut des, est bonæ fidei, quia vicina est & simillima emptioni, *§. actionum, & l. 2. D. de per-*  
 184 *mut.* Emptio enim in locum permutationis est substituta, quia plerumque eveniebat, ut non semper nec facile tu haberes, quod ego desiderarem, & ego haberem, quod tu accipere velles: quapropter reperta est communis mensura ex hominum nata institutis, quæ res omnes eodem modo metiretur æstimaretque, ut docet Aristoteles 1. Politic. c. 6. Cælius Rhodiginus *lection: antiquarum lib. 23. alias 28. cap. 17.* & Paulus I.C. in *l. 1. D. de contrah. emt.* Si igitur emptio substituta in locum permutationis, est bonæ fidei, idem sentiendum est de permutatione.

*§. In bonæ fidei.*

In bonæ fidei autem iudiciis libera potestas permitti videtur iudici ex æquo & bono æstimanti, quantum actori restitui debeat. In quo & illud continetur, vt si quid inuicem præstare actorem oporteat, eo compēsato in reliquū is, cum quo actum est, debeat conueniri sed & in strictis iudiciis ex rescripto diui Marci opposita doli mali exceptione, compensatio inducebatur. Sed nostra Constitutio eas compensationes, quæ iure aperto nituntur, latius introduxit, vt actiones ipso iure minuāt, siue in rem siue in personam, siue alias quascunque excepta sola depositi actione, cui aliquid compensationis nomine opponi satis impium esse credidimus, ne sub prætextu compensationis depositarum iterum; quis ex actione defraudetur.

## SUMMARIA

- 1 *In actionibus bonæ fidei iudex ex bono & æquo iudicat.*
- 2 *Vnde bonum & æquum illud colligatur.*
- 3 *Compensatio in bonæ fidei iudiciis admittitur.*
- 4 *Non tamen in rebus quibusvis.*
- 5 *Et locum habet ipso iure.*

<sup>1</sup> **A**ctiones superius enumeratæ dicuntur bonæ fidei, quia ꝑ iudex datus habet potestatem iudicandi ex bono & æquo, quod ꝑ bonum  
<sup>2</sup> & æquum ex natura negotii & mente contrahentium depromitur, & regionis consuetudine, *l. quod si nolit, §. quia assidua D. de edict. edict.* Ergo in his iudex certæ formulæ addictus non est, neque puro iudicio. Nam formulæ prætoris additis his verbis (ex fide bona) iudex datus potest cognoscere etiam de his, quæ nominatim ei iniuncta non sunt, si æquum est ea præstari, inter quæ siue in quibus & illud continetur,  
<sup>3</sup> ut ꝑ iudex datus rationem compensationis à reo obiectæ habere possit, ut reum condemnent duntaxat in reliquum, quod superest deducto eo, q̃ actor vicissim reo debet, si utrūq; debitum est liquidum ut statim de eo reus docere poterit, ita nō sit opus diligēti, laboriosa & diffi  
<sup>4</sup> cili examinatione, ac si ꝑ utrunq; debitum est pecuniarium, quia res quæ utrinque debentur consistunt in pondere, numero vel mensura. Nam id, quod reus deberi sibi vicissim ab actore ait, & compensari petit, ipso iure ꝑ debitum actoris adeo imminuit, ut usuræ peti non possint ratione eius, quod deducitur vi compensationis, modo id, quod actor reo debet, pure debitum sit, id est modo dies solutionis cesserit, & venerit, summo iure inspecto, licet quandoque humanitatis gratia dilatio indulgeatur: puta si  
gamus

gamus Titium actione personali petiisse centū aureos à Sempronio & litem vsque adeo progressam esse, vt Sempronius sit condemnandus. Sempronius ait, se vel reperto chirographo aut instrumento publico aut confessione aduersarii aut testibus fide dignis præsentibus didicisse & certiore factum esse, deberi sibi quinquaginta aureos ab eodem Titio actore, certe iudex potest compensationem admittere & eum tantummodo in quinquaginta aureos actori præstandos condemnare, vna cum vsuris quinquaginta aureorum reliquorum. Quod si iudex auditis partibus compensationem reiecerit, certe necessitas prouocandi incumbet reo, alioqui si sententia in rem iudicatā transierit, reus debitum, quod compensari poterat, nouo iudicio persequi non posset: repelleretur enim exceptione rei iudicatæ. *Hac probantur ex l. si cum militi, in §. vlt. l. si ambo, in §. quoties, D. de compensationibus, l. si autem, §. si quocunque, D. de neg. gest. l. quod in diem, §. 1. D. de compensat. l. 1. §. quod ergo, D. de contraria & vtil. act. tut. l. 4. §. pen. & vlt. C. de compensat. & hoc §. & §. compensationes quoq; infra eod.*

Ea itaq; potestas compensationis rationem habendi iudici dato ante rescriptum D. Marci non permittebatur: Postea tamen D. Marcus permisit, vt exceptio doli mali obiici posset actori compensare nolenti: Postremo Iustinianus hac in re duntaxat, id est, in compensatione eandem naturam omnibus iudiciis imposuit,

tam stricti iuris, quam bonæ fidei, nempe, ut compensatio obiici possit excepto deposito & eo casu, quando per vim alicui res erepta est, & hæc est sententia huius §. & l. final. Cod. de compensat.

§. Præterea quasdam.

Præterea quasdam actiones arbitrarías, id est, ex arbitrio iudicis pendentes appellamus, in quibus nisi arbitrio iudicis is, cum quo agitur, actori satisfaciatur, veluti rem restituat vel exhibeat, vel soluat, vel ex noxali causa servum dedat, condemnari debeat, sed istæ actiones tam in rem, quam in personam inveniuntur. In rem, veluti Publiciana, Serviana de rebus coloni, quasi Serviana, quæ etiam hypothecaria vocatur, in personam, veluti quibus de eo agitur, quod aut metus causa, aut dolo malo factum est. Item cum id, quod certo loco promissum est petitur. Ad exhibendum quoque actio ex arbitrio iudicis pendet. In his enim actionibus & cæteris similibus permittitur iudici ex bono & æquo secundum cuiusq; rei de qua actum est, naturam æstimare, quemadmodum actori satisfieri oporteat.

§. Curatio.

*§. Curare.* Curare autem debet iudex vt omnimodo, quantum possibile ei sit, certæ pecuniæ vel rei sententiam ferat, etiamsi de incerta quantitate apud eum actum sit.

## SUMMARIA.

- 1 *Actiones stricti iuris nō sunt omnes eiusdem prout  
suis qualitatis.*
- 2 *Arbitrariarum actionum natura.*
- 3 *Vnde dicantur arbitrariae.*
- 4 *Non est ea qualitas actionum bonæ fidei.*
- 5 *Omnes in rem actiones sunt arbitrariae.*
- 6 *Non aequaliter in omnibus actionibus in personam iuratur in litem.*
- 7 *Animi perturbationes summæ enumerantur  
quatuor.*
- 8 *Inter quas maxima est metus.*
- 9 *Metus in se habet ignorantiam.*
- 10 *Actio quod metus est actio in rem scripta.*
- 11 *Rei actione quod metus causa conuerti arbitrium.*
- 12 *Hinc eadem actio decretalis dicitur.*
- 13 *Quæ in causa huius cognitione versentur.*
- 14 *Actio quod metus causa famosa est.*
- 15 *Non datur in heredem.*
- 16 *Actio de dolo similis est actioni quod metus causa.*
- 17 *Actio ad exhibendum personalis est & arbitraria.*
- 18 *Cui & aduersus quem detur.*
- 19 *Actio noxalis est arbitraria.*
- 20 *Noxa tribus modis vsurpatur.*

21 *Actio de eo, quod certo loco arbitraria est.*

22 *Causa huius actionis inotroducenda.*

23 *Certa sententia à iudice ferenda est.*

# COMMENTARIUS.

- 1 **A**ctionum stricti iuris quædam † sunt, quæ semper permanent tales, quædam in aliam naturam migrant ex accidenti; nempe propter contumaciam rei conuenti iudicalem, quia reus conuentus arbitrio, id est, iussu & præcepto iudicis de re litigiosa vna cum fructibus, causis & accessionibus restituenda actori non obtemperat. Nam cum talis contumacia semper punienda sit, vt patet ex l. 1. D. si quis ius dicenti non obtemper. æquum visum est, maxime in quibusdam actionibus, quæ ideo arbitrariæ vocantur, vt † iudex datus liberam habeat potestatem, secunda sua sententia definitiua plectendi contumacem, prout ei æquum visum erit, vtpote vel eum condemnandi in quadruplum, vel quanti actor in litem iurauit, aut si videt reum dolo vacare, culpa non vacare condemnandi eum, quanti reuera actoris interest: aut si reus & dolo & culpa vacet eum absolueri potest hoc §. in quo addēda sunt post verba *condemnari debeant* addenda sunt hæc verba *prout iudici videbitur, & hac probantur ex leg. qui restituere, D. de rei vindic. l. arbitrio, D. de dolo malo, l. tutor, D. de in litem iurando, l. item si cum exceptione, §. hac autem actio & seq. D. quod met. causa, l. si quis D. de noxalibus*
- 2



*bus act.* Itaque ex his patet Arbitrarias† actiones ;  
dici ob duplex arbitrium : Primum, qui iussus  
appellatur, vt patet ex § *item actio.* & alterum  
quod est arbitrium hoc est, sententia definiti-  
ua. Quapropter cum † actiones bonæ fidei du- 4  
plex arbitrium non recipiant, licet in illis in li-  
tem iurari possit ; *l. in bonæ fidei, D. de in litem iu-  
rand.* non tamen propterea arbitrariæ vocan-  
tur.

Omnes actiones in rem † sunt arbitrariæ, §  
quando dolus rei conuenti deprehēditur post  
litem motam in re litigiosa non restituenda. Et  
hoc speciali ratione contingit, ne in arbitrio &  
potestate sit rei conuenti retinendi rem actoris  
etiam iusto precio oblato, *l. qui restituere in fine,  
D. de rei vind. l. si fundus, §. in vindicatione, D. de pig.  
l. harum. D. si seruitus vindicetur, l. tutor, D. de in li-  
tem iurando, & l. si cum dos, §. vlt. cum l. seq. D. rerum  
amotarum.*

Neq; enim æquū est, vt quis rem alterius in-  
uito domino retineat etiā iusto precio oblato.  
Nam tenacius & firmitus est ius in re quā ius ad  
rē. At † ex actionib. in personam quædam sunt 6  
in quibus iuratur in litem, etiam si dolus post  
litem motam non intercessit, neque iussus iu-  
dicis interuenerit, vt in omnibus bonæ fidei a-  
ctionibus, ex *l. in actionibus, Digest. de in litem iu-  
rando.*

Aliæ sunt in quibus iuratur in litem, sed non  
nisi iussu iudicis præcedente, & hæ vocantur  
arbitriæ, cuiusmodi sunt Actio quod metus

T § causæ;

causa; de dolo malo; actio ad exhibendum; & actio qua quis conuenitur ex sua promissione, quādo aliquid certo loco dare aut soluere promisit; Item actio noxalis. Ergo vt ad actionem Quod metus causa reuertamur, notandum est quod ait Tullius 4. *Tuscul. quest.* Perturbationes animi quatuor esse, id est, vehementes opinion-  
 7 nes & repentinas, quibus quis à ratione dimo- uetur, nempe ægritudinem, lætitiā gestien- tem, metum & libidinem. Ægritudo est opinio recens præsētis mali, in quo demitti contrahi- que animo rectum esse videatur, licet non sit. Lætitiā est opinio recens præsētis boni, in quo efferri rectum esse videatur, licet non sit. Me- tus est opinio impendentis mali, quod intole- rabile esse videtur. Libido est opinio venturi boni, quod videatur ex vsu iam adesse. Ex his  
 8 quatuor perturbationibus † maior est metus; maiori enim supplicio est hominibus, quam si re ipsa male afficiantur, vt exitus victorum, ser- uorū & exulum docet. Nam si interdum magis quam felices ipsi & comedere & dormire pos- sunt, cum antea non possent ob metum dege- rentque in omni acerbitate ea metuentes, quæ nunc patiuntur, vt docet Xenophon *lib. 3. Pædia Cyri*. Metus igitur recessum quendam animi & fugam efficit; nā sanguis & calor in intima cor- poris tanquam in tutissimum perfugium pene- trat metu illato, ideoq; omnem sapientiam ex animo expectorat, ita vt plerumq; is, qui metū passus est, docere non possit, à quo metū passus sit.

sit. Quare metus† in se ignorantiam habere di- 9  
 citur, neq; in actione quod metus causa perso- 10  
 nam eius qui metum intulit designare necesse  
 est, sed sufficit docere metū illatum esse, & non  
 solum aduersus eum, qui metū intulit, sed etiā  
 aduersus quemcunq; possessorem rei per me-  
 tū ablatae actio quod metus causa cōpetit, ideo-  
 que in rē scripta vocatur, *l. metum autē, §. vlt. l. itē*  
*si cum exceptione, §. in hac act. D. quod met. caus. l. sed*  
*& ex dolo, §. vlt. D. de do. malo.* Itaq; † in hac actio- 11  
 ne quod metus causa reus habet licētiā ( vt &  
 in omnibus arbitrariis) restituendo rem litigio  
 sam condemnationē quadrupli aut quantum a-  
 ctor in litem iurauerit euitandi, itaq; cum satis  
 clementer cum reo p̄tor agat, vt det ei restituē-  
 di facultatem, si velit p̄cā euitare, mirum non  
 est, si reus seuerē puniatur, qui rem malo more  
 per metum extortam restituere non vult, vna  
 cum omni causa, *l. item si cum exceptione. §. 1. & §.*  
*hac autē actio, & l. sed & partus, D. quod met. causa.*  
 Hæc autē actio etiā † decretalis vocatur, q̄ sine 12  
 causæ examinatione & p̄toris decreto non da-  
 tur. Causæ verō cognitio † in duobus versatur, 13  
 in primis, vt si alia actione non famosa actor su-  
 um cōsequi possit, vt hoc non detur, *l. item si*  
*cum §. in causa D. quod met. caus.* Deinde vt perspi-  
 ciatur an metus vanus fuerit; nam tunc hæc a-  
 ctio non datur *l. 3. & seqq. D. quod met. caus. l. penu.*  
*§. vlt. D. eod.*

Cum igitur hæc actio † famosa sit in † hare- 14  
 dem non datur, nisi quatenus ad eum aliquod 15  
 inde

inde emolumentum peruenerit, *l. quod diximus §. ult. & seqq. D. quod met. caus.* Et quæcunq; dicta sunt de actione Quod metus causa eadem fere omnia locum habent in actione DE DOLO.

16 Quisquis enim † metum fecit, & de dolo conueniri potest, *litem sicum, §. eum qui metum, D. quod met. caus.* Nam actio de dolo similiter est personalis ex delicto nascens decretalis & arbitraria, *l. 1. l. & eleganter l. arbitrio, D. de dolo malo & l. 2. C. eod.*

17 Actio AD EXHIBENDVM † similiter est personalis & arbitraria. Est personalis, quia ille qui rem mobilem exhiberi sibi desiderat, forsitan nullum ius in re habet, aut licet habeat non tamen id per hanc actionem ad exhibendum cōsequitur, sed tantum exhibitionem petit, id est, ut res oculis iudicis & suis subiiciatur, ut certior inde fiat; An res, quam vendicare vult, vel qua uti conatur, ea sit, quam existimat esse. Hæc enim actio omnibus † illis competit, quorum peculiariter interest rem exhiberi aduersus omnes eos, qui habent facultatem illā exhibendi, licet non possideant, sed tantum detineant, *l. 1. & seqq. l. 3. §. ult. & seq. l. pen. D. ad exhib. l. 4. 5. & 7. C. eod.*

Est arbitraria, quia cum reus possit officio exhibitionis defungi sine aliquo suo præiudicio lex existimat eum maleuolo animo aut animo rem occultandi exhibitionem subterfugere. Ideoque grauius eum coercet, iusiurandum in litem auctori deferendo. *l. 4. C. ad exhib. & l. in actionib.*

*actionib. D. de in litem iuran.* ACTIO NOXALIS † si- 19  
 militer est arbitraria; nam in litem iuratur ad-  
 uersus dominum serui, qui noxam nocuit, si  
 neque damnum sarcire, neque seruum noxæ,  
 id est, pro peccato dedere velit, sed eius serui  
 possessionem dolo malo amisit, quia cum lex  
 ciuilis cum domino clementer agat, faciendo  
 illi potestatem dedendi seruum noxæ eius in-  
 gratitudinem & contumaciam coercet iusiur-  
 randum in litem actori deferendo. Est autem  
 notandum, vt Festus Pompeius & Nonius Mar-  
 cellus tradunt, Noxam † apud bonos auctores 20  
 tribus modis vsurpari. Aliquando enim noxa  
 pro ipso seruo accipitur, qui nocuit, §. 1. *infra de*  
*noxal. act.* Vnde emanat illa formula loquen-  
 di noxam dedere.

Aliquando accipitur pro pœna, vnde dicitur  
 ad noxam dedere, id est, vltionem & vindictam  
 Aliquando accipitur pro delicto, vt in l. 2. *D. de*  
*noxalib.* & tunc dicitur noxæ seruum dedere, id  
 est pro peccato. *Hac omnia probantur ex l. 1. ex leg.*  
*quoties, ex l. si re, §. vlt. D. de noxalibus, l. 1. §. cum a-*  
*rietes, D. si quadr. pauper. sec. dicet, & §. 1. infra de no-*  
*xal.*

Postrema actio arbitraria, quæ in hoc §. expli-  
 catur est ea, quæ † per excellentiam arbitraria 21  
 sola dicitur alio nomine utilis actio vocatur.  
 Nam si strictum ius intueamur & verba eius,  
 qui promisit, se aliquid soluturum certo loco i-  
 pse alibi conueniri non posset, sed quia insignis  
 est impostura & deceptio, si creditor per eam  
 fraudem

fraudem sibi debitum consequi non posset, id-  
 eo ex æquitate permittitur ipsi creditori actori  
 facultas cōueniendi debitorem alibi, *l. 2. D. de eo  
 quod certo loco*. Quod sane intelligendum est,  
 quando actor de industria voluit, vt certus ille  
 locus adiiceretur solutioni propter lucrum,  
 quod ex commoditate illius loci percipere spe-  
 rabat, quia negotiator erat actor & solit<sup>o</sup> in illo  
 loco negotiari. Quapropter † ob insignem de-  
 bitoris perfidiam bis fidem fallentis, tum ratio-  
 ne temporis tum ratione loci statutum est &  
 iure ciuili cautum, vt reus actori in id, quod in-  
 terest condemnetur, ita vt non solum ratio da-  
 inni sed etiam lucri cessantis habeatur, *l. 2. §. vlt.  
 & seqq. D. de eo quod certo loco*.

Si aliquod horum desit, non ita seuerè agi-  
 tur imò vero tunc reus duobus in locis tantum  
 contineri poterit, id est, in loco domicilii & lo-  
 co solutioni destinato, *l. heres absens, §. vlt. D. de  
 iudiciis, & l. 1. 2. & 3. Dig. de rebus iudic. authorit.*

Ultra actiones hætenus enumeratas sunt al-  
 iæ his similes & arbitrariæ, quando agitur, vt  
 alienata in fraudem creditorum vel patroni re-  
 uocentur. Nam si is in quem alienatio facta est,  
 dolo malo possessionem amiserit aduersus  
 eum in litem iurari poterit, *l. ait prator, §. per  
 hanc, D. quæ in fraud. cred. & l. tenetur, D. si quid in  
 fraud. patron.* In his igitur actionibus arbitrariis,  
 pmittitur iudici dato ex bono & equo iudicare,  
 † tamen † curare debet, vt sententiam certam fe-  
 rat, quatenus natura negotiij patitur, ne litem  
 ex lite

ex lite seruata, l. in sententiis, Digest. de re iudic. l. quod tamen, §. Pomponius. D. de recept. arbitr. & tototit. C. de sent. quæ sine certa quant. proferuntur.

§. Si quis agens.

Si quis agens in intentione sua plus complexus fuerit, quam ad eum pertineat, causa cadebat, id est, re amittebat, nec facile in integrum à prætore restituebatur, nisi minor erat viginti quinque annis. Huic enim, sicut in aliis causis causa cognita succurrebatur, si lapsus iuuentute fuerat, ita & in hac causa succurri solitum erat. Sane si tam magna causa iusti erroris interueniebat, ut etiam constantissimus quisque labi posset, etiam maiori viginti quinque annis succurrebatur, veluti si quis totum legatum petierit, post deinde plati fuerint codicilli, quibus aut pars legati adempta sit, aut quibusdam aliis legata data sint, quæ efficiebant, ut plus petiisse videretur petitor quam dodrantem, atque ideo lege Falcidia legata minuebantur. Plus autem quatuor modis petitur, Re, Tempore, Loco, causa.

Re veluti si quis, pro decem aureis, quæ ei debebantur,

bantur viginti petierit, aut si is cuius ex parteres est, totam eam vel maiore ex parte suam esse intenderit.

Tempore veluti, si quis ante diem vel ante conditionem petierit. Quae ratione enim, qui tardius soluit, quam soluere deberet, minus soluere intelligitur, eadem ratione, qui praemature petit, plus petere videtur.

Loco plus petitur, veluti, cum quis id, quod certo loco sibi stipulatus est, alio loco petit, sine commemoratione illius loci in quo sibi dari stipulatus fuerit. Verbi gratia, si is qui ita stipulatus fuerit. Ephesi dare spondes? Romae pure intendat sibi dari oportere. Ideo autem plus petere intelligitur, quia utilitatem, quam habuit promissor, si Ephesi solueret, adimit ei pura intentione, propter quam causam alio loco petenti arbitraria actio proponitur, in qua scilicet ratio habetur utilitatis, quae promissori competitura fuisset, si illo loco solueret, quae utilitas plerumque in mercibus maxima inuenitur, veluti vino, oleo, frumento, quae per singulas regiones diuersa habent



bent precia. Sed & pecuniæ numeratæ non in omnibus regionibus sub iisdem vfuris fœnorantur. Si quis tamen Ephesi petat, id est eo loco petat, quo vt sibi detur stipulatus est, pura actione recte agat, idque etiam prætor monstrat, scilicet, quia vtilitas soluendi salua est promissori.

— Huic autem, qui loco plus petere intelligitur, proximus est is, quia causa plus petit, vt ecce, si quis ita à te stipuletur, hominem Stichum aut decem aureos dare spondes? deinde alterutrum petat veluti hominem tantum, aut decem aureos tantum. Ideo autem plus petere intelligitur, quia in eo genere stipulationis promissoris est electio, vtrum pecuniam an hominem soluere malit.

Qui igitur pecuniam tantum vel hominem tantum sibi dari oportere intendit, eripit electionem aduersario, & eo modo suam quidem conditionem meliorem facit, aduersarii vero sui deteriore.

Qua de causa talis in ea re prodita est actio vt quis intendat hominem Sti-

V

chum,

chum aut aureos decem sibi dari oportere, id est vt eodem modo peteret, quo stipulatus est. Præterea, si quis generaliter hominem stipulatus sit & specialiter Stichum petat, aut generaliter vinum stipulatus, specialiter Campanum petat aut generaliter purpuram stipulatus sit, deinde specialiter Tyriam petat plus petere intelligitur, quia electionem aduersario tollit, cui stipulationis iure liberum fuit aliud soluere, quam quod peteretur. Quin etiam licet vilissimum sit, quod plus petat, nihilominus plus petere intelligitur, quia sæpe accidit, vt promissori facilius sit illud soluere, q̃ maioris precii est. Sed hæc quidem antea in vlu fuerant, postea autem lex Zenoniana & nostra rem coercuit: Et si quidem tempore plus fuerit petatum, statui oportet, quod Zenonis diuæ memoriæ loquitur constitutio. Sin autem quantitate vel alio modo plus fuerit petatum, omne, si quod forte damnum, vt in sportulis ex hac causa acciderit ei, cōtra quem plus petatum fuerit commissa tripli condemnatione, sicut supra diximus, puniatur.

§. *Si minus.* Si minus in intentione complexus fuerit actor quam ad eū pertineat, veluti si cum ei decem deberentur, quinque sibi dari oportere intenderit aut si cum totus fundus eius esset partē dimidiam suam esse petierit, sine periculo agit, in reliquum enim nihilominus iudex aduersarium in eodem iudicio condemnat ex constitutione diuæ memoriæ Zenonis.

§. *Si quis aliud.* Si quis aliud pro alio intenderit, nihil eum periclitari placet, sed in eodem iudicio cognita veritate errorem suum corrigere ei permittimus, veluti si is, qui hominem Stichum petere deberet, errorem petierit, aut si quis ex testamento sibi dari oportere intenderit, quod ex stipulatu debetur.

## S V M M A R I A.

- 1 *Causa olim cadebat, qui non agebat, ut oportebat.*
- 2 *Quomodo quis non agere dicatur, ut oportet.*
- 3 *Plus petens quomodo puniatur.*
- 4 *Minus petens non periclitatur.*
- 5 *Aliud pro alio petens non periclitatur.*
- 6 *Post litis contestationem variatio non admittitur temere.*

## COMMENTARIUS.

- 1 **O**lim ꝑ ita ius ciuile constitutum erat, vt is qui non quemadmodum oportet egerit à causa caderet; & formula excideret vt docet Cic. *2. de inuen. & in orat. pro Murē. & Suet. in Claud. cas. c. 14.* Is autē dicebatur non quemadmodū oportet egisse, quando ꝑ vel plus, vel minus vel aliud petebat, vel sero vel non ex actione, qua agere debebat, vel non ea lege, vel non his verbis, vel ab alio, quam à quo petere debebat, vti dem Cicero *2. de inuent.* docet. Hic autem tria tantum actoris errata recensentur, videlicet, quando vel plus, vel minus, vel aliena petiit.
- 2 Quando plus ꝑ petiit tempore ea pœna puni-  
tur, vt tempus quod adhuc restat ad soluendum duplicetur; quando plus petit loco; quando petit alibi, quam vbi promissum sit condemnatur in expensas & in id, quod interest rei conuerti, *vers. loco plus.*

Nam tunc habet locum actio arbitraria: quando plus petitur re, vel causa, condemnatur actor in triplum & in omne damnum, quod passus est reus, *versic. sin autem quantitate.* Et hæc de primo errato.

- 4 Nam si ꝑ minus petierat actor ex constitutione Zenonis nullum periculum adit, quia in reliquum iudex condemnabit reum, etiam in eodem iudicio sine noua interpellatione, §. *si minus.* licet antea iure Digestorum id facere non posset iudex, vt probatur ex *l. non potest, D. de iudiciis, l. vt fundus commun. diuid.*

Si † actor aliud pro alio petit, non periclitatur. Nam in eodem iudicio cognita veritate errorem suum corrigere permittitur ei, §. *si quis aliud*, siue eandem rem petat; sed ex causa diuersa vt in *versiculo*, aut si quis, *paragrapho si quis aliud*, vel si diuersam rem petat, & ex diuersa causa, *versiculo veluti si is*, nam si diuersam rem peteret ex diuersa causa, non admitteretur variatio, vt notatur in *leg. edita*, *Codic. de edendo*. tamen semper oportet, vt varians impensas refundat reo.

Præterea † variatio temere non admittitur post litis contestationem, *l. non potest, D. de iudi-* 6  
*ciis*, nisi mutetur qualitas quando vel additur vel detrahitur; tunc enim vsque ad sententiam id facere licet, *l. in delictis. §. si detracta, D. de noxat.*

### §. *Sunt præterea.*

Sunt præterea quædam actiones, quibus non solidum, quod nobis debetur persequimur, sed modo solidum consequimur, modo minus, vt ecce, si in peculium filii seruire agamus. Nam si non minus in peculio sit, quàm persequimur in solidum dominus paterue condēnatur: Si vero minus inueniatur eatenus condemnatur iudex, quatenus in peculio sit. Quemadmodum autem peculium intelligi debeat, suo ordine proponemus.

§. *Item*

*§. Item si de dote.* Item si de dote iudicio mulier agat placet eatenus maritū condemnari debere, quatenus facultates eius patiuntur. Itaq; si dotis quantitati concurrant facultates eius, in solidum damnatur: si minus in tantū quantum facere potest. Propter retētionem quoque dotis repetitio minuitur. Nam ob impēsas in res dotales factas, marito retento concessa est, quia ipso iure necessariis sūtib. dos minuitur, sicut ex latiorib. Digestor. libris cognoscere licet.

*§. Sed et si quis.* Sed et si quis cum parēte suo patronoue agat, item si socius cū socio iudicio societatis agat, non plus actor consequitur, quam aduersarius eius facere potest.

*§. Idem est si quis.* Idem est, si quis ex donatione sua conueniatur.

*§. Compensationes quoq.* Compensationes quoq; oppositæ plerumq; efficiunt, vt minus quisq; cōsequatur, q̄ ei debebatur. Namq; ex bono & æquo habita ratione ei⁹, q̄ inuicē actorē ex eadē causa p̄stare oportet, in reliquū cū, cū quo actū est, condemnare, sicut iam dictū est.

*§. Eum quoq.* Eum quoque, qui creditoribus

toribus suis bonis cessit si postea aliquid adquisierit, quod idoneum emolumentum habeat, ex integro in id, quod facere potest, creditores cum eo experiuntur. Inhumanū enim erat spoliatum fortunis suis in solidum damnari.

## S Y M M A R I A.


- 1 *Non omnibus actionibus actor, quod petit, solidum consequitur.*
- 2 *Quod fit interdum ex natura actionis propositæ, interdum ex accidenti.*

## C O M M E N T A R I V S.

**A**ctionum duplex † est exitus. Nā aliquando contingit, vt actor solidum consequatur, aliquādo solidum non consequitur, & hoc postremum † contingit bifariam, nempe vel ex natura actionis, vt in actionibus de peculio. Nā vltra peculium dominus ex contractu serui, aut pater ex contractu filii non obligantur. Et in actionibus, quibus quis in quantum facere potest condemnatur habita ratione, ne reus conuentus egeat, vt sunt locius, miles armatæ militiæ, maritus aut vxor & similes personæ, quæ enumerantur in l. sunt qui & seqq. D. de re iudic. l. maritum & seqq. D. solut. matrim. Et accidenti aliquando actor solidum non consequitur, quādo vel cōpensatio ei obiicitur, vel reus bonis cedit, de qua cessione bonorum dixi-

mus in tit. D. qui bonis cedere possunt.

F I N I S.



causa; de dolo malo; actio ad exhibendum; & actio qua quis conuenitur ex sua promissione, quādo aliquid certo loco dare aut soluere promisit; Item actio noxalis. Ergo vt ad actionem Quod metus causa reuertamur, norandum est quod ait Tullius 4. *Tuscul. quest.* Perturbationes  
7 animi quatuor esse, id est, vehementes opiniones & repentinas, quibus quis à ratione dimouetur, nempe ægritudinem, lætitiā gestientem, metum & libidinem. Ægritudo est opinio recens præsens mali, in quo demitti contrahi-que animo rectum esse videatur, licet non sit. Lætitiā est opinio recens præsens boni, in quo efferri rectum esse videatur, licet non sit. Metus est opinio impendentis mali, quod intollerabile esse videtur. Libido est opinio venturi boni, quod videatur ex usu iam adesse. Ex his  
8 quatuor perturbationibus † maior est metus; maiori enim supplicio est hominibus, quam si re ipsa male afficiantur, vt exitus victorum, seruatorū & exulum docet. Nam si interdum magis quam felices ipsi & comedere & dormire possunt, cum antea non possent ob metum degerentque in omni acerbitate ea metuentes, quæ nunc patiuntur, vt docet Xenophon *lib. 3. Pædiæ Cyri*. Metus igitur recessum quendam animi & fugam efficit; nā sanguis & calor in intima corporis tanquam in tutissimum perfrugium penetrat metu illato, ideoq; omnem sapientiam ex animo expectorat, ita vt plerumq; is, qui metū passus est, docere non possit, à quo metū passus sit.



sit Quare metus† in se ignorantiam habere di- 9  
 citur, neq; in actione quod metus causa perso- 10  
 nam eius qui metum intulit designare necesse  
 est, sed sufficit docere metum illatum esse, & non  
 solum aduersus eum, qui metum intulit, sed etiam  
 aduersus quemcunq; possessorem rei per me-  
 tum ablatae actio quod metus causa competat, ideo-  
 que in re scripta vocatur, *l. metum autē, §. vlt. l. item*  
*si cum exceptione, §. in hac act. D. quod met. caus. l. sed*  
*& ex dolo, §. vlt. D. de do. malo.* Itaq; † in hac actio- 11  
 ne quod metus causa reus habet licetiam (vt &  
 in omnibus arbitrariis) restituendo rem litigio  
 sam condemnationē quadrupli aut quantum a-  
 ctor in litem iurauerit euitandi, itaq; cum satis  
 clementer cum reo p̄tor agat, vt det ei restituē-  
 di facultatem, si velit p̄nā euitare, mirum non  
 est, si reus seuerè puniatur, qui rem malo more  
 per metum extortam restituere non vult, vna  
 cum omni causa, *l. item si cum exceptione. §. 1. & §.*  
*hac autē actio, & l. sed & partus, D. quod met. causa.*  
 Hæc autē actio etiā † decretalis vocatur, q̄ sine 12  
 causæ examinatione & p̄toris decreto non da-  
 tur. Causæ verò cognitio † in duobus versatur, 13  
 in primis, vt si alia actione non famosa actor su-  
 um consequi possit, vt hoc non detur, *l. item si*  
*cum §. in causa D. quod met. caus.* Deinde vt perspi-  
 ciatur an metus vanus fuerit; nam tunc hæc a-  
 ctio non datur *l. 3. & seqq. D. quod met. caus. l. penu.*  
*§. vlt. D. eod.*

Cum igitur hæc actio † famosa sit in † hære- 14  
 dem non datur, nisi quatenus ad eum aliquod 15  
 inde

inde emolumentum peruenerit, *l. quod diximus §. ult. & seqq. D. quod met. caus.* Et quæcunq; dicta sunt de actione Quod metus causa eadem fere omnia locum habent in actione DE DOLO.

- 16 Quisquis enim † metum fecit, & de dolo conueniri potest, *litem sicum, §. eum qui metum, D. quod met. caus.* Nam actio de dolo similiter est personalis ex delicto nascens decretalis & arbitraria, *l. 1. l. & eleganter l. arbitrio, D. de dolo malo & l. 2. C. eod.*

- 17 Actio AD EXHIBENDVM † similiter est personalis & arbitraria. Est personalis, quia ille qui rem mobilem exhiberi sibi desiderat, forsitan nullum ius in re habet, aut licet habeat non tamen id per hanc actionem ad exhibendum consequitur, sed tantum exhibitionem petit, id est, ut res oculis iudicis & suis subiiciatur, ut certior inde fiat; An res, quam vendicare vult, vel qua uti conatur, ea sit, quam existimat esse. Hæc enim actio omnibus † illis competit, quorum peculiariter interest rem exhiberi aduersus omnes eos, qui habent facultatem illā exhibendi, licet non possideant, sed tantum detineant, *l. 1. & seqq. l. 3. §. ult. & seq. l. pen. D. ad exhib. l. 4. 5. & 7. C. eod.*

Est arbitraria, quia cum reus possit officio exhibitionis defungi sine aliquo suo præiudicio lex existimat eum maleuolo animo aut animo rem occultandi exhibitionem subterfugere. Ideoque grauius eum coercet, iusiurandum in litem auctori deferendo. *l. 4. C. ad exhib. & l. in actionib.*

*actionib. D. de in litem iuran. ACTIO NOXALIS* † *fi.* 19  
militer est arbitraria; nam in litem iuratur ad-  
uersus dominum serui, qui noxam nocuit, si  
neque damnum sarcire, neque seruum noxæ,  
id est, pro peccato dedere velit, sed eius serui  
possessionem dolo malo amisit, quia cum lex  
ciuilis cum domino clementer agat, faciendo  
illi potestatem dedendi seruum noxæ eius in-  
gratitudinem & contumaciam coercet iusiur-  
randum in litem actori deferendo. Est autem  
notandum, vt Festus Pompeius & Nonius Mar-  
cellus tradunt, Noxam † apud bonos auctores 20  
tribus modis vsurpari. Aliquando enim noxa  
pro ipso seruo accipitur, qui nocuit, §. 1. *infra de*  
*noxal. act.* Vnde emanat illa formula loquen-  
di noxam dedere.

Aliquando accipitur pro pœna, vnde dicitur  
ad noxam dedere, id est, vltionem & vindictam  
Aliquando accipitur pro delicto, vt in l. 2. *D. de*  
*noxalib.* & tunc dicitur noxæ seruum dedere, id  
est pro peccato. *Hac omnia probantur ex l. 1. ex leg.*  
*quoties, ex l. si re, §. vlt. D. de noxalibus, l. 1. §. cum a-*  
*rietes, D. si quadr. pauper. sec. dicet, & §. 1. infra de no-*  
*xal.*

Postrema actio arbitraria, quæ in hoc §. expli-  
catur est ea, quæ † per excellentiam arbitraria 21  
sola dicitur alio nomine utilis actio vocatur.  
Nam si strictum ius intueamur & verba eius,  
qui promisit, se aliquid soluturum certo loco i-  
pse alibi conueniri non posset, sed quia insignis  
est impostura & deceptio, si creditor per eam  
fraudem

fraudem sibi debitum consequi non posset, id-  
 eo ex æquitate permittitur ipsi creditori actori  
 facultas cōueniendi debitorem alibi, *l. 2. D. de eo  
 quod certo loco*. Quod sane intelligendum est,  
 quando actor de industria voluit, vt certus ille  
 locus adiceretur solutioni propter lucrum,  
 quod ex commoditate illius loci percipere spe-  
 rabat, quia negotiator erat actor & solit<sup>9</sup> in illo  
 1 2 loco negotiari. Quapropter † ob insignem de-  
 bitoris perfidiam bis fidem fallentis, tum ratio-  
 ne temporis tum ratione loci statutum est &  
 iure ciuili cautum, vt reus actori in id, quod in-  
 terest condemnetur, ita vt non solum ratio da-  
 inni sed etiam lucri cessantis habeatur, *l. 2. §. vlt.  
 & seqq. D. de eo quod certo loco*.

Si aliquod horum desit, non ita seuerè agi-  
 tur imò vero tunc reus duobus in locis tantum  
 conteneri poterit, id est, in loco domicilii & lo-  
 co solutioni destinato, *l. hares absens, §. vlt. D. de  
 iudiciis, & l. 1. 2. & 3. Dig. de rebus iudic. authorit.*

Ultra actiones hæcenus enumeratas sunt al-  
 iæ his similes & arbitrariæ, quando agitur, vt  
 alienata in fraudem creditorum vel patroni re-  
 uocentur. Nam si is in quem alienatio facta est,  
 dolo malo possessionem amiserit aduersus  
 eum in litem iurari poterit, *l. ait prator, §. per  
 hanc, D. quæ in fraud. cred. & l. tenetur, D. si quid in  
 fraud. patron.* In his igitur actionibus arbitrariis,  
 pmittitur iudici dato ex bono & equo iudicare,  
 2 3 tamen † curare debet, vt sententiam certam fe-  
 rat, quatenus natura negotiij patitur, ne litem  
 ex lite

ex lite seruata, l. in sententiis, Digest. de re iudic. l. quod tamen, §. Pomponius. D. de recept. arbitr. & tototit. C. de sent. qua sine certa quant. proferuntur.

§. Si quis agens.

Si quis agens in intentione sua plus complexus fuerit, quam ad eum pertineat, causa cadebat, id est, re amittebat, nec facile in integrum à prætore restituebatur, nisi minor erat viginti quinque annis. Huic enim, sicut in aliis causis causa cognita succurrebatur, si lapsus iuuentute fuerat, ita & in hac causa succurri solitum erat. Sane si tam magna causa iusti erroris interueniebat, ut etiam constantissimus quisque, labi posset, etiam maiori viginti quinque annis succurrebatur, veluti si quis totum legatum petierit, post deinde plati fuerint codicilli, quibus aut pars legati adempta sit, aut quibusdam aliis legata data sint, quæ efficiebant, ut plus petiisse videretur petitor quam dodrantem, atque ideo lege Falcidia legata minuebantur. Plus autem quatuor modis petitur, Re, Tempore, Loco, causa.

Re veluti si quis, pro decem aureis, quæ ei debebantur,

bantur viginti petierit, aut si is cuius ex parteres est, totam eam vel maiore ex parte suam esse intenderit.

Tempore veluti, si quis ante diem vel ante conditionem petierit. Qua ratione enim, qui tardius soluit, quam solvere deberet, minus solvere intelligitur, eadem ratione, qui præmature petit, plus petere videtur.

Loco plus petitur, veluti, cum quis id, quod certo loco sibi stipulatus est, alio loco petit, sine commemoratione illius loci in quo sibi dari stipulatus fuerit verbi gratia, si is qui ita stipulatus fuerit. Ephesi dare spondes? Romæ pure intēdat sibi dari oportere. Ideo autem plus petere intelligitur, quia vtilitatem, quā habuit promissor, si Ephesi solueret, adimit ei pura intentione, propter quam causam alio loco petenti arbitraria actio proponitur, in qua scilicet ratio habetur vtilitatis, quæ promissori competitura fuisset, si illo loco solueret, quæ vtilitas plerumque in mercibus maxima inuenitur, veluti vino, oleo, frumento, quæ per singulas regiones diuersa habent

bent precia. Sed & pecuniæ numeratæ non in omnibus regionibus sub iisdem vfuris fœnorantur. Si quis tamen Ephesi petat, id est eo loco petat, quo vt sibi detur stipulatus est, pura actione recte agat, idque etiam prætor monstrat, scilicet, quia vtilitas soluendi salua est promissori.

— Huic autem, qui loco plus petere intelligitur, proximus est is, quia causa plus petit, vt ecce, si quis ita à te stipuletur, hominem Stichum aut decem aureos dare spondes? deinde alterutrum petat veluti hominem tantum, aut decem aureos tantum. Ideo autem plus petere intelligitur, quia in eo genere stipulationis promissoris est electio, vtrum pecuniam an hominem soluere malit.

Qui igitur pecuniam tantum vel hominem tantum sibi dari oportere intendit, eripit electionem aduersario, & eo modo suam quidem conditionem meliorem facit, aduersarii vero sui deteriolem.

Qua de causa talis in ea re prodita est actio vt quis intendant hominem Stichum,

V

chum,

chum aut aureos decem sibi dari oportere, id est vt eodem modo peteret, quo stipulatus est. Præterea, si quis generaliter hominem stipulatus sit & specialiter Stichum petat, aut generaliter vinum stipulatus, specialiter Campanum petat aut generaliter purpuram stipulatus sit, deinde specialiter Tyriam petat plus petere intelligitur, quia electionem aduersario tollit, cui stipulationis iure liberum fuit aliud soluere, quam quod peteretur. Quin etiam licet vilissimum sit, quod plus petat, nihilominus plus petere intelligitur, quia sæpe accidit, vt promissori facilius sit illud soluere, q̃ maioris precii est. Sed hæc quidem antea in vſu fuerant, postea autem lex Zenoniana & nostra rem coercuit: Et si quidem tempore plus fuerit petitum, statui oportet, quod Zenonis diuæ memoriæ loquitur constitutio Sin autem quantitate vel alio modo plus fuerit petitum, omne, si quod forte damnum, vt in sportulis ex hac causa acciderit ei, cōtra quem plus petitum fuerit commissa tripli condemnatione, sicut supra diximus, puniatur.



*§. Si minus.* Si minus in intentione complexus fuerit actor quam ad eū pertineat, veluti si cum ei decem deberentur, quinque sibi dari oportere intenderit aut si cum totus fundus eius esset partē dimidiam suam esse petierit, sine periculo agit, in reliquum enim nihilominus iudex aduersarium in eodem iudicio condemnat ex constitutione diuæ memoriæ Zenonis.

*§. Si quis aliud.* Si quis aliud pro alio intenderit, nihil eum periclitari placet, sed in eodem iudicio cognita veritate errorem suum corrigere ei permittimus, veluti si is, qui hominem Stichum petere deberet, errorem petierit, aut si quis ex testamento sibi dari oportere intenderit, quod ex stipulatu debetur.

## S V M M A R I A.

- 1 *Causa olim cadebat, qui non agebat, ut oportebat.*
- 2 *Quomodo quis non agere dicatur, ut oportet.*
- 3 *Plus petens quomodo puniatur.*
- 4 *Minus petens non periclitatur.*
- 5 *Aliud pro alio petens non periclitatur.*
- 6 *Post litis contestationem variatio non admittitur temere.*

## COMMENTARIVS.

- 1 **O**Lim ꝑ ita ius ciuile constitutum erat, vt is qui non quemadmodum oportet egerit à causa caderet; & formula excideret vt docet Cic. *2. de inuen. & in orat. pro Murē. & Suet. in Claud. c. 14.* Is autē dicebatur non quemadmodū oportet egisse, quando ꝑ vel plus, vel minus vel aliud petebat, vel sero vel non ex actione, qua agere debebat, vel non ea lege, vel non his verbis, vel ab alio, quam à quo petere debebat, vt idem Cicero *2. de Inuent.* docet. Hic autem tria tantum actoris errata recensentur, videlicet, quando vel plus, vel minus, vel aliena petiit.
- 2 Quando plus ꝑ petiit tempore ea pœna puni-  
tur, vt tempus quod adhuc restat ad soluendum duplicetur; quando plus petit loco; quando petit alibi, quam vbi promissum sit condemnatur in expensas & in id, quod interest rei conuenti, *vers. loco plus.*

Nam tunc habet locum actio arbitraria: quando plus petitur re, vel causa, condemnatur actor in triplum & in omne damnum, quod passus est reus, *versic. sin autem quantitate.* Et hæc de primo errato.

- 4 Nam si ꝑ minus petierat actor ex constitutione Zenonis nullum periculum adit, quia in reliquum iudex condemnabit reum, etiam in eodem iudicio sine noua interpellatione, §. *si minus.* licet antea iure Digestorum id facere non posset iudex, vt probatur ex *l. non potest, D. de iudiciis, l. vt fundus commun. diuis.*

Si † actor aliud pro alio petit, non periclitatur. Nam in eodem iudicio cognita veritate errorem suum corrigere permittitur ei, §. *si quis aliud*, siue eandem rem petat; sed ex causa diuersa vt in versiculo, aut si quis, paragrafo si quis aliud, vel si diuersam rem petat, & ex diuersa causa, versiculo *veluti si is*, nam si diuersam rem peteret ex diuersa causa, non admitteretur variatio, vt notatur in leg. edita, Codic. de edendo. tamen semper oportet, vt varians impensas refundat reo.

Præterea † variatio temere non admittitur post litis contestationem, l. *non potest*, D. de iudiciis, nisi mutetur qualitas quando vel additur vel detrahitur; tunc enim vsque ad sententiam id facere licet, l. *in delictis*. §. *si detracta*, D. de noxal.

### §. Sunt præterea.

Sunt præterea quædam actiones, quibus non solidum, quod nobis debetur persequimur, sed modo solidum consequimur, modo minus, vt ecce, si in peculium filii seruive agamus. Nam si non minus in peculio sit, quàm persequimur in solidum dominus paterue condénatur: Si vero minus inueniatur eatenus condemnatur iudex, quatenus in peculio sit. Quemadmodum autem peculium intelligi debeat, suo ordine proponemus.

§. Item

*§. Item si de dote.* Item si de dote iudicio mulier agat placet eatenus maritū condemnari debere, quatenus facultates eius patiuntur. Itaq; si dotis quantitati concurrant facultates eius, in solidum damnatur: si minus in tantū quantum facere potest. Propter retētionem quoque dotis repetitio minuitur. Nam ob impēsas in res dotales factas, marito retento concessa est, quia ipso iure necessariis sūtib. dos minuitur, sicut ex latiorib. Digestor. libris cognoscere licet.

*§. Sed et si quis.* Sed et si quis cum parēte suo patronoue agat, item si socius cū socio iudicio societatis agat, non plus actor consequitur, quam aduersarius eius facere potest.

*§. Idem est si quis.* Idem est, si quis ex donatione sua conueniatur.

*§. Compensationes quoq;.* Compensationes quoq; oppositæ plerumq; efficiunt, ut minus quisq; cōsequatur, q̄ ei debebatur. Namq; ex bono & æquo habita ratione ei⁹, q̄ inuicē actorē ex eadē causā p̄stare oportet, in reliquū eū, cū quo actū est, condemnare, sicut iam dictū est.

*§. Eum quoq;.* Eum quoque, qui creditoribus

toribus suis bonis cessit si postea aliquid adquisierit, quod idoneum emolumentum habeat, ex integro in id, quod facere potest, creditores cum eo experiuntur. Inhumanū enim erat spoliatum fortunis suis in solidum damnari.


## S V M M A R I A.

- 1 *Non omnibus actionibus actor, quod petit, solidum consequitur.*
- 2 *Quod fit interdum ex natura actionis proposita, interdum ex accidenti.*

## C O M M E N T A R I V S.

**A**ctionum duplex † est exitus. Nā aliquando contingit, vt actor solidum consequatur, aliquādo solidum non consequitur, & hoc postremum † contingit bifariam, nempe vel ex <sup>2</sup> natura actionis, vt in actionibus de peculio. Nā vltra peculium dominus ex contractu serui, aut pater ex contractu filii non obligantur. Et in actionibus, quibus quis in quantum facere potest condemnatur habita ratione, ne reus conuentus egeat, vt sunt socius, miles armatæ militiæ, maritus aut vxor & similes personæ, quæ enumerantur in *l. sunt qui & seqq. D. de re iudic. l. maritum & seqq. D. solut. matrim.* Et accidenti aliquando actor solidum non consequitur, quādo vel cōpensatio ei obiicitur, vel reus bonis cedit, de qua cessione bonorum diximus in *tit. D. qui bonis cedere possunt.*


F I N I S.



My dear Sir,  
I have the honor to acknowledge the receipt of your letter of the 10th inst. in relation to the  
affairs of the [illegible] and in reply to inform you that the same have been  
forwarded to the proper authorities for their consideration. I am, Sir,  
very respectfully,  
Your obedient servant,  
[illegible signature]













14 OTT. 1974

